

HERMANNI CONRINGII
CENSURA DIPLOMATIS
QUOD LUDOVICO IM-
PERATORI

fert acceptum

COENOBIIUM LINDAVIENSE.

Qua simul res Imperii & Regni Francorum Eccle-
siasticæ ac Civiles, seculi cumprimis
Carolingici, illustrantur.



HELMESTADII

Typis & sumptibus HENNINGI MVLLERI
Academiae Juliae Typographi.

CIO IDC LXXII.

Cum privilegio perpetuo.

SYMMA PRIVILEGIORVM.

CAutum est interregni tempore Privilegiis Serenissimorum Potentissimorumque S.R.I. Vicariorum, ne quis unquam libros Hermannij Conringij curâ scriptos vel editos, citra ejus heredumque consensum, intra limites Vicariatuum inprimat, aut alibi impressos divendat: pœna delinquentibus dicta amissionis omnium ejusmodi librorum & solutionis decem marcarum auri. Prout latius definitur ipsis Privilegiarum tabulis.



LIBERAE URBIS IMPERIALIS
LINDAVIÆ
NOBILISSIMIS AMPLISSIMIS
ET PRUDENTISSIMIS
CONSULIBVS AC SE-
NATORIBVS,

totique inclutæ reipublicæ,

omnigenam felicitatem
precatur

HERMAN. CONRINGIVS.



Extus jam decimus annus agitur, quum
missis huc & grandi opere Heideriano
& Cœnobialibus Vindiciis, rogatus
sum sententiam, de controversa Diplo-
matis illius auctoritate, quod Illustre in Urbe

Vestra situm Cœnobium , quasi à Ludovico Imperatore ante octingentos annos conditum, esse aliquamdiu voluit pro norma potissima suæ iniquæ causæ. Perlustravi tunc quæ isthuc facere visa sunt , & expendi eo quo par erat studio omnia: nec dubitavi, probatis ab amplissimo Heidero vestro disputatis , etiam ipsemet Diploma illud falsi & imposturæ, rejectis quamlibet argutis & speciosis Hyperaspistæ Cœnobitici ad Heideriana responsionibus , jam tum condemnare. Quum rationes sententiæ illius meæ charta comprehendere inque lucem edere itidem postularer, etiam istum laborem haud defugere justum existimans , propediem me illud facturum fui pollicitus. Quin & otium aliquod tunc nactus inœpi calamum operi admove. Verum ille statim denuo manu est excussus: & ea tempora me deinceps exceperunt, ut de illo quidem nomine expungendo tantum non desperaverim. Quoties tamen vel libros traditos aspexi, vel accepi literas Vestras promissam operam exposcentes, commotus fateor sum animo, cumq; meis laboribus & molestiis quasi exposulavi, quod fidem præstare prohiberent. Proximo

mo tandem Februario nonnihil præter solitum
nactus liberioris otii: non sine arcanâ delectatione,
quod tandem aliquando alieno me ære, ut sic dicam,
solvere, & virum hac etiam in re bonum agere
liceret, fidei datæ cætera (quod sine jactantia dixe-
rim) si quis alius servantissimus, tempus vacuum
cœpi argumento huic impendere. Ex eo horis
succisivis denique nata est hæc Diplomatis Censu-
ra, quod illa quæ antehac conscripseram pridem pe-
riissent. Spero autem vel nunc promissis stanti, longæ
nimium moræ culpam Vos condonaturos: præ-
fertim quandoquidem & deprecor, & simul ju-
stissimis excusationibus haud equidem sum destitu-
tus. Sed & à Cœnobialibus Vindiciis nihil hæcte-
nus fuit periculi Heiderianæ adversus Diplomatis
existimationem institutæ disputationi. Saltem
non apud eos, qui Carolovingici ævi rerum sunt
gnari, quique procul odio & amore utrinque agi-
tata justo examine arbitrari haud gravati sunt. Re-
cte enim quidem ac prudenter S. Augustinus. *Res*
falsa & inanis, nisi corrigatur, habet nonnunquam
fidem: multique sunt homines judicii parum fir-
mi, qui nihil audiunt leguntve, quod non credant
): (3 *nisi*

nisi refutatum sciant. Igiturq; agnosco etiam ipse-
met, multos ex vulgo sequius indubie suspicatos
de mota Diplomati à primo Heidero integritatis
controversia, eosq; in Cœnobii partem factos esse
pronos tantùm quod viderint ejus Hyperaspistica,
etsi non inspexerint multo minus quàm æquum est
curâ legerint. At *vanas populi voces audien-*
das non esse, pridem est sapientibus notum; &
in vita satis est, hisce solis non displicere: ab omni-
bus sane probari frustra expectaveris. In ipso
præterea Cæsareo foro ita sacrum illud *σόφισμα*
Cœnobialis Hyperaspistæ de Ludovici Germanici
Imperatorio titulo, ut & alia ejus callida effu-
gia excepta sunt, ut Caussidici Cœnobii ne qui-
dem hisce amplius fidere fuerint ausi, & Augusti ju-
dices tanquam vana isthæc omnia spreverint. Ta-
met si igitur justo tardius ego nunc faciam officium,
absque tamen inclytæ Urbis Vestræ detrimento est
saltim hætenus silentium meum. Imo hujus mei
operis nec imposterum ego alium fructum fore
arbitror, quàm uti justissima libertatis Vestræ causa
undequaue, etiam in populo, omnem iniquam
suspicionem effugiens, optime audiat. Enimve-
rò

rò Diploma istud si non unice saltim præcipue est, quantum judico, in id confictum, circa confinia (nisi fallor) duodecimi & tertiidecimi seculi, quo tempore Urbis Vestræ felicior pristino status invidos Cœnobii oculos cæpit urere, ut specioso antiqui juris prætextu partæ non ita pridem libertati vis fieret, & in Brigantini vicem Cœnobium Urbi imperaret. Plane quemadmodum immanis ille equus olim in Trojæ *fabricata est machina muros*. Nec sanè deest, fateor & ego, color juris: si Diploma à Ludovico sit Imperatore conditum, in universam insulam, adeoque & in Urbem Vestram Cœnobio saltim quondam imperium competiisse. Saltim, ajo, quondam. Ineptus namque est & iniquus Cœnobii conatus, obtentu illius Diplomatis vincere velle, etiam omni pòst tempore hucusque jus illud priscum fuisse atque esse integrum. Quis enim ignorat, ut aliarum omnium rerum ita & jurium magnam esse vicissitudinem? Ac proinde neutiquam fas esse, sola veterum tabularum vi prisca quæque sibi vindicare, si non eorundem possessio manserit reliqua. Liquidissimè autem non semel jam du-

dudum in magno vestro Heideriano opere est demonstratum, ea quæ scuto Diplomatis munitum sibi arrogat in Urbem Vestram Cœnobium, ab aliquot jam seculis extra possessionem ejus fuisse. Imò quod caput est, ab omni retro memoria, Cœnobio in Vestram inclutam Urbem nec minimum fuisse prætensi dominii. Eâ sane de causa sperato effectu caruit hætenus Diplomatis commentum: carebit etiam posthac, quamdiu quidem recto & æquo sua manebit auctoritas. Multo minus autem potest ergo pro normâ rerum Diploma, quamvis nævo omni destitutum, etiam nunc admitti. Haud tamen extra suspicionem possit esse Urbs Vestra, fateor, fraudati per injuriam Cœnobii prisco suo in universam insulam imperio, si quidem Diploma sese recte habeat. Et vero ea in re videre est deceptos viros quoque doctos & sapientes. Ut igitur non extra culpam duntaxat sed opinionem quoque culpæ incluta Urbs Vestra sit, interest uti in omnium conscientiam veniat jactati adeo Diplomatis falsitas. Hoc unicum sane hinc expectari potest: nihil autem præterea, si ex vero quidem rem æstimemus. Nec Hyperaspista Cœnobiticus
quâ

quâ aliâ parte nocere vobis potuit, quàm majorum
vestrorum integræ famæ læsione, quamvis ex voto il-
li successisset Diplomatis defensio. Quemadmodum
autem in universum viri cujuslibet boni est, omni
studio etiam in id eniti, ut quantum fieri potest, ne
quidem in suspitione vivat ullius sceleris: sic fortu-
nata undiq; Urbe Vestra dignam rem agitis, quodd e
majoribus etiam Vestris aliquid sinistri quenquam
opinari haud permittatis. Et vero ingente omnium
rerum felicitate illustrem Vestram Urbem Deus
beavit; quando sine omni in Germania nostra
exemplo sedem illi dedit in divite insula, & qui-
dem eo loco, ut omnium rerum copia non ex
vicinia duntaxat Brigantini lacus, sed ex Helvetia
& Suevia, omniq; adeo veteri Vindelicia & Norico,
imo etiam ex Italia, ad vos abunde prompteq; af-
fluat, & vicissim in omnes illas aliasq; terras frequen-
tissimis commerciis vestris devehatur: quando item
inclytam civitatem Vestram aliquot jam seculis
evexit ad eminentem illam liberarum Imperii Ur-
bium dignitatem: cum primis verò dum religiosa
pietate populum Vestrum omnem instituit, & pru-
dēte Senatu tranquille hætenus moderatur. Magna

);();(

sanct

sane hæc sunt divinæ in Vos benignitatis documen-
ta. Quibus accessit haud leve illud, quod in mediis
feralis belli Germanici fluctibus, nulla Vos hostilis
violen tia populata sit; quodque Cœnobiales inju-
riæ, quæ potentia aliorum subnixæ ingens mina-
bantur malum, pace & lege publica iterum sint com-
pressæ, pristino Vobis reddito in subditos imperio.
Tantam igitur felicitatem turbari calumniis, obten-
tu commentitii Diplomatis sparsis, indignum utiq;
fuerit. Me sane laesa innocentia vestra nunquam
non commovit; hisce proximis mensibus præci-
pue calcar addidit, & stimulavit ad defensionem
eo majore cura & diligentia instituendam, quo
major Cœnobialium fautorum fuit de Hyperaspisti-
ci libri robore jactantia. Non dubito autem,
post Heiderianam præclaram hoc etiam in argu-
mento præstitam operam, Diploma omne ita jam
confossum abs me esse, ut in posterum nunquam
sit orcinum caput iterum erecturum. Non enim
quidem vestigia omnia Cœnobitici Hyperaspistæ
secutus fui, ac proinde non nisi quadam tetigi eo-
rum quæ prolixè in libro à pagina septima decima
usque ad nonagesimam quartam variis appendi-
cibus

cibus sunt agitata ; præterii tamen illa duntaxat ideo, quoniam à negotio Diplomatis plane divagantur, indecens autem sit in parergis occupari, præsertim si illa jam agitare nullum operæ fuerit pretium. Sunt autem meo quidem iudicio, tantum non omnia isthæc, præterquam quod ad Diplomatis defensionem nihil faciant, frivola & nullius momenti. Si placuerit tamen Cœnobialibus, non solum Diplomatis causa pænitere, habebunt fortè & hi illorum conatus propediem quo in ruborem adigantur. Cæterum in Diplomatis censura, quod mihi negotii nunc solum esse datum credidi, & Heideriana argumenta plæraque (quædam enim neglexi, ut minus Hyperaspistæ Cœnobiali fastidii creem) vindicavi pariter roboraviq̃ue, & complura nova ex meâ, ut ita loquar, pharetra deprompsi. Ultra illa autem quidquam adferre, frustra arbitror futurum. Quoniam verò omnia in Vestræ inclutæ civitatis existimationem, Vestroque instinctu elaboravi, Vobis cumprimis, teu par est, illa nunc offero dedicoque. Sed & confido haud ingratum futurum hoc quicquid est exigui quamvis muneris, saltem argumento, & meo in Civitatem Ve-

stram studio. Quo nemini temere cedere ætatem
omnem equidem allaborabo. Deum interim sup-
plex venerabor, uti quemadmodum hactenus ita
porro felicitate omnigena illustrem rempublicam
Vestram pergat prosequi.

Helmstädti in Acad. Julia xii Julii
Anno cix dñe lxxii.

INDEX

INDEX CAPITVM.

- CAPUT I. *Historia & status controversiæ. Heideriana de Diplomate Cænobii Lindaviensis sententia approbatur. Nec tamen fas esse, ut propterea Cænobium illud cuiquàm succenseat: sed componere sese illud debere ad exemplum Romanæ Curia.* Pag. 1
- CAPUT II. *Diploma Ludovicianum proponitur: quale illud ab ipsomet Hyperassista publicato est libro exhibitum.* 3
- CAPUT III. *Varia Ludovici Pii Imperatoris sacra Diplomata, ad quæ Cænobiale erit examinandum.* 11
- CAPUT IV. *Diplomata complura Ludovici Germaniæ Regis, filii Pii Imperatoris, quem Cænobialis vindex vult esse conditorem controversi Diplomatis, proposita, uti cum iis possit illud Lindaviense comparari.* 25
- CAPUT V. *Nec Ludovicum Pium, nec Ludovicum Lotharii filium, qui soli seculo Christiano nono Imperatores audierunt, adeoq, nullum Ludovicum Imperatorem, Cænobiale Diploma condidisse. In nonnullis tamen referre illud Ludovici Pii diplomata, cum primis ea quæ anno Imperii xxvi sunt lata, ac proinde etiam hoc ipso commissum falsi crimen prodere.* 65
- CAPUT VI. *Ludovicum Pii filium nec fuisse nec audisse, vivo quidem Lotharii filio Ludovico, Imperatorem: proptereaq, Diploma illud Cænobiale non esse Ludovici illius, astruitur contra Hyperassistam.* 78
- CAPUT VII. *A nonnullis scriptoribus Germanicum*
): : (3 *Ludo-*

Ludovicum Pii filium Imperatorio cognomento esse
quidem appellatum, sed per errorem, & demum a se-
culo uirg. undecimo. In eodem errore autem hæsisse
ipsum quoq. Diplomatis Cænobialis fabricatorem; ac
proinde illud aliquot demum post Ludovicum, cuius
nomine est promulgatum, seculis esse consuetum. 103

CAPUT II. Præterquam quod non Germanici sed Pii
Ludovici, atque adeo alieno Sigillo & Manus signo,
Diplomati Lindavienfi sit subscriptum, falsò referre
illud, se conditum anno Ludovici Germanici vicesi-
mo sexto, aut Dominico octingentesimo sexagesimo
sexto, ostenditur certissimis indiciis. Quoniam sci-
licet illo anno, Comes Palatii non Adalbertus sed Ans-
fridus: Archiepiscopus non Hugo sed VVigarius:
huius Vicarius non Hirminritus sed Albertus Subdia-
conus: nec Polami Ludovicus versatus: Indictio item
non secunda sed quarta decima, fuerit. 122

CAPUT IX. Contra quam Diploma dicit de Adalber-
to unico conditore Cænobii, demonstratur fuisse tres
conditores: interque eos neminem Adalbertum appel-
latum aut Comitem Palatii fuisse. 132

CAPUT X. Famam de Adalberto conditore Cænobii uni-
ce natam esse ex Diplomate. Quæcunq. autem de illo si-
ve Hyperaspista siue alii scriptores referant, baud ni-
ti ullo aliquo veteris ævi testimonio, sed meras esse
zerras aut inanes conjecturas: in uniuersum & sibi mu-
tuo, & ipsæ etiam Diplomatis fabulæ illa aduersari. 146

CAPITIS X Pars Altera. Examen septem de Adalberto perque eum condito Cœnobio narrationum. 159

CAPUT XI. Neminem ætate veterum Francorum Regum aut Imperatorum audisse Comitem SACRI Palatii. Quum tamen in Diplomate ita usurpetur Adalbertus. indicia id certo esse. non illud Diploma confectum seculo Christiano novo. per autem verosimile. ab impostore esse fabricatum post tempora demique Frederici primi Imperatoris. Ingens porro discrimen esse. inter Comites Palatii et Comites Palatinæ provinciarum. demonstratur adversus Hyperbissum et alios. 185

CAPUT XII. Circa eos. quorum intercessione privilegium esse datum refert Diploma. duo falsi crimina impostoræ commisisse: alterum quasi Imperator Episcopos titulo ILLUSTRIUM appellaverit. alterum quasi intercessorum unus fuerit Rabanus Maurus Archiepiscopus Moguntinus. 205

CAPUT XIII. Falsò in Diplomate asserti. quod iam tum Cœnobium fuerit situm in insula. ibiq. initio statim constructum. illud enim post domum. seculo Christi decimo. in insulam translatum. antehac autem alibi fuisse conditum. 228

CAPUT XIV. Falsò in Diplomate affirmari. jam illo tempore Cœnobium esse dictum Lindargiam. Illud enim nomen aliquot de mum post seculis. nec nisi rarò. ceptissè etiam Cœnobio attribui. cum fuisset antehac. soli insule

insule & oppido proprium. Ocasione datâ demonstratur præterea adversus calumnias Cænobialium; oppidum Lindaugiam longè esse Cænobio antiquius, & quando hoc in insulam confugit tunc oppidum illud in non contemnendo jam fuisse statu, Eschachium quoq; libera tunc fuisse conditione nec Cænobii imperio unquam obnoxium, in Urbem etiam Lindaugiam cum ante tum post Eschachiorum in insulam commigrationem nullam Cænobio jurisdictionem fuisse. 245

CAPITIS XIV. Pars Altera. Calumnie quedam Cænobiales de Urbe Lindaugia & Eschachio dituantur. 250

CAPUT XV. Ex iis quæ de postulati Adalbertini per suaseratione narrantur, ut & quæ de sacris Precibus constituuntur, Diploma falsi suspectum merito esse debere. 279

CAPUT XVI. Aliorum trium falsi criminum, circa Monetam Ducem & Advocatum commissorum, Diploma convincitur. 296

CAPUT XVII. Et formas literarum, & Ziphras inscribendo adhibitæ, & subiectum æræ Christi annum, indicare, Diploma longe esse seculo Nono recentius. 315

CAPUT XVIII. Diploma perpetuis notis confossum denudò producitur, orco impofterum tradendum. 324


CAPUT XIX. Quæ generatim pro Diplomatis fide posita videri sacre proponuntur & diluuntur. 335

1

CENSURA DIPLOMATIS
QVOD LVDOVICO IMPE-
RATORI FERT ACCEPTVM
COENOBIVM LINDAVIENSE.

CAPUT I.

*Historia & status controversiæ. Heideriana de Diplomate
Cœnobii Lindaviensis sententia approbatur. Nec tamen
fas esse, ut propterea Cœnobium illud cuiquam succenseat :
sed componere sese illud debere ad exemplum
Romanæ Curiae.*

uum inclutæ Imperiali Urbi Lindaviæ, ferven-
te ferali nupero bello Germanico, multæ &
solito longè graviores controversiæ fuissent
motæ, obtentu jurium ejus quod ibidem est se-
cularis Virginum Illustris Cœnobii, Urbs freta
causæ suæ fiducia, publico omnium æquorum
hominum judicio res suas committere non dubitavit; ac pro-
inde lres omnes grandi volumine, coram universa Germa-
nia, media inter arma, anno seculi hujus tertio post quadra-
gesimum, vulgavit atque exposuit. Inter alia verò Autor
operis, fidem atque auctoritatem illius Diplomatis, quod
Cœnobium ante octingentos amplius annos, ab Impe-
ratore Ludovico, sibi esse concessum jactitat, acriter im-
pugnavit.

A

pugnavit. Nihil perinde illustrem illum Conventum videtur pupugisse: etsi nulla non magni operis pars causam Urbis omnem adversus infestos ejus conatus animose tueretur. Nec enim integro illi volumini, aut reliquarum ejus partium alicui, in lucem quidem editum reposuit quidquam: solum vero illud suum Ludovicianum Diploma defendere instituit libro singulari multarum plagularum, magnasque cura conscripto & publicato. Prodiit ille anno quadragésimo septimo Embsi, quod ad Rhenum est non incelebre opidum, vernaculo titulo: *Standhaffte Actung und Beweisung* &c.

Neutri scripto auctoris nomen est additum, indubie offensæ declinandæ causa. Fertur tamen, Urbis partes defendisse Daniele Heiderum magni nominis Jurisconsultum: pro fide autem Diplomatis pugnavisse collatitia operâ complures quidem, præcipuè tamen Henricum Wangenereck Jesuiticæ sodalitatis clara item famâ scriptorem. Priori narrationi jubet credere scribendi ratio perquam diligens & accurata, inque ea elucens non Juris duntaxat Civilis & Canonici sed omnium, cum primis veterum, Germanici Imperii rerum insolens peritia. Quæ raræ hujus temporis dotes ita exornant commentarium etiam utrumque. De Imperialium Urbium Advocatis, qui indulgiæ auctorem habent Daniele Heiderum, etsi idem nomen dissimulent, ut non possit & alterum illud volumen grande nisi ab optimo illo & doctissimo sene profectum esse. Verum ut de Urbici operis auctore non dubito, ita de patrono Cœnobitici scripti neutram in partem quidquam possum affirmare. Non enim mihi quidquam Wangenereckianum visum, unde saltem conjectura me ducat ad illum auctorem sive asserendum sive negandum. Legi enim quidem libellum viri, nomine addito oppositum Scioppianæ Politicæ Padiæ: sed argumentum plane est alienum ab omni historia. Legi & alterum librum Ernesti de Eusebiis

Eusebii nomine confictum, quem Wangenereckii esse fide dignis magnis testibus accepi: est autem nec ille argumenti Historici. Cujusmodi cum sit quo de jam agimus, hætenus quidem ex iis non licet de hujus auctore quidquam suspicari. In utroque autem libello isthoc cum deprehenderim ingenium flagrans odio Protestantium partium, studiosum suæ factionis, iniquum, acre tamen & perindustrium, & varia doctum, (id quod ostendi, nisi fallor, clarissime, cum libello de Pace perpetua Protestantibus danda, tum in Animadversionibus ad Scioppium,) eaque omnia in Cœnobii libro itidem emineant, nihil video causæ quæ non existimem ex eadem pharetra & hunc prodiisse. Sed & non omnino sibi similis scribendi ratio videtur probare non unam manum.

Quomodocumq; autem hæc sese habent, in parvo equidem discrimine colloco: quoniam non quis dicat sed quid dicatur est æstimatorum. Absit etiam ut Auctoris ratione habita, alterutri operi vel addam vel detrahā quidquam justæ laudis. Ingenuè sanè confiteor, certare pene utrumque scriptum inusitata industria promendi ea quæ ad rem faciunt, atque Germaniæ monumentorum veterum ac recentium notitia. Quin & hoc addo, ita à Wangenereckio, siue quis fuerit alius, causam Cœnobii actam, ut possit illa videri plarisque etiam doctorum vero consentanea. Eo tamen quo par est studio omnibus utriusque scripti excussis, non possum equidem non in Heiderianam sententiam concedere. Quapropter etiam rogatus sententiam dicere, haud dubito illius defensionem nunc suscipere. Et verò docebo, non duntaxat *Carolingianum* esse illud Ludovici Imperatoris diploma, sed etiam recentioris ætatis, trecentis amplius annis post ævum Carolovingicum denique confictum.

Illam meam operam odium & obsecrationes adversæ partis ejusque fautorum concitaturam, non equidem dubito.

Non enim me fugiunt seculi mores: atq; adeo quàm immodeste & iniqui; jam tum vir optimus Heiderus sit exceptus, quantumvis illi ne verbulum quidem acrius excidisset; ut mitiora mihi promittere neutiquam liceat. Nec tamen video, justam succensendi causam hominibus illis oppugnatione Diplomatis præberi: si quidem alia eis non desint quibus sibi possessa tueantur. Utut enim hoc Diploma ex prisco avo unicum Cœnobio superesse Hyperaspistes passim ingeminet, & dolens conqueratur, à primo Heidero fidem auctoritatemque ejus sollicitatam, cum antehac fuerit habitum sacrosanctum & collocatum in thesauris; non tamen est quod vereatur Cœnobium sinistri quidquam, si alia illius prætensa jura rectè sese habeant, & proinde excidat duntaxat novis ausis huic vano Diplomati superstruendis. Oportet enim utique quemlibet contentum esse justè partis bonis, non autem velle malis artibus alteri quod suum est eripere, & ditescere alieno: multo minus secius gerere sese fas est ad sanctimoniam singularis leges adstrictis calibum & virginum choris.

Complura porro sunt exempla in eodem hærentium litro & Cœnobiorum & aliorum ex omni Cleri ordine, qui insperatò patefactis suarum hæctenus carissimarum tabularum vitiis, tranquillo animo cesserunt veritati. Nolo nunc iis recensendis impendere operam: satis est, si Cœnobium ad Romanorum Paparum, quibus ut Christi Vicariis nihil majus in hoc mundo esse piè indubiè credit, mores sese componat. Vivo adhuc S. Augustino, non dubitaverant illi missis ad Africæ Concilia legatis, Sardicenses Canones pro Nicænis fraudulenter substituere, eorumque prætextu sibi transmarinas ex Africa appellationes vindicare. Cum autem essent convicti falsimoniam, ejusque rei æternum monumentum Actis Conciliorum suorum Africani patres fecissent inscribi, illa ipsa Acta in Codicem Canonum Romanum Dionysius.

sius Exiguus Romam transtulit Justiniano Cæsare: ac lecta illa sunt in Codice isthoc Romano & passim Ecclesiis commenda-
ta ab ipsismet Papis, tantum abest ut illi quidem succensuerint
productæ in lucem veritati. Octavo seculo iidem Papæ com-
mentitiæ Constantini Magni Imperatoris donationis obtentu,
fecerunt per Pipinum, Carolum Magnum, & Cæsarem alios,
bonam Italiæ partem sibi dari, & retinent illam hodieque:
vix tamen quisquam, Curia Romanæ quamvis maxime addi-
ctus, veteratoriam fraudem non agnoscit hac tempestate,
multò verò maximi apertè detestantur: nec tamen hujus quid-
quam Curia improbat aut videtur ferre ægre. Sub finem pe-
nè sequentis seculi noni, Isidori Hispalensis nomine, ex orco
prodiit collectio quædam Epistolarum Romanorum Præsu-
lum à B. Clemente ad Siricium usque, ab impuro quodam
vastro tamen, nebulone conficta. Illas confestim Nicolaus I
Papa Episcopos Galliæ ceu genuinos iussit recipere: succes-
sores suum Canonici Juris Corpus exiis potissimum fecerunt
construi, atque ita illas Apostolica sua auctoritate tanquam
regiminis Ecclesiastici normam universis Ecclesiis obrufe-
runt, non minùs per illas quam per alias Bullas suas ordina-
rias velut ex cathedra detonantes. Fatetur Illustrissimus Pa-
risiensis Archiepiscopus, vir summæ eruditionis pariter &
dignitatis, Petrus de Marca l. tertio de Concordia Sacerdotii &
Imperii c. v. per illas Epistolas *Antiquo juri, universali Ecclesia
assensu reborato, successisse jus novum, paulatimq; usu invaluisse per
Occidentis provincias.* Idem c. 6. §. 4. affirmat, *summum caput in quo
jus novum ab antiquo differt in eo jam constitui, quod suprema pote-
stas, quam in pleriq; causis judicandis synodi provinciales obine-
bant, penitus extincta sit & ad solum Pontificem revocata, & ea-
que in canonibus condendis versatur sit adeò imminuta, ut Pontifici
soli constitutionum condendarum onus ex eo incubuerit.* Ejusdem
operis l. 7. c. 20. §. 1. itidem scribit: *Sub secunda Regum nostro*

rum dynastia novum Jus Canonicum in Ecclesiam Gallicanam æque ac in ceteras Occidentis provincias introduci capium est, invenis eam in rem supposititiis veterum Romanorum Pontificum epistolis, in quibus extans quamplurima constituta, prorsus adversa veterum Canonum statutis. Fuit illius fraudis ignara omnis Ecclesia Occidentis per annos pene sexcentos, donec superiore seculo primi Magdeburgenses illam detexerunt. Mussitationes enim Henrici Kalteisen nemo pene attendit. Longe itaque in maiore fuerunt auctoritate & diutius Epistola illæ supposititiæ quàm Diploma Ludovici. Pro earum fide contra Magdeburgenses acerrimè & magna doctrinæ specie pugnavit Franciscus Turrianus Iesuita: qui cum neutiquam meretur comparari Wangenereckius. Tandem verò manus veritati dederunt ipsæmet columnæ Romanæ Ecclesiæ Baronius, Bellarminus, Petavius, Sirmondus, & quisquis hodie est eruditior ipsiusmet Iesuiticæ etiam sodalitatis. Nec tamen fremit propterea Romana Pontificum Curia, non incandescit, sed prudenter dissimulat proditam quamvis inveteratam & in ipsum monarchiæ suæ fundamentum confictam falsitatem atque imposturam.

Licebit utique ad illa illustria exempla mores suos componere etiam Coenobio: poteritque illud non minus contentum esse semel institutis à Wangenereckio vindiciis, perinde atque post Turriani irritos sudores Romana Curia jam acquiescit. Nec vero ego vel verbulo acerbior irritabo bilem foeminarum, aut eorum qui iis patrocinantur indignationem; sed rationibus duntaxat & rerum testimoniis contendam: ceu fieri par est in palæstra veritatis.

CAPUT II.

*Diploma Ludovicianum proponitur: quale illud ab ipso-
met Cœnobii hyperaspista publicato est libro
exhibitum.*

Quandoquidem igitur propositum nobis est, Diploma illud, quod Lindaviense Cœnobium tantopere commendat & Ludovico Imperatori adscribit, falsi convincere, ante omnia illud proferendum hîc in medium fuerit. Habetur autem istud etiam in Opere Heideriano pag. 724. sed in nonnullis quoad verba & scriptionem & Ludovici imaginem diversum. Nos vero exprimemus illud, quale initio libri sui Cœnobialis Hyperaspista exhibuit. Vtrum illud omnibus amicis conveniat cum autographo, quod ille gloriatur, nec ne, non est nostrum asserere: nec enim licet nobis collationem instituere. Examinandum itaque illud fuerit, quemadmodum accepimus, & quidem ab ipso met Hyperaspista. Dabimus vero hic bona fide. Si discrepaverit fortassis autographum, non nobis sed Hyperaspistæ imputetur. Habet igitur sese Diploma illud hunc in modum.

IN NOMINE DOMINI DEI SALVATORIS nostri
Iesu Christi. Hludovicus Divina repropiciante clemen-
tia Imperator Augustus. Si locis Deo dedicatis quippiam mu-
neris conferimus, & Imperialis munificentiae morem exequi-
mur, & Divinum per hoc nobis favorem facilius concilian-
dum confidimus. Idcirco noverit Collegium omnium fide-
lium nostrorum præsentium videlicet & futurorum: Qua-
liter Adalbertus fidelis Vasallus noster, & Sacri Palatii
Comes, præsentibus scilicet nonnullis fidelium nostrorum
Princi-

Principibus nostram adiens celsitudinem, obtulit obtutibus nostris quoddam Cœnobium Sanctimonialium nomine Lindaugia, situm intra lacum Vvithsee & constructum in honore sanctæ Dei Genitricis Mariæ. Quod idem Adalbertus pro salute & remedio animarum omnium Parentum suorum & suæ, primò fundavit, omnibusq; suis Allodiis augmentavit, & jure Dei servitium ibi ordinavit. Sed ne deinceps laudes Divinæ & regulares disciplinæ ibidem deficerent, dignitatem nostram per interventum fidelium nostrorum Illustrium Rabani scilicet sanctæ Moguntinæ Ecclesiæ Metropolitæ: nec non Salomonis videlicet Constantiensis Ecclesiæ præsulis, postulavit: quatenus pro redemptione animæ nostræ nec non parentum nostrorum eidem monasterio aliquid muneris conferremus, & eandem libertatem & iustitiam, quam Constantiensis habet Ecclesia in omni regulari iure concederemus. Cujus rationabili & ut credimus, divinitus illi instinctæ petitioni libenti animo assensum præbentes, decrevimus ita fieri, & secundum Dei iudicationem ac fidelium nostrorum suggestionem hoc nostræ autoritatis præceptum iussimus inde conscribi. Per quod decernimus atq; omnino iubemus, quatenus prænominatus sacer locus habeat, possideat, quidquid ex libera hereditate præfati fidelis nostri fiscus noster sperare debeat, in tributis, in monetis, in teloneis, navigationibus, ac liber, salvus ac quietus sine cujuslibet personæ contradictione vel molestatione prorsus permaneat, & in dispositione Abbatisse ejusdem Monasterii

sterii consistat. Statuimus quoq, per ejusdem auctoritatis municionem, ut nullus publicus Index, neq, Dux, neq, Comes, aut quislibet ex Iudiciaria potestate Ecclesias, Curtes, aut loca, vel agros, seu reliquas possessiones memorato Monasterio presenti tempore subjacentes, vel quæ deinceps in jus & Dominium ejusdem Monasterii divinæ pietatis augmento pervenerint, ad causas audiendas, vel freda exigenda, vel paratas faciendas, aut homines etiam tam ingenuos quam & servos, super terram ejusdam Monasterii commanentes distringendos nec ullas redibiciones vel bannos, aut illicitas occasiones requirendas, seu ullum publicum placitum habendam ullis temporibus ingredi, vel ea, quæ supra memorata sunt, exigere præsumat: aut censuales homines sive familie, in quibuscunq, locis sint constituti, parere habeant; & coram nullo Comite regant, aut bannum persolvant, aut sæculare negotium habeant, nisi coram Abbatissa vel ipsius Monasterii Advocato. Idem autem Advocatus bis in anno, semel in Æstate, secundo in hyeme placitum habeat, sed ultra 12 equos nullum adducat, & tunc honestè procuretur. Quicquid placitando adquisierit, duæ inde partes erunt Abbatisse, tertia Advocati. Nullum domus Dei servientem sine Abbatisse vel ipsius consensu ad iudicium cogat. Nullum de familia sine iusta sociorum suorum deliberatione dampnèt vel coerceat. Nullum subadvocatum vel exactorem sine Abbatisse permissione sibi constituat. Nihil privati muneris vel servitij à quolibet loco, sive Curte sive acella ruris, quasi ex debito & statuto sibi jure exigat. Mansiones seu pernoctationes

tiones undiq; in locis ejusdem Monasterii, frequentare caveat. Quod si ultra statutum nostrum alicubi placitare voluerit, ipse de tertia sui parte ibidem sibi contingente provideat, quod ad sumptum habere debeat. Nisi forte aliqua de causa ab Abbattissa illuc vocetur, à qua tunc decenter sibi exhibeatur quod oportet. Proinde si quisq; Advocatus hac statuta obstinata audacia transgressus fuerit, nisi sane resipuerit, sexaginta libras auri optimi, triginta palatio nostro, triginta supradictò monasterio persolvat, & ipsa advocatia cum ceteris commodis in perpetuum careat. Nos quoque supradicti fidelis Vasalli nostri petitionibus & voluntati per omnia satisfacere cupientes, firmissima largitate constituimus: Ut quando divina vocatione Abbattissæ præfati Monasterii ex hac luce migraverint, quamdiu ipsæ sanctimoniales inter se tales invenire potuerint, quæ ipsam congregationem secundum regulam suam bene regere prævaleant, eligant. Sin autem, firmissimam licentiam alias eligendi Dominas cum Consensu Regis vel Imperatoris habeant. Si quis autem homo cujuslibet potestatis existens, ausu temerario contra hoc privilegium agere præsumpserit, aut præfatum Vener. Monasterium, vel aliquas pertinentias ejus beneficiâ causa cuiquam homini concedere temptaverit, nisi resipuerit & his nostris institutis adquieverit, nomen & memoriale illius de libro vitæ subtractum maneat in æternum maledictum. Hæc autem superius comprehensa, pro emolumento animæ nostræ, ad idem Monasterium contulimus: quatenus Abbattissa ejusque consorores nec non Canonici Sanctissimæ Virginis Mariæ ibi famu-

famulantes stipendium necessarium habeant, & pro nobis alacrius Dei misericordiam exorare procurent. Et ut hæc nostra imperialis auctoritas plenior in Dei nomine obtineat vigorem, Annuli nostri impressione adsigniri iussimus.

Hæc enus Diplomatis verba ipsa. Quoniam vero Defensor fidem suam probaturus subscriptionem illius fecit singulari tabula ænea exprimi, operæ judicavimus pretium futurum, si idem etiam à nobis fiat; præsertim quia præbet illa ipsa tabula non unum magnum falsi documentum. Quantum verò per artificem liquit, nostra hæc optime refert illam quam produxit Cœnobii Hyperaspista.

CAPUT III.

Varia Ludovici Pii Imperatoris sacra Diplomata, ad quæ Cœnobiale erit examinandum.

POSSIT jam statim Censura Diplomatis Cœnobialis institui: in rem tamen videtur fore; si præmittamus ex illo ævo, quo Cœnobiale illud conditum creditur, petita alia quoque nonnulla, & quidem de quibus dubitari non potest esse genuina. Utique enim necessum est, ut illius ævi moribus sit Cœnobiale quoque consentaneum, si etiam illud fuerit bonæ notæ. Quod si sanè à reliquis diversæ hoc plane fuerit formæ, non potest non vel eo ipso falsitatis esse suspectum. Reperiuntur autem illa Diplomata in variis scriptis dispersa. Quæ omnia consulere, sive per negotia sive per librorum defectum, non licet universis, quorum tamen iudicio omne hoc submitti optamus. Eapropter ipsi nos volumus illa potius non sine labore colligere, quam vel aliis esse molesti, vel morari iustam controversiæ existimationem.

Omnia tamen ex Carolino ævo diplomata congerere, neque exigit hoc institutum, neq; non nimis fuerit operosum. Eoque vix tangemus nunc quidem alia, quàm quæ itidem versantur circa Cœnobiorum dotationes, aut Imperatorias Regiasq; dotationum confirmationes. Nec tamen vel illa etiam omnia, sed sola ista quæ Ludovicus Pius Imperator, ejusque filius Ludovicus Germaniæ Rex, conscribere fecerunt. Atque hæc quidem, quoniam Hyperaspista Cœnobii etiam suum illud Ludovico isti Germaniæ Regi fert acceptum. Illa autem, quandoquidem res docebit, solum Ludovicum Pium Imperatorio nomine in Germania audivisse; & reperiri in Diplomate isthoc Cœnobiali nonnulla, quæ uni illi Pio Imperatori possunt convenire.

Dabimus vero utriusque Ludovici Diplomata seorsim, ne fiat confusio; utque appareat eo rectius, quæ fuerit ab unoquoque observata scribendi ratio. Et nunc quidem producemus primum Ludovici Pii Imperatoris Privilegia, quo & temporis simul dignitatisque habeatur ratio.

Quoniam vero Diplomatum ejusmodi alia aliis magis sunt integra, initium faciemus ab iis, quæ reliquis sunt perfectiora: deinceps alia subjungemus. Omnium autem Pii Imperatoris Diplomatum, quæ quidem typis edita venere in manus nostras, integerrimum est unicum illud quod simul ex more illius seculi non tantum habet signum nominis subscriptum sed etiam appressam imaginem. Debet illud orbis inusitatae industriæ Ferdinandi Episcopi & Principis Paderbornensis, Monasteriensisq; hodie Coadjutoris: literatissimi profectò sine exemplo Principis, & summi tempestatis hujus universæ præcipuè autem Germaniæ nostræ ornamentum. Conscripsit scilicet ille, ediditq; cum alia fecundi ingenii æterna volumina, tum in patriæ & diœceseos suæ decus, ante hosce tres annos nomine dissimulato unum edidit, titulo: *Monumenta*

Paderbornensis

Paderbornensis ex Historia Romana Francica Saxonica eruta & notis illustrata: propediem novâ editione auctius & illustrius proditutum. Illius operis fini cum alia adjuncta sunt Diplomata, tum hoc quod jam exhibebimus, retentâ quam Illustrissimus Princeps præmisit inscriptione.

Privilegium Ludovici. Pii Imperatoris Caroli Magni filii.

Paderbornensi Ecclesiæ datum IV Non. April. Anno

VIII Imperii, qui est annus Christi 822.

IN NOMINE DOMINI DEI ET SALVATORIS nostri Iesu Christi Hludowicus divina ordinante providentia Imperator Augustus. Si erga loca divinis cultibus mancipata propter amorem Dei ejusque in eis locis sibi famulantes beneficia potiora largimur præmium apud Dominum æternæ remunerationis nobis rependi non diffidimus. Igitur notum esse volumus cunctis fidelibus nostris, præsentibus scilicet & futuris quia venerabilis vir Baderadus Episcopus Ecclesiæ quæ est constructa in honore sanctæ Mariæ semper Virginis & sancti Kiliani in loco qui dicitur Paderbrunnq missa petitione deprecatus est ut prædictam sedem cum omnibus ad se juste & legaliter moderno tempore pertinentibus vel aspicientibus sub nostra tuitione & immunitatis defensione cum rebus & mancipiis constitueremus quod ita & fecisse omnium fidelium nostrorum cognoscat industria. Præcipientes ergo jubemus ut nullus iudex publicus vel quislibet ex judicaria potestate in Ecclesias aut loca vel agros seu reliquas possessiones memoratæ Ecclesiæ quas moderno tempore infra ditionem imperii nostri legibus possidet vel quæ deinceps in jure ipsius loci voluerit divina pietas augeri ad cau-

fas judicario more audiendas vel freda exigenda aut mansiones vel paratas faciendas aut fidejussores tollendos aut homines ipsius Ecclesie contra rationem distringendos nec ullas redibitiones vel illicitas occasiones requirendas ullo unquam tempore ingredi audeat vel ea quae supra memorata sunt penitus exigere praesumat. Sed liceat memorato Episcopo suisque successoribus res praedictae Ecclesie cum omnibus quas possidet quieto ordine possidere & nostro fideliter parere imperio. quicquid vero fiscus exinde sperare potuerit totum nos pro aeterna remuneratione praedictae Ecclesie ad stipendia pauperum & luminaria concinnanda concedimus qualiter melius delectet clericos in eadem sede degentes pro nobis conjugum & prole nostra Domini misericordiam exorare & ut hac auctoritas per futura tempora melius conservetur manu propria subter firmavimus & anuli nostri impressione signari iussimus.

Signum

POIS
LIL

Hludovici serenissimi Imperatoris

Hirminmarus Diaconus ad vicem Fridagisi
Abbatis recognovi



Data quarto Non. April. anno VIII Imperii domni Hludovici
piissimi augusti Indictione XV. actum aquis grani palatio re-
gio. In dei nomine feliciter amen.

Addu =

Adducto Diplomati sappar fortassis est illud quod Erpoldus Lindenbrogius ex Tabulario Hamburgensis Ecclesiæ depromptum, primo loco collocavit inter Hamburgensia Diplomata, addita *Scriptoribus Rerum Germanicarum Septentrionalium vicinorumq; populorum diversis* suâ cura Francofurti seculi hujus nono anno editis. Addita enim sunt cum integra subscriptio, tum sigilla duo: alterum referens personam Imperatorio paludamento indutam cum mitra coronata, & altera manu avem, forte aquilam, sinistra globum cum imposita cruce: alterum ædem sacram exprimens. Verumtamen argumentum Diplomatis planè est alienum ab eo quod nunc agimus. Conceditur enim illo Diplomate, seu potius injungitur, Sacri Evangelii prædicatio, per omnes gentes Septentrionales, Danos, Suecos, Norwegos, Grunlandos, Hallingalandos, Islandos, Scritovindos, ut & per Orientales, ad mare scilicet Balthicum habitantes populos. Quapropter etiâ sigilla planè sunt diversa ab eo more, qui obtinebat tum temporis in obsignandis Diplommatibus aliis, de quibus nunc nobis res est. Hinc nullum etiâ fuerit pretium operæ, illud quidem Diploma integrum hoc loco exhibere. Dabimus tamen ejus & initium & finem, cum sua quidem inscriptione, verum sine sigillis.

Cui visum tamen fuerit tanti, aut placuerit pium hoc antiqui ævi monumentum lustrare, quod utique saltem sanctitas argumenti probo cuius propemodum mandat, poterit illud eo quem indicavimus loco reperire. Nos manebamus nunc intra limites nostri instituti.

*IN NOMINE DOMINI DEI ET SALVATORIS
nostri Iesu Christi. Hludowwicus divina favente & propi-
tante clementia Imperator Augustus. Si specialibus cu-
jusque*

jusque fidelium nostrorum necessitatibus prospectius subveniendum esse Imperialis auctoritas monstrat, quanto magis ad debitam generalitatis providentiam æquum dignumque pertinet, ut Ecclesiæ Catholicæ atque Apostolicæ, quam Christus pretioso sanguine redemit, eamque nobis tuendam regendamque commisit, piam ac sollicitam in cunctis oportet gerere curam, & ut in ejus prospectu vel exaltatione congruam exhibeamus diligentiam novis ad ejus necessitatem vel utilitatem atq; dignitatem pertinentibus rebus, nova imo necessaria & utilia provideamus constituta. &c.

Et ut hæc auctoritas sui vigoris perpetuam obtineat firmitatem, manu propriâ subter eam firmavimus, & sigilli nostri impressione signare jussimus.

Signum Hlode

POIS
HLE

vici piissimi Imperatoris

Hirminmarus Notarius ad vicem Theodonis recognovi.

Data Idus Maii Anno XXI Imperii Domini Hlodevici
piissimi Augusti, Indictione XII.

Actum Aquisgrani in Palatio Regio, in Dei nomine feliciter,
Amen. Anno Domini Jesu Christi D CCC XXX IV.

Adjun-

Adjungere æque integra alia Ludovici Pii Imperatoris diplomata non possumus: nec enim hætenus quidem in manus nostras inciderunt. Cogimur igitur contenti nunc esse binis illis. Addemus tamen duo ejusdem Piiissimi Imperatoris diplomata, sed nulla subscriptione aut signo, multo minus Imperatoria imagine munita. Quoniam nihil sit causæ quare de illorum fide dubitemus.

Accepimus autem illud quod proxime subsequitur ex farragine Privilegiorum, quam Historiæ Episcoporum Ultrajectensium addidit Wilhelmus Heda: juxta editionem, quæ Ultrajecti anno 1642 curante Arnoldo Buchelio Jurisconsulto prodiiit simulque doctissimis illius notis est illustrata. Continetur verò in rebus Episcopi septimi Rixfridi p. 45.

IN NOMINE DOMINI DEI ET SALVATORIS nostri Jesu Christi, Ludovicus divina ordinante providentiâ Imperator Augustus, Imperialem celsitudinem decet prædecessorum suorum pia facta non solum inviolabiliter conservare, sed etiam censure sue auctoritate confirmare. Vnde noverit industria seu sagacitas omnium fidelium nostrorum, tam præsentium quam & futurorum, quia Rixfridus venerabilis vir, Veteris Trajecti Ecclesiæ Episcopus, quæ est constructa in honore S. Martini Confessoris, vel cæterorum sanctorum, detulit mansuetudini nostræ, quasdam auctoritates constitutionum, qualiter Dominus & genitor noster Carolus, bonæ memoriæ piissimus Imperator Aug. & avus noster Pipinus & antecessores eorum, ad ipsam Ecclesiam concessisset omnem decimam, de mancipiis, terris, ac de telonio, vel de negotio, vel de omni re, undecunque ad partem
E *Regiam*

Regiam Fiscus telonium exigere aut accipere videbatur, & ut homines ejusdem Ecclesie sub mundiburdo & tuitione ipsius Ecclesie existerent, nec non & in ripis in Dorestado, ut nec bannum aut fredum, aut conjectum, quod ab ipsis Ver-
scot vocatur, contingere aut exactare præsumeret, & quis-
quis ex negotiatoribus in eorum ripas intrare voluisset nul-
lam contentionem ex hoc fecisset eis, nec mansiones in eorum
domibus sine permissu eorum accipere auderent, nec eorum
res dum vixerint auferre, aut post mortem eorum contin-
gere, nec ullo modo eis in aliquâ re calumniam generare quis
præsumeret, qui in illa decimâ parte, vel sub mundiburdo Ec-
clesie S. Martini consistunt; videlicet ut sicut illi de illis no-
vem partibus aliquid accipere vel usurpare nec velint nec
possint, ita & procuratores Reip. de eadem decimâ parte acci-
pere aut visurpare ad Fiscum non præsument. Qualiter Præsul
ipsius Ecclesie, cum omni Clero & populo sibi subiecto alimo-
niam ministrare, & luminaria in eadem sede continuare, at-
que gentiles qui ad Christianitatem convertuntur alere &
docere possit. Ob firmitatem tamen hujus rei postulavit à
nobis prædictus Episcopus, ut paternum sive prædecessorum
nostrorum Regum morem sequentes, ejusmodi nostræ autho-
ritatis præceptum, ob amorem Dei & reverentiam S. Mar-
tini, circa ipsam Ecclesiam fieri censeremus. Cujus petitioni
libenti animo aurem accommodare placuit, & per hanc no-
stram auctoritatem confirmare, ut omnem decimam, tam de
mancipiis, quam de terris, aut de telonio, aut de negotio, vel
unde.

undecumq; ad partem Regiam juxta Fiscum censum exigere debet,
 & de omnibus quæ suprà scripta sunt, præfata Ecclesia libero
 in perpetuum jure possideat. Et ne quis contingere aut in-
 justam interpellationem facere præsumat, sed sicut à Domi-
 no Imperatore, & avo nostro, & antecessoribus Regibus, à no-
 bis per hanc auctoritatem constitutum est, atque confirma-
 tum, ita omni tempore inviolabiliter conservetur atque cu-
 stodiatur. Quatenus ipsos servos Dei, qui ibidem consistunt
 cum eorum Pontifice, & illos quos à gentili ritu ad Christi-
 anam converterunt fidem, pro nobis, conjugibus, proleque no-
 strâ, & omni populo Christiano, jugiter misericordiam Dei
 exorare delectet. Et ut hac auctoritas melius ab omnibus
 credatur, & diligentius conservetur, manu propriâ subscri-
 psimus, & annuli nostri impressione signari fecimus. Signum
 Ludovici Serenissimi Imperatoris. Data XV. Kalend.
 Aprilis anno XI, Christo propitio, Imperii Domini Ludo-
 vici piissimi Augusti, indictione secunda. Actum Aquis-
 gram Palatio Regio. In Dei nomine feliciter Amen. He-
 lisachar recognovit.

Hactenus Diploma Ultrajectinum. Subjungemus jam
 & aliud, Gandensium celebri quondam Flandriæ Monasterio
 concessum ab Ludovico Pio Imperatore: & quidem quale
 illud Codicis suo Denatonum Piarum pag. 55. inseruit Auber-
 tus Miræus.

IN NOMINE DOMINI DEI ET SALVATORIS
 nostri Iesu Christi. LUDOVICVS divina ordinante provi-
 dentia Imperator Augustus. Si erga loca divinis cultibus

mancipata, propter amorem Dei, ejusque in eisdem locis sibi famulantes, beneficia oportuna largimur, præmium nobis apud Dominum aeternæ remunerationis rependi non diffidimus.

Idcirco noverit omnium fidelium sanctæ Dei Ecclesiæ nostrorumq, præsentium scilicet ac futurorum, solertia, quod vir venerabilis EINHARDVS, Abbas ex monasterio, quod dicitur Ganda, quod situm est in pago Brachbatense, constructum in honorem S. Petri, principis Apostolorum, ubi etiam S. BAVO confessor Christi corpore requiescit, detulit obtutibus nostris auctoritatem immunitatis Domini & genitoris nostri CAROLI, bonæ memoria, præstantissimi Imperatoris, in qua continebatur insertum, qualiter ipse ob amorem Dei, tranquillitatemque fratrum in eodem monasterio degentium, semper sub plenissima defensione & immunitatis tatione illud habuisset.

PRO firmitatis namque studio, postulavit nobis prædictus EINHARDVS Abbas, ut paternæ auctoritati, firmitatis gratia, nostram quoque superadderemus auctoritatem. Cujus petitioni libenter assensum præbuimus, & banc nostram auctoritatem, erga prædictum monasterium, ejusque rectores, immunitatis atque tuitionis gratia fieri decrevimus. Per quod præcipimus atque jubemus, ut nullus iudex publicus, vel quilibet ex judicaria potestate, in Ecclesiis, aut loca, vel agros, seu reliquas possessiones memorati monasterii, quod moderno tempore in quibuscumque pagis ac territo-

territoriis, infra ditionem nostri Imperii, justè ac legaliter possidet, vel quæ deinceps in ipsius sancti loci commodum voluerit divina pietas aggeri, ad caussas audiendas, vel freda exigenda, aut mansiones vel paratas faciendas, aut fidejussores tollendos, aut homines ipsius monasterii, tam ingenuos quàm & servos, super terram ipsius commanentes, distringendos, nec ullas redhibitiones aut illicitas occasiones requirendas, nostris & futuris temporibus ingredi audeat, vel ea quæ supra memorata sunt, penitus exigere præsumat. Sed liceat memorato Abbati suisque successoribus res prædicti monasterii, cum omnes freds concessos, sicut in præcepto Domini & genitoris nostri continetur, sub immunitatis nostræ defensione quieto ordine possidere, & nostro fideliter parere imperio. Quatenus ipsos servos Dei, qui ibidem Deo famulantur, pro nobis & conjuge, prole quæ nostra, atque stabilitate totius Imperii nostri, à Deo nobis concessi atque conservandi, jugiter Domini misericordiam exorare delectet.

Hanc itaque auctoritatem, ut plenior in Dei nomine obtineat firmitatem, & à fidelibus sanctæ Dei Ecclesiæ & nostris verius certiusque credatur & diligentius conservetur, manu propria subterfirmavimus, & annuli nostri impressione signari jussimus. Data Idibus Aprilis, anno Christo propitio Imperii nostri sexto, Indictione XII Actum Aquigrani palatio Regio. In Dei nomine feliciter, Amen.

SIGNVM LVDOVICI Serenissimi Imperatoris.

Præter illa porro quatuor fortassis nihil est causæ cur & alia nunc addamus. Superpondri tamen vice adhuc annexemus duo, quæ itidem esse genuina non equidem dubitamus: modò ab alienâ manu fuerit in utroq; illa nota numeri 1; ut & illud 21 in posteriore diplomate. Nec enim, ut primum sese Ludoviciani nominis Pius Imperator diceret, passa est temporum illorum consuetudo, & Zistæ aliquot post seculis denique in usum transierunt. Vtrumque vero hoc diploma debetur Wigulæo Hund, sive potius ejus illustratori Christophoro Gewoldo: referturq; numero secundo & tertio, inter diplomata Cœnobii Bajoarici Altabæ inferioris, *Tomo Altabæ Metropolis Salisburgensis* pag. 10 & 11. Ad cujus posterioris finem recte notavit Gewoldus pro 21 scribendum 12 ut nota numeri transposita sint.

IN NOMINE DOMINI DEI ET SALVATORIS
IESU Christi. Hludovicus I divina ordinante providentia
Imperator Augustus. Notum sit omnibus Episcopis, Abbatibus, Ducibus, Comitibus, Vicariis, Centenariis vel Agentibus, presentibus scilicet & futuris. Qualiter vir venerabilis Teutpaldus Abbas ex monasterio, quod est constructum in honore S. Mauritii martyris in loco qui dicitur Altaba, ad nostram veniens presentiam indicavit nobis, quod per defensionem domini & genitoris nostri Enoli Imperatoris, usque in præsens tempus res & homines memorati monasterii quietæ, absque cujuslibet injusta interpellatione, resedissent. Petiitque ut nos eum cum rebus & hominibus supradicti monasterii similiter sub tuitionis nostræ suscipere-mus. Quod nos libenti animo fecimus. Idcirco has literas firmiter

fraternitatis nostrae ei conscribere iussimus, per quas iubemus
 neque precipimus, ut nullus nostrum aut juniorum nostro-
 rum, neque ipsum Teutpaldum Abbatem neque homines
 suos, per quaslibet injustas occasiones vexare, aut calumniam
 quamlibet ingerere praesumat, neque de rebus suis aut mona-
 sterii sui ad dominium ejus legitime pertinentibus abstrahere
 vel minuire, vel parvum tollere minuiatur. Sed liceat illi
 in monasterio suo & in possessionibus suis, ad eum legitime
 pertinentibus, quiete absque perturbatione residere, & nobis
 ac filiis nostris deservire. Et si talis causa contra illum aut
 contra homines suos exorta fuerit, quae absque gravi &
 aliquo dispendio in patria illius definiri non possit, liceat illi
 & suis potestatem habere ad nos veniendi, ut in nostra prae-
 sentia causa, quae contra illum vel suos exorta fuerit, iustum
 & legitimum terminum accipiat. Et ut haec auctoritas no-
 stris successorumque nostrorum temporibus firmiorem va-
 leat obtinere vigorem, manu propria subius firmavimus,
 & de annulo nostro eam iussimus sigillari.

Signum

Hudovici Serenissimi Imperatoris.
 Sigebertus ad vicem Fredegisi
 Abbatis.

Data V. Cal. Augusti, anno Christo propicio Hudovic
 pissimi Augusti octavo, Indict. XIV. in Dei nomi-
 ne Amen.

IN NOMINE DOMINI DEI ET SALVATORIS
 nostri IESU Christi. Fludovicus I divina ordinante provi-
 dentia Imperator Augustus. Si petitionibus fidelium nostro-
 rum iusta petentium aurem serenitatis nostræ libenter ac-
 commodamus, & regiam morem exercemus, eosque proculdu-
 bio devotiores in nostro habebimus obsequio. Quapropter
 comperiat omnium fidelium nostrorum, præsentium scilicet &
 futurorum, industria, quia nos petenti cuidam Vasallo fideli
 & familiari nostro Patagero concessimus ad proprium quan-
 dam villam juris nostri prope fluvium Enisa, in Comitatu
 Geroldi Comitis, que dicitur Granesdorff, qua est sita in
 parte Sclavonorum, cum omnibus appenditiis suis, & de no-
 stro jure in jus & donationem præfati viri semper habendum
 contulimus. Hanc itaque villam cum toto edificio, domi-
 bus, mancipiis, terris cultis & incultis, pratis, pascuis, syl-
 vis, aquis, aquarumque decursibus, molendinis, adiacentiis,
 perviis, exitibus & regressibus, mobile & immobile, quæsi-
 tum & adhuc inquirendum, totum & ad integrum, quantum-
 cunque ad prædictam villam pertinere videtur, cum omni in-
 tegritate eidem à præsentis die concedimus homini, & de jure
 nostro in jus & potestatem ejus liberalitatis nostræ conferimus
 gratiam; ita videlicet, ut quicquid ab hodierno die & tempo-
 re, ipse & successores ejus de prædictis rebus & mancipiis,
 vel his que ad eos pertinent jure potestativo facere vel judi-
 care voluerint, per hanc nostræ auctoritatis largitionem li-
 bero in Dei nomine perfruantur arbitrio faciendi quicquid
 elegerint.

el gerint. Et ut hæc auctoritas largitionis nostræ per curriculum annorum Deo protegente inviolabilem atque invulsam obtineat firmitatem, manu propria subtus firmavimus, & annuli nostri impressione signari iussimus. Datum XII Kal. Ianuar. Anno Christo propitio 21 Imperii Domini Hludovici piissimi Aug. Ind. Et. 3. actum in loco Aquisgranii palatii. in Dei nomine Amen.

Præter hæc lectu perquam dignæ sunt Pii Imperatoris chartæ duæ, quas cum Annalibus Francorum aliisque Carolingici ævi monumentis edidit Parisiis, is cui multum adeo debet res literaria Petrus Piticeus, anno superioris seculi post octogessimum octavo. Quandoquidem autem neutra tantum res sacras sed Hispanorum, qui ex patria profugerant, tutelam, utraque etiam careat sigillis & signis subscriptis, ac proinde nunc quidem non possit esse nobis usui, nolumus iis huc allucendis operam aliquam impendere.

CAPUT IV.

Diplomata complura Ludovici Germaniæ Regis, filii Pii Imperatoris, quem Cœnobialis Vindex vult esse conditorem controversi Diplomatis; proposita, uti cum iis possit illud Lindaviense comparari.

POST tabulas primi Ludovici Imperatoris, meritò quis expectaverit eas quas conscribi fecit, is qui verè fuit Ludovicus id nominis secundus Imperator; quoniam non primo sed secundo solet Cœnobium Diplomatis sui fabricam attribuerè. Verum illius nullum Diploma, quod in Germania quidem sit conditum, hætenus lucem vidit. Sed &

Vindex Cœnobiticus jam tum de hoc Ludovico secundo Imperatore dedit manus. Ideoque non est etiam, quare ejus quædam Diplomata ex Italia, ubi imperavit, huc trans Alpes nos advocemus.

Potuissemus autem labori etiam meritò parcere in Ludovici Germaniæ Regis Diplomatis sacris congerendis. Verùm huc coëgit nos Vindicis Cœnobialis inexpectata industria. Vtpote cum ille non dubitaverit omni studio probare, huic Germaniæ Regi, quem vult Imperatorem etiam esse dictum, Diploma illud Cœnobiale deberi. Collegimus itaque etiam hujus Diplomata, quæcunque potuimus reperire. Atque adeo omnia illa nunc dabimus fide optimâ. Idque ideo majore numero, ut deinceps Cœnobialis Privilegii fides atque auctoritas eò rectius ab unoquoque possit explorari.

Hic verò Ludovicus, vivo adhuc patre, fuit solius Bajoariæ Rex constitutus, patrem Imperatorem agnoscens superiorém. Post ferale prælium Fontiniacense divisione rerum Pii inter fratres tres facta, Germaniæ omnis, quæ cis Rhenum nobis est, potius mutato titulo Rex Franciæ Orientalis audiit. Iterum creta hæreditate Lotharii, sui ex fratre nepotis, trans Rhenum quoque vim regni extendit. Tandem Ludovico secundo Imperatore, altero ex fratre nepote defuncto, jus nactus est occupandæ Italiæ & Imperatorii nominis. Hinc non unius sunt foræ quæ diversis temporibus condidit Diplomata. Nihil autem est causæ, quare etiam nos nunc temporis illam seriem observemus. Ex re potius videtur futurum, si illa quæ maxime sunt integra primo loco collocentur, in reliquis autem rigidus ordo non habeatur.

Quapropter exordium faciemus ab illo diplomate, quod Monumentorum Paderbornensium volumini itidem nunquam

quatenus satis laudatus Princeps inseruit. Etsi enim vultum Ludovici huius nostri non exprimat, sicut Pii Imperatoris imaginem caput præcedens exhibuit, non tamen ullum aliud hæcenus publicam lucem vidit quod integritate præstet, aut cui hoc debeat haberi secundum.

IN NOMINE SANCTAE ET INDIVIDUAE Trinitatis. Hludowicus divina favente gratia Rex. Si liberalitatis nostra munere loca Deo dicata & necessitates ecclesiasticas per petitiones pontificum atque sacerdotum nostro relevamus munimine atque tuemur iuvamine id nobis & ad mortalem vitam temporaliter transigendam & ad æternam obtinendam profuturum liquido credimus. Quapropter noverit sagacitas seu utilitas omnium fidelium sancta dei ecclesia nostrorumque tam præsentium quam futurorum qualiter venerabilis Episcopus fidelisque noster Baderadus nomine veniens in procerum nostrorum præsentiam obtulit obtutibus nostris præceptum domni ac genitoris nostri Hludowici serenissimi Imperatoris quod ipse facere iussit per petitionem præfati venerabilis Episcopi ad locum qui vocatur Paderbrunno constructum in honore sanctæ Mariæ semper Virginis & sancti Kiliani in quo præcepto continebatur emunitas atque defensio seu tuitio domni Imperatoris genitoris nostri supra prædictum locum sed pro integra firmitate ac securitatis studio præfatus venerabilis Episcopus Baderadus deprecatus est mansuetudinem nostram ut ipsam defensionem atque tuitionem per nostræ mansuetudinis præceptum renovare dignaremur cuius petitioni ob amorem domini

domini mei Iesu Christi & reverentiam prænominati venerabilis Episcopi seu animæ nostræ remedium libenti animo assensum præbentes tale auctoritatis præceptum ad ipsum sanctum locum fieri decrevimus. Quatenus sub quali defensione domni genitoris nostri fuit ita deinceps sub nostra tuitione & immunitatis defensione cum omnibus ad se iuste & legaliter pertinentibus permaneat. Præcipientes ergo jubemus ut nullus iudex publicus vel quislibet ex judiciaria potestate in ecclesias aut loca vel agros seu reliquas possessiones memoratæ ecclesiæ quas moderno tempore infra ditionem regni nostri legibus possidet vel quæ deinceps in jure ipsius loci voluerit divina pietas augeri ad causas judiciario more audiendas vel freda exigenda aut mansiones vel paratas faciendas aut fidejussores tollendos aut homines ipsius Ecclesiæ contra rationem distringendos nec ullas redibitiones vel illicitas occasiones requirendas ullo unquam tempore ingredi audeat vel ea omnia quæ supra memorata sunt penitus exigere præsumat. Sed liceat memorato Episcopo suisque successoribus res prædictæ Ecclesiæ cum omnibus quæ possidet quieto ordine possidere & nostro fideliter parere imperio. Quicquid vero fiscus exinde sperare potuerit totum nos pro æterna remuneratione prædictæ Ecclesiæ ad stipendia pauperum & luminaria concinnanda concedimus quatenus melius delectet clericos in eadem sede degentes pro nobis conjuge proleque nostra domini misericordiam exorare. Hæc quippe auctoritas ut plenior in Dei nomine obtineat rigorem.

gorem & a fidelibus sanctæ Dei ecclesiæ ac nostris verius
credatur & diligentius observetur manu propria nostra sub-
ter firmavimus & annuli nostri impressione designari
jussimus.

Signum

POE

Domini Hludovici Serenis-
simi regis

VValso Subdiaconus ad vicem VVigarii
Cancellarii recognovi

Locus annuli
regalis vetu-
state deleti.

Data XI. Kal. Junii anno Christo propitio XVII regni Hludovici
serenissimi regis in Orientali Franciæ regnantis. Indiæ VI.
actum Frankofurti palatio regio in Dei nomine feliciter.
Amen.

decessores ejus reges Francorum videlicet, apud locum jam dictum, beato Stephano & congregationi Canonicorum quatuor sacerdotum & sanctimonialium triginta cum necessariis ministris dedicatum, sub suo munimine ac defensione cum omnibus sibi subpertinentibus, tam mancipiis quam prædiis, tam infra civitatem quam foris constitutis, eorum immunitatum auctoritatibus hætenus ab inquietudine totius judicaria potestatis eadem munita & defensafuisset Abbatia. Pro hujus itaque firmitate rei exoravit prædicta Abbatisa Basilla, ut paternam seu prædecessorum nostrorum Regum clementiam sequendo, hujuscemodi nostræ emanitatis præceptionem, ob amorem Christi & reverentiam sancti loci, circa idem monasterium fieri censeremus. Cujus postulationibus facilem tribuimus assensionem & hanc nostræ majestatis paginam erga ipsum locum immunitatis & tuitionis causâ, pro divini cultus amore & animæ nostræ remedio fieri decrevimus. Per quod præcipimus atque jubemus, ut salvo per omnia honore sui sacrosancti præsulis, nullus iudex publicus, vel quilibet ex judicaria potestate, loca aut agros, vel quascumque reliquas possessiones, quas ab antiquo vel moderno tempore in quibuscumque territoriis vel pagis vel Comitatibus infra ditionem nostram justè & legaliter memorata tenet vel possidet Abbatia, vel ea quæ postmodum in jure ipsius monasterii voluerit divina pietas augeri, ad causas audiendas, vel freda, vel tributa vel thelonea exigenda, ad mansiones, vel paratas faciendas, aut

fidejus.

ssidejussores tollendos, aut hominibus ipsius Ecclesie tam ingenuos quam servos super terram ipsius commorantes injustè distringendos, nullas redibitiones aut illicitas occasiones requirendas, nostris vel futuris temporibus, ingredi audeat, nec ea, quæ supra memorata sunt, penitus exigere præsumat, sed liceat memoratæ Abbatissæ suisque successoribus auctoritate Episcopali, vel dispensatione illius quem ex numero fratrum ipsius loci constituerit æconomum, ipsam sedem, cum omnibus sibi subiectis & rebus vel hominibus ad se pertinentibus, sub tuitionis atque emunitiois nostræ defensione, remota totius judiciarie potestatis inquietudine, quieto ordine possidere, & pro nostro fideliter exorare imperio & incolumitate nostrâ & conjugis atq; prolis. Nec liceat alicui sub prætextu advocatorie occasionis, sibi vel in hominibus vel quibuslibet rebus vel possessionibus eorum aliquod jus vendicare, nisi quem pro aliquâ, sicut aliquando fieri evenit, necessitate, ipsa Abbatissa cum congregationis voto, per consilium Antistitis apud palatium exposulaverit, qui nec palemundum vel aliquas exactiones exercere præsumat. Si quis vero temerarius contra hanc nostræ constitutionis auctoritatem venire prætemptaverit, prædictæ Ecclesie quinque libras auri fiscoque regio decem auri purissimi persolvere cogatur, & insuper offensam regiam incurrat. Ut autem hæc auctoritas plenior in Dei nomine vigorem obtineat, & à fidelibus sanctæ Dei Ecclesie & nostris, verius & certius, perpetuo

tuo tempore, credatur, propriâ manu subtus signavimus,
& annuli nostri impressione signari iussimus.

Data 11 Idus Septembris. Anno Christo propicio
XXII Domini Ludovici serenissimi regis in Alsatia indi-
ctione quarta. Actum Strasburg palatio regio in Dei no-
mine feliciter Amen.

Signum Lu **LOIS** *dovici Serenissimi Regis*

*Otgarius ad vicem Grimoldi Archicancellarii
recognovis.*

Haftenus & illud Argentincense Diploma. Non possu-
mus verò non monere, videri errorem commissum in nota
numerali annorum regni in Alsatia. Poritus enim tunc ibi
est rerum Ludovicus Indictione III, & anno regni in Orientali
Francia quidem LXII, sed in Alsatia II.

Hæc duo autem Diplomata omnium, quæ Ludovico Pii
filio debentur & haftenus viderunt lucem, sunt integerrima.
Nunc alia adducemus, & quidem primùm ea quæ Wigulejus
Hund numerosè inseruit Metropolis suæ duobus prioribus
Tomis: eo tantùm observato ordine, quod præcedere debe-
ant illa quæ vivo patre Imperatore condidit filius Diplomata
adhuc Bajoariæ Rex, subsequi autem quæ patre jam defun-
cto in Orientali Francia regnans conscribi fecit. De quibus
in universum hoc monendum est, in quam multis illa mendo-
sa esse, quamvis indubiè à Ludovico hoc sint profecta. Dabo

ego omnia prout accepi, nulla instituta mendorum correctione, quoniam nostrum hoc institutum talem operam non postulat.

I

IN NOMINE DOMINI NOSTRI IESU CHRISTI Dei omnipotentis. Ludovicus divina favente gratia Rex Bajoariorum. Si igitur erga loca divinis cultibus mancipata propter amorem Dei, eorumque in eisdem locis sibi famulantibus beneficia oportuna largimur pramium nobis apud Dominum in aeterna beatitudine recipere confidimus. Proinde notum sit omnibus fidelibus sanctae Dei Ecclesiae nostrisque, praesentibus scilicet & futuris, quia vir venerabilis Gotsbaldus sacri palatii nostri summus Capellanus, & Abbas Monasterii quod dicitur Altaba, quod est constructum in honore S. Mauritii martyris Christi, adiens excellentiam nostram innotuit clementiae nostrae, qualiter postquam terra Avarorum ex parte ab avo nostro Domino Carolo Imperatore capta fuisset, ipsius permisso atque consensu quaedam res in ipsa marcha ad jus regium pertinentes eidem monasterio collatae fuissent, quas etiam usque nunc praedictum possedit monasterium. Sed quia auctoritas traditionis exinde minimè apparebat, deprecatus est idem Gotsbaldus Abbas, ut nostrae auctoritatis largitionem atque confirmationem eidem daremus monasterio, per quam ipsas res in posterum praedictum monasterium ejusque rectores, absque cujuslibet impedimento aut contradictione, tenere & dominari potuisset. Cujus deprecationem propter divinum amorem & reverentiam ipsius sancti loci libenter an-

namus, & ipsas res perpetuo possidendas solenni datione
eidem concessimus monasterio, id est locum, qui nuncupa-
tur VVachanna, qui terminatur à fonte rivuli, qui vo-
catur Mystrica, usque ad eum locum ubi ipse Danubium in-
fluit, ac deinde tendit sursum in ripam Danubii usque in
Bochbach, & ultra Bochbach mansum unum, & inde juxta
Bochbach sursum usque in verticem montis, qui nuncupatur
Abornica, nec non & alium locum nuncupatum Accusbach
juxta ripam Danubii, cujus mensura est in longitudine millia-
rium unum & in latitudine similiter, nec non & campum
unum qui continet mansum unum, quem interjacet causa
Frisingensis Ecclesie. Has itaque res, cum mancipiis, do-
mibus, ædificiis, vineis, terris, sylvis, pratis, pascuis, aquis
aquarumve decursibus, quantumcunque infra terminia præ-
dicta de eisdem rebus continetur, totum & ad integrum,
in jus & dominationem prædictæ Ecclesie perpetualiter ad
habendum conferimus. Ita videlicet, ut quicquid de ipsis
vel in ipsis rectores vel ministri supramemoratæ sedis obuti-
litate & commoditate ipsius Ecclesie facere vel judicare
voluerint, liberam babeant in omnibus potestatem faciendi
quequid elegerint. Et ut hac auctoritas largitionis atq; con-
firmationis nostræ per curricula annorum in violabilem atque
inconvulsam obtineat firmitatem, manu propria subtus fir-
mavimus, & annuli nostri impressione signari jussimus. Adal-
leod. Diacon. ad vicem Gozaldi recognovi. Datum prid.
Non. Octobr. anno Christo propitio decimo septimo Regalis
Imperii Domini Ludovici serenissimi Aug. an. v. regni
nostri,

*nostri, Indiēt. nona. Actum in Regenspurch civitate. In
Dei nomine feliciter Amen. Signum Domini Ludovici*

Serenissimi Regis

POS
EIL

Nemini non manifestum est, monogrammm appositum
neutiquam convenire cum duobus prioribus Ludovici Ger-
manici, sed planè idem esse cum signo quo usus est Pius pater.
At verò cum signa illa docere debuerint quoniam auctore sint
condita Diplomata, utique filius saltim vivo patre debuit di-
verso & sibi proprio signo uti non autem paterno. Ac pro-
inde per errorem à Gewoldo sive Hundio signum hoc Pii Im-
peratoris est positum: quemadmodum ab illis infiniti alii er-
rores sunt commissi.

II

*IN NOMINE DOMINI NOSTRI IESV CHRISTI,
Dei omnipotentis, Hludovicus divina largiente gratia Rex
Bojariorum. Si petitionibus fidelium nostrorum, quas au-
ribus nostris insinnaverint, libenter annuimus, & eas in
Dei nomine ad effectum perducimus, & Regium morem de-
center implemus, & illos in nostro servitio promptiores red-
dimus. Iccirco comperiat industria atque utilitas omnium
fidelium nostrorum, presentium scilicet & futurorum. Quia
Erchanfridus, Diaconus & Capellanus noster, nec non pro-
pinquus suus Baturicus, obtulerunt obtutibus nostris quan-
dam chartam prastariam; in qua continebatur, qualiter
Baturicus Episcopus prastitisset eis, ad usum meritum,
quasdam*

quasdam res ex ratione Monasterii sui sancti Emmerani, quas olim idem Erchanfridus, ex suo proprio eidem largitatis munere contulerat Monasterio, nec non & alias ex ratione ejusdem Monasterii, eis ad usum meritum diebus vite eorum concessisset: Quæ sunt utraque res in villa, quæ dicitur Hroochinga, quæ alio nomine Folinchoua vocatur, & in alio loco, quæ dicitur Buochusa, cum mancipiis, casis, domibus, edificiis, terris, pratis, pascuis, sylvis, aquis, aquarumque decursibus, cum omnibus, quæ in prædictis locis, tam ex prædicti Erchanfredi donatione, quomodocunque, & ex ratione ejusdem Monasterii habere videbatur, nec non & in alio loco, qui dicitur Alinchoba, hobam unam, & in Cailonesbach hobam unam. Et deprecatus est excellentiam nostram, ut super hanc præstariam, confirmationis nostræ præceptum fieri juberemus, per quod diebus vite eorum firmitus & quietius, absque alicujus contrarietate, ipsas res tenere & possidere valerent. Quorum petitionibus libenter annuimus, & hanc auctoritatem confirmationis nostræ eis fieri jussimus, perquam præcipimus & jubemus, ut diebus vite eorum ipsas res teneant & possideant. Et nullus quilibet Ecclesiasticæ dignitatis præditus, aut alius quilibet eis, de ipsis rebus, ullam inquietudinem aut contrarietatem facere præsumat. Sed liceat illis, sicut diximus, diebus vite eorum usu fructuario ordine tenere & possidere, & post eorum amborum discessum, cum integritate, in potestatem & dominationem prædicti Monasterii revertantur. Hac verò auctoritas præcep-

ptionis nostræ, ut firmiter habeatur, & à fidelibus nostris melius conservetur, annuli nostri impressione subter iussimus assignare.

ADALLEODVS Diaconus, ad vicem Gauzbaldi recognovi. Data 15. Calend. Septembris. Anno Christo propitio 18 Imperii Domini Hludovici, Serenissimi Aug. & Anno 6. Regni nostri, Indictione 9. Actum Reginesburgch, in Palatio nostro, in Dei nomine feliciter Amen.

III

IN NOMINE SANCTÆ ET INDIVIDUÆ Trinitatis. Ludovicus divina favente gratia Rex. Si liberalitatis nostræ munere, de beneficiis divinitus nobis collatis, locis sanctorum quiddam conferimus, id nobis, procul dubio, ad æternæ remunerationis præmia capeßenda profuturum liquidò credimus. Proinde noverit omnium fidelium nostrorum præsentiam scilicet & futurorum industria; quia nos, pro mercedis nostræ augmento, concessimus Ecclesiæ Patavien. quæ est constructa in honore sancti Stephani protomartyris, ubi etiam sanctus Valentinus confessor Christi corpore requiescit, cui præsentitempore venerabilis Vir Reginarus Episcopus præesse videtur, quasdam res proprietatis nostræ quæ sunt in provincia Avarorum, in loco qui dicitur Kirchbach, id est, Ecclesiam unam constructam, cum territorio, ad mansos centum faciendum & plus, quarum terminia sunt, ab ipso loco pergens per unam semitam usque ad locum qui dicitur Tumus, & inde per circuitum usque ad prædictum Kirchbach, & deinde usque ad Markam Theoderii,

therii, & inde usque sursum Cynnenberg. Has itaque res, cum prædicta Ecclesia, cum vineis, terris, cultis & incultis, pratis, sylvis, pascuis, aquis, aquarumve decursibus, adjacentiis, perviis, & exitibus, & regressibus, totum & ad integrum, quemadmodum Rathodus Comes Annonicor Episcopo ipsas res consignavit, ita prædictæ Ecclesiæ pœnitentialiter concessimus, & de nostro jure in jus & ditionem ejus, liberalitatis nostræ munere conferimus, ita videlicet, ut quicquid rectores & ministri supra dictæ sedis de ipsis rebus, jure Ecclesiasticò, facere voluerint, libero in omnibus perfruantur arbitrio faciendi, tantum scilicet, ut dum Annocor Episcopus, atque Anno Nepos ejus, advixerint, ipsas res tenere & usare faciant, & nullus eis ipsas abstrahere præsumat, & post illorum discessum cum integritate ad eandem Ecclesiam revertantur. Et ut hæc auctoritas largitionis nostræ per curricula annorum inviolabilem atq; inconcussam obtineat firmitatem, manu propria subterfirmavimus, & annuli nostri impressione signare jussimus. Signum Ludovici gloriosissimi Regis. Adalleodus Diaconus ad vicem Grimaldi recognovi. Data xiv Kal. Maji, Anno Christo propitio, III Regni Domini Ludovici Regis in Orientali Francia indiction. xiv lectum Ostrenbora, palatio Regio, in Dei nomine scilicet, Amen.

IV.

LUDOVICVS DIVINA FAVENTE GRATIA REX
Bajoariorum. Cum regalis excellentia unius fidelis rationabilem petitionem ad effectum perducere satagit, non solum
ipsis

ipsius, sed etiam cunctorum fidelium suorum animos ad fidelitatem debitam sincerissimè conservandam promptiores devotioresque efficit. Idcirco notum esse volumus cunctis fidelibus sanctæ Dei Ecclesiæ & Deo dispensante successoribus nostris, qualiter petente ac suggerente Gosbaldo venerabili Abbate & fidei nostro, complacuit nobis propter suum devotissimum erga nostræ mansuetudinis obsequium, quasdam res proprietatis nostræ, quæ sunt in villa quæ vocatur Ingolstat, & quas præfatus vir hætenus in beneficium habuit, ei deinceps ad proprium per nostræ largitionis munificentiam concedere. Id sunt Ecclesiæ duæ, curtis dominicata, cum cæteris ædificiis de superpositis, de terra arabili jornales centum triginta, de pratis ubi possunt colligi de feno carradæ quadringenta. Mancipia infra curtem inter pueros & fæminas genecias, numero viginti duo. Mansi serviles vestiti ad eandem curtem aspicientes viginti duo. Sine mansorum duodecim. Unde etiam pro firmitatis ac majoris securitatis studio præsentem auctoritatem largitionis nostræ fieri jussimus, per quam memorato Abbati rem superius nominatam cum suis pertinentiis, campis scilicet, sylvis, pratis, pascuis, aquis, aquarumve decursibus, molendinis, mobilibus atque immobilibus, servis quoque vel ancillis, & quicquid ad eandem curtem, justè & legaliter pertinere dinoscitur, & nostri juris atque potestatis jure proprietatis est, totum & ad integrum, quod ille sicut præfati fuimus, in beneficium habuit, largimur, de potestate nostra in ejus trans-

fundi.

fundimus dominationem jure proprietario ad habendum, ita ut ab hodierna die nulla persona nostris vel successorum nostrorum temporibus, aliquam ex his presumat ei afferre inquietudinem, sed per hoc nostrae donationis praeceptum hoc cum quiete tenere liceat. Et inde quicquid elegerit vel facere voluerit, liberam in Dei nomine in omnibus habeat faciendi potestatem. Et ut haec auctoritas nostra largitionis inconvulsam obtineat firmitatem, manu propria subscriptam firmavimus, & annuli nostri impressione signari iussimus. Datum xv. Cal. Septembr. anno vii regni Domini Ludovici Regis in Orientali Francia, indictione iv. Actum Helicobrunno palatio regio, in Dei nomine feliciter Amen.

V

IN NOMINE SANCTAE ET INDIVIDUAE
Trinitatis. Ludovicus divina favente gratia Rex. Si
petitiones praesulum sanctae Dei Ecclesiae justè & rationabi-
liter aures serenitatis nostrae petentium ad effectum perdu-
cimus, hoc nobis procul dubio ab aeterna renumeratione prae-
mia capeffenda profuturum liquido credimus. Quapropter
notum sit omnibus fidelibus sanctae Dei Ecclesiae nostrisque
praesentibus scilicet & futuris, qualiter Vir venerabilis
Gotsbaldus VVirtzburgensis Ecclesiae Episcopus, nostram
adiens serenitatem, postulans ut fratribus in Monasterio S.
Mauritii martyris Christi vocabulo Altaha consistentibus,
qui nunc sub ejus regimine Deo famulari noscuntur, post il-
lius transacta mortali vita terminum, si talis frater inter
illos inveniri poterit, qui fratris officio idoneiter & ratio-
nabiliter

F

nabiliter fungi valeat, eum eligendi nostra cum licentia tribueretur. Cujus petitioni aurem mansuetudinis nostra accommodantes hac ita perdonasse per presentem auctoritatem nostram omnium fidelium nostrorum cognoscat magnitudo, ita tamen ut praesatum est, si talis secundum regulam S. Benedicti aptabilis & idoneus, tam in moribus quam in scientia seu ceteris bonis ornatus ad servitium Dei omnipotentis ibi invenitur, per praefati venerabilis Episcopi petitionem & amorem assensum praebemus, ut eos melius delectet pro nobis proleq. nostra & pro statu totius regni nostri Domini misericordiam attentius exorare. Et ut haec nostra largitionis auctoritas majorem obtineat vigorem, manu propria nostra subtus firmavimus, & annuli nostri impressione assignari iussimus. Datum S. Idus Martii, Anno propitio Christo, 14. regni Domini Ludovici gloriosissimi Regis in Orientali Francia, indictione 12. Actum Regensburg civitate Regia, in Dei nomine feliciter Amen.

VI

IN NOMINE SANCTAE ET INDIVIDUAE Trinitatis. Ludovicus divina favente gratia Rex. Si petitionibus praesulum ac servorum Dei iuste & rationabiliter petentium aures serenitatis nostrae accommodamus, hoc nobis proculdubio a remuneratore omnium in aeterna beatitudine credimus adfuturum. Quapropter noverit omnium fidelium sanctae Dei Ecclesiae nostrorumque praesentium scilicet & futurorum industria, quia vir venerabilis Gotzbal-
 dus Wirzburgensis Episcopus, nec non & rector monasterii
 cui

huius vocabulum est *Alcaba*, nostram adiit celsitudinem, deprecans, ut sibi nostra munificentie præceptum fieri iubere-
mus, ut abicunq; invenire posset aliquas res & mancipia, quæ
à nobilibus hominibus aptius & congruentius suo monaste-
rio commutare valeret, nostræ benignitatis auctoritate sibi
successoribusque suis & advocatis eorum licentia commutan-
di tribueretur. Et contra quæ à parte illius monasterii
dantur his, qui cum eis commutare voluerint, ratam & sta-
bilem perpetuam commutationem fieri, hac auctoritate nostra
deterneremus. Cuius petitioni, quia iuste & rationabiliter inde
nostram mansuetudinem hortatum est, sicut unicuiq; fidelium
nostrorum rationabiliter petentium aurem benignitatis no-
stræ accommodamus, ita istius petitionem ad effectum dignum
duximus, statuentes, ut deinceps quicquid pro utilitate jam
dicti monasterii præfatus Episcopus successoresque illius &
advocati illorum commutaverint, in mancipiis cæterisque
rebus, sylvis, seu etiam territoriis, per hanc nostræ bene-
volentie concessionem firmum & inconvulsam perpetuò
permaneant. Et ut nulli liceat illam commutationem in-
fringere vel irrumperere, aut infestare, sed, ut diximus,
quicquid pars altera alteri dederit stabilitatem & inconta-
minatam futuris temporibus consistat. Illud tamen omnimo-
di præcipientes, ut cum maxima cautela & diligentia con-
sideretur, ne pejus aut deterius vel minus in ullo isto negotio
parti & potestati præfato monasterio ex illa commutatione
proveniat. Et ut hac nostræ concessionis auctoritas fir-

miorem atque diuturniorem obtineat vigorem, & à cunctis fidelibus sanctæ Dei Ecclesiæ nostris que melius credatur, & diligentius conservetur, manu propria nostra subtus firmavimus, & annuli nostri impressione signari iussimus. Data XI Cal. Aprilis. Anno Christo propitio 19. regni Domini Ludovici gloriosissimi Regis in Orientali Francia. Indict. 14. Actum Ratispona civitate, in Dei nomine feliciter Amen.

VII

IN NOMINE SANCTÆ ET INDIVIDUÆ Trinitatis. Ludovicus divina favente gratia Rex. Si liberalitatis nostræ munere res sanctæ Dei Ecclesiæ & loca divinis cultibus mancipata per adpetitiones fidelium nostrorum nostro relevemus juvamine, atque regali tuemur munimine, præmium inde nobis apud Dominum æternæ remunerationis procul dubio rependi non diffidimus. Proinde noverit omnium fidelium nostrorum tam præsentium scilicet quam & futurorum industria, qualiter vir quidam Oegarius, quem nos quidem ad Monasterium nomine Altaba quod in honore S. Mauritii martyris Christi est constructum Abbatem esse statuimus, obtulit obtutibus nostris non solum auctoritatem emunitatis beata memoriæ Caroli avi nostri Augustissimi Imperatoris, sed & Tassilonis quondam Ducis in Ducatu Bajoarico super eadem re literas ostendit, in quibus continebatur insertum, quod præfatum monasterium sub suo nomine & defensione cum cellulis & locis sibi subiectis rebus & hominibus & omnibus illic pertinentibus hætenus ab inquietudine iudiciali potestatis munitum atque defensum firmissimè fuisset. Vnde etiam

etiam pro rei firmitate suggestit vir prænominatus clementiæ nostræ, ut paternum seu prædecessorum nostrorum Regum videlicet morem sequentes, hujusmodi nostræ emunitatis præceptum ob amorem Dei & reverentiam ipsius sancti loci circa ipsum monasterium conscribere juberemus. Cujus petitioni libenter acquiescentes hoc emunitatis nostræ præceptum erga ipsum monasterium gratia tuitionis & defensionis, ac pro divini cultus amore nec non & animæ nostræ, conscribi decrevimus, per quod firmiter & omnibus modis imperamus, ut nullus judex publicus vel quislibet ex judiciaria potestate, aut ullus ex fidelibus nostris, tam præsentibus quàm & futuris, neque Comites, neque Centenarii, neque exactores in Ecclesias aut loca vel agros, seu reliquas possessiones, quas moderno tempore in quibuslibet pagis vel territoriis infra ditionem regni nostri justè & legaliter tenet ac possidet, vel etiam in ea, quæ in jure ipsius monasterii voluerit divina pietas augeri, ad causas audiendas, vel faciendæ freda & tributa exigenda, aut fidejussores tollendos, aut homines ipsius monasterii tam ingenuos quàm servos, sclavos & accolæ super terram ipsius commanentes, nec justè nec injustè distringendo, & nullas redhibitiones vel mansiones aut paratas faciendas aut illicitas occasiones requirendas, nostris nec futuris temporibus ingredi audeat, nec ea quæ supra commemorata sunt, ullo unquam tempore exigere præsumat, sed liceat memorato Viro suisque successoribus res prædicti monasterii cum omnibus rebus sibi subjectis & hominibus

minibus, tam ingenuis quam servis, cujuscunque sint nationis, atque omnibus ad se pertinentibus vel aspicientibus, sub tuitionis atque emunitatis nostrae defensione, remota totius judicariae potestatis inquietudine & vulgari appellatione quieto ordine ac tranquilla securitate possidere. Et advocati ipsius Ecclesiae omnem causam inquirendam & discutiendam ipsi dijudicent, & finiant, & quicquid de praefatis rebus Ecclesiae jus fisci exigere poterat in integrum praedicto Viro Otagario suisque successoribus concessimus, scilicet ut perpetuo tempore ei ad peragendum Dei servitium augmentum & supplementum sint. Et ut haec auctoritas emunitatis per futura tempora a cunctis fidelibus nostris melius conservetur veriusque credatur subteueream manu propria nostra firmavimus, & impressione annuli nostri assignari jussumus.

Signum Hludovici

POHS
LIL

Serenissimi Regis

Hildebrandus Subdiaconus ad vicem Grunoldi Archicapellani recognovi. Data XI. Kal. Martii anno XXV, regni Hludovici Serenissimi Regis, in Orientali Francia regnantis, Indictione V. Actum in villa Toramo, in Dei nomine feliciter Amen.

Signum sive monogrammum praecedens non Germanici sed Pii est Ludovici. Quae igitur paulo ante monuimus, haec quoque locum habent.

IIX

IN NOMINE SANCTAE ET INDIVIDUAE
Trinitatis. Ludovicus divina favente clementia Rex. Si
loca divinis cultibus consecrata nostro relevemus judamine,
& augmentam illis in rebus transitoriis impendimus, hoc no-
bis procul dubio profuturum esse liquido credimus. Quapro-
pter notum sit omnibus fidelibus sanctæ Dei Ecclesiæ nostris-
que presentibus scilicet & futuris, qualiter nos ob petitionem
Eginulfi fidelis nostri quasdam res proprietatis nostræ, quas
quondam Reginbertus & Reginolf pater suus servus noster
possidens incolebat, ad Monasterium quod vocatur Altaba,
cui Otgarus Abbas & rector præesse constituitur, ad pro-
prium dedimus datumque in perpetuum mansurum esse vo-
lumus, quicquid Reginbertus prædictus & Reginolf pater
suis servus noster de nostro jure habere visus fuit. Sunt au-
tem ipsæ res in conjacentibus terminis prope monasterium
Altaba in pago Quinzingoune situm in territorio quod est
inter Sweinaba & Monasterium Altaba contiguum. Sed
pro integra firmitate petiit præfatus Otgarus nostræ aucto-
ritatis præceptum super hac re sibi conscribi, cujus petitioni
libenter annuimus, & hoc præceptum nostræ donationis scri-
bere jussimus, per quod precipientes imperamus, ut res su-
perius comprehense, jure firmissimo in potestate ejusdem Ot-
garii successorumque ipsius perpetualiter sine ulla contra-
dictione inconvulsa permaneant. Et quicquid inde elegerit
faciendum, plenariam deinceps & liberam faciendi pote-
statem habeat. Et ut hac auctoritas nostræ largitionis fir-
mior

miorem obtineat vigorem, veriusque credatur atque diligentius conservetur, manu propria nostra subtus eam firmavimus, & sigilli nostri impressione assignari iussimus. Data 15. Cal. Septembr. Anno Christo propitio 25 regni Ludovici serenissimi Regis in Orientali Franciaregnantis. Indictione 5. Actum in civitate Ratispona, in Dei nomine feliciter. Amen.

IX

IN NOMINE SANCTAE ET INDIVIDUAE Trinitatis. Ludovicus divina favente gratia Rex. Si enim ea quae fideles regni nostri pro eorum opportunitatibus nos deprecati fuerint, implere studuerimus, non solum regium morem decenter implemus, verum etiam eos procul dubio fideliores & devotiores in nostro efficimus servitio, & ad aeternam vitam feliciter obtinendam profuturum liquido credimus. Quapropter comperiat omnium fidelium nostrorum praesentium scilicet & futurorum solertia, qualiter Bribinus fidelis Dux noster veniens in procerum nostrorum praesentiam postulavit serenitatem nostram, ut de rebus proprietatis suae, quae ei in proprietatem concessimus, liceret ei partem aliquam ob memoriam ejus dare ad S. Mauritium, & ad Monasterium nostrum Altaba, cui tempore illo Abbas Otgarius praesse videbatur & rector, cujus petitioni libenti animo assensum praebentes decrevimus ita fieri. Dedit itaque Bribinus fidelis Dux noster cum consensu & licentia nostra ad praesatum Monasterium S. Mauritii martyris Christi de sua proprietate in suo Ducatu quicquid habuit ad Salapin-

Iapingiti infra terminos istos. In Orientem ultra Salam fluvium usque in Slougenzim Marchan & Strismaren, & sic inde usque in Hirabagisreit, & ad Chiristetin. Postea verò prædictus fidelis Abbas noster Olgarius deprecatus est celsitudinem nostram, ut easdem res per nostræ auctoritatis præceptum confirmassemus. Cujus petitioni ob honorem Dei & S. Mauritii militis Christi & bonum illius servitium libenti animo assensum præbuimus, & hoc ei nostræ auctoritatis præceptum fieri iussimus, per quod decernimus atque iubemus, ut sicut prædicti termini in prædictis locis diffiniti sunt, ita deinceps ad jam dictum monasterium per hoc nostræ auctoritatis præceptum ipsæ res nullo inquietante Deo auxiliante perpetuis temporibus consistent in proprium. Et ut hac auctoritas nostræ largitionis firmior habeatur, & per futura tempora à fidelibus nostris verius credatur, & diligentius observetur, manu propria nostra subtus eam firmavimus, & annuli nostri impressione roborare iussimus. Data 10 Cal. Martii. Anno Christo propitio 28 regni Domini Ludovici Serenissimi Regis in Orientali Francia regnantis. Indictione 8 actum Regenspurg civitate regia. In Dei nomine feliciter.

X

IN NOMINE SANCTÆ ET INDIVIDUÆ Trinitatis. Ludovicus divina favente gratia Rex. Si liberalitatis nostræ munere locis Deo dicatis quiddam conferimus beneficii, & necessitates Ecclesiasticas nostro relevamus

mus iuvamine, atque regali tuemur munimine, id nobis & ad mortalem vitam temporaliter transigendam, & ad eternam feliciter obtinendam profuturum liquido credimus. Quapropter comperiat omnium fidelium nostrorum presentium scilicet & futurorum solertia, qualiter venerabilis Abbas noster Utgarius adiit celsitudinem nostram, humiliter implorans, ut quasdam res proprietatis nostræ ad monasterium quod vocatur Altaba constructum in honore S. Mauritii in proprium concedissem. Nos itaque petitioni ipsius libenti animo assensum prebuimus, & concessimus quasdam res proprietatis nostræ ad monasterium Altaba, id est villam que vocatur Nawawinida juxta rivulum Trebinam. Admonuit etiam celsitudinem nostram prædictus Abbas, qualiter Dominus Avus noster Carolus licentiam tribuit suis fidelibus in augmentatione rerum Ecclesiasticarum Dei in Pannonia carpere & possidere hereditatem, quod per licentiam ipsius in multis locis, & ad istud etiam monasterium factum esse dinoscitur. Fuerunt namque in vestitura prædicti monasterii quedam loca nomine Scalcobach, sicut ipse rivulus fluit in occidentalem partem usque in Dagodeos Marcha, & inde in Orientalem plagam usque in Ryzara Marcha, atque in eum locum quem vocat Cidalaribach in saltu Enise fluvii, qui conjacet inter Danubium & Ilysam atque Hurulam in meridianam partem, usque in verticem montis & ad Biugen mansos quinque & quicquid ad prædictas villas pertinet, hoc est in mancipiis, edificiis, terris, cultis & incultis, vineis, pratis, sylvis, venationibus, pascuis, aquis,

aquis, aquarumve decursibus. Licet itaque fuissent in re-
stitutione prædictæ res ad præscriptum monasterium, tamen ibi
non erant confirmatæ per illius auctoritatis præceptum. Qua-
dere commoniti bos nostræ auctoritatis apices fieri iussimus,
per quos decernimus atque iubemus, ut prædictæ res cum
omnibus prænominatis ad præscriptum monasterium Altaba
in nostra elemosyna atque in remedio animarum antecesso-
rum nostrorum inviolabiliter perennis temporibus perma-
neant, nullo contradicente. Et ut hæc auctoritas nostræ
largitionis firmitior habeatur, & per futura tempora à fide-
libus nostris verius credatur, & diligentius observetur, manu
propria nostra subtus eam firmavimus, & annuli nostri im-
pressionem assignari iussimus. Data 16. Cal. Iulii, anno Chri-
sto propitio 31. regni Domini Ludovici serenissimi Regis in
Orientali Francia regnantis. Indict. 10. Actum Ustermutin-
ga villa regia, in Dei nomine feliciter.

XI

IN NOMINE SANCTÆ ET INDIVIDUÆ
Trinitatis. Ludovicus favente gratia Rex. Oportet igitur nos,
qui divino sumus munere quodammodo præ cæteris
mortalibus sublimati, ejus in omnibus parere præceptis cujus
clementia prælati sumus atque cujus præcellimus munere, loca
ati unquam sibi sacrata per adpetitiones fidelium nostrorum
nostro relevare juvamine, atque regali tueri munimine,
atque in eis qui ibi Domino famulantur, munificentiam
nostræ largitionis clementer impendere quoniam sic nobis
& ad mortalem vitam temporaliter transigendam, & ad æ-

ternam feliciter obtinendam profuturum, liquidò credimus. Quapropter comperiat omnium fidelium nostrorum presentium scilicet & futurorum solertia, qualiter venerabilis Otgarius Abbas & vocatus Episcopus adiit celsitudinem nostram deprecans, ut ob mercedis nostræ augmentum, loca quedam pertinentia ad suum Monasterium Altaba, quæ ille una cum communi concilio fratrum ad illorum usus necessarios deservire constituit, nec non etiam quæ antea habuerunt, quorum locorum nomina hic subtustenentur inscripta, per nostræ auctoritatis præceptum eis perpetualiter habere concederemus. Cujus petitioni ob amorem Domini nostri IESU Christi libenti animo assensum præbentes, ita decrevimus fieri. Concessimus itaque præscriptis fratribus consistentibus in Monasterio Altaba ad illorum usus necessarios res quas antea habuerunt in istis locis, quorum nomina sunt, Buechofen, Heidolfinga, Operinbusa, Bogama cum Ansfoltinga, Vrbach, & quæ illuc pertinent cum Schellmaba, Mülibeim. Nec non etiam eas res, quas venerabilis Otgarius Abbas ibidem ad illorum usus necessarios postea per nostram licentiam adauxit in istis locis quorum nomina sunt, Altdorf cum Niunbusa & ad VValde, post obitum Odali Zulinga, Vsterlinga, Smidaba cum decem vineis ad VVahonne, ad Bouhbae, post obitum Slemari, & loca quæ Richovi & Richardo ad obedientiam commendata sunt post obitum amborum. Et quod Heribertus habuit post obitum ejus & conjugis suæ, atque tertiam partem salis ad salinas, & si deinceps aliquis res suas

suas ad præfatum Monasterium tradiderit, in prædictorum fratrum redigatur servitium. Has itaque præscriptas res cum omni integritate in prædictorum fratrum servitio perpetualiter per hoc nostræ auctoritatis præceptum plenius in Dei nomine confirmatum permanere concedimus, ea videlicet ratione, ut nullus ex successoribus nostris inde quippiam auferre præsumat, neque Abbas, neque alia qualibet opposita persona, sed absque alicujus molestia vel inquietudine easdem res ad illorum servitium perpetualiter habeant teneant atque possideant. Reliquæ verò res ubicunque sint pertinentes ad Monasterium Altahe sub dominio & gubernatione Abbatis existant, quem ipsi fratres secundum regulam S. Benedicti elegerint. Et ut hæc auctoritas nostræ largitionis firmiter habeatur & per futura tempora à fidelibus nostris credatur & diligentius observetur, manu propria nostra subtus eam firmavimus, & annuli nostri impressione assignari iussimus, nec non per manus Carlomanni roboravimus. Data 15 Cal. Ian. Anno Christo propitio 33 regni Domini Ludovici serenissimi Regis in Orientali Francia regnantis. Indictione 12. Actum Altahe Monasterium, in Dei nomine feliciter.

XII

Etsi undecim Diplomatis quæ ex Metropoli Salisburgensi adduximus non audemus fidem detrahare: Quod sequitur tamen est, fateor, multis de causis suspectum. Adferimus autem etiam illud in medium, ne videamur quidquam voluisse omittere eorum quæ tanto studio in Metropoli ab Hundio & Gewoldo congesta sunt: utque appareat, etiam veteres com-

mentorū auctores non fuisse aulos Ludovico nostro aliud quam Regium cognomentum attribuere.

IN NOMINE DOMINI NOSTRI IESU CHRISTI,
Dei omnipotentis, Ludovicus, divina favente gratia Rex.
 Oportet igitur nos, qui divina sumus gratia quodammodo cæteris mortalibus sublimati, ejus in omnibus parere præceptis, cujus clementia existimus prælati, atque cujus præcellimus munere, loca utique ipsius sibi dicata ante omnia nostris rebus sublimare atque dilatare. Quoniam hoc procul dubio ad salvationem corporis & animæ nostræ fore creditur. Idcirco oportet nos ob amorem Domini nostri *IESU CHRISTI* & matris ejus Mariæ, invidiam destruere malignorum spirituum & hominum, quam volumus manere, quæ est in *Ratisbona* civitate, inter Ecclesiam sancti Stephani Prothomartyris, ubi modò sedes est Episcopalis, & inter Ecclesiam sancti Emmerani pretiosi Martyris, juxta muros ejusdem civitatis, ubi Cathedra erat Pontificis usque dum pater meus Carolus Magnus, Anno ab incarnatione Domini *DCCXCVIII* cum autoritate Leonis Papæ destruxit, & cum consensu Adalwini Episcopi ejusdem civitatis, in civitatem statuit, & confirmavit Ecclesiam pretiosi Martyris Emmerani relictâ ratione ad potestatem Imperatorum sive Regum pertinere, & Rectorem ejusdem Canobii, unoque anno Romam persolvere 7 aureos ad altare S. Petri. Quapropter compariat omnium fidelium nostrorum, præsentium scilicet & futurorum solertia, quod nos confirmamus eandem Ecclesiam cum autoritate Eugenii Papæ, absque omnium homi-

nam contradictione, omni tempore permanere in regimine Imperatorum sive Regum. Et eundem censum ad Romam dare, ea videlicet ratione confirmamus, ut neque Dux, neque Episcopus, ullam potestatem habeant intus aut foris: sed totum quod ad eandem Ecclesiam pertinet, in jus & donationem sancti Emmerani Martyris, provisorumque ejus, tradimus atque transfundimus. Et per hoc nostrae auctoritatis praeceptum, plenius in Dei nomine confirmatum, nullo inquietante, sed Deo auxiliante, ad servitium sanctae Mariae & sancti Petri sanctique Emmerani Martyris Monachorumque ejus, qui ibidem Domino famulantur, omni tempore, absque ullius contradicentis obstaculo, tradita & confirmata permaneant. Et ut haec auctoritas confirmationis nostrae firmitior habeatur, & per futura tempora melius conservetur, cum sigillo Papae & de annulo nostro subter jussimus sigillare.

Posteaquam adeo multa jam produximus in medium Germanici Ludovici nostri Diplomata, merito possit videri super vacua opera, ulterius iis adducendis immorari. Nihilominus tamen adhuc tria adferemus, satius arbitrati plura quam sit necessum adferre quam aliqua in parte deficere. Sed & illa tria ejus sunt momenti uti ex iis eximia liceat addiscere.

Ac primo quidem loco exhibebimus Diploma illud quo Ludovicus noster Tigurinum Sanctimonialium monasterium insolita munificentia ornavit, quodque passim solet commemorari in Helvetiorum rebus. Dabimus autem quemadmodum refertur à Martino Mageto praeclari & operosi voluminis de Advocatia Armata cap. v. pag. 155.

IN NOMINE SANCTAE ET INDIVIDUAE
Trinitatis. H. LUDOVICVS, divina favente clementia
Rex.

Rex. Si de rebus terrenis quas sumus divina largitate consecuti ad loca Sanctorum ob divinum amorem regium morem decenter implentes aliquid conferimus, hoc nobis esse profuturum ad aeterna remunerationis praemia capeffenda liquido credimus. Quapropter comperiat omnium fidelium Sanctae Dei Ecclesiae nostrorumque praesentium scilicet & futurorum industria, qualiter nos pro Serenissimi Imperatoris avi nostri Caroli & praestantissimi HLVDOVICI Augusti Domini ac genitoris nostri, nec non & nostra sempiterna remuneratione, ac pro conjugis prolisque nostrae charissimae perpetua mercede curtim nostram Turegum in Ducatu Almannico in pago Durgaugensi cum omnibus adjacentiis vel aspicientiis ejus, seu in diversis sanctionibus, id est, pagellum Vroniae, cum Ecclesiis, domibus, caeterisque aedificiis desuper positis, mancipiis utriusque sexus, & aetatis, terris cultis & incultis, sylvis, pratis, pascuis, aquis, aquarumve decursibus, adjacentiis, per viis, exitibus & regressibus, quaesitis & inquirendis, cum universis censibus, & diversis redhibitionibus: Insuper etiam forestum nostrum Albis nomine, & quicquid in eisdem locis nostri juris atque possessionis jure proprietatis est, & ad nostrum opus instanti tempore pertinere videtur, totum & integrum ad Monasterium nostrum tradimus quod situm est in eodem vico Turego, ubi Sanctus Felix & Sancta Regula martyres Christi corpore quiescunt. Quod nobis videlicet eo rationis tenore complacuit agendum, ut deinceps in posterum ibidem omni tempore sanctimonialium

lia n^{on} ſeminarum ſub regulari uorma degentium, vita conſervatioque monaſterialis, monaſtico cultu inſtituta, celebratur, & libentius propter hujus loci ſupplementum a nobis jam prædictis Martyribus debiti Dei ſamulatus illic exhibeatur, ac pro noſtra debitorumque noſtrorum omnium mercedis augmento dilig^{entius} ac uberius Domini miſericordia exoretur. Volumus etiam ut fidelium noſtrorum noverit benevolentia quod paterna pietate commoniti ſupradictum monaſterium, cum omni integritate, una cum noſtra traditione in locis præſatis dilectiſſimæ filiæ noſtræ Hildegardæ in proprietatem conceſſimus, ut quando, Domino permittente, velint in eodem Monasterio, Domino militante, ſuoque dominatui ſubjectam diſciplinæ regularibus & obſervatione monaſteriali inſtitutione corrigat, & nutriet, locaque ipſa ſibiſmet conceſſa, quantum vires ſuppeditent, proſectibus & emendationibus augmentando provebat ac emendet. Denique jubentes præcipimus ut nullus iudex publicus nec Comes nec quicquam ex judiciaria poteſtate in locis præſatis vel incunctis rebus ad eadem loca reſpicientibus, ſeu homines tam liberos quàm & ſervos qui illic commanere videntur diſtringere aut infeſtare nec fidejuſſores tollendo aut ullas redditiones vel fredas aut bannos exigendo, aut alius cuius injuriæ vim ullo unquam tempore inferre præſumat, ſed ſub noſtra deſenſione & immunitatis tuitione cum Advocatis ibi conſtitutis reſ illæ ſecuræ per diuturna tempora permaneant. Et ut hæc auctoritas donationis, atque con-

H

firmatio-

firmationis nostrae firmitas habeatur, & per futura tempora à cunctis fidelibus sanctae Dei Ecclesiae nostrisque praesentibus & futuris verius credatur atque diligentius conservetur, manu propria nostra super eam firmavimus & annuli nostri impressione assignari iussimus. Data xii Kal. Augusti. Anno Christo propitio xx regni Domini Hludovici Serenissimi Regis in Orientali Francia. Indictione prima. Actum in Regensburg in Dei nomine feliciter.

Si recte habet sese in hoc Diplomate annus regni in Orientali Francia est numeratus, conditum illud fuerit anno Dominico octingentesimo sexagesimo: ac proinde erraverit Stumphius & Bruschius in annum seculi illius tricesimum tertium, Münsterus in annum 53, Hottingerus in quinquagesimum circiter originem ejus referentes. Sed parum nostra illud nunc refert. Id meretur notari, quod ex MSS. Chronico Tigurino Bullingeri refert doctissimus Heiderus, nec improbavit Vindex Coenobialis, Sigillum atque adeo imaginem Ludovici nostri his verbis esse circumscriptum, *Christe protege Hludovicum Regem*. Merentur etiam hoc loco adjici, quae de isthocdiplomate inseruit notis suis perquam egregiis ad praestantissimum librum Joachimi Vadiani, Bartholomaeus Schobingerus Jurisconsultus Sangallensis, legunturque Tertiò tomo Rerum Alemannicarum Goldasti pag. 116, quandoquidem simul exhibent verum Ludovici nostri signum diversum ab eo quo est usus Pius pater. Verba illius haec sunt.

Monasterium Tigrinum Sanctimonialium conditum & fundatum est à Hludovico seniore (nam Calvus filius vocatus est Junior) Caroli Crassi patre, qui curiam suam urbis Tigurinae, ut ipse

in litteris fundacionis vocat, cum integro jure & omnibus ad se
pertinentibus redditibus eos contulit. Pagum etiam Vrona, qui
hodie Vri dicitur, quem & Pagellum vocat, cum mancipiis & jure
omni ad prefatum Monasterium contulit Ludovicus, ejus pri-
mam Abbatissam filiam Hildegardam constituit & prefata omnia
concessit, sicuti litteris fundacionis clare continetur. Pollicitus rui-
tionem & immunitatis defensionem &c. Mundiburdum. Data
sunt littera, Anno XI Regni Orientalis Francia in Regenspurg.
Signum Hludovici

POE

Verum hactenus de Tigurino Diplomate. Nunc quasi
secundo Rheno ex Alpibus profecti ad Oceanum, qua parte
illi Rhenus immergitur, adferemus aliud à Ludovico nostro
Ultrajectinae Ecclesiae concessum: quale illud productum est
à Wilhelmo Heda in actis Hungeri Episcopi xi pag. 55. editi-
onis Buchellanae. Quod genuinum esse non equidem dubi-
tamus: temporis tamen subscripta nota perquam est cor-
rupta. Annus enim regni xxi Ludovici nostri incidit in Do-
minicum lxi: illo autem res Ultrajectinae Ecclesiae erant in
ditione Regis Lotharii Imperatori cognominis filii: qui
obijt demum anno Christi mcccix. Et quidem Indictio se-
cunda bene quadret in tempus illud: vereor tamen ut vel
tunc hoc diploma condi potuerit à Ludovico nostro, constat
quippe isthoc anno praevaluisse in Lotharii regno Caroli
Calvi auctoritatem: nisi fortassis Hungerus fuerit inter eos

qui Carolo sunt reluctati, ac proinde ab eo privati rebus suis. Vix tamen illo rerum statu potuit à Ludovico confirmatio hæc institui, præsertim ægotante imo penè desperante de vita. Verosimilius igitur, scriptum hoc diploma anno sequente, qui erat Ludovici XXX: utpote cum illo demum anno confectum sit negotium divisionis regni Lotharii inter Ludovicum nostrum & Carolum fratrem, atque adeo in jus & ditionem Ludovici Episcopatus Trajectinus transierit. Operæ fortassis fuerit pretium saltem illa legisse, quæ habent Annales Fuldenses in Actis anni post octingentesimum sexagesimi noni & septuagesimi. Nec vero hujus est loci hoc cum cura agere.

*IN NOMINE SANCTAE ET INDIVIDUAE
Trinitatis Ludovicus divinâ favente clementiâ Rex. Cum
petitionibus sacerdotum Dei justis & rationabilibus divini
cultus amore favemus, supernâ nos muniri gratiâ non du-
bitamus. Noverit interea industria seu utilitas omnium fi-
delium nostrorum tam præsentium, quam & futurarum, quia
Hungerus Veteris Trajecti Ecclesie Episcopus, quæ est
constructa in honorem S. Martini confessoris & aliorum San-
ctorum, obtulit obtutibus nostris auctoritatem immunitatis
domini & genitoris nostri, bonæ memoriæ Ludovici piis-
simi Augusti, in quâ erat insertum, quod non solum idem do-
minus & genitor noster, verum etiam prædecessores ejus Re-
ges Francorum, eidem Ecclesie, cui Hungerus ipse authore
Deo præesset sub tuitione & defensione eorum, cum omni-
bus sibi subiectis & rebus vel hominibus ad se pertinenti-
bus vel aspicientibus consistere fecerunt, & eorum immu-
nitatem.*

nitatem auctoritatibus hactenus ab inquietudine judicariæ potestatis eadem munita atque d'fensa fuisset Ecclesia, sed pro rei firmitate postulavit à nobis prædictus Episcopus, ut paternum seu prædecessorum nostrorum Regum morem sequentes, hujusmodi nostræ immunitatis præceptum erga ipsam Ecclesiam, immunitatis atque tuitionis gratiâ, ob amorem Dei & reverentiam ipsius loci circa ipsam Ecclesiam fieri censeremus. Cujus petitioni libenter assensum præbuimus, & hoc nostræ authoritatis præceptum fieri decrevimus, per quod præcipimus atque jubemus, ut nullus judex publicus, neque quislibet ex judicariâ potestate, aut nullus ex fidelibus nostris, in Ecclesias aut loca vel agros seu reliquas possessiones, quas moderno tempore in quibuslibet pagis vel territoriis infra ditionem regni nostri justè & rationabiliter memorata tenet vel possidet Ecclesia, & ea quæ deinceps jure ipsius sancti loci divina pietas augere dignabitur, ad causas audiendas aut freda exigenda aut mansiones vel paratas faciendas, vel fidejussores tollendos, aut homines ipsius Ecclesiæ tam ingenuos quam & servos super terram ipsius commanentes injustè distringendos, neque ullas redhibitiones aut illicitas occasiones requirendas nostris & futuris temporibus ingredi audeat, vel ea quæ superius memorata sunt exigere præsumat. Sed liceat memorato Præsuli suisq; successoribus res prædictæ Ecclesiæ cum omnibus sibi subiectis sub tuitionis ac immunitatis nostræ defensione quieto ordine possidere, & nostro fideliter parere.

imperio: atque pro incolunitate nostrâ conjugis ac proles
 senetiam totius regni à Deo nobis collati, & ejus clemen-
 tissimâ miseratione per immensum conservandi, una cum
 Clero & populo sibi subiecto, Domini immensam clementiam
 exorare: & quicquid de prefatis rebus Ecclesie jus Fisci
 exigere poterat, integrum eidem concessimus Ecclesie, scilicet
 ut in perpetuo tempore ei ad peragendum Dei servitium
 augmentum & supplementum fiat. Hanc itaque authorita-
 tem ut plenior in Dei nomine obtineat vigorem, & à fi-
 delibus sanctæ Dei Ecclesie & nostris diligentius conser-
 vetur, manu propriâ subter firmavimus, & annuli nostri
 impressione signari fecimus. Signum Domini Ludovici
 piissimi Regis, Hardbertus ad vicem Raterii recognovi.
 Datum xv. Cal. Iunii, Anno xxi. Domini & Serenissimi
 Regis Ludovici in Orientali Franciâ regnantis. Indictione
 secundâ. Actum Franconesurd Palatio Regio. In Dei no-
 mine feliciter, Amen.

Agmen omnium Ludovici Germanici nostri Diploma-
 tum claudat illud quod Commentario postumo De Lupodu-
 no Marquardi Freheri Viri Germanicarum rerum peritissimi,
 inter alia monumenta est adjectum pag. 26. Non potest autem
 non esse nobis illud perquam acceptum, quandoquidem re-
 fert & illa verba quibus Sigillum sive imago Ludovici fuit
 circumscriptum, & quæ signo aut monogrammo fuerunt ad-
 jecta, etsi (quod dolemus) neque imago neque signum
 ipsum fuerit expressum. Commendat etiam sese hoc
 diploma quoniam eoque anno quo decessit Ludovicus (per-
 pcram

peram enim in margine scriptus est A. 870) id est Salvatoris nostri septuagesimo septimo, & quidem non multò ante ejus obitum, loco Monasterio Laurisheimensi, ubi est sepultus, proximo conditum. Mense scilicet Majo hoc Diploma est exaratum: ipse Rex autem *V. Kal. Septembris in palatio Francensuri diem ultimum clausit*: ut habent verba Annalium Fuldenſium.

IN NOMINE SANCTAE ET INDIVIDUAE Trinitatis. Hludowicus divina favente gratia Rex. Notum sit omnibus sanctæ Dei Ecclesiæ fidelibus nostrisque, presentibus scilicet & futuris, qualiter nos ob nostræ mercedis augmentum, & pro remedio animæ Domini avi & genitis nostri, concessimus quasdam res proprietatis nostræ ad monasterium LAVRESHAM, quod est constructum in honore beatorum Apostolorum PETRI & PAULI, ubi etiam requiescit corpore S. Nazarius, hoc est in pago Renense ad SENEIM & BICCHYMBACH, cum omnibus ibidem adjacentiis vel pertinentibus, in mancipiis terris vineis pratis pascuis sylvis aquis aquarumque decursibus exitibus & regressibus, mobilibus, quæsitum & ad inquirendum, totum & ad integrum ex jure & dominatione nostra in jus & dominationem præfati sancti loci tradimus atque transfundimus, ea videlicet ratione, ut ab hodierna die & deinceps, per hoc nostræ auctoritatis præceptum, plenius in DEI nomine confirmatum in usus fratrum Domino ibidem famulantium perpetualiter permaneant absque alicujus contradicentis obstaculo. Quod si nunc Nos easdem res cum consensu

mus iuvamine, atque regali tuemur munimine, id nobis & ad mortalem vitam temporaliter transigendam, & ad aeternam feliciter obtinendam profuturum liquido credimus. Quapropter comperiat omnium fidelium nostrorum presentium scilicet & futurorum solertia, qualiter venerabilis Abbas noster Otgarius adiit celsitudinem nostram, humiliter implorans, ut quasdam res proprietatis nostrae ad monasterium quod vocatur Altaba constructum in honore S. Mauritii in proprium concedissem. Nos itaque petitioni ipsius libenti animo assensum praeuimus, & concessimus quasdam res proprietatis nostrae ad monasterium Altaba, id est villam quae vocatur Nawawinda juxta rivulum Trebinam. Admonuit etiam celsitudinem nostram praedictus Abbas, qualiter Dominus Avus noster Carolus licentiam tribuit suis fidelibus in augmentatione rerum Ecclesiasticarum Dei in Pannonia carpere & possidere hereditatem, quod per licentiam ipsius in multis locis, & ad istud etiam monasterium factum esse dinoscitur. Fuerunt namque in vestitura praedicti monasterii quaedam loca nomine Scalcobach, sicut ipse rivulus fluit in occidentalem partem usque in Dagodeos Marcha, & inde in Orientalem plagam usque in Ryzara Marcha, atque in eum locum quem vocat Cidalaribach in saltu Enise fluvii, qui conjacet inter Danubium & Ibysam atque Hurulam in meridianam partem, usque in verticem montis & ad Bingen mansos quinque & quicquid ad praedictas villas pertinet, hoc est in mancipiis, aedificiis, terris, cultis & incultis, vineis, pratis, sylvis, venationibus, pascuis, aquis,

aquis, aquarumve decursibus. Licet itaque fuissent in vestitura predictæ res ad præscriptum monasterium, tamen ibi non erant confirmatæ per illius auctoritatis præceptum. Quædære commoniti bos nostræ auctoritatis apices fieri iussimus, per quos decernimus atque iubemus, ut predictæ res cum omnibus prænominatis ad præscriptum monasterium Altahe in nostra eleemosyna atque in remedio animarum antecessorum nostrorum inviolabiliter perennis temporibus permaneant, nullo contradicente. Et ut hæc auctoritas nostræ largitionis firmior habeatur, & per futura tempora à fidelibus nostris verius credatur, & diligentius observetur, manu propria nostra subius eam firmavimus, & annuli nostri impressione assignari iussimus. Data 16. Cal. Iulii, anno Christo propitio 31. regni Domini Ludovici serenissimi Regis in Orientali Francia regnantis. Indiæ. 10. Actum Oftermüttinga villaregia, in Dei nomine feliciter,

XL

IN NOMINE SANCTÆ ET INDIVIDUÆ Trinitatis. Ludovicus favente gratia Rex. Oportet igitur nos, qui divino sumus munere quodammodo præ cæteris mortalibus sublimati, ejus in omnibus parere præceptis cujus clementia prælati sumus. atque cujus præcellimus munere, locati unquam sibi sacrata per adpetitiones fidelium nostrorum nostro relevare juvamine, atque regali tueri munimine, atque in eis qui ibi Domino famulantur, munificentiam nostræ largitionis clementer impendere quoniam sit nobis & ad mortalem vitam temporaliter transigendam, & ad æ-

ternam feliciter obtinendam profuturum, liquidò credimus. Quapropter comperiat omnium fidelium nostrorum præsentiā scilicet & futurorum solertia, qualiter venerabilis Otgarus Abbas & vocatus Episcopus adiit celsitudinem nostram deprecans, ut ob mercedis nostræ augmentum, loca quedam pertinentia ad suum Monasterium Altaba, quæ ille una cum communi concilio fratrum ad illorum usus necessarios deservire constituit, nec non etiam quæ antea habuerunt, quorum locorum nomina hic subtilius tenentur inscripta, per nostræ auctoritatis præceptum eis perpetualiter habere concederemus. Cujus petitioni ob amorem Domini nostri IESU Christi libenti animo assensum præbentes, ita decrevimus fieri. Concessimus itaque præscriptis fratribus consistentibus in Monasterio Altaba ad illorum usus necessarios res quas antea habuerunt in istis locis, quorum nomina sunt, Buechofen, Heidolfinga, Oparinbusa, Bogama cum Ansolfinga, Urbach, & quæ illuc pertinent cum Schellnaba, Mülibeim. Nec non etiam eas res, quas venerabilis Otgarus Abbas ibidem ad illorum usus necessarios postea per nostram licentiam adauxit in istis locis quorum nomina sunt, Altdorf cum Niunbusa & ad VValde, post obitum Odali Zulinga, Vsterlinga, Smidaba cum decem vineis ad VVahonne, ad Bouhba, post obitum Slemari, & loca quæ Richovi & Richardo ad obedientiam commendata sunt post obitum amborum. Et quod Heribertus habuit post obitum ejus & conjugis suæ, atque tertiam partem salis ad salinas, & si deinceps aliquis res suas

suas ad praesatum Monasterium tradiderit, in praedictorum fratrum redigatur servitium. Haec itaque praescriptas res cum omni integritate in praedictorum fratrum servitio perpetualiter per hoc nostrae auctoritatis praecceptum plenius in Dei nomine confirmatum permanere concedimus, ea videlicet ratione, ut nullus ex successoribus nostris inde quippiam auferre praesumat, neque Abbas, neque alia qualibet opposita persona, sed absque alicujus molestia vel inquietudine easdem res ad illorum servitium perpetualiter habeant teneant atque possideant. Reliquae vero res ubicunque sint pertinentes ad Monasterium Altaba sub dominio & gubernatione Abbatis existant, quem ipsi fratres secundum regulam S. Benedicti elegerint. Et ut haec auctoritas nostrae largitionis firmiter habeatur & per futura tempora a fidelibus nostris credatur & diligentius observetur, manu propria nostra sub eam firmavimus, & annuli nostri impressione assignari iussimus, nec non per manus Carlomanni roboravimus. Data 15 Cal. Ian. Anno Christo propitio 33 regni Domini Ludovici serenissimi Regis in Orientali Francia regnantis. Indictione 12. Actum Altaba Monasterium, in Dei nomine feliciter.

XII

Esti undecim Diplomatum quae ex Metropoli Salisburgensi adduximus non audemus fidem detrahare: Quod sequitur tamen est, fateor, multis de causis suspectum. Adferemus autem etiam illud in medium, ne videamur quidquam voluisse omittere eorum quae tanto studio in Metropoli ab Hundio & Gewoldo congesta sunt: utque appareat, etiam veteres com-

mentorū auctores non fuisse aulos Ludovico nostro aliud quam Regium cognomentum attribuere.

IN NOMINE DOMINI NOSTRI IESU CHRISTI,
 Dei omnipotentis, Ludovicus, divina favente gratia Rex.
 Oportet igitur nos, qui divina sumus gratia quodammodo
 ceteris mortalibus sublimati, ejus in omnibus parere prae-
 ceptis, cujus clementia existimus praelati, atque cujus praeelli-
 mus munere, loca utique ipsius sibi dicata ante omnia nostris
 rebus sublimare atque dilatare. Quoniam hoc procul dubio ad
 salvationem corporis & animae nostrae fore creditur. Idcirco
 oportet nos ob amorem Domini nostri IESU CHRISTI
 & matris ejus Mariae, invidiam destruere malignorum spi-
 rituum & hominum, quam nolumus manere, quae est in Ra-
 tiubona civitate, inter Ecclesiam sancti Stephani Protho-
 martyris, ubi modò sedes est Episcopalis, & inter Ecclesiam
 sancti Emmerani pretiosi Martyris, juxta muros ejusdem
 civitatis, ubi Cathedra erat Pontificis usque dum pater meus
 Carolus Magnus, Anno ab incarnatione Domini DCCXCVIII
 cum auctoritate Leonis Papae destruxit, & cum consensu
 Adalwini Episcopi ejusdem civitatis, in civitatem statuit,
 & confirmavit Ecclesiam pretiosi Martyris Emmerani re-
 lecta ratione ad potestatem Imperatorum sive Regum perti-
 nere, & Rectorem ejusdem Canobii, unoque anno Romam
 persolvere 7 aureos ad altare S. Petri. Quapropter com-
 periat omnium fidelium nostrorum, praesentium scilicet &
 futurorum solertia, quod nos confirmamus eandem Eccle-
 siam cum auctoritate Eugenii Papae, absque omnium homi-

nam contradictione, omni tempore permanere in regimine Imperatorum sive Regum. Et eundem censum ad Romanam dare, ea videlicet ratione confirmamus, ut neque Dux, neque Episcopus, ullam potestatem habeant intus aut foris: sed totum quod ad eandem Ecclesiam pertinet, in jus & donationem sancti Emmerani Martyris, provisorumque ejus, tradimus atque transfundimus. Et per hoc nostrae auctoritatis praeceptum, plenius in Dei nomine confirmatum, nullo inquietante, sed Deo auxiliante, ad servitium sanctae Mariae & sancti Petri sanctique Emmerani Martyris Monachorumque ejus, qui ibidem Domino famulantur, omni tempore, abique ullius contradicentis obstaculo, tradita & confirmata permaneant. Et ut haec autoritas confirmationis nostrae firmitior habeatur, & per futura tempora melius conservetur, cum sigillo Papae & de annulo nostro subter jussimus sigillare.

Posteaquam adeò multa jam produximus in medium Germanici Ludovici nostri Diplomata, merito possit videri supervacua opera, ulterius iis adducendis immorari. Nihilominus tamen adhuc tria adferemus, satius arbitrati plura quam sit necessum adferre quam aliqua in parte deficere. Sed & illa tria ejus sunt momenti uti ex iis eximia liceat addiscere.

Ac primo quidem loco exhibebimus Diploma illud quod Ludovicus noster Tigurinum Sanctimonialium monasterium insolita munificentia ornavit, quodque passim solet commemorari in Helvetiorum rebus. Dabimus autem quemadmodum refertur à Martino Magero praeclari & operosi voluminis de Advocatia Armata cap. v. pag. 155.

IN NOMINE SANCTAE ET INDIVIDUAE
Trinitatis. H. LUDOVICVS, divina favente clementia.
Rex.

linæ seminariarum sub regulari norma degentium, vita conservatioque monasterialis, monastico cultu instituta, celebratur, & libentius propter hujus loci supplementum a nobis jam prædictis Martyribus debiti Dei famulatus illic exhibeatur, ac pro nostra debitorumque nostrorum omnium mercedis augmento diligentius ac uberius Domini misericordia exoretur. Volumus etiam ut fidelium nostrorum noverit benevolentia quod paterna pietate communiti supradictum monasterium, cum omni integritate, una cum nostra traditione in locis præfatis dilectissimæ filiæ nostræ Hildegardæ in proprietatem concessimus, ut quando, Domino permittente, valent in eodem Monasterio, Domino militante, suoque dominatui subjectam disciplinæ regularibus & observatione monasteriali institutione corrigat, & nutriat, locaque ipsa sibi nec concessa, quantum vires suppedient, profectibus & emendationibus augmentando provebat ac emendet. Denique jubentes præcipimus ut nullus iudex publicus nec Comes nec quisquam ex judiciaria potestate in locis præfatis vel incunctis rebus ad eadem loca respicientibus, seu homines tam liberos quàm & servos qui illic commanere videntur distringere aut infestare nec fidejussores tollendo aut ulla redditiones vel fredas aut bannos exigendo, aut aliquis injuriæ vim ullo unquam tempore inferre præsumat, sed sub nostra defensione & immunitatis tuitione cum Advocatus ibi constitutus res illæ securæ per diuturna tempora permaneant. Et ut hæc auctoritas donationis, atque con-

H

firmatio-

firmationis nostrae firmior habeatur, & per futura tempora à cunctis fidelibus sanctae Dei Ecclesiae nostrisque presenti-
bus & futuris verius credatur atque diligentius conser-
vetur, manu propria nostra super eam firmavimus & annuli
nostri impressione assignari iussimus. Data xii Kal. Augusti.
Anno Christo propitio xx regni Domini Hludovici Serenis-
simi Regis in Orientali Francia. Indictione prima, Actum
in Regensburg in Dei nomine feliciter.

Si recte habet sese in hoc Diplomate annus regni in
Orientali Francia est numeratus, conditum illud fuit anno
Dominico octingentesimo sexagesimo: ac proinde erraverit
Stumphius & Butschius in annum seculi illius tricesimum ter-
tium, Münsterus in annum 53, Hottingerus in quinquagesi-
mum circiter originem ejus referentes. Sed parum nostra
illud nunc refert. Id meretur notari, quod ex MSS. Chro-
nico Tigurino Bullingeri refert doctissimus Heiderus, nec
improbavit Vindex Coenobialis, Sigillum atque adeo ima-
ginem Ludovici nostri his verbis esse circumscriptum, *Christe
protege Hludovicum Regem*. Merentur etiam hoc loco adjici,
quae de isthoc diplomate inseruit notis suis perquam egregiis
ad praestantissimum librum Joachimi Vadiani, Bartholomaeus
Schobingerus Jurisconsultus Sangallensis, legunturque Ter-
tio tomo Rerum Alemannicarum Goldasti pag. 116, quan-
doquidem simul exhibent verum Ludovici nostri signum
diversum ab eo quo est usus Pius pater. Verba illius haec
sunt.

*Monasterium Tigurinum Sanctimonialium conditum & fun-
datum est à Hludovico seniore (nam Calve filius vocatus est Ju-
nior) Caroli Crasis patre, qui curiam suam urbis Tigurinae, ut ipse*

in litteris foundationis vocat, cum integro jure & omnibus ad se
pertinentibus redditibus eos contribuit. Pagum etiam Vronta, qui
hodie Vri dicitur, quem & Pagellum vocat, cum mancipiis & jure
omni ad prefatum Monasterium contribuit Ludovicus, ejus pri-
mam Abbatissam filiam Hildegardam constituit & prefata omnia
concessit, sicut litteris foundationis clare continetur. Follicitus rui-
tionem & immunitatis defensionem &c. Mundiburdium. Data
sunt littera, Anno XX Regni Orientalis Francia in Regenspurg.
Signum Hludovici

POS

Verum hætenus de Tigurino Diplomate. Nunc quasi
secundo Rheno ex Alpibus profecti ad Oceanum, qua parte
illi Rhenus immergitur, adferemus aliud à Ludovico nostro
Ultrajectinæ Ecclesiæ concessum: quale illud productum est
à Wilhelmo Heda in actis Hungeri Episcopi xi pag. 55. editi-
onis Buchelianæ. Quod genuinum esse non equidem dubi-
tamus: temporis tamen subscripta nota perquam est cor-
rupta. Annus enim regni xxi Ludovici nostri incidit in Do-
minicum lxi: illo autem res Ultrajectinæ Ecclesiæ erant in
dirione Regis Lotharii Imperatori cognominis filii: qui
obijt demum anno Christi mcccix. Et quidem Indiæio se-
cunda benè quadrat in tempus illud: vereor tamen ut vel
tunc hoc diploma condi potuerit à Ludovico nostro, constat
quippe isthoc anno prævaluisse in Lotharii regno Caroli
Calvi auctoritatem: nisi fortassis Hungerus fuerit inter eos

qui Carolo sunt relictati, ac proinde ab eo privati rebus suis. Vix tamen illo rerum statu potuit à Ludovico confirmatio hæc inſtitui, præſertim ægrotante imo penè deſperante de vita. Verosimilius igitur, ſcriptum hoc diploma anno ſequenti, qui erat Ludovici XXX: utpote cum illo demum anno conſectum ſit negotium diviſionis regni Lotharii inter Ludovicum noſtrum & Carolum fratrem, atque adeo in jus & ditionem Ludovici Episcopatus Trajectinus tranſierit. Operæ fortassis fuerit pretium ſaltim illa legiſſe, quæ habent Annales Fuldenses in Actis anni poſt octingentefimum ſexageſimi noni & ſeptuageſimi. Nec vero hujus eſt loci hoc cum cura agere.

*IN NOMINE SANCTAE ET INDIVIDUAE
Trinitatis Ludovicus divinâ favente clementiâ Rex. Cum
petitionibus ſacerdotum Dei juſtis & rationabilibus divini
cultus amore favemus, ſupernâ nos muniri gratiâ non du-
bitamus. Noverit interea induſtria ſeu utilitas omnium fi-
delium noſtrorum tam præſentium quam & futurarum, quia
Hungerus Veteris Trajecti Eccleſiæ Episcopuſ, quæ eſt
conſtructa in honorem S. Martini conſeſſoris & aliorum San-
ctorum, obtulit obtutibus noſtris authoritatem immunitatis
domini & genitoris noſtri, bonæ memoriæ Ludovici piſ-
ſimi Auguſti, in quâ erat inſertum, quod non ſolum idem do-
minus & genitor noſter, verum etiam prædeceſſores ejus Re-
ges Francorum, eidem Eccleſiæ, cui Hungerus ipſe authore
Deo præeſſet ſub tuitione & deſenſione eorum, cum omni-
bus ſibi ſubjectis & rebus vel hominibus ad ſe pertinenti-
bus vel aſpicientibus conſiſtere fecerunt, & eorum immu-
nitatem.*

nitatem auctoritatibus haftenus ab inquietudine judicariae potestatis eadem munita atque d'fensa fuisset Ecclesia, sed pro rei firmitate postulavit à nobis praedictus Episcopus, ut paternum seu praedecessorum nostrorum Regum morem sequentes, hujusmodi nostrae immunitatis praecipuum erga ipsam Ecclesiam, immunitatis atque tuitionis gratia, ob amorem Dei & reverentiam ipsius loci circa ipsam Ecclesiam fieri censeremus. Cujus petitioni libenter assensum praebuimus, & hoc nostrae auctoritatis praecipuum fieri decrevimus, per quod praecipimus atque jubemus, ut nullus iudex publicus, neque quislibet ex iudicaria potestate, aut nullus ex fidelibus nostris, in Ecclesias aut loca vel agros seu reliquas possessiones, quas moderno tempore in quibuslibet pagis vel territoriis infra ditionem regni nostri iuste & rationabiliter memorata tenet vel possidet Ecclesia, & ea quae deinceps jure ipsius sancti loci divina pietas angere dignabitur, ad causas audiendas aut freda exigenda aut mansiones vel paratas faciendas, vel fidejussores tollendos, aut homines ipsius Ecclesiae tam ingenuos quam & servos super terram ipsius commanentes injuste distringendos, neque ullas redhibitiones aut illicitas occasiones requirendas nostris & futuris temporibus ingredi audeat, vel ea quae superius memorata sunt exigere praesumat. Sed liceat memorato Praesuli suisq; successoribus res praedictae Ecclesiae cum omnibus sibi subiectis sub tuitionis ac immunitatis nostrae defensione quieto ordine possidere, & nostro fideliter parere.

imperio: atque pro incolumitate nostrâ conjugis ac proliis
 senectiam totius regni à Deo nobis collati, & ejus clemen-
 tissimâ miseratione per immensum conservandi, una cum
 Clero & populo sibi subiecto, Domini inmensam clementiam
 exorare: & quicquid de prefatis rebus Ecclesiæ jussu Fisci
 exigere poterat, integrum eidem concessimus Ecclesiæ, scilicet
 ut in perpetuo tempore ei ad peragendum Dei servitium
 augmentum & supplementum fiat. Hanc itaque authorita-
 tem ut plenior in Dei nomine obtineat vigorem, & à fi-
 delibus sanctæ Dei Ecclesiæ & nostris diligentius conser-
 vetur, manu propriâ subter firmavimus, & annuli nostri
 impressione signari fecimus. Signum Domini Ludovici
 piissimi Regis, Hardbertus ad vicem Ratelerii recognovi.
 Datum xv. Cal. Junii, Anno xxi. Domini & Serenissimi
 Regis Ludovici in Orientali Franciâ regnantis. Indictione,
 secundâ. Actum Franconesurd Palatio Regio. In Dei no-
 mine feliciter, Amen.

Agmen omnium Ludovici Germanici nostri Diploma-
 tum claudat illud quod Commentario postumo De Lupodu-
 no Marquardi Freheri Viri Germanicarum rerum peritissimi,
 inter alia monumenta est adjectum pag. 26. Non potest autem
 non esse nobis illud perquam acceptum, quandoquidem re-
 fert & illa verba quibus Sigillum sive imago Ludovici fuit
 circumscriptum, & quæ signo aut monogrammo fuerunt ad-
 jecta, etsi (quod dolemus) neque imago neque signum
 ipsum fuerit expressum. Commendat etiam sese hoc
 diploma quoniam copse anno quo decessit Ludovicus (per-
 peram

peram enim in margine scriptus est A. 870) id est Salvatoris nostri septuagesimo septimo, & quidem non multò ante ejus obitum, loco Monasterio Laurisheimensi, ubi est sepultus, proximo conditum. Mense scilicet Majo hoc Diploma est exaratum: ipse Rex autem *V. Kal. Septembris in palatio Francensursi diem ultimum clausit*: ut habent verba Annalium Fuldenſium.

IN NOMINE SANCTAE ET INDIVIDUAE
Trinitatis. *Fludowicus divina favente gratia Rex.* Notum sit omnibus sanctae Dei Ecclesiae fidelibus nostrisque, praesentibus scilicet & futuris, qualiter nos ob nostrae mercedis augmentum, & pro remedio animae Domini avi & genitoris nostri, concessimus quasdam res proprietatis nostrae ad monasterium LAVRESHAM, quod est constructum in honore beatorum Apostolorum PETRI & PAULI, ubi etiam requiescit corpore S. Nazarius, hoc est in pago Renense ad SENEIM & BICCHUMBACH, cum omnibus ibidem adjacentiis vel pertinentibus, in mancipiis terris vineis pratis pascuis sylvis aquis aquarumque decursibus exitibus & regressibus, mobilibus, quæsitum & ad inquirendum, totum & ad integrum ex jure & dominatione nostra in jus & dominationem praefati sancti loci tradimus atque transfundimus, ea videlicet ratione, ut ab hodierna die & deinceps, per hoc nostrae auctoritatis præceptum, plenius in DEI nomine confirmatum in usus fratrum Domino ibidem famulantium perpetualiter permaneant absque alicujus contradicentis obstaculo. Quod si nunc Nos easdem res cum consensu

sensu & voluntate dilecti filii nostri KAROLI statim commutare possumus, hoc omnino desideramus. Si autem hoc esse nequiverit, tunc firmiter precipimus atque jubemus, ut post obitum nostrum perpetualiter ibi permancant absque aliqujus molestia vel inquietudine. Et ut hac auctoritas largitionis nostra firmior habeatur, & per futura tempora à fidelibus nostris verius credatur & diligentius observetur, manu propria nostra subter eam firmavimus, & annuli nostri impressione assignari iussimus. Heberbardus Cancellarius ad vicem Lutherti archicapellani recognovi & subscripsi. Data 1111 Non. Majas, Anno Christi propitio, XXXVII Regni Domini Hludovici serenissimi Regis in Orientali Francia regnantis Indictione VII. Adum Lobzenburc.

CHRISTE PROTEGE HLVDOVVICVM REGEM.

SIGNVM DOMNI HLVDOVVICI
SERENISSIMI REGIS.

CAPUT V.

Nec Ludovicum Pium, nec Ludovicum Lotbarii filium, qui soli seculo Christiano nono Imperatores audierunt, adeoque nullum Ludovicum Imperatorem, Cœnobiale diploma condidisse. In nonnullis tamen referre illud Ludovici Pii diplomata, cum primis ea quæ anno Imperii xxvi sunt lata, ac proinde etiam hoc ipso commissum falsi crimen prodere.

Cum Diplomata omnia Ludovici Pii & Germanici, quorum alterutri possit forte adscribi illud Cœnobiale, jam adducta sint, nihil est quod amplius Censuram institutam remoretur. Deinceps igitur id præstabis quod professi jam sumus, atque adeo compluribus firmis argumentis demonstrabimus, Diploma illud esse fictum, commentitium, atque adeo nullus momenti.

Illorum autem PRIMUM meritò omnium esse oportet illud, quod falso Diploma illud præ se ferat, quasi sit conditum à Ludovico Imperatore, & quidem seculo jam tum Christiano nono. Si sane hoc etiam fuerit evictum, jam erit depugnatum. Utique enim quem ipsum Diploma suum auctorem laudat, de eò cum primis nihil falsi referre debuit.

Ut constet verò assertionis nostræ ratio, principio tanquam indubitatum atque ab ipsis Cœnobii hyperaspistis concessum ponendum est: duos Ludovici nomine appellatos citra controversiam Imperatores fuisse seculo isthoc nono. Præter illos autem binos alium nullum Imperatorem audisse, contra Cœnobialem Vindicem proximo capite adstruemus. Illorum alter est Ludovicus Pius filius Caroli Magni, alter

hujus nepos Lotharii Imperatoris filius. A neutro illorum Diploma hoc esse, liquidò jam ostendemus : retrogrado ordine à Lotharii filio facientes initium.

Jam tum autem doctissimus Heiderus perspicue adeo probavit. neutiquam hoc Diploma esse LUDOVICI NEPOTIS, ut ipsemet Cœnobialis Hyperaspista tractus fuerit in assensum. Negavit duntaxat, in ipso Diplomate hunc esse laudatum conditorem. Ac proinde *cap. 1.* in sua Responsione, *crimini falsi* statim accusat Heiderum, quod his fuisset usus verbis : *Dass Keyser Ludewig der II Keyser Lotharii Sohn und Caroli Magni Phrenckel / vermog Buchstablichen inhalts und auffgedruckten Insigels / gemelten Brieff ertheilet haben soll ; non enim vel in textu diplomatis vel in sigillo Cæsario id ipsum asseri. Verum ab illa atroci accusatione Heiderum facile absolvit res ipsa. Utique enim ipsum illud Diploma sæpe repetitis vicibus conditorem suum refert Ludovicum Imperatorem, ejusque annum Imperii vicesimum sextum, & Incarnationis Domini DCCCLXVI. Illo autem tempore nemo audit Ludovici nomine Imperator (quod enim præter hæcenus communem sententiam de Ludovico Germaniæ Rege adfert Vindex Cœnobii ; id proximo capite demonstrabitur, plane novum simul tamen ineptum esse *Æuenua*) præter Lotharii filium : qui revera unus fuit Ludoviciani nominis Imperator secundus. Nec sequitur, crimen falsi esse commissum ab Heidero, quoniam res ipsa clamat, Ludovico huic fabricam Diplomatis non posse deberi : sed potius arguit imperitiam aut malitiam ejus qui diploma confinxit. Ita verò etiam antehac fuisse creditum ipsimet Cœnobio, certissimum præbet documentum Bruschi in eandem sententiam facta narratio. Nihil enim in suo de Monasteriis opere refert præter ea quæ in singulis monasteriis, dum per Germaniam vagaretur, accepit. Ille vero diserte ita loquitur, ubi de hoc Cœnobio agit pag.*

79. Idem ille Adalbertus Xendochii etiam Lindavienſis opulentiſſimi fundator fuiſſe dicitur: qui tandem anno Domini 841 decima die Maji occiſus legitur à copiis Ludovici Regis Germania & Bavaria, non procul à Lacu Brigantino, dum is à Caſare Lothario praſidi loco in Rhetia poſitus eſſet, ut prohiberet, ne Caroli Calvi exercitus à Burgundionibus adveniens cum Ludovici fratris agmine jungeretur. Poſtea anno Domini 866 ab Imperatore Ludovico ſecundo, CAESARIS LOTHARII FILIO, datis Privilegiū ac Aſſylo inſuper in ſontium refugium conceſſo, confirmatur Adalberti Comitio, Lotharii Caſaris ſam fidelis praefecti & Miniſterialis nova iſta fundatio.

Magna itaq; injuriā Heidero intentatum eſt falſi crimen: imò hætenus ille vacat utique omni etiam ſuſpicionē culpæ. Cæterum ab illo Ludovico Imperatore Lotharii filio non eſſe Diploma, vi rationum à doctiſſimo Heidero adductarum ſuperatus, ipſemet Cœnobialis vindex, ceu diximus jam tum, eſt conſeſſus: agnoſcens, illi Ludovico in Germania nihil fuiſſe imperii. Verba ejus hæc ſunt cap. 2. §. 3. Die Umſtånd lauffen gemelten Keyſer Ludwig ſtracks zu wieder / weil er in Teuſcheu Landen keine Jurisdiction oder Gewalt gehabt / wie D. H. wol beſteht, und man Stiffts ſeiten gern geſchehen laſſet ic. Ea propter non etiam fortassis eſt cauſſæ amplius quidquam, quare à nobis hîc verbulum addatur. Quandoquidem tamen poſſit alicui ad huc ſcrupulus aliquis ſuper-eſſe, paucis ſaltim illum etiam nos hoc loco eximemus.

Igitur ab illo Ludovico hoc diploma non eſſe, primario argumento nobis eſt illud, quod huic Imperatori neque mediate neque immediate jus aliquod regendi in Germania, ac proinde nec in Alemannia, competierit, Privilegium autem eiſmodi non niſi Regia vel Imperatoria auctoritate potuerit condi. Obſervandum ſcilicet eſt, Ludovicum Pium Imperatorem Bajoariæ quidem Regem conſtituiſſe filium ſuum Lu-

dovicum, sibi tamen servata in illum summa potestate Imperatorio titulo: eoque filium Bajoariam rexisse quasi immediate, patrem vero mediate. Id quod luculente apparet ex diplomatibus quæ confici fecit vivo Pio Imperatore filius, Rex adhuc audiens Bajoariam, quorum duas jam tum præcedente capite exhibuimus. Neutra autem ratione Ludovico Imperatori Lotharii filio quidquam fuit in Germania saltim Alemannica juris. Non Imperatorio: quandoquidem nequidem ejus parens Lotharius quidquam juris Imperatorii in fratrum Ludovici & Caroli ditiones post institutam divisionem Francici imperii habuit, ac proinde nec in filium potuit transferre. Victus scilicet duobus ingentibus præliis a fratribus Lotharius, proponi victoribus per legatos fecit, teste Nithardo l. 4: *Si vellent illi aliquid supra terram partem regni propter nomen Imperatoris, quod illi Pater illorum concesserat, & propter dignitatem Imperii quam avus Regno Francorum adjecerat, facerent: Sin aliter, tertiam tantummodo partem sibi concederent; regeteq, quisq, illorum portionem regni sui prout melius posses; frueretur alter alterius subsidio & benevolentia.* Posterior placuit: ac proinde nullum jus Imperatorium in Ludovici ditiones ut nec in Caroli Calvi Lothario superfuit. Id quod Baronio etiam rectè est observatum, qui proinde scribit ad annum 848: *Nullum Lotharium facultatem habuisse dissolvendi aliquid in Regno Germania, spectante ad Ludovicum, certum est.* Nos pridem libro *de Germanorum Imperio cap. IX* hoc ipsum demonstravimus, ac proinde nihil nunc addimus.

Porro per institutam illam Francorum imperii divisionem, Ludovico obligasse etiam ultra Rhenum Alemannicæ illam partem quæ est usque ad Vrsam; jam tum docuimus *Operis de Finibus Imperii Germanici cap. 3.* Saltim monasterium S. Galli in Ludovici ditionem isthac divisione pervenisse, manifestum est ex iis quæ narrat Ratpertus Monachus S. Galli

cap. 7 & 8 libri de Origine & casibus monasterii S. Galli: quem librum Goldastus edidit Tomo primo Rerum Alemannicarum: ut & ex illa tabula donationis monasterio S. Galli factæ anno 13 Ludovici Regis in Orientali Francia, quam Joachimus Vadianus vir exactissimi judicii pariter & industriæ l. 2. de Collegiis Monasteriis q. Germania Veteribus inseruit, quæque legitur Tomo III Rerum Alemannicarum Goldasti pag. 46. Unde simul liquidum est, omnem lacum Podamicum ejusque oram universam, saltim ab anno 843, quo divisio est constituta, soli Ludovico nullo autem jure Lothario paruisse. At vero Lotharius etiam illam quæ sibi obtigerat partem tertiam tres rursus in partes divisam, filiis totidem, in cœnobium sese recondens anno 855 Prumiense, pleno regendi jure singulis tradito, commisit. Quo factum, ut Ludovicus natus maximus Italiam cum Imperatorio titulo quidem acceperit, nihil tamen juris extra Italiæ fines fuerit consequutus. Et verò hac de causa solet ille in Annalib. Franciæ Imperator Italia audire, & exclamavit olim Gotfridus Viterbiensis: *Vide ad quantum defectum Romanum Imperium devenit! Scilicet ut in tres partes diviso Regno Francorum, tertia pars tertia pars esset Imperium.*

Nec mediate igitur nec immediate Ludovico Lotharii filio, qui Imperatorio titulo tum temporis secundus post Ludovicum Pium audivit, quidquam habuit in Podamici lacus sive insulas sive viciniam juris; ac proinde condere non potuit in Lindavici monasterii, si quod tum fuit, commoda ullum privilegium. Non fert autem etiam annorum numerus, qui in Diplomate continetur, Ludovicum Imperatorem illum secundum. Diplomatis enim subscriptio refert, conditum illud esse anno Imperii vicesimo sexto. At vero Ludovicus hic secundus anno demum 55 cepit solus audire Imperator & defunctus est improlis anno 876: ac proinde

non nisi in annum usque vicesimum primum imperavit. Jam tum, fateor, anno 843 fecerat illum pater consortem regiminis; sed ab illo initio rara solent, quæ solus edidit monumenta, Imperii annos numerare. Ut taceam, annum vicesimum sextum Imperii, hoc computo observato, fuisse Christi 869: in Diplomata autem annum Imperii vicesimum sextum referri in annum Christi 866. Quicquid hujus sit, certo est certius, Diploma cœnobiale à Ludovico isthoc secundo id nominis Imperatore non esse conditum.

LUDOVICO PIO Imperatori pluraque Diplomatis convenire, affirmat Vindex. Quod enim in eo legitur, conscriptum illud anno Christi 866, cum tamen Pius obierit anno 840, existimat esse levis momenti. Illud enim ab aliqua imprudente manu longè post denique adscriptum: idque arguere characterum diversitatem.

Verùm enimverò illam subscriptionem anni Christi reliquis recentiorē esse, non sanè certò indicat diversitas characterum. Enimverò characteres quibus ipsum Diploma scriptum, differunt plurimùm figura sua ab iis quibus constat subscriptio: imo ipsiusmet subscriptionis characterum magna est diversitas: & tamen Vindex omnia illa uno eodemque tempore exarata esse arbitratur. Quod si inspicundi ipsum autographum facultas nobis esset, fortassis haud difficulter appareat omnium una eademque ætas. Saltem itaque hætenus manet obstaculum: quod non possit Diploma acceptum referri Ludovico Pio, quia ille jam viginti sex annos ante Diplomatis confectiōem è vivis excessit.

Sit saltem hætenus itaque hoc argumentum primum; etsi de ejus vi nolimus multum cum adversario contendere. Cæterum adferemus nunc in medium argumentum alterum, idque invicti omninò roboris, quod non patitur Diplomatis autorem Pium Ludovicum. In Diplomate scilicet Rhabanus

nus appellatur *Sancta Ecclesia Moguntina Metropolis*: ille vero demum anno 847, octavo post obitum Pii anno, dignitatem illam Archiepiscopalem est consecutus. Diserte enim Annales Pithoeani & Fuldenses Freherad annum illum ita loquuntur: *Ortharius Moguntiacensis Episcopus XI Kal. Maji obiit, in cuius locum Hrabanus ordinatus est V Kal. Julii*. Idem multis narrat Serrarius l. 6. Historiæ Moguntiacæ. Vidit hoc argumentum ipsemer Vindex, ejusque vim agnoscens his utitur verbis: *An welchem scopulum wolgedachtes Suffe sich nicht begchret zu stossen.*

Quicquid ergo sit de priore argumento, sufficit nobis solum illud alterum. Jamque habemus confitentem ipsummet cœnobiale Vindicem, ab Imperatore Ludovico Pio Diplomæ illud cœnobiale non esse conditum.

QUANTUMVIS autem ita sese res habeat, in Diplomate tamen illo reperiuntur revera nonnulla, quæ non nisi uni Ludovico Pio conveniunt: nonnulla, quæ omniû commodissime unius illius rebus quadrant. *Primo* enim nomen Imperatorium uni Pio, inter omnes, qui illo seculo Carolino rerû potiti sunt per Germaniam, competit: ceu proximo capite demonstrabitur. *Secundo* Diplomatis Sigillum est non alterius quam solius Pii illius Imperatoris. Non lac lacti lane similis, atq; Paderbornense quod dedimus primo loco capite tertio, est illi Lindaviensi. Tener ille vultus, qui utrobivis est conspicuus, apparet quoque in Hamburgensi Diplomate, quod cum aliis adjecit Septentrionalium rerum scriptoribus Erpoldus Emdenbrogius: ibique pridem omnium oculis patuit. Non alio tale hic est opus, non alio iudice, quàm oculo cujuslibet æqui hominis. Videantur sigilla aliorum id temporis Imperatorum aut Regum: liquidum fiet illorum ab his discrimen, non minus atque horum Ludovici Imperatoris nomen referentium figura planè confimilis. Signum *Tertio* manus Imperatoris subscri-

subscriptum Diplomati cœnobiali ex more illius ævi, utiq; plane est idem cum iis quæ: Pii aliis diplomatibus, cuiusmodi nos tria exhibuimus indubitata fidei, continentur, Sebastianus quoque Munsterus *Cosmographia sua l. 3. cap. 19.* refert quidem duo diversa nonnihil Imperatoris hujus signa, etiam hoc nostrum tamen producit, à quo alterum perparum differt. Ludovici Germanici manus signum sive monogrammum, ut tunc loquebantur, genuinum ter à nobis est exhibitum cap. iv, primum Paderbornense, alterum Argentoratense, tertium Tigurinum, sed cum Imperatoris Ludovici signo neutiquam conveniens. Ludovici Regis Calvi filii signum apud Munsterum itidem est conspicere plane dissimile. Nonnullis in *Hundt Metropoli* Germanici Ludovici diplomatibus sunt quidem signa addita Pii patris: sed hoc vitio factum, jam tum monuimus capite præcedente.

Cæterum quia Diploma Cœnobiale sub sigillo pariter & signo Pii Imperatoris est editum, & tamen neutiquam Imperatoris illius auctoritate conditum, liquet profectò clarissime ex hoc vel uno, Diploma illud à falsario aliquo & impostore confictum esse. Alienis enim sigillis & signis tabulas edere falsicrimen est lege Cornelia puniendum.

Prius verò quam hunc locum deseramus, operæ fuerit pretium tollere scrupulum, qui haud injuria suspicionem commissi falsi possit movere, utriq; imagini Pii Imperatoris, ratione diadematis. Videtur enim illud esse fascia laurea. Ast verò jam tum à Constantino Magno usque Imperatores omnes non laureo sed gemmeo diademate constanter sunt usi. Quod utique liquidò ostendunt eorum adhuc superstites nummi. Secutus hoc exemplum fuit jam olim & Clotharius Francorum Rex: idque nummi ejus referunt. Cujusmodi Nicolaum Peirescium, illustrem dignitate eruditione & virtute virum, donasse Paulo Petavio antiquario

quario celeberrimo testatur *l. 2. de Vita Petrescii* Petrus Gassen-
dus. In ojam Teudomarum, qui ante Pharamundum Fran-
cos rexit, gemmeo diademate nummos suos ornasse, liquet ex
Claudii Buteronis Francicorum numismatum opere quod
eis paucos annos Parisiis in lucem prodit. Non laureum er-
go sed gemmeum hoc quoque Pii Imperatoris est diadema:
& laureæ species tantum rudiori manui sculptoris sive picto-
ris tribuenda est, dum voluit extantes insigni magnitudine
gemmas exprimere.

Reperiuntur autem in illo Diplomate etiam alia, quæ
ex rebus Pii Ludovici itidem esse petita saltem per est veri-
simile: etsi non fortassis perinde sit certum atque illud quod
de Imperatorio Nomine Sigillo & Signo paulum ante ad-
duximus. *Primò* enim, constat ex Annalibus Franciis,
sive Pithœi, sive Freheri, Pium Imperatorem anno Christi 839
Pascha celebrasse ad Lacum Brigantinum. Id verò factum esse
in Podamo Palatio, videtur disertè indicasse Auctor Vitæ
Ludovici quando ait: *Exercitus coactosq. Bedonsam perrexit.*
Mendosam esse vocem illam significavit & Pithœus editor,
in margine notans *Hodomiam*: cum *Podomum* aut *Bedonsam*
scilicet (utroque enim modo in monumentis vetustis scri-
bitur) esset legendum. Jam verò incidit plane illud tem-
pus in Imperii Pii annum vicesimum sextum, & festum
Paschale in mensem Aprilem. Commodissime itaque tunc
potuit à Pio Imperatore Diploma condi 12 Kal. Maji Podami
anno Imperii vicesimo sexto.

Ubi obiter non possumus non monere: Vindicem
Cœnobiolem *cap. 1. §. 1.* perperam numerare Imperia-
les Pii annos, ac proinde *avertit* dicere. Incipit scilicet an-
nos ab obitu Caroli Magni, qui contigit anno Domini 814
v Kal. Febr. Hinc autem inito computo annus Imperii vi-
cesimus sextus incidit quidem in Domini tricesimum nonum,

sed ita, ut vicesimus septimus jam inceperit à mense usque Februario, ac proinde Diploma fuerit conditum mense Aprilis anni Ludoviciani Imperatorii vicesimo septimo. At verò putandum est Imperii Ludoviciani tempus ab eo momento, quo Pater Carolus illum fecit consortem Imperii, id quod Junio circiter mense anni xiii contigisse docent Annales. Et vero non est dubitandum, olim ab illo initio numeratos Imperii annos. Hinc Nithardus *l. r. de Dissensionib. filiorum Ludovici Pii* sub fine de Pio ipso scribit: *Imperiale nomen per annos VII & viginti & per menses sex obtinuit.* Author item anonymus vitæ Pii, *Aquisgrana quidem*, ait, *præfuit per annos triginta septem, Imperavit verò viginti septem.* Hac autem ratione demum mense Aprilis anni Dominici tricesimi noni fluxit adhuc annus Imperii vicesimus sextus.

Secundò jam constat ex Hamburgensi Diplomate capite tertio adducto, anno vicesimo primo Imperii in Pii aula versatum Hirminmarum Notarium. Meminit ejusdem ex Doubletio & Mallinchrotus eximii operis *de Archicancellariis & Cancellariis Imperii* pag. 14, agens de Pio Ludovico. Nono anno Ludovici Hirminmarus Diaconus recognovit Diploma Paderbornense; eundem jam anno sexto Diploma Eginharti recognovisse, legitur in Chronico Laurishamensi apud Freherum Tomo I scriptor Germanicorum. Gewoldus I. de Sacri Rom. Imp. Septemviratu cap. 6. recensens complures Diplomatum Cæsareorum subscriptiones, decimam hanc habet: *Signum Hludovici piissimi Imperatoris. Herimmarus ad vicem Theodmari recognovi. Data Id Maji anno XXI Imperii Dn. Hludovici piissimi Augusti Indiēt. XII Actum Aquisgrani in palatio Regio. In Dei nomine feliciter Amen. Anno Domini Jesu Christi DCCCXXXIV.* Et si vero hæc perquam sit mendosa, perinde atque tota illa farrago subscriptionum nihil ad id facit quod pro-

probari debebat, etiam hinc tamen comparet, Hirminmari nomen: mutatum licet à librario in *Herimarius*, ut Theodonis in *Theodmari*. Quicquid sit; manifestum est, ultimis regiminis Ludoviciani annis Hirminmarum Notarii sive, ut nunc loquimur, Secretarii munere functum. Jam vero, quantum conicere est, idem illud Hirminmari nomen etiam in hoc cœnobiali Diplomate reperitur. Obscurior sanè est scriptio, ac proinde jampridem lectum fuit *Hirminritus*. Prout tamen nunc subscriptio est ære expressa, merito dubites hoc an illud vocabulum obtinere debeat.

Si *Hirminritus* legendum fuerit, jure dixeris à fabricatore Diplomatis aberratum esse in legenda *Hirminmari* voce. Perinde atque erravit in voce *Hugon*. Anno scilicet sexto vicesimo Imperii sui usque ad obitum, usus est Ludovicus Druogone Archicapellano, qui Episcopus simul Metensis & frater ejus erat: id quod ex anonymi scriptoris libro de Vita Ludowici & Annalibus Francicis ad annum dcccxi manifestum est. Illud *Druogonis* nomen Diploma mutavit in *Hugonis*. Quod factum est culpa impostoris illius, qui Diploma cœnobiale conficiens, usus aliquo vero Ludoviciano Diplomate, cum scripturam non assequeretur, ex *Druogone* fecit *Hugonem*.

Quo lector sine omni molestia possit judicare, vera esse quæ diximus, nempe Sigillum pariter & Signum quod habet Diploma, planè esse LUDOVICI PII Imperatoris: & ibi quoque reperiri Hirminmari Notarii nomen. *Druogonem* autem commutatum esse in *Hugonem*: Podamum item & annum vicesimum sextum Imperii in Diplomate esse memoratum, oculis omnium hoc ipso in loco exhibemus, & Diplomatis subscriptionem qualem Cœnobialis Hyperaspista edidit, & Sigillum Signumque Ludovici Pii Imperatoris, ex Paderbornensi monumento repetitum.



POES
ELE

Constat *Tertio* ex Annalibus Francicis Pithœi atque Fræheri: anno 39 atque adeo vicesimo sexto Imperii Ludoviciani, in expeditione Pii Imperatoris contra filium Ludovicum, fuisse in comitatu, & magna polluisse auctoritate, quendam Comitem, dictum Adalbertum. Ita enim Annales: *Imperator post peractam Nativitatem Domini & Theophania VII Id. Januarii cum exercitu navigio Rhenum transiit, obvius habens Saxones, partem minus partim suasionibus Adalberti Comitis adductos. Ejusdem Adalberti confilio inducitur Ludovicum patrem, Franciæ Orientalis regimine Ludovicum filium anno præcedente 38 destituisse, non obscurum collectum est ex verbis Annalium ad annum 841: Adalbertus Comes & incensor discordiarum occiditur. Multo magis id liquidum est ex Nithardi l. 2 p. 454. edit. VVeckel. ubi de Orthgario Moguntino & Adelberto hoc verba faciens ait: Placbat uterq; Aludovicum ad mortem usq; exosum. Item pag. seq. de Adalberto ipso: Erat eo in tempore ita prudens confilio ut sententiam ab eo probatam non quilibet mutare velles. Hunc porro Adalbertum Comitem fuisse Palatii, non obscure fortassis colligere est ex eo, quia Druogoni Archicapellano, primario ministro aulico in Ecclesiasticis, hic conjunctus est à Pio*

à Pio Imperatore, primus scilicet minister in negotiis secularibus; ut tum erat aulae Francicae constitutio, de qua post latius differendi occasio dabitur. Ita sanè loquuntur Annales ad annum MCCXXI: *Imperator de Aquitania infecto negotio redire compulsus, Dragoonem Archicapellannum & Adalbertum Comitem cum aliis multis promissis, ad suendum litrus occidentale Rheni fluminis.* Adalbertum itaque Comitem Palatii fuisse anno vicesimo sexto Imperii Ludoviciani, & una cum Pio Imperatore vixisse ad Lacum Brigantinum in Podamo Palatio, non est fortasse cur dubitemus.

At illo tempore, h. e. anno Christi MCCCXXXIX, non fuisse confectum illud Diploma quod Coenobium jactitat, jam tum demonstratum est. Et tamen illa tria quæ modò adduximus in tempus istud anni post octingentesimum tricesimi noni quàm optimè conveniunt. Itaque ea quæ subscriptionem, ut & quæ Adalbertum tanquam Palatii Comitem attinent, illa ajo omnia ex istius temporis historia ab impostore esse petita, perquam sanè est verisimile. Imo cum nullum sit dubium amplius, Pii Signum & Sigillum veteratoria arte huic Diplomati coenobiali esse additum, non est etiam fortè cur dubitemus, illa quæ modò diximus tria à falsaria manu Diplomati Coenobiali inserta esse.

Et verò justissima est suspicandi causa, Diploma aliquod, impetratu Adalberti Comitis Palatii, à Pio Imperatore anno Imperii sexto vicesimo, quo tempore in Podamo Palatio versabatur, fuisse confectum, eoquæ usum impostorem in rem suam, atque adeo ad Diploma Lindaviense fabricandum.

Diploma autem coenobiale vel solis hisce argumentis jam est falsi convictum,

CAPUT VI.

Ludovicum Pii filium nec fuisse nec audisse, vivo quidem Lotharii filio Ludovico, Imperatorem; proptereaque Diploma illud Cœnobiale non esse Ludovici illius, astruitur contra Hyperaspistas.

NEc Lotharii filium nec Pium Ludovicum condidisse Cœnobiale Diploma, demonstravimus. Quin imò habemus assentientem ipsum Diplomatis istius Hyperaspistam. Hactenus itaque confecta res est. Sed novum quid commentus est Vindex ille; nempe deberi Diploma Ludovico Pii & filio & in Germania successori. Hunc enim etiam Imperatorem fuisse & audisse, huiusque rebus Diplomatis omnia convenire. Qui ante illum aperte hoc asseruerit, fortè nemo reperitur. Nemo certe illud conatus est orbi persuadere. Hic autem magno id studio agit, à *S. usq. 4. ad cap. sis primi finem.* Quantumvis autem traxerit ille fortassis non-nullos in sententiam, vel saltem dubios reddiderit; mihi tamen pridem visus est laterem lavisse, & perdidisse oleum atque operam. Idque adeò nunc luce meridiana clarius, ut ita loquar, ostendam; hac vice probaturus, Pii illum filium nec fuisse nec appellatum olim à quoquam Imperatorem, saltem quamdiu fuit in vivis Lotharii filius.

Prius vero quam ad rem ipsam aggrediamur, dicendum aliquid fuerit de Ludovici Lotharii filii obitu, & in defuncti dignonem atque adeo & in Imperatoriam dignitatem jure Ludovici Germanici nostri. Igitur illi quidem Lotharii filio, de Italia & Imperatorii muneris possessione, à quoquam dum viveret suam esse motam, nullo vetere documento probare est. Inter Ludovicum certe illum Imperatorem & nostrum Germanicum convenit tandem optime. Quod utiq; manifestum est

est rex eo, quod anno 74 factum hisce verbis memorant Annales Francici. Rex Hludovicus in Hebdomade Paschali Fuldense monasterium potius causa orationis, & inde reversus generalem habuit conveniunt in villa Tribuere. Inde in Italiam per Alpes Noricas transiens cum Hludovico nepote suo & Joanne Romano Pontifice, haud procul ab urbe Verona, colloquium habuit. De obitu Ludovicifilius Imperatoris, deq; post secutis ita breviter memorat Gotfridus Viterbiensis, homo non Germanus sed Italus p. 466, edit. Pistoriata: Anno ab incarnatione Domini 874 Ludovicus suavisissimus Imperator ultimum diem clausit anno 19 imperii sui. Eodem anno Carolus patruus ejus senior, Occidentalis Francia rex, cum suis Francigenis Romam veniens Imperium à Romanis, ut dicitur, pecunia impetravit. Non multo post frater ejus Ludovicus Rex Germanorum & Bavarorum in castro suo Franconefurt diem obiit. Verum ut pleraque alia Gotfridi ita & hoc avoggi est, & ex parte falsum. Obiit enim Ludovicus Imperator anno 75, eodemque anno Carolus Romæ Imperator fuit dictus à Joanne Papa, fuit etiam non senior sed junior natu Imperatoris defuncti patruus. Rectius omnia referunt Annales Fuldenses, ad annum scilicet 875 hoc modo: Mense Augusto Rex Hludovicus cum filiis & fidelibus suis colloquium habuit in villa Tribuere. Interea Hludovicus Italiae Imperator obiit: cujus corpus translatum Mediolani in basilica S. Ambrosii sepulcrum est. Quod cum Carolus Gallie tyrannus compersisset, illico regnum Italiae invasit & omnes thesauros quos invenire potuit una manu collegit. Unde Hludovicus Rex iratus Karlmannum cum exercitu per Bavoriam destitavit in Italiam. Ipse vero, juncto sibi a quoquo suo, cum manu valida regnum Karoli ingressus est, ut eum de Italia exire compelleret. Exercitus autem qui Regem sequebatur versus ad pradam, cuncta quae invenit diripuit, arg. vastavit. Karolus vero audito Karlmanni adventu in Italiam: primo clausis Alpibus se defendere nissus, sed nihil profecit. Carlmannus enim loca

accessit

accessu difficilia cum suis praeoccupavit. Ille autem dum negotium ferro discernendum rimuisset (est enim lepore timidior) ad calliditatem solitam convertitur. Nam aurum & argentum gemmasque pretiosas infinita multitudine Carlmanno obtulit, ut eum sibi placare & a paterna fidelitate segregare posuisset: juravitque se de Italia cito exiturum, & Hludovici fratris sui iudicio illud regnum dissonendum servaturum, si Carlmannus inde discederet. Quo inde discedente, & promissionibus illius credente, ille quacunque, pollicitus est, mentitur, & quantoposuit velocitate Romam profectus est, omnemque Senatum populi Romani pecunia more Iugurthino corruptis, sibi quae scilicet: ita ut etiam Ioannes Papa voru ejus annuens, corona capiti ejus imposita, eum Imperatorem & Augustum appellare praecepisset. Proximo anno sic narrant, de Carolo Calvo jam ex Italia in Galliam reverso: plurima etiam incredibilia se contra Hludovicum Regem & regnum illius facturum esse minatus est. Denique inter cetera jactantia suae verba dixisse fertur, se tantam multitudinem de diversis locis congregaturum, ut Rheno flumine ab equis exhausto, ipse per aridum alveum ejusdem fluminis esset transiturus, totumque Hludovici regnum vastaturus. Cujus mina facillime sedata sunt. Nam Hludovico suum exercitum congregante, ille timore perterritus legatos misit, pacemque petiit. Cumque nuntii ex utraque parte saepius directi eos pacificare studuissent, Hludovicus egrotare capit, & crescente quotidie infirmitate, V. Calend. Septemb. in palatio Franconofurti diem ultimum clausit. Haec Annales, Quae nobis nunc sufficiunt: quoniam extremum fatum etiam nostri Ludovici Germanici jam narraverunt: quae post autem contigerint scire nostra nunc haud refert. Id vero jam est manifestum, ab Augusto usque circiter mense anni Christiani Octingentesimi septuagesimi quinti, morte Ludovici Lotharii filii, Imperialem dignitatem capisse vacare, & studuisse Germanicum nostrum Ludovicum illi sibi vindicandae, non tamen factum voti compotem, sed à

Joanne Papa Carolum Ludovici nostri fratrem esse coronatum Imperatorem, nostro sequente anno septuagesimo sexto v Kal. Septembris Francofurti in Germaniâ defuncto. Quin jure ipsi debuerit Imperatoria dignitas, non equidem dubito. Etenim impetraverat Carolus Magnus jus aliquod hæreditarium ad Imperiale munus; eaq; ratione ab Carolo ad Ludovicum Pium, ab hoc ad Lotharium, ab illo denique ad filium Ludovicum hætenus illud pervenerat. Inter hæredes autem Ludovici hujus noster utique erat proximus: inter patruos scilicet natu major. Romanorum Paparum jus eligendi ignorabatur tum adhuc, caputque primum cum Carolo Calvo. Id quod multis demonstravimus *l. de Germanorum Imperio Romano cap. VII.* Jure igitur subnixus quidem fuit, dum viveret Ludovicus noster Imperatorio titulo utendi. Fecerit autem ipse nec ne, hætenus mihi est incompertum: quoniam uti paulo post apparebit, supersunt Chartæ duæ Fuldenſes quæ ultimo vitæ anno Ludovicum nostrum Imperatorem ulurpant, nullum autem præterea ex omni illo ævo Imperatorii tituli exstat documentum. Ipsummet sane nostrum Ludovicum abstinuisse à titulo illo, indicat liquido Laurishamense Diploma ultimo loco à nobis productum, mense scilicet Majo latum, vix trimestri ante obitum spacio. Verosimile etiam id facit, quod filius ipsius Carolomannus, etsi pulso jam & mortuo Calvo, devicta Italia anno Christiano DCCCLXXVII, Johanne Papa sub custodia retento, Optimates Romanorum fidelitatem & Karlmanno sacramento firmaverint (verba sunt Annalium) Regem Italiæ quidem se dixerit, non Imperatorem tamen; quod Aventinus quoque observavit *l. 4. pag. 441.* Alienus certe fuit Ludovicus noster, à vanâ illa arrogantia, qua Carolum fratrem laborasse, liquetextiis quæ Annales referunt ad annum sexagesimum nonum & septuagesimum sextum, nisi sint calumniati. Quicquid verò hujus sit:

sive post defunctum Lotharii filium voluerit dici Imperator noster Ludovicus, sive non, nostra nihil nunc interest. Sufficit novisse, saltem antehac, & cum primis anno sexagesimo sexto, quo Diploma creditur conditum, Imperatorio titulo non audire illum solitum. Atque adeo id demum jam demonstrabimus.

Igitur Ludovicum nostrum non dictum Imperatorem, vivente quidem Lotharii filio, sed Regis nomine fuisse contentum, probatur PRIMO omnibus genuinis adhuc superstitibus Diplomatum. Produximus nos majorem in fidem & omnium oculis objecimus, integra septemdecim: ab anno quinto Regni in Bajoaria ad tricesimum septimum usque Regni in Orientali Francia, h. e. ad ultimum pene finem vitæ. In quibus utiq; omnibus nusquam Imperatoris, sed solo Regis titulo, Ludovicus hic noster semetipsum fecit appellari.

Aliorum ejus Diplomatum memoria passim reperitur, ejusdem autem omnino notæ. Recitat enim præter ea quæ tota jam allata sunt, sex diplomatum Ludovici hujus Regis summam Gewoldus sive Hundius Tomo secundo pag. 365. Bernhardus Mallincroth Decanus Monasteriensis, vir utique omnium Germaniæ antiquitatum curiosissimus & fidei optimæ indagator, præclaro suo de *Archicancellariis & Cancellariis Sacri Imperii Romano-Germanici* opere, de Ludovico nostro agens ita scribit pag. 22: *Anno regni (in Orientali Francia scilicet) X & XII Baldricus Abbas Ludovici Cancellarius reperitur, apud Kleinsorgium in Chron. VVestph. Eccles. in Diplomate gemino Corbejensibus ad Visurgim dato. Apud Aventinum duo extant hujus Ludovici Diplomata, seu verius fragmenta eorundem: quorum prius Regenbertus Diaconus alterum Dominicus Noravius Radleici vice recognovit: hoc scriptio, præcedens quintodecimo regni ejus annis. Anno 26 regni ejusdem Regis VViggarius Cancellarius reperitur, cujus vice literas Ludovici, datas Monasterio Hervordienfi in VVest-*

in VVestphalia, Albertus Subdiaconus signavit. Extant litera illa in Archivo Abbatis prædictæ. In longe eruditissimis Monumentis Paderbornensibus secundæ editionis, ad Monumentum Ramæ, Illustrissimus atque incomparabilis Princeps Autor n. 2. hisce verbis commentatur: In diplomate Ludovici Germaniæ Regis & Caroli M. nepotis anno XXXIII regni ejus in Orientali Francia, dabo Herivordensi Monasterio, eo loco qui bodie VVerna appellatur. Ratpertus S. Galli monachus in libro de Origine & Casibus S. Galli cap. 8. tomo I Alemannicorum Goldasti, ita loquitur. Interea contigit Hludovicum piissimum Regem publicè placitum suum habere in villa quæ dicitur Vlma, præsentibus filiis suis aliisque Regni sui Principibus. &c. Rex ambarum partium cum conficeret iustitiam, sese hoc pacto interposuit medium, atque in semet omne negotium assumens, cum manu sua potestativè res prædictas ad Episcopatum contradidit: atque cum ipsa manu similiter potestativè ab Episcopis Monasterium abstulit: penitusque diremit ita, ut deinceps nullam potestatem Episcopi in rebus ejusdem Monasterii haberent, neque in censu neque in ullâ aliâ causâ, præter spiritalis tantummodi Episcopalis officii dignitatem, sed pura mente ex hoc & deinceps licentiam haberent Monachi eidem servire, nullique seculari potestati nisi solis Regibus subjacerent. Idem Ratpertus sub finem ejusdem capituli: His ita à clemente Rege omnium consensu compositis, iussit idem Rex sue auctoritatis præceptum utriusque parti ad perpetuam confirmationem istius pacti statim in præsentem conscribi &c. tunc demum Cancellario præcepit in legitimis cartis conscribere præfati pacti confirmationem, & cum præcepta fuissent, propria manu auctoritate eas confirmandas, unam Episcopo cum suis, aliamque Abbati Monachisque contradidit. &c. Præterea Rex piissimus Hludovicus statim iussit Monachis fieri aliam chartam firmissimam emunitatis, ut post Grimaldum deinceps potestatem in perpetuum haberent eligendi sibi Abbatis, nullique hominum nisi solis Regibus subjacerent. Bartholomæus Schobingerus, vir antiquitatum sa-

crarum & civilium utique perquam peritus, in suis ad Joachimi Vadiani libros *de Collegiis & Monasteriis Germania veteribus Additionibus*, apud Goldastum Tomo III *Rerum Alemannicarum* pag. 110, cum nonnulla dixisset de illo Diplomate quo Ludovicus Germanicus Tiguri instituit Sanctimonialium cœnobium, quæ jam capite IV pag. 59 allata sunt, addit. Idem anno Regni ejus vicefimo sexto *Chanam cursum*, quæ in pago Thuregiensi est montalibus Tigurinîs donavit. Idem Ludovicus anno regni ejus XXXIII Orientalis Francia, eandem immunitatem confirmavit ad preces Hemme conjugis suæ, quæ filium Bertham Hildegarda defunctæ eidem monasterio præfecit. Idem Ludovicus Senior Caroli Crassî pater, sacellum S. Petri in villa Zürich eximîis redditibus donatum, in beneficium Bartolo Presbytero qui Hildegarda filia fideli ministerio servierat, concessit. Huic sacello capellas duas vallis Vronia conjunxit in locum nominatum Burgala Sylva, cum mancipiis, decimis, terris cultis & incultis. Donavit ea conditione, ut eo mortuores prædicta ad prius memorati monasterii usum & possessionem reverterentur. Facta est hac donatio anno regni Ludovici XXV in Orientali Francia. Postremò inter monumenta Laurishamensia, addita elegantissimo Commentariolo Marquardi Freheri, in Antiquitatum Germanicarum notitia nemini secundi, *De Lupoduno*, pag. 23. memoratur Confirmatorium Diploma Ludovici Regis, anno XXIV regni in Orientali Francia Francofurti confectum.

Præter septendecim igitur à me in medium allatas, supersunt non nisi Regem Ludovicum nostrum agnoscentes literæ, teste quidem Hundio sex, Mallencrotho quinque, Illustrissimo Principe Paderbornensi una, Ratperto monacho S. Galli teste tres, totidem Bartholomæo Schobingero, & una denique teste Frehero. Ac proinde hætenus numerari à me poterunt, ad septendecim priora mea, Diplomata novemdecim. Quæ summa facit Diplomata triginta sex.

Indubiè

Indubiè Wangenereckius cum Sociis omnem lapidem movit, quo inveniret etiam suæ sententiæ favens Diploma. Sed frustra eos laborasse res loquitur: non enim ullum ab iis allatum est. Ut proinde secure possim equidem ad omnia omnino Ludovici hujus Regis diplomata provocare. Certe ad ipsum ultimum usque vitæ annum res plana & confecta est, vel ex iis quorum mentionem fecimus diplomatibus.

Largo tamen sudore effuso visi sibi sunt Vindices reperisse tandem aliquid non quod pueri in faba, Martinum enim Crusium *Annalium Suevicorum l. 2. p. 2. cap. 11. suig. codicis fol. 10.* testari, tale Privilegium Essoni Curienti Episcopo esse concessum. *Ludovicus ordinante providentia Imperator Augustus III Regni sui in Orientali Francia concessit Essoni Episcopo Curienti (ut & Victori factum) ut nemo ad ipsius Episcopale ministerium peragendum successoribusq. ullum impedimentum afferat; sed habeant (sicut per patris ejus auctoritatem concessum est) secundum Canonicam institutionem plenam ministerii sui potestatem, per monasteria in Parochia suæ Sedis consentientia, & super Presbyteros ordinandos, & super decimas secundum canonicam jussionem disponendas &c. In Strasburg VIII. Kal. Aug. Imperii IX Domini DCCCXLIX anno.* Indubiè autem animo desperabundo hoc quidem in medium attulerunt boni Vindices. Non indoctos enim, si mulvero & summè industrios, satis sese probaverunt. Saltim igitur nihil melius ipsis ad manum fuit, quod vel in speciem potuerit adduci pro Ludovico Germanico Imperatore: nec tamen ut viris doctis potuit non subolere hujus quidem Crusiani testimonii ineptitudo, utpote cum sani nihil hic sic invenire. A Ludovico Lotharii filio non esse quicquid hujus est Privilegii, fatemur. Non illo quidem Vindicum argumento moti, quod ille Lotharii filius anno post octingentesimum quadragesimo nono Argentinae, utpote in Germania, nihil habuerit juris: hoc enim est ineptum, quandoquidem

tunc temporis Argentina fuit in ditione Lotharii, qui filium hunc suum anno 43 consortem fecit regnandi. Ut nec illo, quod annus iste seculi octingentesimus quadragesimus nonus haud nonus sed sextus Ludovico fuerit: cum enim in Crutianis illis omnia sint turbata, non est cur adductam ibi numerorum rationem vel tantillum attendamus. Quoniam autem mentio fit Regni in Orientali Francia, in qua non Lothario aut ejus filio sed soli Ludovico Germanico jus fuit, haud potest quicquid hujus est nisi à solo hoc Ludovico profectum esse. Verum enimvero in illius ditionem Argentina demum pervenit anno Christi dccclxx, facta divisione Lotharingici Regni cum fratre Carolo Calvo, illius anni vi Id. Aug. Id quod quandoquidem clarissimum est ex iis quæ *Opere de Finibus Imperii Germanici cap. VII.* docuimus, nihil attinet hoc loco iterum ostendere. Illo autem septuagesimo seculi anno jam annum tricesimum regis suæ in Orientali Francia potestatis numerabat Germanicus Ludovicus, non autem duntaxat nonum. Ad hoc, quid tandem verba illa sibi volunt: *Imperator Augustus III Regni sui in Orientali Francia?* An Ludovicus Germanicus fuit Imperator id nominis tertius? An Regni in Orientali Francia quisquam aliquando audiit Imperator? Somniis profecto & deliriis hæc nemo veterum ævi rerum peritus non accensuerit. Non sanè dubito, sibi met-ipsis non satis fecisse Socios: atque adeo ex trepidatione effusa illa verba: Wann wir nicht so wol zu Lindaw als zu Ehur / die privilegia sollen seinem Herrn Vater Ludovico Pio zuschreiben / und die von Crutio angegebene Jahrzahl 848 für ihrsam halten. Quamvis nunquam Ludovicus Pius annos regni in Orientali Francia soleat numerare, ac proinde hæc Crutiana illi nequeant tribui: justius autem potissima Coenobialis Diplomatis ad illum pertineant, ceu jam tum demonstravimus.

Primum igitur nostrum argumentum, quo negavimus
Ludo.

Ludovicum Germanicum, vivo saltem Lotharii filio Ludovico, Imperatoris titulum usurpasse, firmum atque invictum est. Addemus ALTERVM ejusdem roboris. Quæ nempe isthac tempestate à Notariis confectæ sunt tabulæ, illæ non agnoscunt Pii filium Imperatorem, vivo adhuc Lotharii filio, sed duntaxat Regem. Integræ earum centuriam inseruit Gollastus *Tomo II Scriptorum Rerum Alemannicarum*, præcipue ad S. Galli monasterium pertinentium. Inter illas variæ quidem reperiuntur Ludovico regente scriptæ: in nullis autem Imperatoriæ titulus comparet. Vindex tamen Cœnobii non dubitavit ex libello isthoc promere quinquagesimam quintam in sui asserti confirmationem. Ubi ita scriptum. *Ego itaq; indignus monachus Ecce rogatus scripsi & subscripsi. Notavi diem Luna XIII Kal. Jan. anno XXVIII Regni Hludovici Imperatoris & sub Hudobucho Comite. Ex libro item Traditionum S. Galli. Vbi Kisa famina quadam tradita ad monasterium S. Galli, quicquid in loco Snerfiveng possidebat sub censu quatuor denariorum &c. Allum in Brunbinncles die Dominico. Ego Erimbrot Subd. scripsi & subscripsi sub Geroldo Comite anno XXVII Hludovici Imperatoris.* Ultramque hanc chartam negat Vindex convenire Ludovico Pio, quoniam scilicet ille non regnaverit tot annos: referendas itaque illas ad Ludovicum Germanicum, eumque Imperatorem esse appellatum. Frustra autem etiam hic industriam suam Vindex exercuit. Diserte enim de Ludovico Pio Nithardus sine l. i. *Imperiale nomen per annos septem & viginti, & per menses sex obtinuit.* Potuit itaque recte charta confici Pii Imperatoris anno non tantum vicesimo septimo sed etiam octavo. Quidni verò mendosus sit numerus xxviii, scribendumque vel xxvii vel xxvii? Talia certe menda occurrunt passim infinita.

Reperiuntur autem variæ chartæ veteres etiam apud Joachimum Vadianum in præclaris ejus libris de *Collegiis & Monasteriis*

nasterii Germaniae veteribus, quos itidem Tertio Tomo Alemannicarum rerum Goldastus inseruit. Subscriptum quidem habent Ludovici nostri nomen sed non alio quàm Regis titulo. Videri potest pag. 46. 49. 51. 54. 61. Quarum chartarum ultima scripta est 3. Kal. Jul. anno Ludovici xxxv atque adeo paulo ante obitum Ludovici Lotharii filii Imperatoris. Id quod cum primis meretur hic attendi.

Inter monumenta porrò antiqua quæ *Parti primæ Originum Palatinarum* addidit Marquardus Freherus, pag. 32. editionis iteratæ, in hunc modum subscriptum est Chartæ donationis Ansfridi Comitæ Palatii: *Actum publice in monasterio Laurubani, anno incarnationis Dominicæ MCCCCLXI* (scribendum autem omnino DCCCCLXV) *regni Ludovici Regis XVI*. Subjungitur alia Charta Donationis sed sine mutila, ita autem desinens: *Actum loco tempore & die quo supra*. Additur & Præstaria, quam vocant, itidem mutila. Quæ finitur hisce verbis: *Data præstaria die & tempore quo supra*. Ex quibus manifestum est, ipso anno regni 26, quo Hyperaspista Diploma vult esse conditum, Ludovicum Germanicum non Imperatorio sed Regio cognomento in publicis Notariorum chartis esse nuncupatum. Ad hoc idem Freherus, inter monumenta suo *Lupoduno* adjecta, habet chartam aliquam Traditionis, ut vocarunt, ab Ermenrico Notario subscriptam, quæ ita finit: *Acta est hæc Traditio in ipso loco VVifontersterga, sub die octavo Idus Decembris, Anno ab incarnatione Domini DCCCLXVIII Indictione decima, regnante Domino Ludovico Rege super Orientales regiones, Anno XXVII Regni ejus*.

Joannes porro Pistorius in Tomum tertium scriptorum veterum Germanicorum libros tres *Traditionum sive Antiquitatum Fuldensium* coniecit. In cujus libro primo & secundo quamplures tales chartæ reperiuntur. Omnes sunt scriptæ regnante Ludovico nostro, rege Orientalium Francorum, Videatur

tur pag. 484. 485. 486. 487. 488. 489. libri primi: ut & secundi libri pag. 495. 496. 498. Item 528. 530. 531. 533. 543. 544. 548. & sequentes usque 553. iterum à pag. 557. usque 570. Qua septuagesima pagina quæ continetur Traditio hanc habet subscriptionem: *Facta est autem Traditionis chartula anno dominica incarnationis DCCCLXXIV, Indictione septima, regni autem Ludovici gloriosissimi regis anno XXXIV.* Saltim igitur usque ad illum annum, inter tam multas chartas veteres, nulla Imperatorium nomen Ludovico nostro attribuit; ac proinde saltim hætenus non audivit ille Imperator. Inter eas imò tres reperiuntur ipso anno xxvi Regni & Christi anno lxvi scriptæ, quo Lindaviense Diploma conscriptum esse credi voluit Hyperaspista. Una legitur l. i. pag. 289. duæ l. 2. pag. 565 & 569.

Coeterum pag. tamen 71 binæ exstant chartæ: quarum prima hanc præ se fert subscriptionem: *Acta est hæc chartula traditionis in monasterio Fulda anno Dominica incarnationis DCCCXXVI. Indictione IX, anno XXXV Ludovici Imperatoris mense Februario die XIV mensis ejusdem.* In Posteriori ita subscriptum est: *Facta est hæc traditionis chartula in monasterio Fulda, anno Dominica incarnationis DCCCLXXVI Indictione octava, anno XXXVI Ludovici Imperatoris, mense Julio, die XXIII.* Hæ duæ chartæ ab omnibus aliis plurimum utique differunt: utpote quæ solæ Hludovicum Germanicum, (illum enim significari, indicat & Christi & Ludovici regni annorum numerus) agnoscunt Imperatorem. Nec tamen earum fides video quæ jure possit vocari in dubium, modò à mendis purgentur. Et vero in priore omnino sunt Ludovico tribuendi anni xxxvi, quoniam lxxvi numerantur post octingentesimum anni Dominici, hi autem semper in hisce Traditionum chartis solent ita convenire, quasi annus quadragesimus primus Christi fuerit regni Ludovici primus. Id quod observans etiam Pistorius, monuit in margine, scribendum xxxvi. In

posteriore Indictionis annus itidem numerandus est nonus ut in priore: quia Christi LXXIV fuit Indictio octava, cui liquet ex pag. 570. Quantumvis autem diversæ sint hæ chartæ ab omnibus prioribus usque adeò numerosis, non turbare tamen nos possunt, aut Cœnobiale diploma adjuvare: quoniam utraque confecta est defuncto jam tum Ludovico Imperatore Lotharii filio, atque illo tempore, quo Imperatoria dignitas jure debebatur uni Ludovico nostro Germanico. Nec tamen chartæ hæ idoneæ sunt docere, ipsummet Ludovicum Imperatorio se titulo jactitasse. Sed factum id est tantum à tabellione, ex aliqua singulari erga Regem suum pietate. Ut sæpe solent privatorum hominum in domos suos studia luxuriare circa titulos eorum quibus favent, Fuldensium sane in Ludovicum favorem singularem, ut odium Caroli Calvi, etiam Annales produnt, cum primis in narratione rerum anni septuagesimi quinti, sexti & septimi. Mirum verò nisi cum tripudio hæc chartas exceperint Vindices si observassent. Fugerunt tamen sollicitam illorum industriam: quamvis jam tum Goldastus in sua *Replikatione pro Imperio cap. 26. pag. 270* illas Gretzero opposuisset.

- III. Sed altero etiam argumento satis confirmato, ad **TER-
TIVM** pergemus. Est autem hoc: quod in nullo indubiorum monumentorum illius ævi, quamvis res Ludovici nostri cum cura memorent, Imperatorio titulo honoretur Germanicus, etiam mortuo Lotharii filio, sed tantum Regio. Id ipsum quàm optimè docent Fuldenses Annales. Non sunt illi quidem auctoris unius: qui tamen res Ludovici nostri, saltem potissimas, attinent illos, à cœvo aliquo conscriptos esse, non obscurum utique est ex clausula narrationis eorum quæ anno septuagesimo quinto sunt gesta. *Quia, inquit auctor, certum non habui latorem scribere nolui, Melius enim est.*

est tacere quam falsa loqui. De Carolictiam Calvi arrogantia dislerens anno proximo, utitur illis verbis *perhibetur & fertur.* Huc pertinet anno 53 sub finem *vò hactenus.* In illis autem Annalibus per omnes annos usque ad obitum Ludovicus noster tantum Rex usurpatur, Imperator nunquam. Exstat porro inter tabulas Hamburgensis Ecclesiæ, à Lindenbrogio editas bulla Nicolai primi Papæ, scripta anno Pontificatus quinto, de monasterio Ramislao: in quo à Papa illo Ludovicus noster sæpissime Rex nunquam autem Imperator appellatur. Ejusdem præterea Nicolai ætate (sedit autem ab anno 858 in annum usque 868, atque adeo tunc etiam cum Diploma Lindaviense auctor voluit esse conditum) formula illa Litanix, sive precum solemnium, Germaniæ nostræ tum communium, in usu publico sacro fuit, quam Goldastus scriptoribus Rerum Alemannicarum antiquis inseruit, legiturque hodie Tomo II pag. 136. In ea autem primo quidem loco ad illud *Exaudi Christe* respondetur, *Nicolao summo Pontifici & universali Papæ viſa.* Ad idem *Exaudi Christe* Respondetur secundo *Hludovico à Deo coronato magno & pacifico Regi viſa & viſoria.* Tertio ad *Exaudi Christi* respondetur: *Hemma regina nostræ viſa.* Quarto itidem ad *Exaudi Christe* Respondetur: *Nobilissima proli Regali viſa.* In Historia porro vitæ Anſcharii quam Rembertus Ludovico nostro coævus conscripsit, frequens sit mentio illius Ludovici Germanici, non alio autem quàm Regis titulo. In Capitulis præterea Caroli Calvi, quæ singulari libro, decus Jesuiticæ Societatis doctrinâ & candore præstans Jacobus Sirmondus Parisiis anno 23 edidit, passim multa occurrunt ad Ludovicum nostrum pertinentia, nunquam tamen alio quàm Regis titulo appellatum. Videantur præ aliis pag. 167. epistola Episcoporum Remensis & Rhodomenensis diœcesis ad Ludovicum nostrum scripta anno 858 perquam profecto insignis: pag. 207 Capitula Synodi Me-

rensis de indulgentia Ludovici Regis condita anno 859. Pag. 221. 229. 238. 295. 351. 356. Ubi non privata sed publica acta continentur. Cum primis observatu digna est quæ pag. 335 recensetur Pactio Aquisgranensis, instituta anno 870 inter Ludovicum nostrum & Carolum, quam Aubertus quoque Miræus Codici Donationem piarum inseruit, idque propter formulas juramentorum quibus utrinque usi sunt legati Regii. *Lantfridus Comes* (verba sunt Pactionis) *ex parte Hludovici Regis: Sic promitto ego ex parte Senioris mei, quod Senior meus Hludovicus Rex fratri suo Karolo de regno Hlotaris Regis consentis habere &c.* Omnino autem conjungenda fuerit *Divisio regni Lotbaris* eodem anno instituta, quam & Sirmundus & Miræus ediderunt. *Inter gloriosos* (verba sunt) *Reges Karolum & Hludovicum fuit hac divisio regni facta in Procaspiade super fluvium Mosam.* Nolo adjicere alia, ex tempestatis illius monumentis variorum auctorum petita testimonia: ac proinde ne quidem Othfridi monachi S. Galli Evangelia Germanica lingua metrica sine exemplo reddita. Securè autem & optima fide (quoniam fortassis citra jactantiæ notam possim affirmare, perlustrata mihi illa tantum non omnia haud absque cura) pronuncio, in omnibus istis nusquam Ludovico nostro alium quàm Regium titulum attribui.

- IV. Pari fide parique securitate profiteor idem, de omnibus monumentis usque ad seculum undecimum sive annum Dominicum millesimum. Quod pro Argumento QVARTO jure utique optimo haberi potest. Accedit enim ad Tertium argumentum centum triginta amplius annorum spacium. Interea autem temporis conscripta sunt varia, quorum bona saltim pars etiamnum in manibus. Nolo ex singulis anxie testimonia congerere. Unum pro omnibus ex Historicis quidem sit Reginonis, doctissimi & religiosissimi Prumiensis Abbatis, cujus Chronicon desinit in Dominico anno non-
gentesi;

gentesimo sexagesimo septimo. Qui cum omnia Ludovici nostri fuisset persecutus mortem ejus hoc elogio ornavit. *Anno Dominicae incarnationis DCCCLXXVI, LUDOVICVS REX* apud Franconesuram palatium diem clausit extremum V Calendas Septembris: sepultus est in monasterio sancti Nazarii quod Lorrasham nuncupatur. Fuit autem iste Princeps Christianissimus, fide Catholicus: non solum secularibus verum etiam ecclesiasticis disciplinis sufficienter instructus; quae religionis sunt, quae pacis, quae iustitiae, ardentissimus executor; ingenio callidissimus, consilio providentissimus, in dandis sive subtrahendis publicis dignitatibus discretissimus moderamine temperato, in praelio victoriosissimus, armorum quam conviviorum apparatus studiosior: cui maxima opes erant instrumenta bellica: plus diligens ferri rigorem quam auri fulgorem: apud quem nemo inutilis valuit: in cuius oculis perraro utilis dissimulavit: quem nemo munusculis corrumpere potuit: apud quem nullus per pecuniam ecclesiasticam sive mundanam dignitatem obsevit, sed magis ecclesiam probis moribus & sancta conversatione, mundana devoto servitio & sincera fidelitate. Habuit autem hic gloriosissimus Rex, cujus memoria in benedictione est, Reginam nomine Hermannam sibi in matrimonium junctam: quae nobilis genere fuit, sed quod magis laudandum, nobilitate mentis multo praestantior. Ex qua tres filios suscepit, excellentissima indolis, videlicet Carolomannum, Ludovicum & Carolum; qui felici sorte post decessum patris imperii moderati sunt gubernacula. Integrum istud elogium hic legi, duxi ex re futurum: quo appareat, Reginali Ludovicum nostrum fuisse sic satis notum. Vice reliquorum autem monumentorum esto Ludovici Germaniae idem Regis, nostri ex Arnolpho pronepotis, diploma Brixinensi Episcopatu concessum, anno 909, qui ab obitu nostri est tricesimus tertius. Testimonium utique omni majus exceptione. Reperitur illud integrum Tomo 1 Metropol. Salisburgensis pag. 469. Non tamen nisi ejus partem huc adferemus. *In nomine sanctae*

& individua Trinitatis, divina favente clementia Rex. Noveritis omnes in regno nostro circumquaque fideles, presentes scilicet & futuri. Quia vir venerabilis Meginbertus Sabianensis Ecclesiæ Episcopus, quæ est constructa in honorem S. Cusiani Martyris, nostram adiens clementiam, obtulit nobis quædam præcepta, in quibus continebatur, qualiter veneranda memoria antecessores nostri, Ludovicus Imperator, &quivocus *LYDOVICVS, REX* proavus noster, nec non etiam Arnolphus Imperator genitor noster, prædictam sedem & Ecclesiam cum omnibus ad eam pertinentibus propter malorum hominum tergiversationes sub illorum defensione & eminationis tuitione roborassent, &c.

V.

Pro QUINTO Argumento denique meritò habendum illud, quod defuerit Ludovico nostro omnis non tantum verè iusta causa, sed etiam species ejus, Imperatorium titulum usurpandi. Cum videlicet non fuerit Princeps vanus sed gravis & justus, non potest non vero ab simile videri, illum, vivo adhuc in Italia Lotharii filio, Imperatorio titulo superbiisse. *Primo* enim istud nomen iis tantum convenit, quibus est aliquod jus in Urbem Romam & veteris Imperii Romani reliquias; soli autem inter Pii filios Lothario ejusque successoribus, ex pacto Viridunensi, omne illud jus atque adeo & nomen Imperatorium ambo fratrum ultro concesserunt. Posterius factum esse, usque est adeo notum, ut nec Vindex Cœnobitici diplomatis negare id ausus fuerit; sed sit confessus p. 6 Das in der Viridunische Theilung der Titulcines Keyfers sampt Italia Lothario überlassen worden/ und auff seinen Sohn Ludovicum II kommen ist. Existimat vero ille, Lotharii juri nihil derogatum à Ludovico si & ille Imperatorem se vocaverit. Isthoc enim quo usus est Lotharius intelligendum esse de Imperatore Romanorum, quem sibi Ludovicus non arrogaverit. Sed dum ita quidem loquitur etiam sibi met ipsi contradicit, Non alio scilicet titulo usus est

est Lotharius quàm *Imperatoris Augusti* & vivo adhuc patre Pio & postillam cum fratribus initam transactionem. Non aliud illi concessum fuit vel à Patre vel à fratribus. Nunquam addidit vocem *Romanorum*. Ad exemplum patris composuit titulum suum filius Ludovicus II. Si titulus ergo, quo usi duo illi sunt propriè significat *Romanorum Imperatorem*, utique eo ipso quo Diploma laudat conditorem Ludovicum *Imperatorem Augustum*, etiam illum *Romanorum Imperatorem* designavit. Planè enim idem ille quo Lotharius ejusque filius usi sunt titulus comparet in Diplmate, ne apice quidem mutato. Est autem præterea longè verissimum, ab Octaviano Augusto usque *Imperatorem Augustum* esse neminem appellatum, saltem ad diem extremum nostri Ludowici, nisi Romano Imperio præfectum. Ut alios nunc taceam priscos Imperatores, Carolus Magnus *Imperator* audivit demum ex quo Romæ illud nomen est consecutus. *Romanorum* vocem *Imperatoris* non solitus est addere. Idem fecit Ludovicus Pius: quod vel ex illis quæ adduximus capite Tertio Diplomatis discere est. Imò verò primus omnium ad *Romanorum* addidit Otto Tertius: cui jam pridem monuimus in Annotatis ad Lampadium pag. 103. Idque factum esse æmulatione Constantinopolitanorum ejus tempestatis Cæsarum, indicavimus pag. 261. Si ergo Ludovicus Germanicus *Imperatorem* sese dixit *Augustum*, utique significavit sese Romanorum esse Imperatorem. Hoc verò fuisset cum injuria conjunctum in Lotharium fratrem ejusque filium Ludovicum, qui eo ipso tempore audierunt passim & soli sunt ab omnibus habiti *Imperatores Augusti*. Non potuit sane ignorare Germanicus noster morem sui avi: quod *Imperatoris Augusti* cognomento solus tunc audiret Romanorum *dux regisque*: Avi. patris, fratris, nepotis ille titulus, quidque ille significaret, fuit illi notissimum. Solet ipse non alio illos titulo honorare, quando indicat Romanorum illos.

illos fuisse Imperatores. Ita sane loquuntur illa quæ Capite quarto adduximus ejus Diplomata pag. 27. 30. 35. 38. Quæ à quolibet hic possunt conspici, ut alia adducere necessum non sit. Nemo illius tempestatis scriptorum alio sensu solet titulo *Imperatoris* vel *Augusti* uti. Ut proinde hæc una tum significatio fuerit recepta. Justissima profecto fuisset, illo Imperatorio titulo usurpato, indignandi causa præbita Lothario & Ludovico ejus filio, fratri quoque Carolo Calvo, imo & Romanis Pontificibus. Neque illi salva dignitate sua potuissent hanc mustitare injuriam. In omnibus autem ejus monumentis non legere est, super isthac re ullam institutam querelam, ullam expostulationem. Quod ipsum certissimo est indicio, Ludovicum nostrum nullam ejusmodi culpam commisisse.

Attamen objeceris fortassis illud, quod Annales Fuldenses memorant de Carolo Calvo: etsi fugerit lynceos Vindicum oculos. Verba Annalium hæc sunt in narratione eorum quæ contigerunt anno DCCC LIX. *Carolus Rex comperta Hludovici fratris sui infirmitate, regnum Hludarii invasit & secundum libitum suum disposuit, atq. ad se de eodem regno venire nolentes publicis privatisq. rebus privavit. Qui etiam pravorum usus consilio in urbe Metensi diadema capiti suo ab illius civitatis Episcopo imponi, & se Imperatorem & Augustum, quasi duo regna possesurus, appellare precepit.* Videtur sane hisce indicari, affectatum Carolo Imperatorium Augusti titulum, quum destitutus esset adhuc omni Romanorum Imperio. Verum enimvero Carolum Metis appellatum *Imperatoris* nomine, aut ejus mandato tale quid constitutum, putida est calumnia, Fuldæ credita tantum ex odio Caroli, quo monachos illos, certe horum Annalium autorem, tunc flagrasse, jam ante ostendimus. Super sunt scilicet etiamnum Acta integra Coronationis illius Metensis, edita loco tricesimo quinto in libro *Capitulorum Caroli Calvi*

Calvi ab harum rerum curiosissimo pariter & doctissimo Patre Jacobo Sirmondo. Supersunt eodem in libro quæ hanc coronationem paulò post exceperunt *Pactio Aquisgranensis & Drusio Regni Lotharii*: supersunt quamplura ejus avi monumenta, Quod Carolus dictus tunc temporis fuerit Imperatoris titulo, aut quod ille mandaverit sese ita appellari priusquam septuagesimo quinto anno Romæ Imperator fuit creatus à Joanne Papa & Romano populo, nusquam vel vola vel vestigium apparet. Imo vero primum hunc luxasse jus Imperii hereditarium, quod à Carolo Magno usque hætenus obtinuerant Ludovicus Pius Lotharius & Ludovicus secundus, indulta quasi Pontifici & Populo Romano nova eligendi Imperatoris potestate, agnovit ipsemet Onuphrius Panvinius l. de Comitibus Imperatoris cap. V.

Hæc itaque fabula non est quod turbet assertionem nostram de constante significatione tituli *Imperatoris Augusti*. Etiam verò omnibus post seculis mansit eadem significatio, & manet hodieque, ac proinde solis illa appellatio ab Ottone Magno usque Germaniæ Regibus solet attribui: ex quo scilicet Germani perpetuam Imperii Romani administrandi potestatem consecuta est. Unus Alphonfus Catholicus dictus Hispaniæ Rex, anno millesimo centesimo trigesimo quinto, in Concilio Legionis instituto, *Imperatoris nomen decerni sibi fecit, quod Arragones Vascones Catalaunos Gallia partem vestigiales beneficiorum haberet.* Quam rem narrat præstantissimus Hispaniæ rerum scriptor Joannes Mariana l. decimo c. 16. Verum ille nunquam *Augustus* nec *ἀπλως* nuncupatus est Imperator sed addito *Hispania* vocabulo. Quod ipsum nec Mariana dissimulat scribens. Extant D. Bernardi literæ ad Sanctissimam quam sororem vocat Imperatoris Hispaniæ, præcipua faminam pietate virginemque, Extant etiam Petri Cluniacensis ad ipsum Pontificem Romanum Innocentium secundum literæ hoc initio. Imperator Hispanus, magnus

Christiani populi Princeps, devotus Majestati vestrae filius. Omnes porro ejus successores, etsi longe majore fuerint potentia & terrarum amplitudine, hanc Alphonsi insolentem superbiam improbarunt: eoque, ut recte dicit Mariana, *inter Hispania reges huic uni Imperatoris cognomen vulgò datur.*

Quin igitur Ludovico nostro nullum fuerit fas Imperatorium titulum usurpandi, idque quandoquidem non nisi defuncto Ludovico Lotharii filio in Romanum Imperium aliquid juris fuerit nactus, plusquam satis utique ex iis quæ jam tum diximus est manifestum.

Risu sane potius digna sunt quàm confutatione quæ Vindex adfert. *Imperatorem* scilicet jure potuisse dici Ludovicum, quia neminem habuit superiorem, & tam multa regna ac Principatus continuerit sua ditione. Ita enim omnes Reges, quibus lati sunt regni fines, & qui primi sunt inter suos, jure possint Imperatores dici: quasi etiam quisquam hæcenus id fecisset vel post fecerit. Sed & omnis Ludovici ditio unius Orientalis Franciæ limitibus atque adeo Rheno flumine claudebatur, quo tempore Diploma illud Cœnobiale creditur conditum; anno nempe demum septuagesimo Lotharingiæ regni accessit dimidium. Huic præterea Ludovico præ Carolo Calvo Imperii Romani vacui capeffendi fuisse jus, verum quidem est: sed neuriquam inde sequitur, fas fuisse jam anno MCCCLXVII, vivo ac valente Lotharii filio Imperatore, atque adeo ante ejus obitum integro nono anno, involare in ejus dignitatem. Solere porro tunc temporis quem Cæsarem dici more Romani Imperii prisco, tanquam in spem certam successionis, figmentum est & putida fabula. Non excusaret quoque Ludovicum: utpote cum in Diplomate non *Cæsar* sed *Imperator Augustus* appelletur, quo titulo nec prisco ævo audit quisquam nisi qui jam tum habenas Imperii Romani moderabatur.

Æque

Æque miserum est præsidium, quod ex Crantzii verbis, repetitis ex *L. 2. Metropolis c. 10* Vindex collocat. Illa ita sese habent. *Francorum historia ea gesta memorat in Francofordia anno Regis Ludovici XXXIV. Quem Annales antiqui Casarem vocant, non quod Romanum aliquando administraris Imperium, sed quia in divisione limitum inter fratres hoc illi honoris gratia attributum est cognomen, quasi secundum à fratre Lothario Imperatore Augusto gereret dignitatem. Solebant enim aliquot seculis dici Casares, qui sub primis Augustis proximam tenebant administrationem. Nam Dioclesianus commilitonem aliquando suum Herculeum Maximianum primò Casarem postea creavit Augustum.* Hæc quidem Crancius. Verumenimvero in nullis Annalibus antiquis Latine exaratis, quorum tamen haud exiguus numerus hodiè in manibus, *Casar* est cognominatus Ludovicus noster: sed à seculo usque undecimo apud paucos audiit Imperator, non ante tamen. De transactione porro quæ instituta est anno *DCCCLXIII* Virduni inter fratres, & limitum divisione, varii scriptores narrant multa: quod hic autem Crantzius habet apud neminem reperitur. Mera itaque est fabula, & neutiquam dignum, quod *bene notari* Vindex jubet, commentum. Quamobrem verò nonnullis scriptoribus Ludovicus postea à seculo usque undecimo Imperator fuerit appellatus, id proximo capite docebitur. Non ergo etiam hoc loco examinabimus quæ *pag. 7* Vindex ex aliis quibusdam scriptoribus adducit testimonia, sed proximè.

Quæ ejusdem paginae §. 4. adfert iterum Vindex, competiisse Ludovico jus succedendi in vacuum Imperii possessionem, & injuriam illi factam esse à Papa Joanne Carolum Calvum admittente: illud ad rem nihil facere jam antè diximus. Nec enim fas esse, dignitatem & honores viventium invadere, in quorum res post obitum succedendi aliquod jus est, omnium ætatum gentiumque communi est lege constitutum. Viven-

rium dies expectandus scilicet extremus, aut consensio accipienda. Quorum cum nihil fuerit Germanico nostro Ludovico, summa injuria Imperatorium ille sibi nomen, superstire adhuc Lotharii filio, assumpsisset.

Ubi observandum simul est, quàm foedè sibi met ipsi Hyperaspista Cœnobiticus contradixerit. Hoc paragrapho enim jus Imperatorii tituli dum arcessere conatur à successionis proximo in Romanorum Imperium jure, utiq; agnoscit nomine *Imperatoris* significatum esse Romanorum Imperatorem: id quod factum esse, sæpius antehac negaverat imò pernegaverat. Sed hæc est vis corrumpentis judicium & memoriam veritatis.

Quæ pag. 8. § 5. adferuntur ab Hyperaspista, sive ejus Sociis, nihil planè faciunt ad vindicandum Ludovico nostro Imperatorium nomen, ac proinde intempestivè sunt allata. Prout omnia fere capitis illius primi arguunt trepidantis & veritatis vi turbati animi calamum, cunctis *üßer wîr* sparsis. Possemus itaque meritò & nos ab iis manus abstinere: utpote cum nunc quidem hoc unice agamus, ut probetur, nullam fuisse justam Ludovico nostro causam Imperatorii nominis usurpandi, idque contra Hyperaspistas tueamur. Quod scilicet illo demonstrato itidem fiat manifestum, Ludovicum nostrum, Principem probum gravem & recti studiosum, nunquam Imperatorem sese vivo Lotharii filio venditasse. Et verò discussis Hyperaspistarum inanibus vanis & sibi mutuo adversantibus commentis, jure merito etiam quintum nostrum Argumentum jam firmum stat & inconcussum.

Quandoquidem tamen illa quæ §. quinto Hyperaspista adjicit, integram quidem paginam occupant, non tamen nisi verba sunt, & quavis pluma leviora, ne quidquam maneat indiscussum, paucis hoc loco vanitatem illorum ostendemus. Summa omnium hoc syllogismo comprehenditur.

Quicquid

Quicunq; constituit Advocatum Cœnobii is illo tempore gubernavit rempublicam. At non Ludovicus Lotharii filius sed Ludovicus Germanicus faciente Heidero constituit Advocatum. Ergo non Lotharii filius sed Germanicus illo tempore gubernavit rempublicam. Nos majorem propositionem veram esse agnoscimus. Advocatos enim cœnobiis dare Regia auctoritate, non nisi ejus est qui summa potestate pollet. Hoc ingeminare nulla necessitas coëgit Hyperaspistam. Fateor enim etiam ego illam quæ intumbit Cœnobio Advocatiam unicè esse constitutam manu Regia sui temporis. Minorem autem propositionem quod attinet, ibi verò omnia hærent. Non enim Amplissimus Heiderus eo ipso, quo negavit Diploma cœnobiale esse ab Imperatore Ludovico Lotharii filio, affirmavit esse à Ludovico nostro Germanico Advocatum constitutum. Ne verbulo quidem se hoc velle indicavit. Etiam ego non video qui hoc possit probari. Enimverò non dubito, illam quæ hodieque superest Advocatiam esse constitutam Regia auctoritate: aut ab illo Ludovico Germanico ita esse constitutum, nihil hætenus video, quod credere me faciat. Diploma cœnobiale enim non est idoneum tale quiddocere. Doctissimus Heiderus illius Diplomatis fidem primus omnium enervavit: Advocatiæ Regiæ jus, à quonamcunque tandem primo fluxerit, non vocavit in dubium. Illud autem solum assertit, illius Diplomatis Cœnobialis auctoritate nihil quidquam esse institutum, quandoquidem à falsaria manu sit suppositum, neutiquam vero genuinum. Hoc ipsum vel pueri viderint, qui, ut ait ille, nondum ære lavantur. Cum non viderint ergo Hyperaspistæ ejusque adjutores, agnoscenda est divinæ vindictæ vīs in eos qui veritatem longe manifestissimam, studio iniquæ partis, non attenderint, cum alioquin esse viros se doctos & perspicaces liquido satis suo libro ostenderint. Ut ut sanè concesserit Ampliss. Heiderus,

Advocatiam cœnobii constitutam esse anno DCCCXLVI, quo tempore creditur Diploma conditum, non agnovit tamen fidem auctoritatemque Diplomatis controversi. Advocatiam esse Regia auctoritate constitutam certum est. A quo autem Regum id factum sit ignoratur, nec hætenus credimus huic quidem Diplomati. Si Cœnobium attulerit aliud, forte tandem primum auctorem poterimus nos scire.

Cæterum hisce etiam omnibus excussis, est utique jam manifestissimum id quod probare suscepimus, Ludovicum Germanicum nostrum nec fuisse nec audiisse, vel suo ævo vel etiam intra ducentos proximos annos, *Imperatorem*: ac proinde non esse ab illo conditum Cœnobiale diploma. Neutiquam tamen negamus, voces *imperare* aut *imperii* in monumentis rerum Ludovici non interdum fuisse usurpari solitas. Imò agnoscimus factum non semel, etiam in ipsis diplomatibus Regiis. Verum illud isthac ætate recepti fuisse moris, in Regum promiscue omnium actibus narrandis, infinitis licet exemplis ostendere: atque adeo iis vocabulis, nihil quod Ludovico nostro Germanico sigillatim fuerit proprium, aut aliquid Imperatorium significatur. Antiquâ scilicet & olim apud Latinos usitatâ significatione, vocabula illa etiam Romani soliti sunt accipere, iisque uti, etiam tunc cum *Imperatorem* appellare fas non erat omnem qui *imperaret* aut *imperium* aliquod exerceret: etsi Grammaticam originem vocis *Imperatoris* suspēctes, merito is omnis qui *imperat* audire *imperator* possit. At verò vocabula ex usu significationem suam consequuntur non ex Grammatica etymologia: quo fit ut derivativa ab originariis per frequenter significatione differant plurimum. Quæ etsi sint nemini paulò doctiori haud notissima, monere tamen hoc loco fortassis non est abs re, quandoquidem ipsi etiam Hyperaspistæ ab huiusmodi ineptiis haud dubitant malæ suæ causæ quærere patrocinium.

CAPUT VII.

A nonnullis scriptoribus Germanicum Ludovicum Pii filium Imperatorio cognomento esse quidem appellatum, sed per errorem & demum à seculo usq. undecimo. In eodem errore autem basisse ipsum quoq. Diplomatis Cœnobialis fabricatorem; ac proinde illud aliquot demum post Ludovicum, cuius nomine ab impostore est promulgatum, seculis esse confictum.

Quinq. invictis argumentis demonstravimus, Ludovicum Pii filium nec fuisse nec audisse Imperatorem, saltem quamdiu fuit in vivis Ludovicus Lotharii filius. Jam tum igitur luce est meridiana clarius, frustra esse effugium Hyperaspistæ Cœnobialis, quasi scilicet ille in Diplomate laudatus Ludovicus Imperator fuerit Pii filius. Possumus igitur meritò jam relinquere hanc arenam, omnibus Ludovicis Imperatoribus à Diplomatis istius impostura liberatis. Fortassis tamen adhuc dilucidius est exponendum, quid factum fuerit, ut scriptores nonnulli Germanicum Ludovicum in Imperatorum numerum retulerint, & quando illud fieri cœperit. Et vero urget etiam Hyperaspista, id factum esse olim: credensque jure esse factum, hinc pallium quærit suo novo effugio. Nos igitur rem omnem exponemus; & quidem ita, ut non Hyperaspistæ causâ operam hanc subisse (ipse enim ille ignoravit speciosam vim hujus novieffugii, parum versatus in lectione antiquorum monumentorum) sed veritati duntaxat & recti notitiæ unicè nos studuisse, nemini non possit esse manifestum.

Adferemus igitur initio quidem ab Hyperaspista *pag. 7* laudata testimonia, deinceps nostra. Sunt autem illius studio

studio congestorum nova alia, alia vetera. Posterioris generis voluit esse Hyperaspista, Schaffnaburgensis verba anno 840, 845, 855, &c. Compilationem Chronologicam, inter Scriptores veteres German. Pistorii, sub anno 836. Urspergensis ab Heidero ex Stumphio allegatum Anno 841 & seqq. Prioris ordinis prout dubio esse credidit Munsterum *l. 3. Cosmograph.* & quem pag. 6 citaverat Cranzium *l. 2. Metropol.* Præter hæc pauca, ex omni illa à Ludovico usque Germanico tempestate, produxit Hyperaspista nihil. Vsque adeo illi heic domi fuit supellex curta. Nos singula quæque sub examen advocabimus.

Igitur Scaffnaburgensis, inter eos qui reapse sunt veteres in hoc nostro argumento testes, neutiquam admitti potest. Vixit enim plusquam ducentos post Germanicum Ludovicum nostrum annos. Finem scil. historiæ suæ esse voluit annum post millesimum septuagesimum septimum, ad electionem usque Rudolphi Anticæsaris. A quo tempore novam historiam scribendam, neutiquam sine Chronici sui dixisset, si jam tum elapsus fuisset annus octogesimus, Rudolpho divina scelerum ultione lethalis. Ille porro Lambertus non profecto *Imperatorem* sed duntaxat Regem agnovit Ludovicum nostrum. Et vero anno mcccxi, hæc quidem ejus sunt verba: *Ludovicus Imperator obiit, cui filius ejus Ludovicus successit.* Ast illis verbis non significavit, Ludovicum patri Pio successisse in dignitate Imperatoria. In actis rerum anni post octingentesimum quadragesimi quinti videtur Hyperaspista legisse Lambertum, qualis est à Pistorio editus, & primo Scriptorum Germanicorum tomo insertus. Ita enim ibi scribitur: *Monachi Herveldensis monasterii reconciliti sunt cum Orbegario Archiepiscopo de decimis frugum & porcorum ex terra Thuringorum, per fideles legatos domini Ludovici Augusti, Episcopos videlicet & præsides.* At longe rectius habet sese editio Lamberti

berti secundi, cui primæ tamen Lamberti nomen præfixum, cum præcedente editione liber fuerit anonymus. Vidit illa lucem Tubingæ anno 1533 cura Lutovichii Schradini, & hæc habet. *Monachi ejusdem Herosfeldensis monasterii reconciliati sunt cum Orthgario Archiepiscopo, de decimis frugum & porcorum ex terra Thuringorum, per fideles legatos domini Lutovichii, Augustenses Episcopos videlicet & Præsides.* Usus nimirum fuit Ludovicus Rex Legatis ad componendam Moguntini Archiepiscopi cum monachis Herosfeldensibus super decimis Thuringicis controversiam, Episcopo & Advocato Augustano. Ad annum 55 sic legitur in omnibus editionibus: *Lutovichus REX cum magno exercitu perrexerit contra Raridum Regem Marubensium.* Ut mirer ab Hyperaspista ad hunc quoque annum fuisse provocatum. Non favent autem illi anni etiam sequentes. Etenim Anno 855 legitur: *Ludovicus REX misit Ludovicum filium suum cum exercitu magno ad Abotritos.* Anno 864: *Ludovicus REX Raridum Regem Marubensium sibi subegit.* Anno 875: *Ludovicus REX obiit, cui filius ejus Ludovicus successit.* Anno 876: *Ludovicus Rex filius LVDOVICI REGIS obiit.* Tantum itaque abest in Lamberto quidquam præsidii positum esse Hyperaspistæ, ut potius ille Imperatorium Ludovici cognomen tum impugnaverit.

Multò minùs potest censeri vetus testimonium, quod tulit Auctor *Compilationis Historice*. Confectus enim ille liber est denique Friderico III imperante seculo quintodecimo, sexcentis amplius post Ludovicum Germanicum annis. Ad hoc ea laborat *discrepantia* liber, ut non possit in testimonium adduci contra vere prisce ævi perpetuam consonantiam. Enimvero ad annum 836 hæc quidem libro isthoc habentur: *Hujus temporibus Ludovici Imperatoris Orthgarius Moguntinus Archiepiscopus transtulit ossa S. Severi in Erphordiam. Ludovicus filius Ludovici Imperium adeptus regnavit annos triginta.* Verum Pio

filius successit demum anno 841: & *imperii* vocem latius hic accipiendam indicat subsequens *regnauit*. Non negaverim tamen accipienda esse de Germanico illa paulò post sequentia: *Isdem temporibus Imperator consulit Ecclesia Paderbornensi suum S. Liborium*. Majorem verò longe culpam commisit idem auctor ad annum 60 scribens: *Nicolaus Papa excommunicauit duos Imperatores, Orientalem nempe Michaellem, & Occidentalem, nomine Lotharium filium hujus Imperatoris Ludovici*. Non tangam Chronologicos nauos: notissimum est, illum Lotharium quem Nicolaus Papa excommunicare voluit non Imperatorem sed Lotharingæ duntaxat Regem, nec Ludovici Imperatoris filium sed fratrem filium autem Lotharii Imperatoris fuisse. Æque inepta sunt illa: *Arnolpho Imperatore mortuo Ludovicus filius ejus successit ei in Imperatore*. Item: *Anno Domini 917 Ludovicus Imperator obiit & successit ei in Imperio Conradus & regnavit annis septem*. Adversantur hæc omnibus prisca ævi monumentis, nec possunt legi sine opprobrio imperitiæ.

In Urspergense ad partes suas tuendas citando paulum fuit felicior Hyperaspista. Et tamen aliena demum fide in eo utitur. Quod arguit nescio quam supinam negligentiam. Vixit autem Conradus ille Urspergensis Abbas seculo decimo tertio Christiano, annis propemodum quadringentis post nostrum Ludovicum; ac proinde non est annumerandus Ludoviciani ævi rerum idoneis testibus, multò minùs dignus qui eorum consensui possit opponi.

Munsterum porrò constat ante hosce demum annos centum floruisse. Ille autem *l. 3. Cosmographiæ cap. 19* de Lothario Pii filio agens diserte fatetur, inter filios Pii tres patrimonio omni diviso, constitutum esse, ut Ludovicus sit REX Germaniæ & paucarum ultra Rhenum urbium. Adeo tamen in rebus hujus ævi cespitavit, ut retulerit, Ludovicum II Impera-

Imperatorem Lotharii filium obiisse anno 874 superstitionibus tribus filiis Ludovico, Carolomanno, Pipino, & Carolo Crasso, filiaque Hildegarde: cum tamen constet improlem obiisse Ludovicum illum Lotharii filium, & liberos quos nominavit fuisse genitos Ludovico quem ipsemet paulò ante dixerat Germaniæ Regem. Ejusdem *libri. cap. 72.* de Tigrino agens monasterio à Ludovico Germanico instituto, appellat fateor Munsterus trinis vicibus nostrum Ludovicum Imperatorio cognomento, simul tamen etiam Regio. Sed & refellitur statim ipso Ludovici illius Diplomate ad quod ibi provocat. Attulimus enim illud nos jam tum *supra pag. 55.* nullo apparente Imperatorio sed solo Regio titulo.

De Crantzii commentis jam tum præcedente egimus capite: nolumus igitur iis verbum nunc addere. Paulò autem potest indicabitur errandi fingendique occasio.

AT VERO hæc demum sunt quæ Hyperaspista attulit pro Imperatoria dignitate etiam Ludovico nostro Germanico asserenda. Levia profecto omnia, primum etiam plane ipsimet repugnans. Quo unicuique autem liqueat nostrum veri studium, plura ipsimet nos & speciosiora ultrò in medium adferemus. Fatemur scilicet, jam à seculo usque Christi undecimo, ducentis scilicet post Ludovicum annis, nonnullos scriptores subinde hac in re hallucinatos, & Imperatorio cognomento illum, contra usum perpetuum & constantem duorum præcedentium seculorum, decorasse.

Nonnullos ajo: nec enim omnes hic impegerunt. Quod enim seculum Christi undecimum attinet: vixit seculo isto hoc Lambertus Schafnaburgensis, sed recte gessit sese: ceu modò contra Hyperaspistam demonstravimus. Vixit tum & Sigibertus Gemblacensis. Ille vero ita scribit: *Anno 845 Ludovicus REX Germania Absortus à se deficere molientes bello perdomuit.*

Anno 848 Rabanus Abbas Fuldensis ordinatus Moguntia Archiepiscopus celebrata synodo Moguntia, jussu Ludovici REGIS, multa utilia decrevit. Anno 859 Ludovicus REX Germaniae plurima praelia contra Slavos strenue gessit. Anno 865 Rex Bulgarorum acceptis à REGE Ludovico subsidii in fide solidatur. Anno 871 Carolus Rex Francorum defuncto fratre suo Lothario, dum Lotharingiam solus usurpare nititur, per moderantiam & industriam Ludovici fratris sui GERMANORVM REGIS ad hoc attractus est, ut equaliter inter se regnum fratruelis dividerent. Ab exercitu Ludovici GERMANICI vario eventu bella contra Slavos geruntur. Anno 873 Carolus Ludovici Germanorum REGIS filius à demonio graviter vexatur. Anno 874 Normanni à regno Ludovici Germanorum REGIS tributum exigentes vincuntur. Anno 875 Ludovico REGI Germanorum apparuit in somnis genitor suus. Anno 877 Ludovicus REGNANS in Germania moritur. Eodem undecimo seculo Hermannus Contractus scripsit ad annum 876: Ludovicus REX Germaniae obiit V. Kalend. Septembr. Idem jam tum dixerat: Ludovicus Germaniam Lotharius cum Imperatorio nomine Italiam Carolus Galliam, regnum dividentes accipiunt. Ejusdem tempestatis fuit Hepidannus Cœnobita S. Galli, cujus breves Annales Tomo 1 Scriptorum rerum Alemannicarum inferuit Goldastus. Ille ita annotavit: DCCC LXXVI Ludovicus Pius REX Germaniae obiit. Ne quidem Marianus Scorus, monachus ejusdem seculi Fuldensis, etsi graviter impegerit circa Lotharii Imperatoris filium Ludovicum Imperatorem ejusque fratrem Lotharium, hisce duobus in unum quasi conflatis, lapsus est in Ludovici nostri rebus. Rectè enim ad 842: Tres fratres Lotharius Carolus & Ludovicus regnum Francorum inter se diviserunt. Carolus occidentem à Britannico Oceano usq; ad Mosam fluvium obtinuit: Ludovicus Orientem, id est omnem Germaniam usq; ad Rheni fluentia, & nonnullas civitates trans Rhenum cum adjacentibus pagis ob copiam vini. Lotharius verò primogenitus &

ius & Imperator medium inter utrosq. regnum tenuit, totamq. Provinciam & omnia regna Italia cum ipsa Roma obtinuit. Idem ad annum 855 Eo anno Ludovicus REX cum magno exercitu perrexisset contra Ratisidum regem Marubensium. Item Anno 875 Carolus Roman perveniens, datis Joanni Papa magnis muneribus Imperator factus est. Ludovicus autem frater Caroli apud Francofurtum palatium obiit s. Kal. Septembr. & sepultus in monasterio S. Nazarii Larissio. Ex quibus manifestum est, saltem celeberrimos seculi illius Undecimi Chronographos eodem locutos modo, quem prioribus duobus seculis integris fuisse in usu, proximo capite adstruximus, h. e. non nisi Regio cognomento Ludovicum nostrum appellasse.

Isthoc ipso tamen jam seculo non defuisse, in hac quidem Saxonia, qui aliter sint locuti, manifestum est ex Adam Bremensis, quem constat Henrico quarto Imperante floruisse, Ecclesiastica historia. Recte enim quidem & ille c. 22. memorat, pacto inter filios tres Ludovici Pii inito, Ludovico regendum obtigisse Rhenum cum Germania; capite tamen 24 ita scribit: Tunc Ludovicus Pius CAESAR inchoat Hammaburgensis Ecclesie desolationem miseratus venerabilis Ansgario consulis Bremensem Episcopatum. Mox etiam nescio quem librum tertium donationum laudans testem, ait: Anno Luthevvici secundi anno dominum Ansgarium ab Aldrico clerico & Comite Reginbaldo Legatis CAESARIS ductum in Episcopatum. Cap. 27. hæc leguntur: Interea quæstio magna surrexit in regno Francorum de Bremensi Episcopatu ad invidiam B. Ansgarii constata. Ea contentio diu per regnum gravi & ancipite dissensione profligata, multis partium studiis collidebatur. Tandem Orthodoxus CAESAR Luthevvicus, compositus hinc inde contradicentium voluntatibus, precipue Guntharti Colontensis Archiepiscopi, cujus suffraganea prius erat Brema, super his Romam nuncios ad sanctissimum Papam direxit Nicololum. Idem cap. 32 agens de Remberto Anticharii suc-

cessore scribit: Ceterum *vita ejus à fratribus ejusdem cœnobii ad nostros data, quis fuerit & qualiter vixerit, breviter & dilucidè comprehendis. Atque, inquit, ut electus est, à Theodorico Mindensi Episcopo & Adalgaro Corbeïensi Abbate jussu CAESARIS ductus est Moguntiam &c. Pallium Pontificale suscepit à Papa Nicolao, Ferulam pastorem à CAESARE Luthevicus. Cap. 34. ait: Anno domini Rimberti XII, Luthevicus Pius CAESAR magnus obiit. Ipse Boëmānos, Sorabos, Sufos, & ceteros Slavorum populos, ita perdomuit, ut tributarios efficeret. Nordmannos autem fœderibus & bellis compressos eo modo retinuit, ut cum Franciam totam vastaverint, regno ejus vel minimum nocuerint. Post mortem verò IMPERATORIS effera barbaries laxis regnabat habentis. Non multò post: Luthevicus IMPERATOR cum paganis dimicans victor exiit, & paulo post obiit. Omnia hæc habet Adamus. Quæ de Ludovico Pii filio esse dicta; liquidum est ex historiâ vitæ Anscharii, quam post editionem Coloniensem magna cura edidit suoque libro primo *Hamburgensium rerum* addidit, vir longe Clarissimus ac varia egregiè doctus Petrus Lambecius. Ultima tamen non possunt nisi ad Ludovicum Germanici filium Pii nepotem pertinere: quoniam ipsemet Adamus illa discernit ab iis quæ contigerunt vivo Ludovico isto Cæsare, quem dixerat anno XII Rimberti defunctum. Etiam verò cap. 36. Ludovicus noster Germanicus *Cesaris* nomine appellatur. Ut proinde ultro fateamur, hoc ita ab Adamo esse factum. Habuisse vero illum quenguam præeuntem, non affirmaverim. Utique enim quæ adfert habentur partim in vitis Anscharii & Rimberti, partim in Francorum Annalibus. Qui libri etiam nunc sunt in manibus, non nisi Regio titulo Germanicum Ludovicum nostrum prosequuti. Quæ ex capite 26 adduximus sumpta sunt ex Nicolai I Papæ Bulla, quæ itidem hodie est superstes. Nos partem illius protulimus cap. III pag. 15. Nusquam vero etiam ibi alius quam Regius titulus*

titulus comparet. Solet Adamus in testem laudare nonnunquam librum aliquem *de Cesaribus*. Ast de illo nullam in partem quidquam possumus adfirmare, quoniam nudum nomen est reliquum. Fortassis tamen auctor illus libri virum decepit, non satis in hujus ævi rebus iusta cura versatus. Ipsemet Adamus frequenter ab illo Regio cognomento non abstinet. Ne enim nunc repetam illud, quod *cap. XXIII* diserte fuisse professus Ludevico non nisi Rhenum cum Germania datum regendum pacto inter fratres inito. *Cap. 25* donatum Ansgario Episcopatum Bremensem appellat *Regalis munificentia donum*. *Cap. 36*. scribit, à Remberto filium *Regis* à dæmonio liberatum; illum vero esse Regis Ludovici filium Carolum constare. *cap. 39* ex vita Remberti hæc adfert: *Cum jam senio gravaretur Sanctus Rembertus, etiam continuus ei pedum dolor accessit. Inde apud gloriosissimos reges Luthovicum & filios ejus hoc obtinuit &c.* Quæ verba loquuntur de Ludovico nostro Germanico. Sed & illa quæ narrat *c. 34*, de Ludovico Imperatore cum paganis dimicante victore & paulò post defuncto, Ludovico item Franciæ rege qui victor & victus occubuit, repugnant historiæ illius ævi. Liquidò etiam falsum est, quod habet *cap. 31*: S. Rembertum historiæ vitæ Anscharii ad fratres cœnobii Novæ Corbeie direxisse, est enim utique liber ille scriptus ad monachos Corbeie veteris, quos passim alloquitur. Quam etiam est alienum à vero *capitis quadragesimi tertii* illud, *Anno Hogeni II Luthovicus puer depositus est?* Quæ significo, uti hisce exemplis appareat, bonum Adamum accurati historici laudem non mereri: locupletem nempe testem esse reum sui ævi, non autem vetustioris, idque ex imperitia.

Cæterum quidnam potissimum, me quidem iudice, errare hic fecerit Adamum, paulò post significabo: nunc non possum non saltim obiter monere, ab uno illo Crantzium impulsus, ad illa quæ proximo capite consutavi us committenda.

niscenda. Magni nimirum fecit Crantzius Adamum, atque eapropter illius plæraque in libros suos transtulit. Inveniens igitur Cæsaris cognomento Ludovicum sapius ab Adamo appellatum, idque sine causa non esse factum arbitratus, ad illas suas hariolationes adactus est. Debuisset autem observare Crantzius, non solo *Cæsaris* sed etiam *Imperatoris* cognomento *cap. 34.* usum fuisse Adamum, nec de Ludovico Pii filio duntaxat sed etiam ejus ex Ludovico nepotæ. Quo ipso concidit Crantzianum omne commentum de titulo Cæsareo & uni quidem Pii filio attributo, ob certum ac proximum jus Imperatoriæ successionis. Et verò quilibet futurus proxime Imperatoris successor olim, more jam tum primo Christiano seculo introducto, in Cæsareum nomen fuit adoptatus: neutiquam tamen ad titulum Imperatoris admissus. Verùm hoc quasi in transitu: quandoquidem ab Adamo præcipuè Crantzius deceptus fuit.

Eodem autem quo Adamus in luto hæsit, & fortassis ab ipso illo, Adamo fuit seductus, Corbeienfis monachus Waldo: qui eadem plane tempestate Adalberto Archiepiscopo Bremensi inscripsit *Vitam S. Ansharisi* sic satis rudi versu deformatam: quemque primus in lucem protraxit Lambecius V. C. suo libro primo *Originum Hamburgensium* addens. Capite enim XLV scribit

Ergo Bremensis

Ecclesia sedem Cæsar rectore carentem

Auxit Pontifici.

Capite LVII

Missus ab Augusto Præsul Salomo Ludovico

Cap. 48

filius aliter

Augusti Carolus Ludovici

Cap. LII *Hoc ita propositorem Cæsaris auribus ambo Insinuant.* Vetum idem Waldo longè frequentius Regio cognomento Germanicum nostrum Ludovicum exornat, Ut facile appareat

parent ipsi visum utramque appellationem Ludovico convenire. Cujus causam pòst adferemus.

In Scholiis porro, quæ in Adami librum anonymus quispiam scripsit, legitur: *Concilium unionis factum est Wormatiæ præsentis Cæsaris cum Episcopis, sicut privilegium testatur.* Loquitur ille de Hamburgensis ac Bremensis Ecclesiæ unione. Existat autem hodieque de conjunctione illa diploma Nicolai I Papæ: sed, ceu jam ante diximus, non Cæsaribi sed Rex audit Ludovicus. Concilium item Wormatiæ habitum anno 861 memorant quidem & Annales Francorum qui appellantur: sed Ludovicum agnoscunt Regem non Cæsarem. Pertinere alioquin Scholiastem hunc ad seculum undecimum, Adami si non corvum saltem non multò posteriorem, fateor. Et vero Notæ 13. 16. 26. 63. 76. significant, floruisse tum adhuc potentiam Slavicarum gentium trans Albim: quam constat seculo duodecimo armis fractam concidisse. Notæ item 91. 92. 93 indicant, tum temporis sacra paganica in Sueonibus adhuc prævaluisse: quæ itidem proximo seculo tota evanuerunt. Quin imò Notæ 62. 63. & 69 videntur innuere, à Scholiasta visum auditumque ipsum Adalbertum Archiepiscopum: à juvene scilicet jam tum senem. Cæterum quæ causa & huic Scholiastæ Cæsarium expresserit titulum, itidem mox apparebit: quia est omnibus communis.

Si Goldasto credimus, tribus hisce Saxonis quartus ex Alamannia annumerandus fuerit, qui Ludovico Germanico Cæsaream dignitatem jam seculo undecimo adscripserit. Ita enim Goldastus loquitur Replicationis pro Imperio cap. 26. pag. 170. *Quin etiam vetustos auctores habeo, qui cum (Ludovicum Germanicum) in catalogo legitimorum Imperatorum ponere non dubitaverunt. In quibus est Abbas Suardus abensis, qui sub Henrico IV Imperatore vixit, in Chronico scribens: Anno dominicæ incarnationis DCCCXLI ab Urbe condita MDXCII Ludovicus*

videns superioris Ludovici filius LXXV loco ab Augusto regnare capis, & XXXVI annis regnavit. Chronicon hoc, quod equidem sciam, hactenus non prodit in lucem: nisi fallor tamen vidi illud manuscriptum in Bibliotheca Augusta. Auctor utrum vixerit ætate Henrici IV Imperatoris, non ausim hodie certo asseverare vel negare. Tantum non omnia autem illius Chronici in suum transtulit Conradus Urspergensis Abbas tertio decimo seculo; ac proinde hinc accepit suum illum tunc usum Imperatorem, quem jam tum perstrinximus. Et vero est omnino crassum & intolerandum crimen, privare Lotharium Pii filium Imperatoria dignitate, & hanc Ludovico attribuire, contra fidem omnium veterum monumentorum. Indubie tamen etiam hunc Abbatem errare fecit, quod & alios deduxit à vero, paulo post indicandum.

Quantumvis autem seculo undecimo jam pronus esse lapsus cæperit, præter hosce quatuor tamen novi equidem neminem, qui isthac tempestate ad hunc lapidem impegerit. Fateor verò, post illa, etsi etiam tum doctiores quique (qualis est Otto Frisingensis) in Chronicis suis recte se gesserint, solito plures sibi minus cavisse; quod à Vindice Cœnobitico tamen non fuit animadversum. Possit videri inter illos esse Gotfridus etiam Viterbiensis. Ita enim ille scribit Chronici parte xvi pag. 463 edition. Pistorianæ. *Carolus rex Gallie, audita morte Lotharii, regnum ejus, scilicet Lotharingiam, invadit. Adhac Imperator Ludovicus ipsum regnum Lotharingia cum Carolo patruo suo, habita inter se pactione divisit. Ita tamen quod Ludovicus Imperator Aquisgranum palatium cum sua portione haberet.* Quia scilicet Ludovicus noster cum fratre Carolo Lotharingiam divisit & Aquisgranum pacto illo huic cessit, non autem Ludovicus in Italia Imperatorem agens venit in divisionis partem. Imperatorem itaque hoc loco dictum Ludovicum nostrum. Ast vero hactenus quidem ille extra culpam est. Diligenter

ligerent enim satis uni Lothario ejusque filio Cæsaream dignitatem assignat: & nostrum Ludovicum Regio duntaxat cognomento exornat. In eo autem lapsus est, quod narra-
verit, divisisse Lotharingiam cum patruo suo Carolo Ludovicum verum Imperatorem Lotharii filium: cum tamē
partitio ista facta fuerit inter duos fratres, utrumque Imperatoris patrum, & quidem hoc invito: id quod ex monumē-
tis illius ævi notissimum est.

Non omni autem fortē ex parte sibi cavere hīc potuit Helmoldus, præclarus cæteroquin Slavicarum rerum scri-
ptor. *Libro enim i Chronici Slavorum c. 5* scribit: *Pontifex An-
scharius Cæsaris legatione functus regem Danorum frequenter adiit.*
Videtur sane Adamum secutus Cæsaris nomine appellasse
nostrum Ludovicum. Fortassis tamen Pium intellexit: ut
pote cujus legatione itidem functus ad Danos fuerit An-
scharius. Diserte enim ita loquitur cap. vii: *Noster Ludovi-
cus, Rex scilicet Germania, Normannos sive praliis sive fœderibus
hoc modo retinuit, ut cum Franciam totam vastaverint, regno
eius vel minime nocuerint.* Idem porro Helmoldus nostrum
quidem appellat Ludovicum secundum cap. vii, sed bo-
num in sensum id flexit ipse Baronius, ad annum 875. n. 2 scri-
bens. *Qua autem sub Ludovico secundo de conversione Slavorum
narrat Helmoldus, nullo certo appposito anno, hīc in fine sunt descri-
benda. Sed fortasse dum ipse Ludovicum secundum nominat non
Imperatorem intelligere voluit sed Regem Germania Ludovicum Caroli
Crassi fratrem.* Voluit indubie debuitque scribere Baronius
Caroli Calvi fratrem. Adduxit autem verba illa Baronii pag. 7.
etiam Hyperaspistes, ut probet Ludovicum nostrum etiam
aliquibus audire secundum. Quasi hoc aliquatenus fecerit pro
Cæsareo Ludovici titulo. Sed ad tam inepta & misera præ-
sidia conquirenda vir ille adductus est vi adversantis sibi ve-
ritatis.

Quamvis autem Helmoldum forte excusaveris, ejus tamē *συγγραφοι*, & in Saxonia hac vicinum, Albertum Staden-
sem Abbatem excusare ab *ἀνιστησίας* culpa non possumus.
Decepit vero etiam hunc non nisi unus Bremensis Adamus;
hujus enim verbis omnibus utitur in historia anni *MDCCCLXV*,
XLV, *LVIII*, *LXV* & *LXXVII*. Ut solet varia sequi viam.
Quamobrem justè in Albertum hunc *pag. 19* animadvertit;
peritissimus talium & primus Chronici Albertini editor, Rei-
nerus Reineccius.

Sequiore porrò omni ævo non defuerunt subinde, fa-
ctor, qui hac parte aberraverint. Sed non est quare iis nume-
randis hîc tempus teramus; quandoquidem eorum nonnul-
li usque se se adeo turpiter hoc in loco gesserint, ut eorum
verba adducere pudeat ac tædeat. Instar omnium potest esse
Auctor *Historia de Landgraviis Thuringia*, à Pistorio Tomo 1
Scriptorum Rerum Germanicarum productus in lucem.
Cap. VI & pag. 91 hæc ejus sunt verba. *Post Carolum*, qui dice-
batur Magnus propter magnifica facta, rexit Alemanniam unus de
filiis Caroli, scilicet Lotharius; post Lotharium frater suus & Impe-
rator: post Ludovicum filius suus Lotharius & Imperator, qui consum-
mavit monasterium Homburg, & factus monachus ibidem Imperium
resignavit. Post Lotharium rexit Ludovicus filius ejus & Impera-
tor. Post Ludovicum Carolus frater ejusdem Ludovici rexit, & Im-
perator factus, volens filios fratris sui Ludovici relictos exheredita-
re, & Regna solus habere & terras: sed frustratus est in proposito. Et
multis bellis habitis, voluntarie dimisit filiis fratris totam Ale-
manniam. Qui tres fratres dividentes Alemanniam. Nam pri-
mus scilicet Carlomannus in sortem accepit terras Bavaria, Suevia,
Austria, Pannonia, Karinthia, Bohemia, Moravia, & ceteras re-
giones circa Danubium, & nominabatur Rex Danubii vel Aleman-
nia superioris. Secundus frater scilicet Carolus accepit in sortem to-
tam Rhenum & ceteras regiones circum jacentes, & nominabatur
rex

rex Teutoniæ. Tertius frater scilicet Ludovicus accepit in sortem, Thuringiam, Franconiam, Mysum, Hassiam, Saxoniam, Marchiam, Sclaviam, Frisiam, cæterasq; regiones circa Albiam, & nominabatur rex Albæ & Thuringiæ. Et posuit sedem regni sui in Thuringia in castro quod Jecheburg nominatur, & capellam in honorem beata virginis Mariæ, quæ adhuc manet castro destructo.

Hujusmodi nugæ & deliria reperias passim apud eos, qui ex Rege Ludovico Imperatorem fabricaverunt. Et tamen (tateor) ne quidem superiore seculo, quando jam vetera & fide digna monuménta fuerunt, tanquam ex orco, in lucem reducta, viri quidam eximii rectius sibi consuluerunt. De Cranzio & Munstero jam diximus. Aubertus Miræus qui in tabulis veteris ævi. utilem operam posuit, *Codice Donation. piarum cap. 13* cum attulisset Ludovici Germaniæ Regis Diploma, quo Theoderico Comiti donat Wasdam, annotat: *Illud Ludovici diploma mihi suspectum est, quod ipsi titulus Augusti aut Imperatoris non tribuitur.* In quæ verba recte animadvertit proinde Mallinckrothus *l. de Archicancellariis & Cancellariis S. R. Imperii pag. 26.* Henricus Bangertus vir doctus in *Commentario ad Helmoldi l. 1. Chron. c. V.* ad verba illa: *Ludovicus cui Germaniam cefisse supradictum est, defectum Hamburgensis Ecclesiæ saliter resarcire studuit:* scribit Ludovicus Imperator &c. Mageri *l. de Advocatia Armata cap. V. n. 414* hæc verba sunt: *Ludovicus II Imperator Caroli Magni nepos, sanctimonialium Monasterium quod Tiguri considerat, in suam defensionem suscepit.* Brulichium ejusdem erroris insimulare non audeo. Et si enim ille in opere de monasteriis p. 74. scribat, *Eremitarum cœnobium anno Christi 860 capisse temporibus Ludovici secundi Rom. Imperatoris non procul à Tiguro,* fortassis tamen intellectum voluit Lotharii filium, qui reapse tum egit Romanorum Imperatorem, etsi in illa Alemanniæ loca nihil habuerit juris, secus quàm Brulichio fuit persuasum. Nolo tempus perdere in aliorum culpis notandis.

ANTE verò quam occasionem diu adeo hic alibi vagantis erroris persequar, non possum non monere, ipsummet quoque fabricatorem Cœnobialis Diplomatis eo fuisse infectum. Nomine enim utique Ludovici Imperatoris condidit ille diploma illud suum, & tamen annum Imperii viccesimum sextum retulit in Dominicum annum octingentesimum sexagesimum sextum. Id quod unice quadrat Ludovici nostri Germanici rebus. In Antiquitatum sane Fuldensium libris passim complures reperiuntur tabulæ à Notariis ævi illius confectæ, adjuncta collatione Ludovici nostri annorum Regni in Orientali Francia cum annis Dominicis. Semper autem ita illi anni comparantur, ut liquidò appareat, Ludovicum numerasse regni illius sui Orientalis Franciæ annos, initio facto ab anno 841, quod præcedente anno vacuum illud regnum sibi fecisset mors Pii patris. Cum constanter autem hic computus fuerit in publicis instrumentis, à Notariis publica auctoritate constitutis, observatus usque ad extrema Ludovici nostri, liquidum est, quantum equidem arbitror, & per Germaniam passim fuisse illum calculum receptum, & non diversam ab ipsomet Ludovico Rege annorum rationem fuisse observatam. Quapropter nihil causæ arbitror esse, quare Hyperaspista anxie adeo super ratione annorum Ludovici lese in *responsione ad caput V* maceraverit, aut cur aliorum divinationes ego nunc examinem.

Ab eo qui Diplomati subscripsit annum Dominicum, planè eandem esse rationem observatam annorum Ludovici & Domini, quam in Tabulis conscribendis Notarii olim observaverunt, manifestum est. Tantum possit fortè dubitari, num id fecerit ipsemet Diplomatis fabricator, an alius quispiam. Idque quandoquidem Hyperaspista ambiguum id reddiderit. Verum enimvero solere interdum aliena manu aliquid adjici Diplomatibus, non equidem negaverim.

rim. Etiam annos Dominicos Diplomatus quibusdam antiquioribus esse longè post demum ab imperitijs adscriptos, concedo. Quamvis tamen non temerè assenserim Wigulejo Hundio, factum illud frequenter adeò in Diplomatus Cœnobii Heimerami Ratisponensis: quoniam illorum nonnulla etiam aliis multis nominibus meritò suspecta sunt. At verò ad subscriptionem Diplomatis Cœnobialis itidem accessisse manum alienam aut recentiorē, non profectò illa evincunt quæ attulit Hyperaspista. Jam tum *capite V pag. 70* illorum infirmam vim expendimus. Prodeat in conspectum prudentis alicujus & circa antiquarum tabularum censuram exercitati iudicis Diploma Lindaviense: tum demum liquiddò pronunciari poterit, scriptio isthæc quæ annos Domini designavit recentior sit Diplomate ipso an non. Nec enim illi sunt Hyperaspistæ, quibus cum tuiò in tenebris mices. Nullo argumento probari temere poterit (scio) alienæ manus accessio. Hactenus sane probata non est. Ac proinde nihil impedit, quo minus existimemus, ab alia manu annos Dominicos non adscriptos esse. Age vero: esto factum. Certum interim est, annum Domini octingentesimum sexagesimum sextum, esse Ludovici Germanici vicesimum sextum, ac proinde nihil hactenus subesse erroris. Nec vero saltim Hyperaspistæ audent dubitare, quin anni *illi imperii Ludovici* nullius sint alterius quàm solius nostri Germanici.

HÆC igitur quidem jam sunt quasi constituta & rata. Agemus tandem nos quod promissimus: atque adeo indicabimus, quæ causa vel occasio caperit nonnullos inducere in illum de Imperatoria vel Cæsarea nostri Ludovici Regis dignitate errorem. Ut autem hoc ipsum a nobis clarè in lucem exponatur, *initio* in memoriam revocandum est id quod jam præcedente capite adstruximus, seculo demum undecimo, h. e. post annum millesimum, ita nonnullos capisse loqui:

non

non ab ipso Ludovico, non à quoquam seculi illius & noni & decimi, præter Regium titulum, fuisse aliis Ludovicis quam Pio & Lotharii filio Cæsarium attributum. *Secundo* etiam habendum quasi certum, id quod libro *De Germanorum Imperio Romano c. XII* præbavimus, seculo demum undecimo Germaniam nostram Imperii Romani titulo cœpisse usurpari. Certum *Tertio* est, æterno cum Ottone Magno aut saltem cum ejus nepote Ottone III, Romæ inito pacto, quos Germania reges habet, illis Imperatorum Romanorum jura competere, & jam tum à seculo usque undecimo Germaniæ Reges Cæsarium titulo in vulgo ipso audire.

Illa itaque jam tempestate, ab iis qui rerum veterum minus gnari, eos etiam qui olim Germaniam rexerant Cæsares dictos more suo ævi, mihi sane pridem verosimile fuit visum. Et verò is qui forte omnium primus ex Rege nostro Ludovico fecit Cæsarem atque Imperatorem Adamus Bremensis, primus etiam sui jam ævi morem, de Germania Imperii Romani nomine appellanda, nobis prodidit: dum l. i. c. 8. ait: *Tensionum populi, apud quos nunc & summa Imperii Romani & divini cultus reverentia viget, Cap. 35.* scribit: *Nordmanni plagam quam in Frisia receperunt, in totum Imperium ulcisci &c.* Accessit scilicet ad veteris ævi rerum inscitiam consuetudo suâ ætate jam recepta. Ideoq; soli illi sibi caverunt, quibus aut iusta veteris ævi fuit peritia, aut apud quos mos ille non perinde invaluit. Et vero *confirmat* meam suspicionem, sive conjecturam, illud quoque, quod errorem istum de Imperatore Ludovico Germanico nostro, soli nonnulli Germanici scriptores erraverint: non Itatorum, non Gallorum, non Britannorum, non denique aliarum gentium, apud quas Imperium pro Germania & Cæsar pro Rege non audierunt ut nec Germanorum ante seculum undecimum quispiam, isthac ratione impeggerit.

Quicquid hujus autem sit, jam tum constat, *primò* errorem

rem esse commissum ab omnibus iis qui Imperatorio cognomento Ludovicum nostrum appellavere. Non enim illud esse consentaneum vel Ludovici illius vel totius seculi noni consuetudini.

Constat *Secundò* errorem illum ducentis amplius post Ludovicum annis incipisse: & quidem apud pauciores.

Quandoquidem verò ille error commissus etiam est ab auctore Diplomata, consequens sit, Diploma illud minimum ducentis annis esse Ludovico illo cuius nomen refert recentius. Imò verò cum scriptores Alemannicos seriùs hic error vulgò infecerit, & quidem cum primis demum circa initia seculi tertii decimi, saltem per est verosimile tum etiam denique Diploma hoc, in Bodamico lacu, ab aliquo impostore itidem errore isthoc imbuto, esse conditum. Atque adeo tantum abest, in Ludovico Germanico aliquid præsidii esse Diplomati collocatum, ut potiùs illi perpetuò tributum Imperatorium nomen etiam tempus ipsum commissi criminis falsi liquidò prodiderit.

CAPUT IIX.

Præterquam quod non Germanici sed Pii Ludovici, atq; adeo alieno Sigillo & Manus signo, Diplomati Lindaviensi sit subscriptum, falsò referre illud, se conditum anno Ludovici Germanici vicesimo sexto, aut Dominico octingentesimo sexagesimo sexto, ostenditur certissimis indiciis. Quoniam scilicet illo anno, Comes Palatii non Adalbertus sed Ansfridus: Archicapellanus non Hugo sed VVigarius: hujus vicarius non Hirminritus sed Albertus Subdiaconus: nec Bodami Ludovicus versatus: Indictio item non secunda sed quarta decima, fuerit.

Astensi sumus Hyperaspistis Cœnobii, ipsi Diplomatis fabricatori placuisse, ut Ludovicus Germanicus ejus conditor crederetur, & Imperatorium titulum huic etiam nostro Germanico olim competiisse. Jam tum verò etiam demonstravimus, Ludovicum istum nec fuisse nec audisse Imperatorem; sed à seculo demum usque undecimo per errorem id nonnullos sibi persuasisse, ac proinde & Diplomatis fabricam aliquot seculis Ludovico illo esse recentiorē. Liquidum quoque jam fecimus, alieno sigillo & monogrammo, utroque nempe Ludovici Pii Imperatoris, Diploma cœnobiale, quod à filio falsarius voluit profectum, esse obsignatum & quasi confirmatum. Monuimus etiam, nonnulla ejus Diplomatis usque adeo esse anno vicesimo sexto Ludovici Pii attemperata, ut ex aliquo à Pio Imperatore istoc ipso Imperii anno condito Diplomate, in Lindaviense hoc impostor nonnulla transfulerit. Nunc verò duntaxat demonstrabimus, quam malè veteratori cesserit fraus in eo, quod
annum

annum illum viceſimum ſextum Imperii Ludovici Patris, rebus filii Ludovici Germanici non verecundatus fuerit contaminare. Et verò clariffimè mox patebit, quem nebulo voluit eſſe Diplomati ſuo annum natalem eum reapſe illi lethalem eſſe. Quantum ſane annus viceſimus ſextus Pii Imperatoris ſavet, tantum Ludovici Germanici viceſimus ſextus Diplomati adverſatur, idque jugulat. Nos ordine iſthæc perſequemur.

Priùs tamen neceſſum eſt, ut in certo conſtituamus, illum qui in Diplomate uſurpatur annus *Imperii*, eſſe eundem qui *car. d'orléans* audiit olim *Regni*, aut *Regis in Orientali Francia*. Quamdiu ſcilicet fuit in vivis Pius Imperator, filius Ludovicus fuit quidem per aliquot annos Rex, ſed *Bajoariorum*, & uſque adeo ab Imperatoria poteſtate procul, ut in omnibus quæ tum temporis condidit Diplomata, Imperatoris Patris ſupremam vim veneratus ſit, ſeque non niſi illius ſubditum Regem fuerit proteſſus. Videatur *pag. 35 & 38 capit. V.* Quapropter Bajoarici utique regni tempus Imperii annis neutiquam accenſeri pòteſt. At verò anno quadrageſimo primo demum, deſuncto jam Imperatore Ludovico, libera manu, & nullum agnoſcens ſuperiorem, capit regnare & quaſi imperare ſuis terris. Ab illo itaque demum momento poſſunt quodammodo Imperii anni numerari: atque, ad eò jam annus Regni viceſimus ſextus idem fuerit cum eo qui in Diplomate dicitur Imperii ejusdem numeri annus. Nos igitur itidem nunc quaſi extra controverſiam collocabimus, eundem in Diplomate cœnobiali Imperii eſſe annum, qui aliàs dicitur Annus Regni ſive ſimpliciter ſive Regni in Orientali Francia. Illo autem jam conſtituto nihil reliquum eſt quod, remoretur propoſitum.

Igitur PRIMVM Annus hic non patitur illum à Diplomate laudatum PALATII COMITEM Adalbertum, ſed eo

exploso veneratus olim est Ansfridum. Functus ille jam ante erat amplissimo isthuc aula munere apud Lotharium: iterum verò & in Ludovici Germanici aula in eandem dignitatem est assumptus. Autor Chronici Laureshamensis, quod Tomo primo Scriptorum rerum Germanicarum inseruit Marquardus Freherus, bis meminit Ansberti hujus: prima vice statim post fatalem illam vasti Francorum Imperii interfiliis Ludovici Pii divisionem. *Hic Lotharius, ait, Ansfrido tunc Palatino Comiti, illustri & spectabili viro, ob egregia merita pradium suum in Geizefurt, in pago Hatzuariensi, super fluvium Nerse, & in pago Launensi in villa Sodaio super fluvium Geldrime, jure proprietatis contradidit: quod postea eodem Ansfridus (ut suo in loco paterebit) Laureshamensi monasterio Diotricho contulit.* Alterà anno DCCCLXV quo Diotrichus Abbas factus est. *Sub hoc patre pradii Palatii Comes Ansfridus pradium suum in Geizefurt, aliasque res proprietatis suae à Ludovico Rege sibi traditas &c. sancto Nazario contulit.* Hæc Autor ille: quem etiam eo nomine non possumus non laudare, quod vitaverit illum vulgi errorem de Ludovico nostro: Regem scil. illum semper appellans non Imperatorem, quamvis vixerit circa confinia tertii decimi seculi Christiani.

Ceterùm ex istis Chronici Laurishamensis verbis nondum apparet, fateor, id quod professi sumus, Ansfridum scilicet illum anno vicesimo sexto Ludovici Germanici Comitem Palatii egisse. Manifestum autem id faciunt Tabulae nonnullae, quas, cum illi ipsi Chronicorum codici manuscripto fuissent adjunctae, Freherus edidit cum Tomo primo *Originum Palatinarum*, utriusque editionis. Enimverò exstat ibi etiam illud Diploma, quo Lotharius Ansfrido Geizefurtum donans agnoscit illum suum Palatii Comitem. Verba ipsius illius hic etiam legi capropter commercetur. *In nomine omnipotentis Dei Salvatoris nostri*

stri Jesu Christi Lotharius divina proveniente clementia Rex. Dignum est, ut Regali Celsitudo procerum suorum petitionibus tanto libentius annuat, & annuendo ad effectum perducatur, quanto eos viderit ac noverit in suis obsequiis perstare efficaces. Idcirco noverit omnium fidelium sancta Dei Ecclesia ac nostrorum, presentium videlicet ac futurorum, industria, quia Huebertus Abba nostram deprecatus est magnitudinem, ut cuidam fidei Comiti Palatii nostri Ansfrido nomine aliquantum ex rebus juris nostri, quas ipse jure beneficiario detinet, ad proprium concederemus, ac per preceptum nostrum largiremur. Hæc verba sane non patiuntur nos dubitare, pro Comite Palatii servivisse Lothario Ansbertum.

In transcurso autem non possumus non monere, Autorem Chronici per errorem Lothario Imperatori tribuisse, quod factum est ab hujus cognomine filio. Nec enim Imperatorem sese appellat Diplomatis conditor sed Regem, & Regalem Celsitudinem. Hisce etiam verbis Diploma clauditur. *Signum Lotharii gloriosi Regis. Arismandus Notarius recognovi. Data V. Id. Novembr. anno Christo propizio imperii Domini Lotharii piissimi Regis primo Indictione IIII. Actum Aquigrani palatio Regio. Quorum nihil convenit Lotharii Imperatoris rebus: bene autem filii Regis. Cujus annus primus Regni cum fuerit Christi post octingentesimum quinquagesimus sextus, liquet hinc tempus quando in Lotharii Regis aula Palatii Comitem egerit Ansfridus.*

Eundem autem decimo post anno, etiam in aula Ludovici Germanici eadem fundum dignitate, patet ex iis quibus finitur ejus Tabula donationum quas Monasterio Laureshamensi præstitit. Quam itidem Originibus suis Palatinis Freherus addidit. Verba hæc sunt: *Actum publice in Monasterio Lauresham, anno incarnationis Dominice MCCCCLXII (mendosam esse hanc temporis notam, scribendumque DCCCLXVI nemo non videt) regni Ludovici Regis XXVI, sub die III Non. Octobr.*

*Signum Ansfridi Comitis Palatii. Signum Fridolehi, Signum Ruodberti & aliorum. Ego VValtbere indignus presbyter ac monachus hoc testamentum scripsi, diemq; & tempus ut super notavi. Hæc profectò clarissime ostendunt id quod ante affirmavimus: nempe anno Regni Ludovici xxvi Ansfridum in aula Regis illius egisse Palatii Comitem non autem Adalbertum aliumquem. Idem procul dubio confirmaret etiam sequens Donationis Tabula, si integra superesset subscriptio. Ita enim hodie legitur: *Actum loco tempore & die quo supra.* Imo & quæ hanc sequitur Præstaria doceret hoc, nisi itidem subscriptio periisset cujus loco nunc hæc leguntur: *Data Præstaria die & tempore quo supra.* Disci tamen inde potest, Comitivâ Palatii dignitate Ansfridum tunc polluisse. Ita enim incipit illa quam vocant Præstaria: *Diligendo in Christo filio sanctæ Dei Ecclesiæ Ansfrido, venerando Comiti Palatii Diotrochus, gratia Dei humilis Abbas.**

Verùm quia fortassis suspicetur aliquis, mansisse Ansfrido titulum Comitis Palatii, etsi non amplius vel non in aula Ludovici Regis, illud munus obierit: forte etiam fuisse plures uno Palatii Comites eodem tempore, ac proinde Adalbertum fuisse hujus Ansfridi comministrum, utrique suspicioni hic est occurrendum.

Igitur titulos sæpe mansisse etiam iis qui jam defuncti erant honoribus, non est consentaneum moribus illius ævi: etsi hodie sit receptæ consuetudinis. Hinc etiam, quamvis Adalbertus fuisset Comes Palatii in aula Ludovici Imperatoris, post obitum tamen Imperatoris illius ex nova dignitatē audiit Comes *Metensis* Nithardo l. 2. de *Dissidiis filiorum Ludovici* pag. 454. editionis *VVechehana*: cum tamen longe inferior hæc altera esset dignitas priore Comitis Palatii. Ad hoc diserte satis professus fuit ipsemet Ansfridus in sua Tabula donationis, non minus sese Ludovico quàm Lothario serviisse.

Ita

Ita enim locutus est in Tabulæ illius principio. *Ego in Dei nomine Ansfrid Dei gratia Comes, cogitans de timore Dei vel futura retributione, pro remedio animæ meæ, seu dominorum meorum, per quos ad me res pervenisse dignoscitur, dono per hoc Testamentum &c. Dominorum autem illorum nomine quinam sint intelligendi significat Præstaria hisce verbis: Honorabilis tua fuit petitio, & fratrum nostrorum decrevit benevolentia, ut res proprietatis tue in Geizefuri, pro elemosyna tua & dominorum Regum Lotharii & Ludovici à se sancto Nazario traditas &c. Quin igitur Ansfridus verè Palatii fuerit Comes in aula etiam Ludovici Regis, & quidem anno regni ejus xxvi, non est quod dubitemus.*

Altera suspicandi cāssa videri possit majoris momenti; quandoquidem vir & dignitate & in hisce literis illustris Hieronymus Bignonius, in doctissimo ad Marcolphi Formulas l. 1. p. 574. primæ editionis commentario, non dubitavit asserere, in prima & secunda Francorum Regum familia plures aliquando fuisse Palatii Comites. Sed illum facile potuissent refellere vel sola ea quæ ipsemet jam attulerat pag. 515 verba Hincmari: *Præcipuè duo, id est Apocri- farius, qui vocatur apud nos Capellanus vel Palatii custos, de omnibus negotiis Ecclesiasticis, vel ministris Ecclesiæ, & Comes Palatinus de omnibus secularibus causis vel judiciis, suscipiendi curam instanter habebant.* Quæ præterea in sententiæ suæ probationem attulit Bignonius reapse nullius sunt roboris. Eorum videlicet duo sunt edicta Pipini & Capitularium de officio Comitum Palatii: inde autem non est exculpere plures uno tempore Comites Palatii. Lex enim universum aliquid edicens plures quidem tangit, sed non in unum tempus vim suam extendit. Majoris verosimilitudinis est illud quod ex Traditionum Fuldensium l. primo adducitur. Sed referemus nos illam formulam, qualem ipse Bignonius non illa qui.

quidem pag. 517. sed jam antehac pag. 511 attulit. *Anno Dominice Incarnationis DCCCXXXVIII ind. l. XVIII. Kl. Iulii facta est consensio Gozboldi & Hyabani Abbatis, coram Imperatore Ludovico & filius ejus Ludovico & Carolo, nec non & Principibus ejus in palatio apud Niomaguum oppidum constituto de captura &c. presentibus Drugone Archiepiscopo, Orgario Archiepiscopo, Radolfo Episcopo, &c. Adalberto Comite, Helphrico Comite, Alfrico Comite, Pepone Comite, Gobavvino Comite Palatii, Ruadharro similiter Comite Palatii, &c. innumerabilibus Vasallis dominicis.* Hic sane duo Comites Palatii memorantur: sed illos fuisse Comites Palatii Imperatorii neutiquam colligere hinc est. Interfuerunt nimirum huic actui præter Imperatorem Reges duo Ludovicus & Carolus filii Imperatoris Pii, quorum utriusque suus fuit Palatii Comes. Et verò videtur tunc abfuisse Comes Palatii Imperatoris, alioquin inter Comites primo debuisset loco memorari: illorum autem duorum qui hic nominantur Palatii Comitum alter Ludovico alter Carolo videtur inservisse, atque ea de causa ambo Imperatoriis ministris sunt postpositi.

Quinimo verosimile est, Adelbertum qui primo loco inter Comites hic numeratur fuisse Palatii Imperatorii Comitem, etsi illum titulum non legamus hic additum. Nam & Drogo jam tum fuit Archicapellanus nec tamen hoc titulus hic nuncupatur: nisi mendose scriptum sit *Archiepiscopus pro Archicapellanus*, quia Drogo Episcopus fuit Metensis non Archiepiscopus.

Aliud & quidem verosimilius in medium attulit harum rerum longè eruditissimus Christophorus Lehmannus, nunquam satis laudandi operis, cui *Chronico Spirensi* infra dignitatem nomen est inditum, l. 2. cap. 7. & 8: plures uno & Archicapellanos fuisse & Palatii Comites, pro diversæ linguæ gentium ratione. Sed nec ille sententiam suam firmis satis argu-

argumentis munivit: cum disertè aliud dicat apud Hincmarum Adelardus: quorum uterque ævo illo vixit magnâ apud Reges auctoritate. Utut verò etiam Lehmannus non erraverit, saltem in Orientalis Franciæ sive Germaniæ & gentis ejusdem linguæ rebus nonnisi unus Palatii Comes & unus Archicapellanus fuit adhibitus: atque ita nec Lehmanni sententia sequiorem nunc movere suspicionem debet.

Esto itaque jam certum, anno viceſimo sexto Ludovici nostri Germanici non aliquem Adalbertum, sed solum Ansfridum Comitiva Palatii dignitate floruisse.

Non Hugonem porro tunc sed Wigarium Archicapellanium egisse, ejusque loco non Hirminritum aut Hirminmarum sed Albertum Subdiaconum solitum tabulas Regias recensere, nunc vice SECUNDI argumenti demonstrabimus.

II:

Utetur autem hîc non nisi teste unico sed omni exceptione majore, quemque cum fidei tum antiquarum Germaniæ rerum magnæ peritiæ ergo non semel jam laudavimus. Est ille Bernhardus Mallincroth, dignitate Decanus quondam Capitularis summi collegii Mimigarderodensis sive ut hodie loquimur Monasteriensis, & simul antiqua prosapiâ generosus. Ejus *L. De Archicancellariis & Cancellariis Imperii pag. 23* hæc verba sunt, ubi de Ludovico nostro Seniore Rege Germaniæ agit. *Anno 26 regni ejusdem Regis, Wigarius Cancellarius reperitur, cujus vice literas Ludovici, datas Monasterio Hervordensi in Westphalia, super donatione Kasarum Dominicarum, ut habetur formalia literarum, cum territorio dominicali in Silsbem & Storchem, (loci sunt diœcesis Monasteriensis) in pagis Dreni & Borkoro, Comitatus Burchardi & Varini, Albertus Subdiaconus, quem cum modo memorato Adalberto Notario eundem sensu signavit.* Extant litera illa in Archivo Abbatis prædictæ.

Hactenus Mallincrothus, Illum ipsummet vidisse Her-

R

vordi-

vordienſe Diploma illud per eſt verofiſimile. Fuit enim ejuſmodi antiquitatum diligentiffimus ſcrutator, & vixit in Hervordix vicinia. Poterit igitur ille unus eſſe pro multis teſtibus; præ iis certè, qui antiquas tabulas negligenter tractant ſi in manus inciderint, aut non niſi ab aliena manu eas ſolent accipere. Jam vero, quod non niſi unus fuerit pro tempore Archicapellanus in aulis tunc Francorum Regum, niſi fallor, jam tum, ex iis quæ de uno Palatii Comite diſcerimus, eſt manifeſtum. Ideoque ſaltim illa ſuſpicio hinc non habet locum. Altera verò planè huc non pertinet. Quin ergo non Hugo aliquis ſed Wiggarius iſthoc viceſimo ſexto Ludovici noſtri anno Archicapellanus egerit, omni jam vacat dubitatione.

Plures uno fuiſſe tum recognitores Tabularum Regiarum ſacrarum, hætenus nullum obſervavi vel leviffimum indicium. Propterea hætenus quidem cogor quaſi affirmare, anno iſthoc unico Alberto Subdiacono conceditum munus hoc fuiſſe. Si tamen aliquando aliud probatum fuerit, non equidem reluctabor. Interea autem ſi non abeam ab eo quod propoſui, nemo bonus, ſcio, vertet mihi vitio.

III.

Conſequens eſt ut TERTIVM quoque expediamus: illo nimirum viceſimo ſexto Regni anno non vixiſſe Ludovicum noſtrum in Alemannia, ac proinde nec in Palatio Podamo. In memoriam verò hinc revocandum ante omnia fuerit, præcedente Capite nos demonſtraſſe, annum illum eſſe Incarnationis Dominicæ poſt oſtingentefimum ſextum & ſexageſimum. Habemus autem hæc in re quem teſtem advocemus, non niſi unum Francicorum Annalium autorem. In hiftoriam illius anni quædam de Arſenii Legati Pontificii negotiis irrepiſſe quæ anno præcedente contigerant, imò jam fuerant memorata, nonnihil aliter tamen, liquidò quilibet deprehenderit cum curâ legens. Iis autem reſectis
non.

non obscurum est, hunc illius anni transgisse Ludovicum in Bajoaria, atque inde citato itinere in Franconiam migrasse, ibique rem omnem composuisse, donec mense Novembri Ludovicus filius patri est Wormatiæ reconciliatus. Recitabimus ipsa Annalium verba ut unusquisque sine molestia possit ea quæ diximus arbitrari. *Ludovicus Ludovici Regi filius graviter ferens, quod Rex quadam beneficia illi subtrahens Carlmanno fratri suo reddidit, patri molestus efficitur. Nam nuntius per universam Thuringiam & Saxoniam missus quos potuit ad se traxit, & contra Regem rebellare disposuit. Versuarius quoque, Pionem, & Berengarium Comites a patre suo depositos suis adhibens consiliis pristinam eis dignitatem se restitutum esse promissit. Sed & Henricum principem sua militum ad Rastensem destinavit, obnixè postulans, ut ejusdem conspirationis fautor fieri non recusaret. Quo comperto, Rex Carlmannum ad tuitionem Bajoarie derelinquens, concitus venit in Franciam, & à suis undique confluentibus honorifice apud Francones susceptus est, & conspirationem exortam facile extinxit. Tanta etenim multitudo fidelium suorum cum eo tunc aderat, ut pari adversa, nisi timor filii ejus adfuisset, ligori proculdubio potuisset. Interea Guntboldus quidam de satellitibus Carlmanni contra Dominum suum volens aspicere, amisso exercitu vix vivus evasit. Ludovicus vero mediante Luitberto Archiepiscopo aliisq. pacis amatoribus, mense Novembri apud Wormatiam patri suo reconciliatur. Hæcenus Annales. Jam verò si simulac molitiones Ludovici filii intellexit ad tuitionem Bajoarie dereliquit Carlmannum filium, non potuit non ad illud usq. tempus ipsemet Ludovicus pater degisse in Bajoaria. Si inde concitus in Franciam venit, non divertit ex Bajoaria in Alemanniam aut Bodamum. Si in Francia Orientali in mensem Novembrem mansit, non utique mense Aprili Bodami Diploma illud coenobiale jussit confici. Et tamen in Diplomate legitur, conditum esse anno xxvi Imperii xi Kal. Maj.*

IV.

QUARTO is qui ponitur in Diplomate annus Indictionis secundus sic satis bene convenit cum Imperatoris Pii anno vicesimo sexto: Ludovici autem Germanici ejusdem numeri annus est Indictionis quartus decimus. Unusquisque videre hoc poterit si excullerit vel illam duntaxat Indictionis seriem, quam suo *Theatro Chronologico* Christophorus Helvicius inseruit. Convenit autem cum illa & Cardinalis Baronius in Ecclesiasticis Annalibus. Scio equidem à Notariis isthac in re ut & ab imperitis librariis frequenter esse aberratum. Nihil autem hoc facit in Diplomatis defensionem. Venditur enim illud tanquam sit autographum aulæ Regiæ. Librarius itaque omnis hic extra culpam est. Nec temere accusaveris constitutos ipsiusmet Regiæ aulæ scribas, quasi illi Indictionis annos vel ignoraverint, vel in ipsis Regiis tabulis conficiendis non attenderint, & quidem usque adeo integros duodecim annos aberraverint à vero.

Annum itaque vicesimum sextum Germanici nostri Ludovici multis modis Diplomati adversari, imò destruere ac quasi jugulare omnem ejus auctoritatem, jam est demonstratum. Pergemus autem nos etiam ad alia æque gravia.

CAPUT IX.

Contra quam Diploma dicit de Adalberto unico conditore cœnobii, demonstratur fuisse tres conditores: interque eos neminem Adalbertum appellatum aut Comitem fuisse Palatii.

COMplura falsi crimina circa Ludovicum, quem conditorem Diplomatis esse voluit impostor, commissas jam producta sunt in lucem. Nunc etiam illa, quæ circa eum, quem ipsiusmet Cœnobii conditorem ausus est venditare, sunt designata

signata manifestabimus. Ac proximè quidem ostendemus, falsè in Diplomate perhiberi, unum aliquem eumque dictum Adalbertum, & Palatii Comitem, fundasse Cœnobium: tres enim operam in id contulisse, eorumque neminem Adalbertum appellatum & Comitem fuisse Palatii.

Quoniam verò ad hæc probanda utemur eo Cœnobii monumento, cujus imaginem ære expressam Socii ipsimet Hyperaspistæ cap. II. exhibuerunt, etiam nos bona fide eandem hic omnium oculis exponimus. Simul autem fidem ejus constituemus antea quam in testimonium adducatur. Non quod id necessum sit vel Cœnobii vel ejus Hyperaspistarum gratia: utpote cum ab iis ipsis & solis quidem monumentum illud sit & constructum & in causæ suæ defensionem editum. Sed quia interest, ut lectori cuius etiam alii, ad ferendam sententiam, quantum valeat testimonii illius autoritas, queat liquiddò constare.

IGITUR *Primo* observandum est, in Capellæ Cœnobialis muro picturam antehac extitisse vetustam, referentem trium Comitum imagines: sed illam anno huius seculi vicesimo tabula lignea nova fuisse rectam, addita hac vernacula inscriptione. *Anno 1620 den 4 Novembris*, hat die Hochewürdige Fürstin und Fraw / Fraw Eufanna / geborne von Buebenhofen / Abtissin des Fürstlichen FreyAdelichen weltlichen Stiffts alhie / die Begräbnüß / in beysein ihren WolAdentlichen Chors Jungfrauen Priesterschaft und Amptleuten eröffnen lassen / besunden das den drey Hoch und Wolgebohrnen Herrn Grafen der heiligen Pfalz / Gebrüder und Stifter dieses Gottshauses / eines jeden Beheim in besondern Sarch / wie die darauff und demselben Sarchdeckel besonderlich mit ihren eigenen Lauffnahmen eingehawen seint. COMES ALBERTUS PAL. MAIN RHENI, COMES MANGOLDUS PAL. MAIN RHENI, COMES ULRICUS PAL. MAIN RHENI. Hanc tabulam

anno ejusdem hujus seculi quadragesimo sexto Anna Christina Illustris Abbatissa Coenobii, longè aliter, & quidem in eum modum, quem refert ære expressa imago, fecit pingi. Quemadmodum habuerit sese vetustissima ipsi Capellæ muro inhærens pictura: & num addita fuerint trium Comitum nomina, aut quænam: hætenus non est relatum. Hyperaspista pag. 10 tantum hoc testatur, imagines trium Comitum vetustissimâ picturâ pigmentis oleo temperatis muro inhæsisse. Idem testatur hujus ære expressæ tabulæ superior inscriptio: nihil præterea. Imo non videntur illa nomina & tituli Comitum, quæ Tabellæ lignæ anno seculi hujus vicesimo sunt inscripta, in vetustissima illâ picturâ fuisse reperta, sed tunc demum Tabulæ isti accessisse. Diserte enim ait Hyperaspista. Das in Verzeichnus der Nahmen auff der gemahnten hölzern Taffel / damit die Uhralte auff die Mauer mit Oelfarben gemahlte Bildnüssen der drey Graffen bedecket worden / vor diesem geschlet worden.

Quod attinet *secundò* ipsorummet sepulchralium trium lapidum inscriptiones, testatur Tabula ære expressa, plane ita eas sese habere atque Tabula refert. Hisce enim verbis utitur: Auff solche weisse die drey Nahmen in Grabdeckel gehawet. Effigies quoque Comitum illorum trium lapidibus sepulchralibus esse insculptas, non lego: eoque nec audeo affirmare, qui procul Lindavia absum. Imò videntur illæ quidem formatæ ad similitudinem vetusti illius monumenti, quo murus Capellæ fuit olim ornatus. Hoc sane significat inscriptio superior Tabulæ hujus ære expressæ iis verbis: Ab bildung der dreyen Herrn Graffen / welche in der Kirchen des Fürstlichen Freystifts Lindaw / in der Stifter Capel begraben / und das selbst an der Mawren von uhralters (wie die Mauer und der Buchstab zu erkennen gibe) mit Oelfarben gemahlet / und mit einer hölzern / gleich doch new gemahleten Taffel bedecket sein.

Tertio notandum, etiam in ære Capellæ quondam hanc inscriptionem.

inſcriptionem confici feciſſe Abbatiffam Barbaram de Landenberg: Das würdige Stifte iſt geſtiftet worden / von Adelsberten / Graffen der heiligen Pfalz / geſreyet und confirmiret durch Keyſer Ludwig den andern im Jahr 866. Iſthac deleta autem Abbatiffam Annam Chriſtinam Huntpiſſiam de Waltrambs hanc ſubſtituiſſe: Dieß Fürſtliche FreyAdalich weltliche Stifte iſt von Albrechten Ulrich und Mangoldo Gebrüdern / Graffen der heiligen Pfalz geſtiftet / von Keyſer Ludwig den andern geſreyet und confirmiret worden Anno 866. Renoviret Anno 1334.

Quarta ſumprimis dignum obſervatu eſt. Hyperaſpiſtam profiteri, errores antehac eſſe in nominum inſcriptionibus commiſſos. Verba ejus ſunt: Sonſt kan man nicht in Abrede ſein / das in obangeregten Portal und Grabschriſten / ſo ſich in der Stifter Capel, wie auch in vorzeichnus der Nahmen auff der gemahlten holzerne Taſſel / damit die Uhrzeit auff die Mauren mit Delfarben gemahlte Bilniffen der drey Graffen bedeckt worden / vor dieſem geſchiet geweſen. In hac autem nova Abbatiffæ Annæ Chriſtinæ Tabula nihil ille deſiderat. Et vero ex Hyperaſpiſtæ ipſiuſmet conſilio hæc videtur confeſta: quum illo ipſo anno quo Apologia publicata, ſimul tabulam & pingi & ære iſtam exprimi curaverit Abbatiffa.

HISCE autem omnibus probè expenſis, ita de auctoritate & fide hujus Tabulæ omnino ſentiendum fuerit. 1 In quantum illa refert bonâ fide vetuſtam, quâ murus Capellæ fuit ornatus, picturam, poteſt ei tribui eadem auctoritas quam vetus illa promeruit. Illi autem certò credi non potuit, quoniam indubiè aliquot ſeculis fuit recentior prima Cornobii origine. Hoc ſanè indicat manus pictoris elegantior, contrâ quam tulit ſeculi noni decimi & undecimi imo & proximiorum aliquot ruditas. Recte enim ſcripſit circa annum 1445 Æneas Sylviuſ poſt Papa Piuſ II cognominatuſ ep. 120: *Ante centum ferme annos, & antea recentis quadrip*

*quadringentiq; non inuenies qui per Italiam sermonem habueris
serum & lucidum. Sic pingendi sculpendique accedis aris. Si
ducentorum trecentorumve annorum sculpturas intuearis aut
picturas, inuenies non hominum sed monstrorum portentorumve fa-
cies. Quod de Italiâ multò magis id verum de Germaniâ,
ubi serior omnium talium fuit cultura. Quod si autem ele-
gantior hæc sit tabula atque fuit illa verus pictura (quod per-
quam est simile vero) utique non bona fide vetustam refert;
ac proinde præ novitate non assequitur vel veteris picturæ
auctoritatem, sed suspecta meritiò esse debet ejus testimo-
nium. Ut sit, picturis in universum rarò licet tutò crede-
re; ne quidem illis quæ sacras ædes occupant. Id quod in-
finitis exemplis facile fuerit demonstrare, si opus sit: usque
adeo licentia, monachorum præcipue & pictorum, extra o-
mnes recti & sancti limites passim evagata est. Unicam nunc
duntaxat sed lepidam (si hoc nomine fas est appellare facinus
impium) historiam ex Beati Rhenani *Reyum Germanicarum*
l. 3. pag. 10. edit. Basil. anni 1531. adducam. Quidam, inquit,
superioribus annis, quem adhuc audio superesse, beatum anachore-
tam Helveticum ut vulgus prædicat, Suetonium fuisse vocatum ef-
finxit, illius vitam describens, & socium habuisse cui nomen esset
Achata. Adii hominem quesiturus undenam id assereret. Puta-
bam enim hæc illum absq; auctore non dicere. Sed audi inpu-
dentiam. Propterea (inquit) addidi Suetonium fuisse vocatum, quod legi-
rem è Suedia prodisse: & quia AENEÆ Virgiliano fidas Achates sem-
per adbasit, idco sodalem illius hoc nomine donavi, alioqui anonymum
futurum. Et tamen hæc historia, si ita vè care liber, non solum picta
est in templis ac scripta, sed etiam typis excusa.*

II. Nomina loculis sepulchralibus inscripta merentur
ferè indubitata fidem. Antiquissima scilicet quæq; Germa-
nicorum Imperatorum Regum & Principum marmora sepul-
chralia nulli inscriptum habent: alii lapides sepulchrales ei-
sius so;

tius sola nomina sepulcrorum, atque imagines aut præconia demum duodecimo circiter seculo accipere cæperunt. Cum itaque hisce loculis tantum nomina fuerint insculpta, illa per vetusta sint necessum est, & ab origine Cœnobii saltem non multum remota. Nec est quare suspicemur, Tabulam novissimam non ita exprimere nomina qualia in lapidibus sepulchralibus reperiuntur, quum sit magna curâ confecta. Nec video quare fas sit dubitare, utrum numero tres Comites in sacello illo Cœnobii sint humati.

De sublesta fide inscriptionis ejus tabulæ, quam anno hujus seculi vicesimo fecit construi Abbatisa Susanna Buben-hofia, non est quod verbulo moneamus: quia Hyperaspista eam fassus est erroneam esse. Non tamen mihi *erroris* titulo decuit prosequi, apertè falsum testimonium in sacro loco tabula publicata commissum: à quibuscunque tandem Cœnobii ministris (Abbatissam enim ipsam cum sacris virginibus facile excusaveris) scelus illud improbum atque impium fuerit perpetratum.

VERVM tempus monet, hisce jam ita quasi constitutis ad rem ipsam tandem aggredi. Ergo commissum ab impostore est falsi crimen in eo primùm, quod Diploma refert, unum aliquem *Adalbertum Sacri palatii Comitem pro salute & remedio animarum omnium parentum suorum & sue fundasse Cœnobium, omnibusque suis allodiis augmentasse*: cum tamen saltem plures uno opes suas in id impenderint. Jam tum ab eruditissimo Heidero fuit hoc objectum, inque ejus confirmationem adducta inscriptio Tabulæ cum quæ anno vicesimo constructa fuit in ipsa Capella, tum quæ in atrio ejus posita est anno 34. Hyperaspista agnoscit, illas inscriptiones esse factas sed in iis vult commissum errorem: Mangoldum porro fraternam benignitatem auxisse, fortassis etiam idem fecisse tertium: atque adeo hastenus fundatorum titulo etiam bi-

I.

nos illos honorari potuisse. Sed vereor ut illa effugia juvent causam. Heiderus certe gessit sese rectè: quandoquidem nullo discrimine facto, ipsamet Abbatissæ, eoque controversiæ motæ momento, tres conditores professæ fuissent non unicum, imo inscriptionem pristinam, quæ unum Adalbertum jactaverat, indubie Diplomatis fide, conditorem, abolevissent, tribus conditoribus substitutis. Non tantùm verò tunc demum illa Coenobium jactitavit sed jampridem antehac, Vtemur nunc solo tantùm Bruschio teste, qui utique omnia sua debet Coenobialium ejusque loci narrationibus. Ille autem diserte scribit, *Adalbertum à fratre Mangoldo Comite à Rosbach adjutum Coenobium fecisse construi.* Aut nullam porro fidem meretur Capellæ pictura, aut tres in gloriam fundati coenobii erunt admittendi: quandoquidem tres illi pari sunt loco collocati, uno quasi omnium nomine ædem sacram offerente. Non temere autem solent fundatori adjungi in sacræ capellæ sepulchris, qui non sunt ejusdem meriti. Tres autem non unus ibi ante secula complura sepulchrum suum invenerunt. Revera itaque tres numero, non unicus aliquis in Diplomate laudari fundator debuit. Atque adeo hoc ipso commissum est falsi crimen.

Non urgebimus tamen nos justâ quæ possumus vehementiâ hoc delictum: quandoquidem ipsemet Hyperaspista à suis esse hac in re peccatum confiteretur, inprimis verò quoniam ipsi debemus magnas gratias, editæ in lucem publicam Tabulæ illius ære expressæ nomine: aut potius Deo optimo maximo, qui perspicacissimum cæteroquin Hyperaspistam (divinâ nemesci, quantum videtur, scelus illud anno vicesimo in sacrâ ade perpetratum vindicante) fecerit non videre quæ omnium patent oculis, & in mero meridie plusquam cæcutire.

II.

Alterum igitur falsi crimen, & quidem omnium ferè potissimum, commisit impostor in eo, quod, Coenobium condi-

disse

disse Adalbertum Comitem Palatii, fecerit Diploma profiteri, cum tamen nulli Adalberto, nulli Palatii Comiti, hoc debeatur. Testimoniis aliunde quaesitis hîc opus non est. Sufficit unica illa in Cœnobio anno 1646 picta & curante ipsomet Hyperaspista publicata Tabula. Exhiber scilicet illa, (alteram enim, anno 1620 improbo scelere confidis inscriptionibus, PAL. MAIN RHENI, conspurcatam tabulam nunc non moramur) trium Comitum in Capella sepulcorum, adeoque primorum Cœnobii conditorum nomina, ex ipsis sepulchralibus saxi antiquissimis, ac proinde fidei optimæ, petita. Inter ea autem nomina non comparet nomen *Adalberti*, aut *Palatii Comitis*. Tres illi simpliciter *Comites* audiunt: *Palatii Comes* nemo. Unus appellatur COMES EKBERTUS, alter MANEGOLDVS, tertius COMES WODEREBICUS aut SODEREBICUS. Provoco ad ocularem Tabulæ inspectionem. Nec enim arbitror quenquam usque adeo lippire cucurbitas, uti Adalberti nomen inter illas sepulchrales inscriptiones inveniat. Quod lynceus Hyperaspista EKBERTUM COMITEM non adverterit, soli acceptum fero divinæ vindictæ, hominem veritati vim facientem excecanti. Et verò ille apertis oculis summe curiosi ALBERTUS legit ubi est EKBERTUS.

Non multo minus autem idem Hyperaspista cœcutivit in lectione ejus chartæ, quam ex veteri picturâ manu primarii trium conditorum exhibet Tabula. Illâ ait Vindex Cœnobii hæc contineri: COMES ALBERCHTVS PALATII MAGISTER IN RHETIA. *Alberius*, inquit, per abbreviationem aut syncopem idem est quod *Adalbertus*. Syllaba PAL. significat PALATII, & MS est MAGISTER. In quarta voce errore Orthographico H non suopositum esse loco, debuisse autem collocari post R, causatur.

Verum enim verò *primò* nondum est satis probata Tabula

bulæ hujus fides; quod scilicet veteris picturæ singulos apices iustâ curâ reddiderit. Si permitteretur remotâ tabulâ murum ipsum inspicere, equidem non dubito apparituram haud levem diversitatem. Saltem hætenus securè non licet in omnibus istis Tabulam admittere. Utque admiserimus, ne ipsamet quidem vetus illa pictura fidem sibi facere est idonea. Id quod jam tum anteliquidò ostendimus.

Ad hoc nemo nisi præjudiciis excæcatus illam Hyperaspistæ lectionem approbaverit, etsi Tabula fideliter veterem picturam fuerit secuta. Nec ALBERTVS sane tibi nec ALBERCHTVS, nisi divinanti & quia ita vis, occurrit. *Quin* dixeris, & ibi, si rectè sese omnia habeant, legendum EKBERT. potius quàm ALBERT. Porro PA quidem conspicitur non PAL. Ea autem quæ sequuntur tantum habent affinitatis cum MAGISTER, atque vox DEVS & DIABOLVS. Non enim vel illud MS, unde ausus est Hyperaspista *Magister* fabricare, ibi videre est. Nec temere mihi quis RHETIAM ibi invenerit, nisi oculis suis vi facta. Fatendum igitur omnino est, illa legi non posse, præ vetustate vel pictoris ruditate literis corruptis aut perditis.

Frater ALBERTVS ALBERCHTVS & ADALBERTVS ejusdem esse originis nomina, non equidem negaverim: ulus tamen conversationis humanæ non permittit unum eundemque hominem promiscue hisce nominibus usurpare. Perinde atque ex voce JOANNES formata est JOHAN, JAN, HANS, GIOVANNI. Solet tamen quis non nisi una voce audire, quæ scilicet usu recepta est. ADALBERTVS itaque non dictus est ALBERTVS aut ALBERCHTVS. Non sane æquo animo Comes, atque adeo Vir illustris dignitatis, ita mutari suum nomen fuisset passus: nec permisisset quisquam illi faventium.

Quidnam porrò sive veteris sive novi monstri est, *Palatii*
Magie

Magister in Rhetia? Quis scriptorum ævi Francisci Carolini ita locutus est? Nemo, hercule, nemo. Figmentum est. Fabula est unius Hyperaspistæ, excogitata in adamati sibi Cœnobii gratiam. Sed, & si Albertus Cœnobii conditor fuit Palatii Magister in Rhetia, saltem tum temporis non fuit Comes Palatii. Hic enim ea tempestate perpetuus erat in aula, adeoque Rhetiam tunc non potuit administrare. Comites porro Palatini regionum diu post Ludovicum Germanicum nostrum cæperunt demum constitui. Primus Arnolphus Bajoariæ aliquem dedit. Rhetiam seorsim habuisse Palatinum Comitem nusquam legitur: nec videtur verosimile. De Comitibus Palatii & Palatinorum Comitum in provinciis differentia & vario officio, differemus plura capite XI. Nunc satis est notasse, neminem trium Cœnobii conditorum, qui sepulti sunt in Cœnobialis ædis Capella, Comitem fuisse Palatii aut ita audisse: certè nullum reperiri vel levissimum indicium illius Comitibus Palatii dignitatis, cuiquam illorum competentis.

HÆC quæ jam attulimus lucent sanè sole meridiano clarius. Fateor tamen, quia sunt quasi *παράδοξα*, non sine causa posse hîc quatuor animos nonnullorum suspensos quasi tenere. *Primum* est, quod fieri potuerit, ut contra lapides sepulchrales conditorum Cœnobialium, Auctor Diplomatis Adalbertum produxerit Palatii Comitem. *Alium*, à præclaris scriptoribus iidem esse traditum, quod Adalbertus Cœnobii sit constructor. *Tertium*, factum item hoc esse ab auctore ipsiusmet Urbici Chronici, quem proinde de Mangoldo testem quoque laudat hoc loco Hyperaspista. *Quartum*, quod potuerit in Cœnobio ipso nasci persuasio de tribus conditoribus, Adalberto, Monagoldo, & Ulrico.

Primi causam arbitror esse, quod compluribus seculis nemo sepulcra illa lustraverit: atque ita ignorata fuerint lapidibus insculpta nomina, etiam illa tempestate qua fictum

L

fuit Diploma, seculo circiter decimo tertio. Venisse igitur impostor sibi visus est in vacuam possessionem, mendacio suo dandi novum Cœnobii auctorem. Adalbertum autem Palatii Comitem videtur opportunè in aliquo Ludovici Pii diplomate deprehendisse, quod conditum fuerat anno Imperii vicesimo sexto; unde suum nebulo fabricavit.

- II. *Alium* non est quod miremur. Omnes enim, quotquot Adalbertum agnoscunt conditorem, sunt longè recentiores fictione Diplomatis, & ceu solet contingere viris bonis, decepti illi sunt tanta supposititiz Tabulæ; cum accurate in ejus conditionem omnem inquirere non pateretur institutum, vel ingenuus candor. Imo Diplomatis exemplum aliquod vix in ullius manus pervenit, multò minus ejus visum est autographum, atque adeo examen ejus non potuit à viris doctis antehac institui. Sequentè etiam capite demonstrabitur, doctiores nonnullos deprehendisse quidem dubitandi scrupulos, sed cum laqueum expedire non possent, varia commentos esse, ita tamen ut nec sibi metipsis satisfacerent.

- III. *Autores Tertiæ* Chronicorum Lindaviensium itidem fuerunt multò recentioris ævi & tenuis plerumq; judicii. Itaque cavere sibi non potuerunt à fabulis Cœnobialibus. Nullius illos esse fidei, quum non semel jam monuisset Heiderus imò probasset, cum primis in additamentis magni operis *pag. 550. lit. bb.* non debuisset Hyperaspista illis testibus hîc uti de Mangoldo; nisi prius Heideriana illa sententia & probatione confutata. Scio autem, ne ipsos quidem Cœnobiales illorum Chronicorum testimonio velle stare; quoniam sæpenu-mero Cœnobii desiderijs adversantur.

- IV. Cœnobium *quarto* videtur fabulas sibi finxisse, partim ex memoria antiquæ traditionis de uno pluribus conditori-
bus, quorum aliquis fuerit dictus Mangoldus, partim Diplomatis fide: quod genuinum esse denique sibi metipsis persuasit,

ut fieri assolet. Fortassis etiam accessit fama de tribus fratribus, Comitibus Palatinis, Tybingæ & Brigantiæ Dominis, Adelberto Manogoldo & Vlrico, itidem Cœnobii Anhaufensis conditoribus. Proclive sane fuit hominibus credulis & imperitis, persuadere sibi ob nominum affinitatem, suos esse, quibus reapse cum Cœnobii Lindaviensis constructione nihil potuit esse commercii. Adducemus hoc loco integram Bullam Papalem, quæ fratrum illorum benignam facit mentionem, qualis illa repèritur apud Bruschiumpag. 7. ubi agit de monasterio Anhaufiano. Fortassis enim hac le&â quis idem mecum suspicabitur. Quanquam in pari propè habeam discrimine, siue credatur hoc siue non credatur. Verba autem Bullæ Papalis ita sese habent.

CELESTINVS Episcopus, servus servorum *DEI* dilectis filiis Monachis S. Martini de Anhausen, tam presentibus quam futuris regulariter substituendis. In nomine patris & filii & spiritus sancti. Desiderium quod ad Religionis propositum & animarum salutem pertinere monstratur, animo nos decet libenti concedere, & petentium desiderio congruum impartire suffragium. Eapropter dilecti in Domino filii, Venerabilis fratris nostri Gualteri Episcopi precibus inclinati, vestris justis postulationibus clementer annuimus: præfatum Monasterium: quod ab egregia recordationis viro Manogoldo Palatino Comite, ejusq. filiis, præfato videlicet fratre nostro Gualtero nunc Augustensi Episcopo, Adalberto & Vdalrico in proprio allodio constructum est, & beato Petro cum omnibus ad ipsum pertinentibus oblatum: sub ejusdem Apostolorum Principis & nostra protecti-

protectione suscipimus, & presentis scripti Privilegio communimus. Statuentes, ut quascunq; possessiones vel decimas, quaecunq; etiam bona idem Monasterium in presentiarum iuste & canonice possidet, aut in futurum concessione Pontificum, largitione Regum vel Principum, oblatione fidelium, seu aliis iustis modis, Deo propicio, poterit adipisci: firma vobis vestrisq; successoribus & illibata permaneant. Concambium, eo quod de loco (in quo ipsum Monasterium situm est) eum Ecclesia S. Petri de Oetingen (ad cuius Parrochiam pertinebat) utriusq; partis assensurabiliter factum est, auctoritate Apostolica confirmamus. Liceat autem vobis communi consilio Advocatum (quem ad defensionem ejusdem Monasterii utilem esse cognoveritis) libere eligere: ipsumq; (si inutilis apparuerit) removere, & alium quem utiliorem provideritis substituere. Obeunte verò Abbate (qui pro tempore ibidem fuerit) nullus qualibet surreptionis astutia & violentia præponatur: sed liceat vobis communi consilio vel partis consilii sanioris, secundum Dei timorem & S. Benedicti Regulam, absq; ullius contradictione Abbatem eligere, Chrisma, oleum sanctum, consecrationes altarium seu Basilicarum, ordinationes Monachorum (qui ad sacros Ordines fuerint promovendi) à Diocesano suscipiantur Episcopo, siquidem Catholicus fuerit, & gratiam atq; communionem Sedis Apostolica habuerit, & ei gratis & absq; aliquâ pravitare vobis voluerit exhibere. Alioqui liceat vobis Catholicum quemcunq; volueritis adire Antistitem: nimirum qui nostra fultus
authori-

authoritate quod postulatur indulgeat. Sepulturam quoque illius loci liberam esse concedimus, ut quicumque se illic sepeliri deliberaverint, ni forte excommunicati sint, nullus obstat: salva tamen justitia matris Ecclesie. Ad indicium autem hujus à Sede Apostolica perceptæ libertatis, Aureum unum nobis nostrisque successoribus, annis singulis persolvetur. Decernimus ergo, ac nulli omnino hominum liceat, præfatum Monasterium temere perturbare: aut ejus possessiones auferre, vel oblatas retinere, minuire, aut aliquibus vexationibus inquietare: sed omnia integra conserventur eorum, pro quorum gubernatione & sustentatione concessa sunt, usibus omnibus profutura. Salva Diocesani Episcopi canonica justitia. Si qua igitur in futurum Ecclesiastica secularisve persona hanc nostræ constitutionis paginam infringere, aut scire contra eam temere venire tentaverit, secundo tertiove admonita, si non satisfactione congrua emendaverit, Potestatis dignitatisque suæ honore careat, reamque se Divino iudicio existere de perpetua iniquitate cognoscat: & à sacrosanctissimo Corpore & Sanguine Dei & Divini Redemptoris nostri Iesu Christi aliena fiat: atque in extremo examine districtæ ultioni subjaceat. Cunctis autem eidem loco justa servantibus sit Pax Domini nostri Iesu Christi: quatenus & hic fructum bonæ actionis percipiant, & apud districtum iudicem præmia æternæ pacis inveniant, Amen.

Hactenus Bulla: qua hoc caput finio.

CAPUT X.

Famam de Adalberto conditore Cœnobii unice natam esse ex Diplomate. Quæcumq; autem de illo sive Hyperastæ sive alii scriptorès referunt, haud niti ullo aliquo veteris ævi testimonio, sed meras esse gerras aut inanes conjecturas: in universum & sibi mutuo, & ipsi etiam Diplomatis fabule adversari.

IAm tum professi sumus, à scriptoribus quidem nonnullis itadi, quod Comes aliquis Adalbertus construxerit Lindaviense cœnobium, illos autem deceptos fuisse à fama quam Diploma excitavit. Cum autem non nisi paucis verbis agere id tum licuerit, ea autem sit scriptorum illorum dignitas ut nisi in clara luce omnia collocentur, possit nihilominus sequior suspicio superesse, majorem operam nunc adhibebimus. Igitur initio producemus saltim illorum, qui inter eos, qui ab Adalberto cœnobium esse constructum referunt, sunt potissimi, ipsamet verba, deinde illa sub examen revocabimus.

- I. Esto horum primus *Gasspar Bruschius*: quoniam unus ille majore reliquis studio Monasteriorum Germanicorum res singulari est volumine prosequutus, & omnes de Adalberto fabulas coëgit in unum. Ejus verba hæc sunt pag. 79 *Monasteriorum Germaniæ Chronologia suæ. LINDAVIENSE Cœnonissarum nobili stemmate natarum, ab omni voto immunium, nullaq; prorsus velle Monastica inaurarum, nec ullo cœlibatus jure ab honestis nuptiis exemptarum Domnarum amplissimum Collegium, in Lacu Acronio, & ejusdem nominis insulari Civitate situm, antiquitus Lendavicus, ob maximam ad locum naturæ portuosum appellendi è Lacu commoditatem dictum: capis annuus Christi*

Christi circiter 810 ex pia liberalitate ac munificentia Adalberti
 ejusdam Comitis de Rorbach. Qui Patre Leorobico natus, Caroli
 Magni consanguineus, Sacrique Palatii Magister, & Provinciarum
 Rheticarum præfectus, eum aliquando procellosis Aeronis Lacus
 fluctibus penè obruitus de vita desperasset, & precabundus vovisset,
 eo sese loco in Beata ac Despare Virginis Maria honorem, grati-
 tudinis ergò construendum templum & Cœnobium, ubi saluus & in-
 columis litori appulisset: casu in hanc insulam ventorum vi dela-
 tus, campu gari, & à fratre Mangoldo Comiti de Rorbach adjutus,
 Cœnobium ibi construere fecit. Cui nomen ab eventu & felici appulso
 suo indidit, ut Lendos vel Lendaugia (qua vox hodie adhuc accolit in
 ore frequentior ferè est, quam Lindangia) nuncuparetur. Idem ve-
 ro sive Adelbertus Xenodochis etiam Lindaviensis opulentissimi fun-
 dator fuisse dicitur. Qui tandem anno Domini 841 decima die Maji
 mortuus legitur à copiis Ludovici Regis Germaniæ & Bavarie non pro-
 cul à Lacu Brigantino, dum à Cesare Lothario præsidii loco in
 obsidione positus esset, ut prohiberes, ne Caroli Calvi exercitus de Bur-
 gundionibus adveniens cum Ludovici fratris agmine jungeretur.
 Postea anno Domini 866 ab Imperatore Ludovico secundo, Casaris
 Lotharii filio, datis Privilegiis, ac asylo insuper in fontem re-
 fugium concessio, confirmatur. Adalberti Comitis, Lothario Casari
 tam fidelis præfectus & Ministerialis, nova ista fundatio, addita prae-
 terea ista etiam dignitate ac prerogativa singulari, ut Abbatissæ ejus
 loci cum aliis Sacri Rom. Imp. Ecclesiasticis Prelatis Princeps esset
 Sacri Rom. Imp. cui in publicis Pompis liber deberet præferri,
 quemadmodum Buchangiensis etiam Abbatissa in celebrioribus Pom-
 pis liber & nudus gladius antiquitus auferri est solitus.

Bruschio proximus succedat Sebastianus Munsterus, qui
 Cosmographia sua l. 3. integro cap. 239 agit de Lindavia urbe.
 Adhuc autem ejus verba, prout illa in vernacula operis
 editione habentur, quia Latinis nonnihil sunt locupletiora.
 Wolfgango über lange Zeit/ nemlich 800 Jahr hernach/ hat Adels-

berius des hochberühmten Keyßers Caroli Magni angeborner
 Freund / und desselbigen Endtels Pfalzgraffe oder Hoffmeister /
 von wegen einer Schiffnoht / so ihn auff dem Weiten See (also hat
 man dazumahl den Bodensee geheissen) bestanden / ein Closter
 unser lieben Frawen an das Ende / an welchen er aus derselbigen
 Gefahr gesund an das Land kommen / zu suessen verheissen Also
 hat genannten Pfalzgraffen Adalbertum das Wetter an die Insel ge-
 worffen / dahin er von stund an das gelobte Closter und Munster
 auff gericht / für Edelfrawen ein Zuchthaus erbawet / und es von
 der Geschichte her / wie manns dann noch heute zu Tage in den
 Rheinthal nennet / Landaw geheissen hat. Welches nicht lang dar-
 nach Keyß. Ludovicus der II im Jahr 866 mit solchen privile-
 gien confirmiert / und nachgehender Zeit die Graffen von Korbach
 so ehrlich begabte haben / daß es trefflich zugenommen / ein grosse
 Wallfahrt dahin entstanden / und endlich so reich ist worden / daß
 die Abtissin darin / ein Fürstin des Römischen Reichs / Ordnung
 hat müssen in muler weile machen / daß ihr Pfalzvogt / so zu Waf-
 serburg ein halb Meil unter den Closter am See gesessen / nicht über
 12 Pferde / wann er gen Landaw ist geritten / in das Closter stel-
 len solte.

- III. Tertius optimo jure audiendus est, rerum Helveticarum
 diligentissimus & judicio pollens historicus, *Joannes Senn-
 phius l.V. cap. IX. pag. 51.* Qui ita refert. Nach dem die Römer
 dieser Landen vertrieben / und die gegne den Franckreichischen
 Königen unterthan / und dem Schwäbischen und Alemannischen
 Fürstenthum untergetheilt ward / ist diese Insel und Ob demselbi-
 gen Herzogthum auch untergeben. Daß bezeuget das Alte
 Frawenkloster in dieser Stadt gelegen / welches von Graff Adal-
 berten dem Landsfürsten und Rheischen Herrn (des Keyserlichen
 Franckischen Hoffs Dienzman) erslich gestiftet / und von Keyser
 Ludwigen dem anderen bestätigt und Confirmiert ward / Anno dom-
 ni 866, oder nach etlicher rechnung 866. Dieser Graff Adelbert sol
 seyn

sehn gewesen von Geschlecht einer von Gravenspurg oder Altorf (jetz Xavenspurg genant) welches Geschlecht noch bey Keyser Friedrichs des 1. zeiten in wesen und trädffentlichem ansehen was. Die Urfache dieser Stiftung was/ das Graff Adelbert (der auch ein Lands Herr in Thurer Rhetien was/) Rupertum seinen Feind/ der ihn des Lands vertreiben wolt/ in einem Streit bey Eizers/ zwischen Thur und Meyensfeld/ 1c. erschlagen hat / und denselben also todt gen Lindaw führen / und in dem new gestifteten Closter bestatten lassen. Hievon besich weiter das 10. Buch am 18. Cap.

Quoniam ita vult Scumphius, ex illo etiam decimi libri octavo decimo capite quædam huc adferemus. Umb diese Zeit (Anno Domini 840) lebte und herrschet Adalbertus ein Sohn Hunfrid und Graff in Thurer Rethien/ 1c. R. Ludwig der 1. hat ein Dienstman / genent Rupertus / der bewegt bemelten Keyser so viel/ daß er ihm die Thurer Rhetiam zum eigenschum verliche / das geschach. Auff das Rupertus Adelbertum mit gewalt vertrieb / und ihn seines Lands beraubet. Adelbertus zoch in Histria / seines Bruders N. (der ein Herr in Histria was) hülff begerend. Der zoch gewaltiglich mit ihm wieder Rupertum / kahmen mit ihm zum Streit bey dem Dorff Eizers / brachten Rupertum zur flucht / in welcher flucht er von einem Roß zum Tode verletzt ward/ daß er den Geist auffgab. Den ließ Adelbertus in das Closter Lindaw führen / und daselbst bestatten. Damit behielt er die Rhetisch Landschaft biß an sein end / 1c. Idem paulo post addit: Umb diese zeit Anno 860 hat in Thurer Rhetia geherrschet und gelebt Graff Adelreich ein Landsherr / des vorbenannten Adelberts Sohn. Er hat ein Tochter / Henna genennt / die ward vermählet einem Graven von Lenzburg / 1c.

Operæ videtur pretium addere hic quæ Scumphus jam tum retulit capite & pag. præcedente. Illa autem sic sese habent. Darnach Anno Do. 822 schicket Keyser Ludwig Hunfredum den Graffen von Thur in Vorschafft zum Papst Paschali

gen Rom u. Dieser Hunfridus was ein Herr in *Histria* oder *Istria* / und auch in *Churer Rhetien*. Er hat das Kloster zu *Schennish* in *Gastern* gestiftet / darvon hernach am 28. Cap. geschrieben steht. Dieses Hunfredi nach kommen werdend eins theils in nachfolgenden figurlein verzeichnet.

Hunfrid Herr in <i>Histria</i> und <i>Churer</i> <i>Rhetia</i> .	{	Adelbertus ein — Adelreich ein — Henna Grävin in
		Gräff in <i>Rhetia</i> Gräff in <i>Rhe-</i> Lenzburg / Adel-
		ten. reichs Tochter /
		Anno 190.
	{	
		H. ein Herr in
		<i>Histria</i> , Hun-
		fridi Sohn / A-
		delberti Bruder.

Adelbert Gräff zu
Lenzburg / Anno
dom. 920.

IV.

Hactenus Stumphius. Post hunc verò proximè audiendus meritò est *Martinus Crassus* Annalium Suevicorum scriptor, velut is Stumphio est recentior. Ejus hæc sunt verba *Annalium* l. 1. parte 2. pag. 6. de prima Cœnobii origine. Anno 810 initium factum est *Lindavien*sis in *Alemannia* Cœnobii: de quo nunc breviter narrabimus: ipsum oppidum *Lindavium* alio tempore, ubi occasio data fuerit, descripturi. *Lindavien*se (inquit *Cassar Bruschius*) Canonissarum nobilis stemmata nascitur, ab omni voto immunitum, nullaq; Monastica veste indutarum, nec ullo calibarius iuramento ab honestis nuptiis exclusarum, Virginum, amplissimum Collegium, in lacu *Acronio*, & ejusdem nominis insulari civitate situm est; antiquitus *Lendavien*se dictum ob maximam ad locum naturæ portuosum appellendū è lacu commoditatem. Capium est circiter salutis annum 810 ex munificentia *Adalberti* cujusdam, Comitis de *Rorbach*: patre *Leorobico* nati, & *Carolo* M. consanguinei, aulæq; *Magistri* ac *Provincia Rhetica* Præfetti. Hic enim cum quodam tempore procellosis *Acronii* lacus fluctibus pene obrutus, de visa sua desse-

desse, esset: utrumq; fecisset, se in quem locum incolumis evasisset, id est ad B. Virginiæ Mariæ honorem, templum & Canobium construxurum: in hanc forè insulam ejectus eam purgavit: auxiliumq; fratru Manegardi Rorbarchensis Comitis ceu voverat, condidit. Canobio autem nomen, à felici impulsu suo (seiner glücklichen Anlandung) Lendunga vel Lendungia nomen fecit: quæ vox adhuc hodie accolis fere magis quam Lëndungia von den Lenden à vilis ibi plantatis) usitata est. Fuit idem Adalbertus, opulentissimum quoque Lindovici Xenodochium fundasse. Postea autem, cum 841 Lorbarius Ludovici Pii F. Imperis habenas in viciis fratribus invasisset, occisus esse Io Maji dicitur, ab exercitu Regis Germaniæ & Hunniæ Ludovici, qui Lorbarii frater erat, non longe à Briganzino lacu: quamvis à Casare Lorbario, præfidi loco in Rethia collocatus erat: ut prohiberet, ne Caroli Catvi exercitus è Burgundionibus adveniens cum Ludovici fœderu agmine jungeretur. Postea anno 866 (Munst. 856) ab Imp. Ludovico II. Casaris Lorbarii filio, datis privilegiis, & concessis fœderibus assylo, confirmata est Adalberti Comitæ, qui tam fidelem se Lorbario præstiterat, hujus Canobii fundatio. Addita est hac dignitas: ut Abbatisa hujus loci, cum aliis sacri Rom. Ecclesiastici Prælati, Princeps esset S. Romani Imperii: cui in publicis pompis liber præferretur: quemadmodum Buchangienfiam Abbatisa, in celebratioribus processionibus liber & gladius nudus antiquitus præferri solitus est.

Hæc omnia isthoc loco Crusius. Idem Crusius & in Paralipomenis cap. xx pag. 85 in hæc verba differit. Anno deinde 810 circiter Adalbertus de Rorbach, Caroli Magni cognatus, è tempestate periculosa in hanc insulam elapsus Monasterium D. Virginiæ ex voto condidit: ubi nobiles virgines receptæ sunt, quæ tamen nubere possunt. Existimatur igitur Lindovia esse nomen Lendunga, vel Lendungia à felici Adalberti huc impulsu, Zulendungia: diefer Hio. Confirmatio autem circa 866 quibusdam immunitatibus hæc Canobio, ab Imp. Ludovico II, multisq; hinc peregrinationibus religio-

nu ergo sentibus, accesserunt adificia etiam aliorum: ut cauponum & institorum. Ita vicus inde factus est, ac posterius, oppidum. Haec nus Crusius.

V.

Egit autem de hoc argumento etiam *Joannes Gulerus*, literis & armis vir juxta insignis, in sua *Rhessa historia* quam vernacula lingua edidit seculi hujus anno sextodecimo. Nos hic omnia etiam illius recitabimus, quamvis non nihil prolixiora queant videri: quandoquidem opus illud Guleri in paucorum est manibus, & Hyperaspistæ ad hunc testem præcipue non dubitaverunt provocare.

Ille igitur fol. 92 primam Coenobii constructionem atque originem hisce verbis narravit. Welches alles sich zugetragen habe / zu den Tagen Caroli des Grossen: unter welchem auch (nach etlicher meinung) auff daß absterben hin Constantii des Bischoffen zu Thur / Landvogt und Keyserlichen Stadthalter über die Reussche Provinz worden sey Adelbert ein Graff, der mit hülf seines Bruders Graff Mangolds das Frauen Closter zu Lindaw an Bodensee / im MCCX Jahr / gestiftet hat. Er sol Kayfers Caroli Blutsverwandter, und seines Hoffes Dienstman gewesen seyn. Etliche nennen ihn ein Graffen von Korbach: andere von Buchern: andere von Brägang: andere / von Deringen: andere von Altorff. Ich kan an keinen Ort dieser Sache halben einigen sattem bericht nicht finden. Dann die alten Instrumenten sehen die Besetzlücke und Herrschafften nicht / sondern lassens allein bey den Taufnahmen bleiben. Es mögen der Adelberten mehr als einer / in unterschiedlichen Herrschafften gewesen seyn: alhie / wie auch an vielen andern Orten / kan nicht gewisses geschlossen werden.

Idem Gulerus fol. 94 ita loquitur. Zu diesen Zeiten erhüb sich ein grosser Kampff und schwerer Streyt in Thurer Actien / von wegen der Landvogtich und Herrschung über dieselbig gegne. Dann einer mit Nahmen Rupert Keyser Ludwigs alter wolverdienter Dienstmann / lag benehmen Keyser / der niemanden nichts versagen kont /

so lange und viel in Ohren / mit mancherley ungegründtem sargehen /
 daß er ihm die verwalting Reiterlands endlich einwilliget: welches
 Graff Adelbert / Graff Hunsfrieds Sohn / und auch des Keyserlichen
 Brändischen Hoffs Dienstmann / dem das Ampt eines Vorstehers
 über das Reitsche Gebiet ordentlicher weise aufgetragen war / nit
 gut heißen wolte / vermeine solches solte ihm / diaweil er es nicht ver-
 würckt hette / mit solcher unsug nicht benommen werden. Aber Ru-
 pert reinder für / der höchste Gewalt an denen enden stehet bey dem
 Keyser / der macht habe seines gefallen solchen zuverwenden: eine
 jeztlicher hat zu Hoff seine Gönner / die ihm Rechte geben / und seine
 Sachen so viel möglich auffhieten. Michin aber hat sich Rupert
 dirmassen verfasset gemacht / daß er an Volck und allerhand vorbes-
 tzung der gewaltelger war. Derwegen er seine Gegenpart mit
 Muthskraft abtrieben / sie ihres habenden Befehls beraubet / und das
 mit zuvollkommner Besizung Reiterlands kommen ist. Adelbert
 nam seine Zusuche in Histrien zu seinem lieben Bruder Durdhars-
 der / der in derselben Landschaft nach dem ableiben ihres Vaters
 herrschet / und rufft ihm wieder diese gewaltthätige an ihm geübte
 verreibung umb Hülff und Raht an: im welchem ihm der Bruder
 nicht etwangler / sondern alebald sich seines Elends und Unglücks
 nicht minder hitzighlich annahme / als wann diese Sache ihm selbst
 anstieße / verhalben er sich angehend so stark er immer mocht mit ei-
 nem Kriegsheer verfasset macht: zog drüber selbst eigner Person
 mit seinem Bruder / durch die nechsten gelegenheiten / wpl versehen
 herauf. Hingegen seyret Rupert auch nicht / sondern umbschlug
 sich allenthalben umb Hülff und Bestand: damit wann es ja Noht
 ihm würde / er wieder seinen Feind zur gegenwehr gunstsam und
 nicht nohturfft verfaßt wehre. Hiemit / da zogen diese beyde Kriego-
 hauffen auff einen ander zu / und kamen nicht über eine teutsche Meile
 weg von unter Chur / bey dem Dorff Zizers zusamen / staltten sich beders-
 seits in gute Ordnung / und grieffen einander Feindlich an. Der
 anfang des Streits war über die massen hart / und verhielten sich
 beyde

bede Parteyen ein gute Zeit so Ruck und Streißbar/ das man nicht wissen möcht/ wohin sich das Glück des Siegs endlich neigen wüßte. Nach und nach aber nahimen die Adelbertischen überhand/ und schlugen endlichen Ruperten mit seinem Volck in die Flucht: Ja welcher Rupert von Pferde zu todt verletzt ward, Brachte ihn also sein Ehr und gut-geiz nicht allein umb sein Haab und Gut/ sondern auch umb sein Leib und Leben: Wie dann gewöhnlich alle die in Unfall gerahten/ die andern Leuten nach dem ihrigen stellen. Er ward hierauff aus Adelberts befehl gen Lindaw an Bodensee geführt/ und auß Sanftemuth des Obseigers/ daselbst im Frauen Closter ehrlich zur Erden bestattet. Damit behielt Adelbert die Ketische Herrschafft biß an sein end: Die verbleib auch seinem Sohn Adelreich/ dem Vater Henne/ die einem Graffen von Lengburg/ nachkommender Zeit/ als man nach der Menschwerdunge unsers Heylands gezelet **cccc** Jahr/ ist ehlich versprochen und vermählet worden.

Idem Gulerus, agens de iis quæ contigerunt anno Christi **ccccxi** inter filios Ludovici Pii Imperatoris, hæc habet fol. 95. Keyser Leucher hat ein Kriegsvolck in die Ketische Land geleezt/ zuverhüten daß Ludwig und Carl mit ihre macht nicht möchten zusammenstoßen. Diese Keyserlichen werden unsern vom Drangenssee/ von Könige Ludewigen/ des X Tag Meyens gestüchtiget/ und ihr Führer Graff Adelbert/ der Ketisch Landvogt/ auch viel redliche Leut mit ihm erschlagen. Etliche meinen dieser Adelbert sey nicht der Landpfleger in Rehtischen/ sondern ein ander Herrführer des Keyfers gewest. Dergleichen zweiffels erhebe sich an vielen Orten in alten Geschichten/ weil die Nahmen und Titel der Graffschafften und Beschlächten von Keyser Heinrichs des II Zeiten schier niemahlen zu den Lauffnahmen hinzu gesetzt wurden: ja noch bey Regierung Keyser Heinrichs des IV ist dieß selten geschehen: Folgende aber ist solcher Brauch mit Nutz der Historien in Übung kommen/ 26.

De Rhetia rebus post factam inter Pii Imperatoris filios
diviso.

divisi onem Gulerus porro ita scribit fol. 96. Dieser Zeit hats
ten die Römischen Keyser in Rätischen Landen nichts mehr zu gebie-
ten. Denn die Keyser mußten sich der Landen vernügen die ihnen
durch theilungen und eroberungen untergeben waren. Dergestalt
hat weder Keyser Leuther / so lang er seid der volgezogenen Landes-
theilung gelebet / noch sein Sohn Ludwig / der anno dccclv als
der Vater in ein Mönchskutten geschlossen / an seine statt Röm.
Keyser ward worden / unserm König Ludwigen dem älteren von
Ostfranken Germanien und Böhren keinen eingriff in Rätischer
Beherrschung thun mögen. Was daselbst durch die hohe Obrige-
keit verrichtet werden solt / kam nicht für den Keyser / sondern vor
König Ludwigen. Sein Landvogt über Rätien war Graff Adelreich
Adelberts Sohn / dessen oben gedacht. Die gemein Verwaltung
aber des ganzen Herzogthums Schwaben war Berchtmair
anbefohlen: welcher dieselbig nachwerts König Ludwigs jüngstem
Sohn Carolo freywillig übergab.

Adferemus postremò etiam partem aliquam Tabulæ
Genealogicæ, quam idem Gulerus produxit fol. 91. Quando-
quidem etiam illa pertinet ad Adelbertum putatitium Cœno-
bii conditorem, & Hyperaspista ad eam provocavit.

**Geburts Tafel Hunfrieds/ Stiffters des Closters
Schennis.**

Hunfried Herr in Histrien und Graff in Ehurer Rätien

Adelbert Graff in Rätien. Burchart Herr in Histrien

Adelreich Graff in Rätien.

Henna/ Adelreichs Tochter / anno dccxc ward vermehlet
Arnolden Grassen zu Lensburg

Adalreich/ der Reich/ Graff zu Lensburg anno dccccxx.

Reliquam Tabulæ hujus Genealogicæ partem, quia res no-
stras non tangit, omittimus.

VI.

Novissimus, nisi fallor, omnium hoc argumentum at-
tigit *Gabriel Bucelinus* Imperialis Monasterii Weingartenensis
Asceta Theologus, Prior S. Joannis Baptistæ in Veltkirckirch,
Ejus liber, cui titulum fecit: *Rhetia Erhyusa Romana Gallica
Germanica Sacra & Profana Topo-chrono - Stemmato-graphicae*
prodiit in lucem Augustæ Vinælicorpm anno demum hujus
seculi sexagesimo sexto, atque ita totis viginti post librum
Coenobiale Lindaviensem annis.

Hujus autem hæc sunt verba Rhetiae pag. 171. A. C. 827.
*Rhetia Præsidemagus Adalbertus Agilolfingus, Hunfridi, de quo supra,
Rhetia Comitibus filius, fundator Monasterii Virginum Nobilium Lin-
daviensis, una cum fratribus Mangoldo & Vdalrico ibidem sepultus.
Quorum ibidem insignia vetustissima produnt, ex Altorfii Comitibus
non Veringa sive Linzgavia, Buchornii & Rordorfi fuisse oriundos,
cum hi omnes diversissima à Leane Agilolfingica & Guelphica insignia
gestasse, compertissimum habeatur. Fragmentum Geneleos subiicimus.*

*Hunfridus ex Adelberti sive Adalrici & Erbiconis posterus,
qui Alemannia atque Alsatia Duces extiterere, ipse Præ-
ses Rhetia creatus & Comes ejusdem dictus Dominus
Histræ & Rhetia Curienfis.*

Adelbertus Comes Rhetia Curienfis

Burcardus Dominus

&c. Præses.

Histræ.

<i>Adelbertus, Alberius</i>	<i>Mangoldus sine Ma-</i>	<i>Vdalricus Comes Pa-</i>
<i>sive Adalricus, Comes</i>	<i>negodius Comes Pa-</i>	<i>latus Rheni sepul-</i>
<i>Palat. Fundator Lindav.</i>	<i>latus Rheni.</i>	<i>tus cum fratribus.</i>

*Henna sive Hemma ex Comitibus Palat. Rheni: uxor Arnoldi
Comitis de Leuzburg, mariti Vdalrici Divitis, avia Ar-
noldi junioris, proavia Vdalrici.*

Ejusdem Bucelini hæc quoque verba sunt p. 173. A. C. 837.
*Celebre nunc nomen in Rhetia Adalberti, filii quæ nepotis, ejus de quo,
pridem*

pridem Hunfridi Rbatia Comitis, qui à Langaro fluvio rerum portus usq. Brigantium & Lindovium, is ipse, quem conditorem Lindavienſis Parthenonis ſupra memoravimus. Hunc eiſi ſanguine Caſari & Regibus junctum, ſuſpectum credulo nimium Caſari Rupertus quidam reddidit, tantumq. effecit, ut ipſe pro Adelberto Rbatia præſſe juberetur. A. C. 838 Adalbertus ad fratrem ſuum Burcardum Hiſtria Comitem præfugerat. Qui hoc anno auxilium fratris ſubnixus, Rbatiam cum exercitu repetens, Rupertum calumnitatore bello petiit. Pugna prope Ciceronis pagum (Cicers vulgo appellant) acriter contentione ſuſcepta fuit, quâ Rupertus occubuit, quem Adalbertus injuriæ immemor, honorifice admodum in ſuo Lindavienſi Cœnobio ſepeliri curavit.

Item pag. 174. Anno C. 839. Liberati tyranno Rhati, dum ſub veteri domino quieſcere ſperarent, novo ſumultu omnia denud. concitantur &c.

Item eadem pagina: A. C. 841. Ludovico & Carolo Regibus ſc. fratribus Lothario bellum inferre parantibus, hic collecto ex Rhatia exercitu, cum Ludovicus aſcitis ſibi Francis Saxonibus Haſtis & Sclavis per Sueviam in Gallias tenderet, prope Brigantium occurrens, impedire conatus eſt, ſed fruſtra, cum ille prævalens viribus noſtros facile retunderet & in fugam ageret, non paucis eo prælio, eoſque inter Adalberto Præſide noſtro, ſummo totius patriæ luctu deſideratis 10. Majr.

Sequente poſtremo pag. hæc leguntur. A. C. 842 Adalricus Præſes fit Rbatie.

Poſt hoſce ſex denique audiendus omnino nobis fuerit ipſemet etiam *Hyperaſpiſta*. Huic enim Diploma Cœnobiale fuit in manibus, imo ejus deſenſio ſuſcepta eſt. Iraque ſalim veroliſſime jam tum eſt, illum reliquis fuiſſe cautioſorem, & quicquid allatum ab illo, præ aliis ſi non verum, ſalim ſpecie veri non carere. Verba ejus hæc ſunt poſt recitata nonnulla Guleri pag. 18. Daraus wir nit nichte aſſein unſer

VII.

intenc so weit bestättigen / das dieser berühmte Landvogt in Kehr-
 ein Adelbeius / Graff Hunsfriedens Herren in Histrien / und Graffen
 in Ehurer Kehrten Sohn / Graff Burkhardten Herrns in Histrien
 Brüder / nicht alleine (wie Eulerus in der Geburts Tafel besagten
 Hunsfrieds / als Stiffers des Closters Echennis in dem allegirten
 7. Buch Rheischen Sachen fol. 19. bezeuget) sey der erste Urheber
 und Hauptstifter / dieses uhraltten Stiffes gewesen / sondern auch
 daß er mit Fug und Vernunft nicht könne angegeben werden für
 den Heerführer Keyser Lotharii / welcher anno 841 in der Schlacht
 bey Brezen in das Graß gebissen. Dann weil er kurz zuver-
 nemlich umb das Jahr 838 wieder willen und verordnung Ludo-
 vici Pi., den newerlich aufgestellten Kehrtschen Landvogt mit Krie-
 ge gemacht überzogen / und sich selbiger Landvogt Sieghefft be-
 mächtigt (welche expedition sich leichtlich biß auff anno 840 da
 Ludovicus gestorben / hat können erstrecken) ist nicht zuvermuthen /
 das Lotharius, diesem seinem Herrn Vater wiedererschlichen Land-
 vogt hab die Armee wieder seinen Bruder vertrauet / oder daß er
 Adelbert auff Lotharii seiten sich gelenket. Als der zubeforgen
 hette / Lotharius, so ingankem Regiment dem Herrn Vater wolte
 gleich gehen / möchte dessen intencion in anderwertiger bestel-
 lung Kehrtschen Landvogt nach sehen / und den Todt Ruperti /
 auch sein Adelberti Wiederfestligkeit rechen. Derwegen nit zu-
 zweifeln er habe sich alsbald auff Ludovici Germanici seiten be-
 geben / von ihme der Kehrtschen Landvogt confirmation erhalten /
 und noch viel Jahr gemelten Ludovico solche trewe tapffere Dienste
 geleistet / daß er billig das prædicat Fidelis Vasalli eines trewen
 Lehen und Dienstmanns / und die Ehre Comitum Sacri Palatii et
 neo Pfalzgrafens verdient: auch werth gewesen das auff sein begeh-
 ren Keyser und König Ludwig / daß von ihme Adelberto gestiftete
 Gottshaus Lindaw nicht allein zu confirmiren / sondern auch mit
 herlichen Privilegiis und Freyheiten zubegaben / bewegt worden.

Diese sein längere biß auff die Stift Lindawische confirmation
 und

und darüber auflauffende Lebenszeit wird ganz glaubwürdig daher erwiesen: daß seines Sohns Adalreichs Tochter Henna erst in anno 890 ward vermählet Arnolden Grafen zu Lenzburg/ wie Gulerus l. c. f. 91. b. und wiederum f. 94. b. auch Stumpfius lib. 10. cap. 17. fol. 384. a. und cap. 18. f. 385. b. bezeugen. Wann dann unser Stifter Adalbertus (wie mans in gemein unbedachtsam ohne Grund vorzibt) anno 841 gestorben/ und Adalreich sein Sohn als gleich nach ihm die Keßrische Landvogtey angetreten/ weil nit zu zweiffeln / er sey damahls so zu schwärer Amptung qualificirten Alters und also von 25 in 30 Jahr gewesen: so hette er Adalreich bey der Hochzeit seiner Tochter 70 oder mehr Jahr erreicht / und wäre sie Henna / als welche vermuthlich gemainen Lauff nach von ihm in frischen jüngern Jahren erzogen worden/ ein funfzig oder mehr jährige verlegene Hochzeiterin gewesen. *Hæc omnia habet quoque Hyperaspista. Alia enim ejusdem heic adducere, nullum fuerit operæ pretium.*

CAPITIS X.

Pars altera.

*Examen septem de Adalberto perq. exm. condito
Cænobio narrationum.*

HISCE SEPTEM de Adalberto & prima cænobil
origine narrationibus auditis, possumus jam inoffenso
pede ad earum examen progredi. Præsertim quoniam satis
fortè fecissemus officio nostro: si unicum duntaxat Hy-
peraspistam audivissemus.

In universum autem *ante omnia* hoc jam est ceu demon-
stratum atque certum habendum: conditorum Cænobii
neminem ADELBERTUM fuisse nominatum. Illo autem
posito jam sum liquet, omnes illas quas attulimus narratio-

nes esse erroneas; saltem ea parte quâ Adalberto alicui primam tribuunt Cœnobii originem.

Secundo attendendum cum primis etiam hoc est: omnes illas narrationes esse perquam recentes, superiore videlicet & hoc seculo demum natas. Quales non sunt idoneæ testes rerum octingentis retro annis gestarum, nisi accesserint ex veteri ævo petita bonæ fidei documenta. At vero ad talia quædam prisca monumenta, nemo illorum narratorum provocavit vel uno verbulo. Quidam non obscure significaverunt, Adalbertum à sese credi conditorem Cœnobii, quandoquidem Diploma Cœnobiale ita refert: reliqua sese debere vulgi variis traditionibus aut conjecturis. Hinc autem manifestum est: etiamsi à nobis non esset demonstratum, à nullo Adalberto Cœnobium esse conditum, tamen narrationes illas cum in universum omnes, cum singulas quasque non mereri certam fidem.

Quantumvis autem, hæc cum ita sese habeant, non sit necessum, ulteriorem aliquam operam impendere in censuram singularum narrationum; ne desim tamen aliquâ in re veritatis patrocinio, etiam illum laborem non subterfugiam. Nisi autem fallor, luculentum mox erit, *Primo* nemini narratorum præterquam Hyperaspistæ, illorum Diplomatis vel apographum fuisse lectum. *Secundo* etsi in nominando Adalberto non nihil juvent Diplomatis fidem narrationes illæ, nullam tamen earum non adversari Diplomati. *Tertio* saltem plerasque illarum narrationum planè *avertita* referre: atque adeo nec cum sibi metipsis convenire, invicem vero omnes secum pugnare.

Progrediemur autem in examinandis istis narrationibus illo ordine quo à nobis sunt in medium adductæ. Ac proinde in BRUSCHII narrata primò omnium inquiremus.

Princi-

Principiò igitur attendendum, Bruschium solere non nisi Cœnobialium hic alibi acceptis relationibus niti; atque adeo quæcunque hic narrat non aliunde quàm à Lindaviensibus cœnobitis suæ tempestatis esse accepta. Id ipsum verò etiam inde confirmatur, quandoquidem Bruschius suæ narrationis nullum hoc loco nominat testem sive veteris sive recentioris ævi. Quid autem illis sit narrationibus fidendum, nemini non jam tum constat. Hyperaspistæ eorumque amici indubie probabunt Caroli Stengelii sententiam, qui *præfatione in Monasteriologie partem primam*, non dubitavit isthoc uno nomine Aubertum Miræum *Originum Benedictinarum* scriptorem lectoribus suspectum reddere, quod Bruschio, qui *res monasticas non bona fide tractavit, nimis fideliter inbaserit*. Quanquam ego, fides Bruschii cur sit in dubium vocanda non videam: deceptum autem sæpissime à suis relatoribus virum bonum quidem sed credulum, & industria magis quam iudicio valentem, etiam ipse affirmo.

1. Et vero in hac sua narratione haud injuria dixeris, hominem statim quasi in janua impegisse, dum ait: Cœnobium *antiquitus Lendaugienſe ob maximam ad locum natura portensum appellendi è Lacu commoditatem dictum*: paulo post verò scribit, primum Adalbertum, cum salvus ex procellosis Lacus fluctibus in insulam istam appulisset, ab illo eventu & felice appulsu, insulæ nomen *Lendœa* vel *Lendogia* dedisse. Nec enim quod primo & uni Adelberto evenit, idem ἀπὸς attribui loco potest. Non tamen nunc illas minus accuratas affirmationes Bruschio vertemus virio. Esse autem omne hoc de nomine ab Adelberti appulsu insulæ indito, inane commentum, certissimo argumento illud est, quod in nullo monumento vetusto compareat *Lendau* aut *Lendugia*, sed *Lindugia*. Imò nos infra adducemus certissima testimonia *pex* ipsomet seculo nono decimo & undecimo (ne nunc dicamus

de seculis omnibus sequentibus) ubi *Linsania* & *Lindavia* vocabula supersunt. Quod hodie vulgus interdum *Lendau* loquatur: non meretur adduci in argumentum fabulæ, contra perpetuum usum veterum monumentorum, & loquelam meliorum quorumvis nostri ævi, quia nemo ignorat quàm soleat rudis plebs vocabula pronunciando corrumpere. Rectè Stumphius vir iudicio valens scribit l.v. fol. 51. *Lindaw hat ihren Nahmen von der Insulen darauff sie gebawet ist / welche die Teutschen gewöhnlich ein Dyu nennend / als Reynow im unterm Bodensee / Reichow im Eellersee / Agtnow und Lagulow im Zürichsee &c. und darzu von den Linden so man gewöhnlich in die Dyren setzet / denn man alda an etlichen Orten noch sieht.* Et vero ut Büchow à fagis ita Lindow à tiliis accepit nomen: eoque jam à plurimis seculis inclutæ Urbi tilia pro insigni est. Nec ipsummet Cœnobium *Lensu* audiit in suis tabulis unquam. Adversatur quoque hoc ipsum Cœnobiali Ludoviciano Diplomati, ubi de Adalberto scribitur: *obtulit obtusibus nostris quoddam Cœnobium sanctimonialium nomine LINDAVGIA.*

Quamvis perquam sit verosimile, natam, de Adalberti in insulam divino quasi appulsu, & hinc dato insulæ nomine, fabulam, in ipso Cœnobio; ad conciliandam monasterio apud rude ac superstitiosum vulgus sui loci venerationem, & affectati in totam insulam juris aliquem prætextum. Idque pene communi hominum morbo. Qui jam tum Titum Livium ita fecit Historiæ suæ Romanæ præfari. *Quæ ante conditam condendamve urbem, poëticus magis decora fabulis, quam incorruptis rerum gestarum monumentis traduntur, ea nec affirmare nec refellere inanis est. Datur hac venia antiquitati, ut miscendo humana divinis, primordia urbium angustiora faciat.* Sed in promptu veritati hic quidem vindictæ occasio est. Si vera enim fabula, mendax est Diploma. Ac proinde sua isthac fabulâ plus perdit Cœnobium quàm lucratur. Quin etiam infra

infra nos probabimus, extra insulam primò fuisse conditum Cœnobium, atque isthuc migrasse, cum jam pridem oppidum ibi vigeret *Linsæ* nomine. Quibus omnibus fabulæ vanitas evertitur.

2. Æque commentitium & fabulosum est id quod Bruschius narrat, de Adalberto *Caroli Magni consanguineo Sacri Palatii Magistro & Provinciarum Rhatiarum præfecto*: ab illo conditum fuisse Cœnobium anno seculi noni decimo. Enimvero jam tum liquidò demonstratum est capite præcedente, nullum Adalbertum aut Palatii Comitem Cœnobium illud condidisse. Nullum quoque isthac ætate audiisse *Sacri Palatii* sive Comitem sive Magistrum, nec Palatii Comitem potuisse tum simul Præfecturæ alicujus provinciæ vacare, sequens caput docebit: Diplomati quoque ipsi omnis hæc fabula contradicit. Si enim conditum jam est Cœnobium anno seculi noni decimo, non potuit illius conditor anno demum seculi sexagesimo sexto petere Cœnobio à nepote Caroli Magni privilegia immunitates & alia beneficia. Debuisset etiam illius consanguineitatis aliqua in Diplomate fieri mentio. Et verò fertur Diploma quoddam ipsiusmet Caroli Magni, concessum Monasterio Divitis Augusti, in qua Adelberti illius cognati Carolini memoria reperitur satis honorifica. Etiam illud Diploma commentitium esse, fortassis aliàs ostendetur quidem: aptum tamen est monstrare, ab impostore isto rectius fuisse observatum τὸ πλεονεκτημα quam ab illis qui Bruschium deceperunt. Quandoquidem illius Diplomatis etiam in hoc commentario nostro erit usus, nos illud hoc loco recitabimus, ut duntaxat etiam illa quæ jam tum diximus liquidò omnibus appareant. Dabimus autem, prout habetur in laborioso & præstante opere Martini Mageri *De Advocatiâ armatâ cap. V. n. 431.*

IN NOMINE SANCTAE ET INDIVIDUAE
Trinitatis. CAROLVS divina favente gratia Imp.
Augustus. Si sanctorum Monasteriorum loca ne labantur
frequenter sustentamus, sustentando ditamus, non solum
Deum per hoc nobis placamus, sed etiam nostri totius regni
statum corroboramus. Quapropter omnium presentium
ac futurorum comperiet industria, qualiter Vltimam no-
stram regalem villam pro animae nostrae ac parentum no-
strorum remedio ad monasterium, quod constructum est in
insula quae in Alemanniae partibus sita Sinteobesuna nuncu-
patur, ubi venerabilis praesul Hetto spiritali turmae prae-
est, cum omnibus appendiciis suis & locis adjacentibus tradi-
mus atque transfundimus, ut fratres ibidem regulariter
subsistentes, & divino operi die noctuque jugiter insudan-
tes, dum à nostris sumptibus alacriter procurantur, assiduis
eorum precibus Deum nobis propitium facere dignentur.
Utque praedictus Hetto cum fratribus suis, monachis
videlicet atque clericis, in praefata insula, exterioribus cu-
ris remotis, Deo servire liberius, atq. securius insistere va-
leat, cum ipsius Abbatis desiderio suorumque monachorum
rogatu, ADELBERTVM cognatum nostrum in supra-
dicta Vlma Advocatum ac defensorem constituimus, & eun-
dem, quia quales futuri homines sint ignoramus, ne sta-
tuta nostra vel quisquam suorum successorum transgre-
diatur, in presenti eum iuramento tenaciter obligamus.
Hac de causa nostra placuit providentiae, eodem Adelberto
defuncto

defuncto, in presentia Abbatis suorumque successorum ac fratrum, videlicet monachorum, hac perpetua potestate: ut sapientum usi consiliis ex his, quos inter potentes seculi noverint & invenerint meliores & equitatis amatores, eligant huic loco, sicut & in cæteris locis suis, competenter Advocatos & defensores: eo tamen tenore, ut quandocunque sui commissi prævaricator, aut in rebus vel hominibus, quod vulgo *Balmund* dicitur, existat, statim sine mora sine iudicio Advocatiam perdat. Qui Advocatus & omnes sui successores, quale servitium in præfata Villa *Ulma* ab *Augensi* Abbate ejusdemque ministris deinceps percepturi, vel qualem justitiam ipsi Abbatibus sint facturi, breviter hic determinavimus. Statuimus ergo & precipimus, si præsens *ADELBERTVS* Advocatus vel quisquam suorum successorum in prædicta Villa placitare voluerit, quando vel qualiter aut quoties hoc fiat, in Abbatis arbitrio pendeat, & ab eo disponatur: ut non cum pluribus quam cum triginta equis ad placitandum veniat, & tale servitium, quale tunc reperitur, & quod prædicta militum & equorum multitudini congruat & sufficiat, eidem Advocato prælibato Abbas decenter & honestè exhibeat. Et ut hoc nunc & in futuro cunctis pateat, regali nostro imperio sancimus & confirmamus, ut nullus Advocatus in præfata Villa majus servitium ab *Augensi* Abbate vel suis ministris quasi ex debito exigat, aut ad libitum sibi statuatur ipse, si ve quasi ex jure ultra statutam quicquam usurpare sibi vel vendicare audiat.

dochii neutiquam deberi beneficio ullius Cœnobialium conditorum, ne defensorum quidem aliquis temerè negaverit: etsi fortassis de suo etiam aliquid eleemosynæ in pios Xenodochii usus singuli Cœnobii conditores contulerint. Benè tamen in hac narratione sibi ipsi cavît Bruschiuss: dum nihil hujus ipsemet asserit, sed addit: *dicitur*. Namque tale quid *dictum* Bruschio esse, credimus facillè, etsi id quod *dictum* est à vero fuerit alienum.

4. Adalbertum porrò Caroli Magni cognatum & Palatii Comitem, anno dcccxi in prælio fuisse interemptum non procul à latu Brigantino, fabulosum itidem est. Qui enim tum temporis cæsus est à Ludovico Germanico Adalbertus, fuerat quidem Comes Palatii apud Ludovicum Pium Imperatorem, (id quod saltim verosimile jam tum fecimus *pag. 77*) illum autem Carolo M. fuisse consanguineum aut ejus Palatii Comitem, ne quidem habet speciem veri: quia de hoc Adalberto ejusque cæde, & Annalium Francorum auctor, & Nithardus cum primis *l. 2. de dissidiis filiorum Ludovici* non semel egerunt, sed nullo facto indicio minimo ejus cum Carolo Magno aut Imperatore Ludovico Pio sanguinis vinculi: neutiquam id omitturi, cum præsertim in ejus moribus describendis Nithardus nihil dissimulaverit *pag. 454* editionis Wecheliana.

5. Fabulosum itidem esse, quod Ludovicus Lotharii filius Imperator anno 866 Privilegiis confirmârit à cæso illo Adalberto conditum Cœnobium, liquet jam tum ex iis quæ docuimus *cap. V*. Nihil scilicet in Germania fuit juris illi Ludovico Imperatori, ac proinde nec Cœnobio privilegia potuerunt ab illo concedi. Diploma porrò Cœnobiale, quod respicit Bruschiuss, disertè affirmat, ipsummet Cœnobii conditorem Privilegium petiisse atque impetrasse. Dum Bruschiuss itaque tradit, conditorem jam periisse anno quadragésimo

gesimo primo seculi noni, aperte contradicit Diplomati. Quod non facturus indubiè fuisset inspecto ante Diplomate: ut omninò sit certum, ne apographum quidem Diplomatis in Bruschi fuisse manibus.

6. Fabula præterea est, asylum esse fontibus constitutum anno seculi noni sexagesimo sexto. Nec enim ejus in Diplomate vel levissimum exstat vestigium. Hyperaspista *cap. IV pag. 32* conatur quidem Jus illud Asyli etiam ex Diplomate arcescere, quandoquidem scilicet ibi cavetur, ne quis iudex secularis *homines tam ingenuos quam & servos super terram ejusdem monasterii commanentes distringendi* habeat potestatem. Verum hæc quidem interpretatio vim facit ipsi Diplomati. Non enim illi qui fugasse aliquem in locum proripiunt, quos etiam asylum liberat, ibi *commanentes* dici solent, sed duntaxat illi qui alicubi fixam habent sedem. Ad Terram porro *monasterii* pertinent etiam curtes, agri, & reliqua loca quæ à monasterio possidentur: non sola autem Cœnobii domus. Nemo tamen hætenus adeo fuit impudens & iniquus, ut arrogare ausus fuerit Cœnobio jus asyli in omnes etiam agros aliaque loca quæ Cœnobium possidet: et si immunitatem à iudicio seculari, personalem pariter realemque, habitatoribus istorum locorum studuerint vindicare. Ad rem etiam nihil facit quod ex *lege III Alemannorum veterum* adducit Hyperaspista *de liberis servisve ad Ecclesiam fugientibus*. Primò enim lex illa solis Ecclesiis istam concedit libertatem, non autem extenditur ad omnem Ecclesiasticam terram, quod hic sequitur ex Hyperaspistæ interpretatione. Non etiam secundo lex illa iudicem secularem ordinarium omnem cohibet, sed solos privatos quoslibet: quod ex historia temporum istorum notum est: ac proinde, non nisi hætenus lege isthac asyli aliquod jus Ecclesiis est datum. Quæ porro ex Munstero & Friderici III Imperatoris rescripto adducit Hyperaspista, probant

bant quidem, Cœnobium sibi arrogasse jus asyli in refugium fontium, aut illud esse in Diplomate Ludoviciano concessum, neutiquam probant. Inepta porro est probatio juris asyli quam Hyperaspista adfert ex nummis quibusdam: ceu infra suo loco demonstrabitur. Et verò quæ manus amputatæ signum denotet jus asyli? Utque denotet, non profecto probat jus asyli à Ludovico esse concessum.

7. Fabula denique etiam est: *additam tunc temporis istam dignitatem ac prerogativam singularem, ut Abbatissæ Cœnobii cum aliis Sacri Imperii Ecclesiasticis Prelatis Princeps esset Sacri Romani Imperis, cui in publicis pompis liber debeat præferri.* De hac certe dignitate ne quid quidem extat in Diplomate. Ut proinde non minus hîc quam cum de asylo constituto ageret Bruschius, à Diplomate multum fuerit diversus: indubie quod nihil ejus ipsemet legisset. Sed & vereor, ut liquidò probari vel uno exemplo queat, in solennibus pompis librum Abbatissæ olim præferri solitum. Dignitatem porro titulumque Principis ne hodie quidem sive Spirense Judicium sive Cæsaris aula Abbatissæ attribuit. Et capisse à nonnullis Abbatissas ita honorari dæmum intra hosce ducentos proximos annos, recte monuit probavitque Consultissimus Heiderus, in eruditissimâ responsione ad *Septimam Ingestionem* Cœnobii, qua de Principali Abbatissæ dignitate agitur, magni *Apologesici operis pag. 53.* Cui dissertationi opposuit sese quidem Cœnobiticus Hyperaspista *cap. IV.* integra sua deductione quarti quod vocat Argumenti, cum primis verò à *pag. 64.* non ausus tamen est, originem Principalis dignitatis suæ Abbatissæ vel à tempore latæ Diplomatis, vel ab ejus constitutione intrepide arcessere. Diserte imò scribit *pag. 61.* *Es sey nicht gewis / umb welche Zeit ein Abtissin die Fürstliche dignität und titulatur erlanget.* Tamen quoque velit, vi Ludoviciani Privilegii data Abbatissæ jura fisci & ter-

ritorii (de qua re alias) atque ita esse jacta fundamenta Principalis dignitatis, fatetur tamen, das nicht alle die damit (nempe illis laudatis juribus) begabt / als viel Prälaten Grafen und Herrn / zu Fürsten erhebt werden oder worden; Item: Ob wol die ausdrückliche Worte des *Privilegii* nit also lauten. Tantumque asserit, daß nit unglaublich / *Ludovicus Germanicus* habe die Epistissin zu Lindaw mit Fürstlichen Würden begabt. Quæ verba arguunt hominis animum, avidum quidem tuendæ iniquæ *πλεονεξίας*, vi veritatis tamen ad agnitionem recti subinde compullum, atque ita fluctuantem inter veri & falsi amplexus.

Et verò ipsum quoque Coenobium nunc hoc nunc illud asseruit. Etenim legitur *pag. 51* magni operis Heideriani, coram Judicio Provinciali Sueviæ in libello oblato 4 Octobr. Ann. 1638, sine rubore hæc verba à parte Coenobii esse adducta. Die Stadt Lindau sey überflüsslich informiret / daß ein Frau Abtissin des Fürstlichen freyen Stiffts (zu Lindaw) von Keyser Ludwig den Andern zu einer Fürstin des Reichs erhebt worden sey. *pag. autem 516 lit. 9* producitur epistola scripta ab Abbatissa Susanna ad Commissarios Cæsareos, ubi post breviter relatam summam Diplomatis ita scribitur: Und ist diese Gottselige *fundation* so stantthafft und erträglich gewesen / das mit der Zeit / meine in Gott ruhende Vorfahren / zu des heiligen Römischen Reichs Fürstlichen Stand und *dignität* erhoben.

Paulo aliter sese gesserat *Hyperaspista pag. 34*. Ubi Ludoviciano Diplomate asserit concessum duntaxat Coenobio jus Status immediati inter Ordines Imperii: additis hisce verbis: Ferner folget aus dickermelten dem Ludowigischen *Privilegio* inserirten *Regalibus* und Hertigkeiten / das ein Abtissin zur Lindaw allezeit ein unmittelbahrer Stand des Reichs gewesen. Und hat also ein gnugsameres *fundament* *Ludovicus Germanicus* in erwähnten *Privilegio* geleyet / aus dem hernach die Fürstliche Würde und

de und Hochzeit erwachsen. Ob wol / wann ein Frau
 Abtissin die Fürstliche Würde und *prædicas* angefangen zu führen/
 und auff was weise ihr diese *dignität* ist *conferiret* worden / nit
 bewusst ist. Idem *pag. 35* fatetur: nullum reperiri indicium ti-
 tuli Principalis ab Abbatiſſa uſurpati ante annum 1471. Atque
 adeo, quod Heiderus dixit de titulo illo intra ducentos an-
 nos demum accepto, cogitur etiam invitus approbare. Nec
 potuit illi, quod Heiderus affirmavit, titulo Principali non so-
 lere vel Cæsarem vel Cameram Spirensē dignari Abbatiſſam
pag. 34 aliud quidquam opponere Hyperaspista, quam semel
 à Carolo V & semel à Ferdinando I aliter factum. Heide-
 rus proindē recte utriusque loci uſitatum & ordinarium ſcri-
 bendi ſtilum urſit: non attentis iis quæ semel iterumque
 ſcribarum incuria contigerunt. Non eſt quur hoc loco tan-
 gamus quod ex Munſtero adfert Hyperaspista, quia eſt nimis
 ineptum. Non etiam illud ex Wehnero petatum, quaſi Weh-
 nerus Heidero repugnantia dixerit: quod falſiſſimum eſſe
 unicuique patere poteſt, quia Wehnerus Lindaviēſis Abba-
 tiſſæ tituli Principalis non meminit, nec illum hodie rece-
 ptum eſſe negavit Heiderus. Et vero de hiſce forte plus-
 quam ſatis jam eſt actum.

Cæterum ut ſummatim iſthæc omnia complectamur.
 Perinde velut in aliis ita & in eo quod Ludoviciano Privile-
 gio collata Abbatiſſæ Principalis ſit dignitas, bono Bru-
 ſchii egregie fuit impositum: quamobrem etiam hæc ejus
 relatio non potuit non eſſe fabuloſa.

Quam Bruſchii quidem igitur à Cœnobio accepta tra-
 ditio tantum non tota ſit fabulis reſerta plus ſatis jam eſt mani-
 feſtum. Conſequens eſt ut in SEBASTIANI MUNSTERI
 narrationem inquiramus, quam fidem mereatur.

1. Etiam Munſterus verò primū *à viſita* narrat: Adalber-
 tum fuiſſe conſanguineum Caroli Magni & ejus nepotis Co-

non item Palatii, & tunc demum condidisse Cœnobium, quod non multo post Ludovicus secundus anno 866 confirmaverit. Consanguineus enim ille Caroli Adalbertus jam tum imperante Carolo minimum fuit virili atate: quomodo ergo par fuit fungendo officio Comitum Palatii regnante nepote Caroli, & quidem adhuc anno 866, quinquaginta amplius annos post Carolum defunctum? Ad hoc, ceu jam tum diximus, adversatur illud Diplomati, quod utique mentionem fecisset illius necessitudinis & vinculi consanguineitatis, si quod fuisset. Hæc itaque prima est Munsteri fabula.

2. Quæ subjungit porro Munsterus de Adalberti ad insulam appulsu, & Cœnobio hinc indito nomine, jam tum convicta sunt falsi. Itaque possunt & illa fabulis secundo loco accenseri.

3. Quem hoc loco designet auctorem Privilegii anno 866 concessi, non disertè expressit Munsterus. Quantum ille autem aliàs hac in re peccaverit, dictum jam est *pag. 107*. Demonstravimus autem nos, neque à Lotharii filio qui verè fuit Imperator id nominis secundus, neque à Ludovico Germanico Privilegium illud esse conditum. Itaque hoc etiam tertia potest fabula numerari.

4. Comites Rorbachienfes locupletasse Cœnobium, nullo certo documento posse adstrui, argumento est quoniam Stumphius Gulerus & alii qui summa adhibitâ industriâ vetera omnia illarum regionum monumenta excusserunt, nihil tale affirmant. Sit itaque hæc fabula quarta.

5. Nullam quoque meretur fidem Munsteri narratio de frequentibus religiosis peregrinationibus ad Cœnobium institutis. Saltem enim seculo decimo & undecimo non fuisse Cœnobium in existimatione vitæ sanctissimæ, infra docebitur. Nec ulla superest memoria divinatorum miraculorum quæ ibi primis istis seculis contigerint: qualia solent religiosos

giosos peregrinatores allicere. Potest itaque hoc censerì Munsteri fabula quinta.

6. Quod porro retulit Munsterus, de constitutione Abbatissæ, jam opulento reddito Cœnobio, quemadmodum gerere sese debeat Advocatus, illud liquidò ostendit non esse Munsterò lectum Diploma. Certe huic adversatur. Diploma enim vult, constitutionem illam jam tum anno 866 circa Cœnobii initia esse factam, & à Ludovico ipso Imperatore non autem ab Abbatissâ. Sed & notum, tales constitutiones condere non esse Abbatissarum: sed eorum qui summâ valent potestate in ipsos Advocatos, qualis numquam competiit Abbatissis. Numerari igitur poterit hoc in fabulis loco sexto.

In quo numero nunc desinam. Etsi etiam illud quod habet Munsterus de Abbatissa, quasi jam tum olim fuerit habita in censu Imperii Principum: quod item Advocatus Wasserburgi vixerit, quum id non nisi de præfecto sit verum: haud injuria prioribus septimo & octavo loco queant accenseri.

Multum diversus à Bruschiò pariter & Munsterò est STUMPHIVS, longe etiam magis quam illorum uterque sibi cavit à fabulis. Quod equidem factum arbitror, quoniam Cœnobialibus narrationibus minus adhibuit fidei.

III.

1. Quod tamen Adelberto alicui Comiti tribuerit Cœnobii primam constructionem, indubie accepit ex fama à Cœnobio sparsa. Gulerus enim utique fatetur, nulla reperiri monumenta quæ id testentur. Quoniam autem ea fama à nobis jam tum est falsi convicta, primus hic meritò habendus est error Stumphii.

2. Videtur *secundo* non satis sibi constare in eo, dum narrat, occasionem instituendi Cœnobii fuisse victoriam Adalberti de Ruperto, & tamen cœsum Rubertum fuisse mox sepultum in jam noviter constructo Cœnobio.

3. Nos vero etiam post probabimus, eo tempore nondum fuisse constructum cœnobium, in insulâ quidem atque adeo Lindaviæ. Quod si igitur fuerit Rupertus in Cœnobio humatus, alibi id factum est. Accedit, quod illius sepulcri in Cœnobio Lindaviensi nullum vel minimum supersit vestigium, nulla memoria. Quod itidem argumento est, Rupertum alibi sepulcrum suum invenisse.

4. Quid quod haud injuria totum illud bellum inter Adelbertum & Rupertum sit suspectæ fidei? Non enim in historiâ Vitæ Ludovici Pii, non in Annalibus Francicis, ubi talia solent cum cura memorari, hujus quidquam reperias. Nec verò est simile, ex Histria usque in Rhetiam advenisse auxilia tanto numero ut Rupertum potuerint vincere: aut tale quid impunè potuisse fieri, rebus Ludovici Imperatoris adhuc integris. Taceo, quod Guleri & Bucelini de bello hoc narrationes dissentiant, & hoc ipso rem itidem faciant dubiam.

Non uno porrò modo hæc narratio Stumphii repugnat Diplomati, ac proinde ejus fidei derogat haud parum, tantum abest eam inde juvari. *Primo* enim Stumphius Adalbertum narrat fuisse Rhetix Curienfis præfectum, Diploma autem Comitem Palatii: non potuit autem quis utroque munere simul fungi, ceu proximo capite latius demonstrabitur. Nec Diploma facit mentionem Præfecturæ Curienfis, nec Stumphius Comitivæ Palatii dignitatis. *Secundo* diserte testatur Stumphius, jam tum anno dccclx Adalberto, qui ad obitum usque Rhetiam administraverat, successisse in Rhetix Præfectura filium Adelrichum. Diploma autem narrat, adhuc anno 866 superfuisse Adalbertum & Sacri Palatii egisse Comitem. *Tertio* diserte Diploma significat, confirmationem à Ludovico Imperatore impetratam anno 866: Stumphius autem dubitat, & inclinat in sententiam quæ confirmationem

tionem credit factam anno 856. Indicant sane hæc, Diploma ipsum nec visum nec lectum fuisse Stumphio, sed ex fama tantum aliquid de illo acceptum.

Quæ CRVSIVS recitat *l. 1. parte 2. Annalium Suedicorum*, quia totidem verbis ex Bruschio sunt descripta, novam animadversionem non exigunt: laborant autem iisdem quibus Bruschiana vitiis.

Sed & ipse ex Carolo Sigonio notavit, Ludovico secundo Lotharii filio nihil fuisse in Germania juris, ac proinde neutiquam Bruschium sequi etiam in ea re debuit, quasi ille Imperator Cœnobii constitutionem confirmaverit. Verba ejus *l. 2. parte 2. cap. 11. Annalium* hæc sunt de Ludovico isthoc Lotharii filio: *Enm, ait Sigonius, ex paterna avitagg, hereditate solum Imperii titulum cum Italia Regno tenuisse. Itaq, ut qui trans Alpes nihil haberet, unam ab eo bene exultam fuisse.*

Quæ ex Paralipomenorum *cap. XX* adduximus Bruschiana sunt & Munsteriana. Omnia itaque contaminata fabulis quidem: quoniam verò jam tum in illas animadversum est, nova opera fuerit supervacua.

Liquidò autem apparet: nec Crusio lectum fuisse Diploma ipsum: saltem enim alioquin non dixisset, Confirmationem Imperatoriam factam circa annum octingentesimum sexagesimum sextum, quum in Diplomate iste annus diserte fuerit significatus.

GVLERVS etiam ipse perperam quidem credidit famæ, ab Adalberto aliquo Comite Cœnobium Lindaviense esse institutum. In plærisque tamen cautiorem aliis sese gessit, ac proinde longe minus animadversionem incurrit.

1. Recitat enim quidem etiam ille fabulam de condito Cœnobio per Adalbertum Caroli Magni cognatum, sed prudenter addit illud: *nach christlicher Meinung.* Ipsemet nihil certi definit. Indubie autem hoc acceperat ex Bruschio & Mun-

IV.

V.

Munstero. Recte etiam subiungit narratæ fabulæ, sese de illo Adalberto, cujus fuerit, non potuisse ullum certum testimonium consequi, varias autem sententias circumferri. Id quod argumento est, in antiquis monumentis de omni hac re nihil certi reperiri, & recentiores narrationes multum inter sese dissidere. Ut solet nimirum, quando nonnisi per mendacia quidquam hominibus est persuasum.

2. Quid de bello inter Adalbertum & Rupertum Rhetix Præfectos gesto sit credendum, jam tum ad Stumphium diximus: itaque non est necessum illa repetere. Quod pluribus verbis hoc bellum fuerit exsecutus Gulerus, quàm est factum à Stumphio, liquidò apparet deberi non melioribus monumentis sed artificiosæ amplificationi. Ut proinde qua parte à Stumphio, præstante historico, diversa narrat, minorem meritò fidem mereatur.

3. Fabulosum quoque illud esse, quod narrat Gulerus de Ruperti defuncti cadavere in Cœnobio Lindaviensi sepulto, jam tum à nobis est demonstratum.

4. Videtur etiam *adversaria* dicere Gulerus. Quando narrat, victorem illum Adelbertum ad obitum usque Præfectura Rhetix functum, eique cæso anno 41 successisse filium Adalrichum, cujus filia Henna anno nonagesimo nupserit Comiti Lenzburgensi. Stumphius enim quidem itidem perhibuerat, anno nonagesimo vixisse Hennam filiam Adalrichi, at tum temporis nupsisse, aut Adelbertum perisse anno 41, non dixerat. Male itaque accepit verba illa Stumphii de Henna Gulerus. Imprudenter quoque suum Rhetix Præfectum Adalbertum credidit illum esse qui à Ludovico Germanico fuit cæsus. Ipse enim recte monuit, omnem Rhetix gubernationem à Ludovico Germanico dependisse. Qui igitur verosimile sit, patri insensibilissimo hosti Regis, successorem mox filium datum esse in Rhetix, & quidem in Provincia Italiae

Italiæ ac proinde Lotharii ditioni perquam vicina, ab ipso Germanico Ludovico?

Observari tamen meretur, quod ipsemet Gulerus satis significet, debere hæc sese recentium quorundam sententiis, & alios longe alia narrare: ac proinde nec illum velle sibi hæc in parte securè credi.

Repugnat vero etiam Gulerus Cœnobiali Diplomati, nec videtur illud unquam inspexisse. 1. enim conditum refert Cœnobium non à Sacri Palatii Comite ut Diploma, sed à Rhetia Præfecto. 2. circa annum 866 non Adelbertum sed ejus filium Adelrichum vixisse. Quæ apertâ fronte Diplomati adversantur. Sed & Gulerus nusquam vel verbulo meminit Diplomatis, non omisurus ejus mentionem si vidisset. Certè ea quæ attuli non scripsisset si Diploma approbasset.

Consequens est ut BUCELINVM quoq; sub examen vocemus. Et verò ut alibi passim ita & hîc deprehendimus illum perquam audacem in historia; non certis & antiquis testimoniis suffultum narrare quælibet, sed ex affectu animi huc illuc flexo: nec *prou gesta sunt res sed ut geri potuerunt*, quod de Simeone Metaphraste censuit Cardinalis Bellarminus in eximio *De scriptoribus Ecclesiasticis* libro. Mox sanè patebit, in sua hac narratione Bucelinum secutum fuisse ex parte Gulerum, ex parte verò Cœnobialem illam mendacem tabulam, non quæ ultima anno seculi quadragesimo sexto in sacello Cœnobii constituta & ære expressa in lucem publicam prodiit, sed quæ anno vicesimo, curante Abbatisâ Susannâ Buebenhofâ, in sacra illâ æde accepit sedem, cujusque inscriptionem dedimus *cap. IX. pag. 133.* cum verò neutiquam illa convenirent, quâ est audaciâ, finxisse novam historiam ex suo ingenio. Librum Hyperaspistæ aut tabulam ultimam anno 46 ex Hyperaspistæ præscripto confectam, non videtur vidisse Bucelinus, etsi Rhetia hujus annos viginti sit recentior:

VI.

cæteroquin indubiè ad ultimum hoc Cœnobij placitum historiam conditurus, quo in Cœnobium fuit affectu. Fortassis verò meretur veniam Bucelinus, passus sese decipi à tabula; credens nempe nefas esse tam sacro testimonio diffidere, præsertim in ipsa sacra æde jactitanti consensum ipsorum met sepulcralium veterum monumentorum, recentè tunc solenni & sancto ritu in lucem & conspectum plurimorum fide dignorum hominum, ipsarumque adeo & sanctimonialium virginum & earum Abbatissæ, productorum. Difficile sane est religionis specie fucatis testimoniis non credere: eoque & nos mitiora quæque nunc suspicabimur. Age verò examinemus nonnihil quæ protulit Bucelinus magis sigillatim.

1. Occurrit igitur statim initio duplex manifestissima sibi met ipsi facta contradictio. *Prima hæc est. Hunfridi Comitæ filius Adalbertus laudatur fundator monasterii virginum nobilium Lindaviensis, unà cum fratribus Mangoldo & Vdalrico ibidem sepultus: in subjecta mox Tabula Genealogica, fundator ille & frater Mangoldi atque Vdalrici dicitur fuisse Hunfridi nepos. Altera isthæc. Adelbertus Burchardi Histriæ Domini frater filium Hunfridi fuisse refert Tabula: Historia autem anni 837 ubi de Adalberto Burchardi fratre agitur: Celebre nunc nomen in Rhetia Adalberti filii an nepotis, ejus de quo pridem Hunfridi Comitæ, is ipse quem conditorem Lindaviensis Parthenonis supra memoravimus. Acceperat videlicet ex Stumphio & Gulero, illum conditorem Adalbertum filium fuisse Hunfridi: turbavit autem hominem pictura Cœnobialis, Adalberto fundatori binos fratres Mangoldum & Vdalricum jungens nulla facta mentione fratris Burchardi, & tempus confirmati monasterii in annum sexagesimum sextum rejiciens.*

2. Quod porro dicit Bucelinus, Adelbertum cum fratribus Mangoldo & Vdalrico in Cœnobio sepultum, debetur

tur mendaci illi picturæ Cœnobii: antehac enim nemo id dixerat.

3. Ex Altorfii Comitibus fuisse illos oriundos, assertio Bucelini unice item nititur pictis in tabula Cœnobiali insignijs leonum. Hoc enim volunt verba: *Quorum ibidem insignia verustissima produnt &c.*

4. Guelphos esse Agilolphingicos, merum est commentum Bucelini. Agilolphingorum enim familia vetus Bajoariæ Reges & Duces dedit: Guelphos Alemannicos illa stirpe esse oriundos, nemo antiquorum scriptorum asseruit: Bajoaricorum autem Guelphorum primum fuisse Azonis Marchionis Itali filium, diserte testatus est *obxer* & magni iudicii auctor Lambertus Schafnaburgensis. Quanquam nihil faciat ad nostrum institutum, quicquid hujus credideris.

5. In nepotibus Hünfridi Tabula Genealogica intolerabilem in modum ineptit. Cum enim Stumphjus pariter & Gulerus non nisi unicum nepotem memorarint, Bucelinus nullo teste ausus fuit tres recensere. Cum porro nepos ille & Stumphio & Gulero appelletur Adelricus, Bucelinus tamen non verecundatus est ita scribere: *Adelbertus Albertus sive Adelricus*. Cum Adelricus præterea Stumphio & Gulero tantum audiat *Comes Rhetia*, Bucelinus nulla facta mentione *Rhetia Comitatus*, appellat illum *Comitem Palatinum Rheni*: Hennamq; Adalrici filiam scribit, *fuisse ex Comitibus Palatinis Rheni*. Et tamen pag. 175. scribit de hoc ipso Adelrico: *Adelricus præfessio Rhetia*. Facit adhuc Bucelinus Mangoldum quoque & Vdalricum Comites Palatinos Rheni. Fuisse autem Bucelinum deceptum fabulatrice illa Cœnobii picturâ liquidum quidem est: sed passum sese tali aliqua fabula decipi Bucelinum nullam patitur veniam, quoniam monachus ille omnem ætatem historiæ impendit seque rerum veterum peritia plurimum jactavit: vel leviter autem in historia versatum non fugit, Comi-

tum Palatinorum Rheni originem aliquot secula esse recentiorē. Laudandus tamen Bucelinus, quod confidens mendaci tabulæ, non etiam dederit nobis Comites Palatinos Mainios. Usque adeo autem figmenta illa Tabulæ à vero dissonant, ut ipsemet Hyperaspista coactus fuerit in hæc verba erumpere. Esisten kan man nicht in abrede sein / daß in obangeregten Portal und Grabschriften / so sich in der Stifter Capel, wie auch in verzeichnuß der Nahmen auff den gemahlten hölzernen Taffel / damit die Ubralten auff die Mauer mit Ohl farben gemahlte Bildnissen der drey Graffen bedeckt worden / vor diesem geseht gewesen. In dem gemelte Graffen angehen worden als Comites Palatini Main & Rheni; dann zu geschweigen das Main Lateinisch nichts heisset / (weiln der Fluß Mayn in Lateinischer Sprach Moenus genennet wird) so waren die Comites Palatini Rheni damahls nit in rerum natura, und seint Comites Moeni niemahls daren kommen. Hæc ipsemet Hyperaspista.

6. De prælio inter Adelbertum & Rupertum commisso, diximus jam tum sententiam ad Stumphium & Gulerum. Vt & de consanguineitatis vinculo, quo etiam Bucelinus Cæsari ac Regibus Adelbertum conjungit, ad Bruschium. Notari tantum hæc singularis unius Bucelini audacia meretur, qui *Zizers* vicum non dubitavit Latine vocare *pagum Ciceronis*; quasi vero & Cicerones olim Rhetiam incoluerint.

7. In narratione eorum quæ anno 841 contigerunt insignitam Bucelini audaciam fingendi observare denuo licet. Etenim affirmat, Adelbertum illum quem cum exercitu Lotharius Imperator misit ad impediendam Ludovici & Caroli fratrum conjunctionem armorum, quiq; deinde à Ludovico Germanico cæsus, fuisse Præfectum Rhetie, usumque collecto ex Rhetis exercitu. At is qui eo tempore vixit in Caroli Calvi partibus, Caroli Magni ex Bertha filia nepos, luculentus scriptor funestus illius fraterni belli Nithardus l. 2.

Adel-

Adalbertum illum appellat *Comitem Metensium*, & quod Austrasios duceret in armis *ducem Austrasiorum*: nulla facta Rhetorum mentione. Verba ejus sunt pag. 454 edit. Wecheliana. *Lotharius dolo an vi Luthovicum aut subdere, aut quod maluit perdere posset, tota mente tractabat. In quo negotio congruè Ortgarium Magontia sedis Episcopum & Adalbertum Metensium Comitem convocat. Habebat enim uterque Luthovicum ad mortem usq. exosum. Jam enim Adalbertus ex infirmitate, qua pene per annum desensus fuerat, velut in supplementum fratricidii respiraverat. Erat enim eo in tempore ita prudens consilio, ut sententiam ab eprolatam non quilibet mutare veller. Cujus instinctu Lotharius collectam hinc inde infinitam multitudinem Rhenum trajecit. &c. Igitur Adalbertum ducem, quem supra Comitem memoravimus, ob hoc inibi reliquit, ut & populum sacramentis sibi firmaret, & si Ludovicus ad Carolum ire veller, nullo modo posset. &c. Pag. 457 Quamobrem Cadhellonicam Karolus adiit urbem: ibiq. matre una cum Aquitanis recepta, repente nunciatur, quod Ludovicus cum Adalberto Austrasiorum duce praelio commissio vicisset, Rhenoq. trajecto ob illius adjutorium quantocius posset veniret. Hæc Nithardi esse vera ut Buceliniana in Rhetorum gratiam ficta, nemo prudens dubitabit. Eo praelio tamen & Rhetorum Præfectum periisse haud negaverimus, modò idoneis id probatum fuerit testimoniis. Bucelinianorum enim fides stetit duntaxat in nomine *Adalbertus*: quasi præter Rhetia Præfectum ejus nominis nemo fuerit alius. Qua in narratione longe rectius sibi jam caverat Gulerus.*

8. Postremò etiam illud Bucelinianum de Adalrico, illum patri cæso in Rhetia præfecturâ jam anno 842 successisse temerarium effatum est. Successisse tamen patri, quoniam & Stumphius pariter & Gulerus constanter affirmant, verò non est abssimile.

Cæterum quid de Buceliniana narratione ex vero sit existiman-

existimandum jam liquet. Addendum nunc etiam est, ne illum quidem, etsi ex pictura Cœnobiali mirificè transformatam, cum Diplomate consentire. Et vero si Adelbertus Hunfridi filius est conditor Cœnobii, quod semel iterumque professus est Bucelinus, multum illius narratio à Diplomate discedit. *Primò* enim hic Adelbertus non fuit Comes Palatii sed ad finem usque viræ præfuit gubernandæ Rhetia: Diplomatarius autem Adelbertus Comitem Palatii egit non Præfectum Rhetia. *Secundò* Adelbertus ille Bucelinianus anno 41 jam periit: Diplomatarius autem Comes fuit Palatii adhuc sexagesimo sexto. *Tertiò*, Hic fidelis fuit vassallus Ludovici: Ille autem *Ludovicum ad mortem usque habuit exosum*. *Quartò*, Hic jam tum anno 827 Rhetia egit Præfectum, & illo circiter tempore Cœnobium condidit, ac proinde jam tum indubie quadraginta præter propter annorum fuit: Ille quadraginta demùm annos post Comitem potuit Palatii agere: quo munere virum octogenarium potuisse fungi, non est verosimile. Si Hunfridi nepos condiderit Cœnobium, ne in hoc quidem Diplomati consensit. Nam hic Adalricus fuit dictus non Adalbertus: nec Comes Palatii fuit sed Rhetia Curienfis. Vtque fuerit Comes Palatinus Rheni, non fuerit tamen Comes Palatii: hæc sanè quàm multum differant, consequens caput pluribus demonstrabit.

VII.

Verum de Bucelinianis fortasse plusquam satis. Superest uti etiam quæ HYPERASPISTA narravit examinemus.

Igitur illud quidem fatendum venit, illum à Diplomate quam minimùm dissidere. Quod non est mirum, quoniam ille unus videtur habuisse Diploma ad manum, & totus in id incubuit ut Diplomati fidem conciliaret, quod reliquorum nulli fuit propositum. Convenienter itaque satis thesi adamatæ illas de Adalberto fabulas formavit. Hinc non fecit sua quæ Bruschius, Munsterus, Crusius, & Gulerus habent

habent de condito Cœnobio jam tum imperante Carolo Magno circa annum dccc x, ab Imperatoris illius cognato Adalberto, & Lendaugiæ prima nuncupatione. Non aliam de causa quam quia adversantur nimis Diplomati. Quam cupidus cæteroquin fuerit etiam illarum fabularum, quia pag. 11. §. Ist deswegen verba Guleri de illo Adalberto interpolaverit suis illis: darin als Adelbert in Wassenroht war hat er nach aufweisung Lindawischen und andern Chronicken Gott verlobt an den Ort ein Kloster zu bawen / da er anlanden könte / welches in dieser Insel da das Kloster sticht ihm Gott vergönt: plusquam satis prodidit. Eadem sola de causa vehementer impugnat narrationes de Adalberto cæso in prælio contra Ludovicum Germanicum: quoniam scilicet illa præpopera mors turbasset omnem Diplomatis fidem. Ea autem argumenta quibus nos uti sumus, non adhibuit præscientia.

Verum enimverò quod sine omni testimonio veteri & novo, & contra consensum optimorum quorumvis, ausus fuerit pro libitu homo ille fingere historias, hoc sanè intolerabile est. Quod Rhetiaë enim Comitibus primam Cœnobii originem vindicet, in eo potuit quidem auctores laudare Stumphium pariter & Gulerum: diserte autem idem Stumphius: Umb diese Zeit anno 860 hat in Thurer Rhetia geherrschet und gelebt Graff Adelreich / des vorbenannten Adelberti Sohn: diserte item Gulerus de Ludovico Germanico Rege: Sein Landvogt über Rhetien war Graff Adelreich Adelberts Sohn. Ex adverso Hyperaspista ausus est fingere, adhuc anno 866, Rege Ludovico, Rhetiaë Præfecturam fundum Adalbertum. Uterque item diserte scribunt, ab anno 39 ad obitum usque Rhetiam administrasse Adelbertum, Hyperaspista autem fingit, illum interea fuisse & Comitem Palatii. Summa etiam temeritate non dubitavit scribere, es ist nit zu zweiffeln / Adelbertum Rhetiaë Præfectum accessisse Ludovici Regis partibus contra Lotharium

tharium: nullo teste adducto, sed inepto aliquo argumento. Quidni autem adhæserit potius Lothario tunc potentiori, sicut fecit Abbas S. Galli? Perinde atque inani ratiocinatione voluit probare, anno 841 non successisse patri Adelicum, quoniam scilicet ejus filia Henna anno demum 890 nupsit Comiti Lenzburgensi. Ast nupsisse non dixit Stumphius sed tantum quod illa tum temporis vixerit: solus Gulerus autem quia id tradit merito dubium est. Esto tamen. Quidni verò poruerit Adelicus jam anno 841 fuisse viginti quinque annorum, atque ita satis idoneus Rhetia gubernanda; Henna item patre jam sexagenario circiter nata nubere ætatis anno vicessimo aut amplius post patris obitum?

Quantumvis porro ita hæc veteratoria quadam arte finxerit callidus Hyperaspista, omnibus tamen illius figmentis planè subruendis plusquam sufficiunt, ea quæ jam tum demonstravimus; nempe quod nullus Adalbertus Cœnobium condiderit, quodque illo anno, quo Diploma fertur confectum, nullus Adalbertus Comitem egerit Palatii. Quæ duo itidem demonstrant, bonos quorum narrationes produximus viros, à Cœnobialibus pessimè quidem fuisse delusos in Adalberto agnoscendo tanquam primo Cœnobii conditore, atque eo etiam imposturæ & delusionis bonorum nomine Diplomatis fabricatorem detestationem mereri; non potuisse tamen ita sese de reliquo gerere, quin à Diplomate multum recederent.

CÆTERVM quod narrationes de Adalberto Cœnobii conditore, quotquot hæcenus prodierunt in lucem, plurimum & inter sese, & à Diplomate, & à vero dissentiant, quoniam satis est ostensum, hunc quoque locum nunc deferemus. Modò unum hoc addiderimus: longè rectius potuisse Hyperaspistam rebus Diplomatis consulere, si dixisset, ignorari cujus ditionis Comes fuerit Adalbertus Diplomati laudatus. Perinde scilicet atque nos fatemur, quales Comites fuerint

tres illi, quorum sepulchra supersunt in Capella Cœnobii, nesciri. Ita certe multis objectionibus potuisset prævertere. Nec vero etiam nos non agnoscimus, plane isthac tempestate etiam alios fuisse celebres Adelbertos Comites. Cujusmodi fuit utique Stumphio sæpe laudatus Thuricensis Comes. Quamvis nec ita effugisset Hyperaspista vim eorum quæ cap. IIX & IX disputavimus,

CAPUT XI.

Neminem ætate veterum Francorum Regum aut Imperatorum audisse Comitem SACRI Palatii. Quum tamen in Diplomate ita usurpetur Adalbertus, indicio id certo esse, non illud Diploma confectum seculo Christiano nono: per autem verosimile, ab impostore esse fabricatum post tempora deniq. Friderici primi Imperatoris. Ingens porrò discrimen esse, inter Comites Palatii & Comites Palatinos provinciarum, demonstratur adversus Hyperaspistam & alios.

ILlo anno quo conditum se esse jactitat Diploma, non Adalbertum sed Ansbertum fuisse Comitem Palatii: eorum porrò qui Cœnobii Lindaviensis prima jecerunt fundamenta neminem dictum Adalbertum aut Palatii fuisse Comitem, atque ita isthac unâ in re duo gravissima falsi crimina à Diplomatis auctore esse commissa, jam liquet. Etiam verò tertium eodem hoc loco impostorem commisisse falsi crimen, nunc itidem demonstrabimus. Hæret autem illud in epitheto SACRI: dum scilicet Adalbertum nuncupavit falsarius SACRI Palatii Comitem. Nemo scilicet SACRI Palatii Comes audivit stante republica veteri Francorum, sed nudè

Comes Palatii appellatus est, quicumque illa quidem tempestate isthoc functus est munere. Quia imò ex Justiniano Codice id genus loquendi acceptum, atque ità Diploma post Friderici primi Imperatoris ætatem denique esse consarcinatum, ostendemus.

QVO autem res omnis fiat exactè manifesta, præmittenda mihi fuerint nonnulla, de Aulæ sive Palatii veterum Francorum Regum Carolovingicæ familiæ constitutione & præcipuis officiis. Scripsit de hoc argumento Ludovico Pio imperante singularem libellum, titulo *De Ordine Palatii*, Adelhardus utriusque Corbejæ Gallicæ & Germanicæ Abbas, magnæ vir nobilitatis pariter & in republica auctoritatis, propinquus scilicet Caroli Magni & eidem à consiliis. Quod opusculum tanti fecit Hincmarus Remensis Archiepiscopus, etiam ipse nobilitate doctrina ac dignitate inter ævi sui primos, ut rogatus à Ludovico Balbo Rege Caroli Calvi filio ac successore, consilium de reparando collapsæ reipublicæ statu, prudentissimæ suæ ad Regem istum Epistolæ non dubitaverit saltim pluraque istius libelli inserere. De illo hæc præter alia notavit vir rerum Ecclesiæ veterum summè peritus Stephanus Baluzius ad Agobardum pag. 33. *Morsuus est anno DCCCXXIII postridie Kal. Ianuarii, cum anno superiore Breve sive Libellum conscripssset, de iis quæ deinceps observari volebat in monasterio Corbejensi, qui liber editus est in Tomo IV Spicillegii Domni Lucæ Dacherii Monachi Benedictini.* Cæterum nos etiam heic ex laudato ante libro quædam excerpemus: ea tamen duntaxat quæ ad nostrum faciunt institutum. Non enim usquam ille integer superest: etsi fragmenta quædam in manus suas incidisse, testetur Freherus l. 2. *Orig. Pal. c. 1.* Igitur cum Adelhardus apud Hincmarum *epistola XIV c. XIX* Sirmondianæ omnium Hincmari operum editionis, retulisset, in Aula sive Palatio potiores fuisse duos ministros regis Capella-

Capellanum & Comitem Palatii, addit: *E quibus precipui duo, id est Apocrisarius, qui vocatur apud nos CAPELLANVS vel Palatii Custos, de omnibus negotiis Ecclesiasticis vel ministris Ecclesia, & COMES PALATII, de omnibus secularibus causis vel iudiciis, suscipiendi curam instanter habebant. Vt nec Ecclesiastici nec Seculares prius Dominum Regem absq. eorum consensu inquirere necesse haberent, quousq. illi prouiderent, si necessitas esset, ut causa ante Regem meritis venire debeat. Capite xx de Apocrisario ita differitur: Apocrisarius quidem de omni Ecclesiastica religione, vel ordine, nec non etiam Canonica vel Monastica altercatione, seu quacumq. Palatium adibant pro Ecclesiasticis necessitatibus, sollicitudinem haberes, ut eas tantummodo de externis Regem adirent, quae sine illo plenius definiri non potuissent. De Comite etiam Palatii hunc in modum: Comitibus autem Palatii inter cetera pene innumerabilia in hoc maxime sollicitudo erat, ut omnes contentiones legales, quae alibi orta propter aequitatis iudicium Palatium aggredebantur, iuste & rationabiliter determinaret, seu perversè iudicata ad aequitatis tramitem reduceret: ut & coram Deo propter iustitiam, & coram hominibus propter legum observationem, cunctis placeret. Si quid verò esset tale, quod leges mundanae in suis definitionibus statuum non haberent, aut secundum gentiliū consuetudinem crudelius sancitum esset quàm Christianitatis rectitudo vel sancta auctoritas meritis non consentiret, hoc ad Regis moderationem perduceretur: ut ipse cum his qui utramq. legem nossent, & Dei magis quàm humanarum legum statuta metuerent, ita decerneret, itaq. statueret, ut ubi utramq. servari posses utrumque servaretur: si autem, lex seculi meritis comprimeretur, iustitia Dei conservaretur. De duobus illis negotiorum reipublicae in Palatio summis ministris, eodem seculo Christiano nono, Walefridus Strabo Fuldenfis Monachus ita scripsit. Quemadmodum sunt in Palatio Praefectus vel Comes Palatii, ita & illi quos summos Capellanos Franci vocant. Item & illi quos summos Capellanos*

lanos Franci vocant Clericorum causis palatii. Comitem Palatii solis secularibus negotiis expediendis tunc fuisse præfectum, liquet etiam ex epistola Hincmari Remensis Archiepiscopi Fulconem Comitem Palatii rogantis, ut supersedeat cognitioni super accusatione quadam coram ipso instituta, quod hoc iudicium ad Synodum Episcoporum non iudicem Laicum pertineret. Accipienda quoque de duobus illis sunt verba cæteroquin nonnihil obscuriora Epistolæ Episcoporum Remensis & Rhotomagensis Diæceseos ad Ludovicum Germanicum Regem scriptæ anno 858, quam loco **xxiii** inseruit Capitulis Caroli Calvi vir rari inter suos candoris & doctrinæ Jacobus Sirmondus, cum nemo tunc fortè Archicapellani munere in Palatio Ludovici fungeretur: cap. vii pag. 180. *Ut si Episcopus pro quacumq; necessitate Ecclesiastica ad vos direxerit, ad quem suus missus veniat, per quem quæ rationabiliter zenueris obtineat, in Palatio vestro, sicut Comes Palatii est in causis reipublica, ministerio congruum constitutum habere.* Et verò de Archicapellano constituendo rectè etiam Sirmondus hæc interpretatus est in suis doctissimis Notis, ut & Illustrissimus Parisiensis Archiepiscopus operis incomparabilis *de Concordia Sacerdotii & Imperii* l. 4. cap. 7. n. 4. Rectè porro in eruditissimis ad Marcam additionibus pag. 219 editionis Parisiensis, quæ prodiit anno huius seculi sexagesimo nono, admonuit, ejusmodi rerum peritissimus, optimeq; de Ecclesia editis in lucem atque illustratis, præter Marcæ opus istoe, compluribus veteris ævi scriptoribus meritis, Stephanus Baluzius, cum quo contractam mihi amicitiam plurimùm gaudeo: Archicapellanos etsi Abbates essent ea polluisse dignitate, ut etiam in Synodis principem locum super ipsos Archiepiscopos obtinerent, à Regibus tamen pro arbitrio fuisse constitutos & vicissim loco motos. Quorum posterius confirmare maximè queunt Diplomata Regia de sacris negotiis confecta: qualia nonnulla etiam

etiam nos produximus; ex quibus patet tantum non singulis propemodum annis alium atque alium hoc munus in Palatio obfuisse. Quale quid circa Comites Palatii itidem tunc temporis indubie est observatum: minus tamen facile probatu nobis est, quoniam deficiunt ferè Diplomata Regia de civilibus negotiis.

Non fert institutum huic argumento immorari: sed & erit illud libro de *Judiciis Germanicis* planè exacteque pertrahendum. Itaque nunc sufficiat didicisse, negotia reipublicæ in Palatio duas in summas classes isthac Francorum Regum tempestate fuisse divisas, in Sacras nimirum & Civiles, atque singulis summum curatorem fuisse præfatum, illis Archicapellanium, hisce Comitem Palatii.

AD NOSTRVM igitur propositum ut jam aggrediamur, Archicapellanus quoniam sacras causas administrabat in Palatio, dictus illa ætate est satis frequenter *Sacri Palatii Archicapellanus*: nunquam verò ita audiit rerum secularium summus in Palatio minister, sed nudè duntaxat *Comes Palatii*. De Archicapellano in ipsis iis quæ adduximus Diplomatribus *cap. V pag. 34* exstat exemplum, ubi Gozbaldu Abbatem vocat Ludevicus Rex noster *sacri Palatii nostri supremum Capellanum*. Dudum ante, in *Prefatione Concilii apud Moguntiam habiti anno DCCCXIII* imperante adhuc Carolo Magno, Hildebaldu Colonienfis Archiepiscopus appellatur, *Sacri Palatii Archiepiscopus*. Diplomati quoq; Caroli Magni, quo instituit Episcopatum Bremensem, habeturque in *Historia Ecclesiastica* Adami Bremensis, ut & alteri quo Trutmannus est Comes institutus, apud Meibomium in *notis ad V Visikindum p. 63*, iam anno 788 hæc verba subscripta fuerunt: *Hildebaldu Archiepiscopus Colontensis & Sacri Palatii Capellanus*. Operum Agobardi Lugdunensis Archiepiscopi *Tomo I*, optimæ omnium editionis Paluzianæ *pag. 192* exstat Epistola Agobardi ad *Proceres Palatii, contra præceptum*

scriptum de baptismo Iudaicorum mancipiorum, hisce verbis incipiens: Dominus & sanctissimis, beatissimis viris, illustribus; Hilduino sacri palatii antistiti & VVale Abbati, Agobardus servulus. Vixerunt autem omnes hi, scriptaque adeo hæc epistola est, impetrante Ludovico Pio Caroli M. filio. Recte autem ad illa verba notavit doctissimus Baluzius: Hilduinum hunc, Summum Capellanum vocari. Præcepto Ludovici Pii pro Hildebaldo Episcopo Marisconensi, quod extat in Bibliotheca Cluniacensi. Addiditque: Habebant Principes nostri in Palatio suo quempiam Ecclesiastici ordinis virum qui ceteris præmineret, dictum ob hoc Sacri Palatii antistitem, vel Sacri Palatii Archiepiscopum. Quod postremum tamen nondum mihi est persuasum: de Archiepiscopi scilicet titulo, si Archicapellanus non nisi Episcopus esset. Etsi enim ita Hildebaldum audiisse in præfatione Concilii Moguntini, paulo ante sit dictum; videtur tamen id mendosum, legendumque: prout diximus ab Hildebaldo alibi esse subscriptum. Eadem verò de causâ Ecclesia Senonensis, in epistola ad Hilduinum scripta, quæ reperitur ad calcem Tomi secundi Conciliorum Gallia, vocat illum, sacris negotiis à Deo prælatum. Autor porro historiæ Vita Ludovici Pii anonymus à Petro Pithæo editus, agens de Imperatoris illius extremis pag. 424 editionis Wecheliana scribit: inter alios decumbenti adfuisse Drogonem Merensem Episcopum nec non Sacri Palatii Archicapellanum. Henr. Canisius præterea Canones edidit Synodi, quam inscribit Regiam Ticinam, sed perperam, cum sit habita Ticini, quæ urbs regni Italici fuit tum regia, anno Christiano MCCCL, Lothario cum filio Hludovico impetrante. Ejus cap. 161 hæc sunt verba: Suggestendum est beatissimis Imperatoribus, quia hi qui Monasteria & Xenodochia sub defensione Sacri Palatii posuerunt, ideo secesse probantur, quod à nullo melius quàm à summis potestatibus protegendis crediderint. Alia ex ævo isthoc testimonia adducere, nullum fuerit operæ præ-

tium

tlum. Indubie verò respexerunt huc Episcopi Diceceseos Remensis & Rhotomagensis in suâ ad Germanicum nostrum Ludovicum epistolâ cap. v *Palatium vestrum debet esse sacrum & non sacrilegum.*

Quamquam verò illam appellationem tunc temporis Archicapellanus meruerit, quoniam tamen Comes Palatii circa secularia vel civilia duntaxat negocia fuerit versatus non autem sacra, nemo illorum Comitum dictus rum fuit *Sacri Palatii Comes*, sed simpliciter *Comes Palatii*. Id ipsum unico illo testor argumento; quia ex omni Francicorum Regum ævo nullum potest adduci exemplum, nullum vestigium, nulla *vola Sacri Palatii Comititis*, aut *Sacri Palatii*, quando de civilium negotiorum curatione res est, etsi Comititis Palatii mentio supersit frequentissima.

Hinc verò consequens omninò est, Diploma Lindaviense neutiquam ævo Francicorum Regum esse confectum, sed ab ejus fabricatore grande falsi crimen etiam in suo *Sacri Palatii Comite* perpetratum esse.

Videtur hoc ipsum nec sagacissimum Helderum præterrisse. Etsi id quod ait, *pag. magni voluminis 867. octava suspitione*, in titulo Adelbertino Comititis Palatii Sacri, *postremum verbum magis Romanorum quam Francorum styllum redolere*: queat ita accipi, quasi simpliciter vox *Sacri palatii* Francorum Regum ævo in nullo usu fuerit. Etiam Hyperaspista tamen ignoravit, dictionis illius usum circa Archicapellani officia, modò à nobis indicatum. Eoque nihilejus adducens, inter sua quæ *capite VIII, pag. 109* Heidero respondit, confugit ad Limnæum & Besoldum, qui docuerint quod à Romanis sua dignitatum nomina Germani olim acceperint, Romanis autem omnia Cæsarea olim fuerint *sacra* nuncupata, quodq; etiam num hinc Imperium vulgo *Sacrum* audiat. Indubie multum gloriaturus & in-

& insultaturus Heidero, si eorum aliquid, quæ de *Archicapel-
lanis Sacri Palatii* nos diximus, venisset ipsi in mentem.

Sunt autem nullius plane momenti quæ attulit contra optimum Heiderum Hyperaspista. Perinde enim atque verum est quod affirmat, Romanos non accepisse sua dignitatum discrimina à Germanicis gentibus, ita falsum est quod Francistalia omnia à Romanis sint mutuati. Latina illa verba *Comes & Dux* debentur, fateor, sequiori Romani Imperii ævo. Quoniam nimirum scriptores Latini Germanorum observaverunt aliquam similitudinem inter Graviones aut Hertzogios Germanicos & Romanorum Comites Ducesque, atque deessent commodiora vocabula, quibus nostra illa Germanica Latine exprimerentur. Reapse tamen Germanica nostra & Romana plurimum differunt, si officia Gravionum & Comitum, Ducum item & Herzogiorum expendantur. Si sanè duntaxat solam videas rationem judiciorum, quibus Germanorum Graviones ab omni retrò ætate præfuderunt, longe illa Germanica olim semper absuerunt à Romanorum institutis. Utque ad rem nostram redeamus, Palatii Romani & Francici regimen toto cælo fuerunt diversa. Quod Hyperaspista existimaverit illa fuisse similia, arguit ejus imperitiam. Heiderum verò ab ejusmodi accusatione res ipsa absolvit.

Frivolum porro est quod ex Besoldi & Additionatoris ejus Thesauri Practico adducit: (ipse enim horum nihil in antiquis Francicis monumentis legit) in Capitulari Caroli Magni l. 3. cap. 77. & l. 2. Leg. Longobard. 118. 45. legi quidem Comitibus Palatii appellationem sine addita voce *Sacri*, verum & inscribitur titulum Codicis de Comitibus & Archiatris Sacri Palatii, in textu autem deesse vocem *Sacri*. Ineptum inquam hoc est, nec doctissimus Heiderus illo est argumento usus. Nos non provocamus ad sola illa Capitularium Francorum aut Legum Langobardicarum verba; sed simpliciter negamus, in ul-

in ullo Francorum veterum Regum monumento occurrere illud *Comes Sacri Palatii*.

Quod addit, *omnia Principum esse sacra*, agnoscimus verum esse ex sententia Romanorum: Francorum Regibus idem fuisse visum, pernegamus. Est autem nunc quæstio non de institutis Romanis sed de Francicis.

Imperium hodie *Sacrum* vulgò appellari, non profecto & Heidero fuit ignotum Sed ignoravit Hyperaspista, hanc appellationem à Friderici primi Imperatoris ævo demum cepisse: ante à prima usque origine Regni Francorum nunquam fuisse auditam. Paulò post eà de re plenius aliquid adferemus.

Impudenter postremò Hyperaspista ausus fuit insultare senectuti & oblivioni eruditissimi optimique Heideri; quod scilicet ignoraverit Comites Palatii solitos nonnumquam dici Comites Sacri Palatii Lateranensis, idque Limnæum interpretari de Palatio Lateranensi quod est Aquisgranum. Non est nobis nunc res cum Limnæo, sed cum Hyperaspista nugarum superbo mangone. *Primum* verò unde constat Hyperaspistæ, illa Limnæi ignorata fuisse Heidero? Et si sanè non approbaverit, non tamen ignoravit. *Secundò* nugæ sunt & fabulæ, Comites Palatii florente Francorum regno nonnumquam dictos, *Comites Sacri Palatii Lateranensis*. Delirium *Tertiò* est, Comites Palatii, qui in Francorum Regum fuerunt aulis sive Palatiis, ab Aquisgranensi Palatio nomen suum accepisse: cum fuerint, ante conditam domum Aquisgranensem Lateranis dictam.

Debuisset Hyperaspista ex antiquis monumentis Francorum Regni rerum saltem unum attulisse testimonium ejus quod in Diplomate reperitur: nempe tunc quenquam audisse *Comitem Sacri Palatii*. Nihil hujus potuit: rudis in illis monumentis volvendis hospes. Nihil hujus potuit vel ex

Limnæo vel ex Besoldo vel ex alio aliquo exculpere, omnia sua adhibita industria. Ne tamen nihil egisse imperito lectori queat videri, non dubitavit alienas vendere ineptias.

CÆTERUM ut in viam redeamus, certo est cerrius, stante Francorum republica neminem audisse *Comitem Sacri Palatii*. Unde &, quandonam ergo & unde fabricator Diplomatis illum titulum fuerit nactus, forte non abs re fuerit heic inquirere. Ex more Francorum ævi non esse acceptum, jam tum liquidò probavimus. Non etiam verosimile est, forte fortuna fabricatori isti in mentem venisse aliquem *Sacri Palatii Comitem*: sed aliunde acquisitum esse & exemplo aliorum. Nulli autem populi, præter solos sequioris Cæsarei ævi Romanos, tales *Sacri Palatii Comites* agnoverunt. Ac proinde Romanum exemplum imitatus hac in re fuit impostor. Verum tamen & illius Romani moris nullum temere reperire est testimonium aut indicium, præterquam in Codicibus Romanarum Legum cum Theodosiano tum Justiniano. Et verò etiam Theodosiani Codicis libri sexti titulus dicimus sextus inscribitur: *De Comitibus & Archiatris Sacri Palatii*: perinde atque curâ Triboniani post eandem inscriptionem accepit Titulus decimus tertius libri duodecimi Justiniani Codicis. Ex alterutro igitur illorum Codicum accepit suum *Sacri Palatii Comitem* Diplomatis fabricator. Ex Theodosiano nancisci non potuit; quoniam saltem in Germania ejus nulla fuit quondam vel memoria, multo minùs ulla auctoritas. Ne in Italia quidem à Justiniano usque ulla itidem Codicis istius mansit existimatio. Quo factum, ut in universa Italia hætenus non potuerit ullum istius Codicis manuscriptum exemplum reperiri. In Gallia porro locum veri illius Codicis occupavit is quem Anianus jussu Regis Alarici consarcinavit, & post confirmavit ipse Carolus Magnus: quapropter ne ibi quidem Codex Theodosianus integer nunc superest.

Libro de Origine Juris Germanici cap. XX hæc latius fui jam pridem persequutus. Codicis igitur Justiniani denique exemplum fuit secutus Impostor: & in suum Diploma transulit nomen quod invenitur inscriptum soli titulo sexto decimo libri duodecimi. Jam verò ille quidem Codex seculodemum duodecimo capit in majore aliqua esse estimatione per ipsam Italiam, in Germaniam ejus aliqua notitia fortè venit illius demum seculi fine. Id quod itidem latius ostendimus illius nostri de Origine Juris libri aliquot capitibus, cum primis *vicefimo tertio*. Hinc autem jam unicuique sit manifestum, Diploma illud, ista denique minimùm tempestate, si non seriùs, ab Impostore esse confectum: atque adeo clarissimè etiam isthoc indicio prodi nequissimi hominis fraudem & improbum scelus.

Inepte verò etiam Impostor credidit, Comitem Palatii Francici more Romano rectè dici *Comitem Sacri Palatii*. Romana enim Sacri palatii Comitiva non officium aliquod denotavit Palatii, ut apud Francos; sed, (ceu etiam Petrus Pithœus notavit in sua de Comitibus Palatinis dissertatione inserta libro Gallice conscripto de Comitatu Campaniæ) duntaxat nomen fuit dignitatis, quo videntur appellati illi qui alias censebantur *in primi ordinis Comitiva*. Quapropter etiam Archiatris nonnullis hæc dignitas data est olim in Palatiis sequioris ævi Imperatorum, ut & Professoribus Constantinopolitanis, aliisque: quorum nemo functus est officio aliquo quod competiit Comiti Palatii Francico. Velut etiam Francicorum illorum Regum tempore vox *Comes* unice significavit judicem, qui alias vernacula lingua *Grave* appellabatur: nihil aliud. Officium itaque semper denotavit, nunquam meram aliquam dignitatem, quod tamen Romano illo ævo sic satis fuit frequentis usus. Id quod saltem obiter heic monuisse fortassis haud erit absque pretio operæ.

Observandum autem omnino est, etsi jam illo seculo duodecimo Codicis Justiniani reverentia denuò cæperit, non tamen illam veteris Romani ævi consuetudinem, de Cæsareis rebus *Sacri* cognomento appellandis, reductam esse. Enimvero Cæsareum Palatium ἀπλῶς vocatum est olim *Sacrum*: ceu liquet ex Codice etiam *De Professoribus & Medicis*, ubi legitur, *universi qui in Sacro palatio inter archiatros militaverunt*, ex Codice item *De privilegiis eorum qui in Sacro palatio militant*: ne denuo nunc repetam Codicem *De Comitibus & Archiatris Sacri Palatii*. Non enim nunc adducam titulum 34. l. 1. Codicis qui vulgo inscribitur *De officio Comitum Sacri Palatii*: quia recte censuit Cujacius scribendum: *De officio Comitum sacri patrimonii*. At verò de Sacro etiam cubiculo est Titulus v libro xii Codicis. De *magistris Sacrorum scripturorum* agit Titulus ejusdem libri nonus: ut Titulus xix *De proximis sacrorum scripturorum ceterisque qui in sacris scriptis militant*. Titulo xi fit mentio *Sacri stabuli*. De *Sacrarum largitionum Comitibus* quidem agit Titulus v: *Palatinis* autem viceſimus quartus ejusdem libri. Alia Comitum non tango. Ab isthac autem arrogancia semper abstinuerunt Germanici Imperatores. Et *Sacri palatii* cognomentum mansit penè soli Pontificio Palatio illi quod Romæ circa Ecclesiastica occupatur, cujus præses audit Magister Sacri Palatii, aut Sacri Palatii Lateranensis, more jam tum Christiano seculo nono & retrò amplius recepto. Quum sane sui temporis Constantinopolitani Imperatores ἀγίως aut *Sacros* sese appellarent, Fridericus id nominis primus, fortissimus nostrorum Imperatorum, gravissime id superbiæ nomine perstrinxit: Imperium tamen ipsum Romanum primus omnium *Sacrum* appellavit. Qua de re jam tum antehac quædam annotavimus ad Lampadium pag. 105 & 262. Hinc etiam ille Henricus *sacri palatii notarius*, qui inter alios legationem in Græciam obiit missus à Friderico

derico isthoc I Imperatore, apud Radevic. l. 4. cap. 78. ex Curia Romana Papali fuit assumptus, ut Legatus tertius Petri Polani Venetorum Ducis filius, Venetiis. Tanto magis ergo nullam excusationem meretur Diplomatis fabricator, quod intolerabili stultitia non dubitaverit voces illas *Sacri palatii Comitibus* suo quem finxerat Adalberto attribuere. Nec verò quidquam illum juvare potest, quod Guntherus Friderico I Imperante cecinerit *libro quarto sui Ligurini* de Hermanno Comite Palatino Rheni:

Hermannus, SACRAE Comes in chrys. aule

Cujus erat summo tellus circumflua Rheno.

Poëtæ enim loqui ita licuit: at nomine Imperatoris loqui aliter atque fert stilus Curia, nemini fas est, sed crimen grande. Indubie vero etiam Guntherus eâ in appellatione secutus est Codicem Justinianum qui tum primùm revocatus nonnihil erat in usum, non veterem aliquem Germaniæ morem.

VERVM de hisce satis. Quam scœdum enim & *sacrum* falsi crimen hac etiam in re patrauerit Diplomatis fabricator, quamque multis demùm post Ludovicum, cui ausus est nebulo Diploma illud attribuere, sæculis id cæperit, sole meridiano jam clarius est.

Haftenus igitur quidem possumus illum Impostorem jubere in orco suo, unde impurum caput extulit, nonnihil quiescere: non possumus autem non Hyperaspistæ causâ, quoniam præbetur hic nobis occasio, adhuc aliqua addere. Quamvis enim ille noverit, suum illum Adelbertum in Diplomate dictum esse *Sacri Palatii Comitem*, non dubitavit tamen eundem facere *Palatii Magistrum in Rhensia*. Atque eo ipso prodidit, se se etiam cum aliis tum illo etiam nonnullorum errore infectum, tanquam Provinciales Palatini Comites ejusdem olim fuerint conditionis cum iis qui verè erant

Francicorum Regum ætate *Comites Palatii*. Non accuso hominem, quod solus aut primus hîc aberraverit. Jam ante ipsum id factum esse à Viris præclaris, fateor. Quoniam tamen ille isthoc suo errore vim veritati nunc adeo facit, & improbam Diplomatis fidem audet eo statuminare, cogor quasi, hoc loco errorem istum nonnihil saltem discutere: idque eò magis, quia jam tum suprâ id me facturum promisi.

Igitur per omnem Germaniam varios olim fuisse constitutos Palatinos Comites, certum est. At verò *primum* nemo illorum dictus est Comes Palatii, sed Comes Palatinus. *Secundo* tunc demum illi sunt constituti, quando Duces hæreditarios instituere placuit, atque ita seculo circiter decimo. *Tertio* illorum munus ab officio veterum Palatii Comitum omni ex parte fuit diversum. Quorum omnium consequens est, eo ipso quo Diploma profitetur Adalbertum suum fuisse *Comitem Palatii*, negari quod fuerit Comes aut Magister Palatii in Rhetia.

1. Ut de tribus illis ordine sigillatim aliquid dicamus, neminem Comitum Palatinorum qui provinciis præfuerunt, dictum esse *Palatii Comitem*, secure assero, quandoquidem ex omni illo ævo vetere certus sum nullum produci posse assertioni huic meæ adversum testimonium. Et vero illud *Palatii Magister in Rhetia* ne legi quidem in pictura Cœnobiali sed fictum esse ab Hyperaspista, jam tum ostensum est pag. 140. Imò vix reperiās quenquam dictum illa tempestate *Magistrum Palatii*: etsi ita nuncupatos illos qui aliàs audierunt *Majores domus* nonnulli referant. Enimvero in Oratione Eumenii Rhetoris *pro Scholâ* legitur & *Palatii Magisterium*, sed ævo Carolino vox illa fuit insolens: & ne seculo quidem Christiano quarto aut quinto frequens inter Palatii Romanorum Imperatorum officia, eoque uni fortassis Eumenio memorata. Ad

ta. Ad majestatem solito majorem Germanici Imperii, cum Fridericus primus Imperator seculo duodecimo ex more prisco certis Principatibus contulisset in perpetuum septem Officiorum Imperii dignitatem, Comitem Rheni quasi substituit in locum veterum Palatii Comitum : non tamen illi Principes solemnibus formulis dicti fuerunt *Comites Palatii* sed *Comites Palatini*. Illud sanè Güntheri :

Hermannus, sacra Comes inclusus aula :

jam tum indicavimus Poëticum esse, non ex stilo Curix. Perinde atque ejusdem notæ est etiam illud Güntheri passim: *Comes aulicus ille*, pro Comite Palatino Rheni. Ut etiam istud

Ille Palatina custos celeberrimus aula

Non potuit vitare Comes.

Audiit quidem Friderico I Imperatore etiam Otto non tantum *Comes Palatinus de Bajoaria*, sed etiam *Comes Palatii* l. 3. cap. 20. apud Radevicum : sed ille reapse Palatii Comitem in aula agebat Friderici, perinde ut alter, qui socius fuit narratæ ibi legationis, Reinoldus erat aulæ Cancellarius. Sic apud Luitprandum Ticinensem l. 11. cap. 15. & 16. memoratur *Odalricus Comes Palatii*: etiam verò illeungebatur isthoc munere in aula Berengarii Regis.

Velut autem Comes Palatinus provincialis non Comes Palatii, ita ex adverso item *Comes Palatii*, Carolino quidem ævo, (nam omnia post multum mutavere donec plane perierint) non temerè audiit *Comes Palatinus*, non certè solemnialiquo Curix usu. Perperam sanè Freherus, & jam ante illum P. Pithæus, in verbis Eginardi de Carolo Magno, etiam dum calcitrarent aut amicerentur litigantes audiente : vocem *Comitum Palatii* mutaverunt in Comitem Palatinum. Eoque nec idem Marquardus Freherus V. C. Ansfridum, qui Palatii fuit Comes, appellans *Comitem Palatinum*, observavit Curix stylum quem

quem vocant, sed illam vulgarem loquendi rationem est secutus, qua omnes Palatio ministrantes *Palatini* usurpantur. Quorum potissimi Carolina tempestate dicti alias sunt *Proceres Palatii*. Quo ævisui more Agobardus Lugdunensis Archiepiscopus, Ludovico Pio Imperante, epistolam Matfredo magno Palatii tum ministro (ab ipso Ludovico Imperatore dictum *virum Illustrẽ* notavit eruditissimus Baluzius in præclaris ad Lupum Servatum Notis. ep. 29) missam inscripserat: *Ad Matfredum Procerem Palatii*: & illi, cujus jam meminimus ad Hilduinum & Wenslonem scriptæ, titulum fecit: *Epistola ad Proceres Palatii*.

II.

Alterum quod asseruimus constat item ex eo, quod ante institutos Ducatus Provinciales, nulla reperiatur memoria in monumentis antiquis Comitum Palatinorum, provinciarum gubernationi admotorum. Et Carolus quidem Magnus illos qui antehac fuerant in regno Francorum Ducatus ejusmodi antiquavit: prudenter judicans minimè illos expedire Regio regimini monarchico, si præsertim ad filios essent devolvendi Ducatus hereditario quasi jure. Æque prudenter sese gessisse filium Ludovicum, aut nepotes, non dixerim. Arnolphus videtur in Germania quidem prius omnium illud cautè antiquatum institutum reduxisse quodam modo in Bajoariam: filius ejus Ludovicus longè fuit ea in re ipsomet patre suo prodigalior. Ex eo autem denique observare est, mentionem fieri in antiquis monumentis Comitum Palatinorum, qui provinciis una cum Ducibus fuerint præfæci. Hinc Andreas Ratisbonensis Presbyter, cujus Chronica Bajoariæ debet lux publica Marquardo Ftehero, p. 31 scribit de Arnolpho: *Arnolfus Regum Europa famosissimus castrum Schiera in terra Bavaria construens, Comitatus Palatinos ibidem instituit.* Alii Palatinorum illum Comitum exordia Saxonici Cæsaribus demum adscribunt. Utque verum fatear, idem mihi videtur

videtur verisimilius, jamque tum probatum est alibi, ubi de *Ju-
diciis Germanicis* disputavi. Non sane hoc Andreæ testi-
monium magni est momenti. De illius autem ordinis Co-
mitibus Palatinis ita loquutum est l. 3. *Art. 53 Speculum
Saxonicum*, cujus auctor initio seculi decim tertii, seu proba-
vimus l. de *Origine Juris Germanici cap. 30*, vixit: *Qualibet provin-
cia Teutonica terræ suam habebat Palantagrationem, Saxonis,
Bavaria, Franconia, & Suevia. Quæ antequam à Romanis supera-
bantur Regna fuerunt, à quibus ipsa in Ducatus nomina fuerunt per-
mutata. Assamen Illustrēs in vasallos, & vexillorum feuda obti-
nuerunt.* Non quidem vera sunt quæ hic narrat auctor de in-
stitutis per Romanos Germaniæ illis Ducatibus: de suæ ta-
men tempestatis moribus, quod nempe istis regionibus sui
fuerint Comites Palatini, tutò potuit testari. Et verò ita sese
rem habuisse, compluribus possit aliis testimoniis confirmari
si opus fuerit.

Observari autem meretur, à nullo veterum scriptorum
memorari seorsim Rhetiæ Comites Palatinos: sed Sueviæ,
cujus olim pars fuit Rhetia, Palatinos Comites Tybingæ po-
tissimum floruisse, ac proinde Tybingensium Palatinorum
Comitum memoriam passim celebrari.

Officium *Tertio* Comitum Palatinorum provincialium
quàm diversum fuerit à munere Comitum Palatii, facile
deprehendere est, facta utriusque comparatione. Et verò
munus Comitum Palatii quale fuerit, paulò ante ex Adelhar-
do recensentem Hincmarum jam audivimus. Quale Comitum
Palatinorum fuerit non aliunde licebit rectius dignoscere,
quàm ex iis quæ de Comitibus Palatinis Bajoariæ, dupl. illius
terræ longe clarissimi & magno judicio pollentes historici me-
moriam prodiderunt. Princeps illorum est Joannes Aventinus,
Alter Wiguleus Hund. Illius libro quarto *Annalium Bojorum*
fol. 491 hæc sunt verba. *Otto Imperator primus Everhardum*

III.

(Regulum h. e. Ducem Bojorum) ferocius resistentem capis, in Sue-
 viamq. relegat. Everhardum fratrem Berchtoldi superioris Boja-
 ria regno praeficit, eius nepotem suam ex sorore Gerbyrgam, filiam
 Gisalberti, desponsat. Arnolphum inferiorem & Harimannum fra-
 tres Everhardi, Curatores templi Fruxinensis, Praefectos Pratorio
 Bojaria declarat. Quae tunc maxima dignitas secundum Regulum
 (h. e. Ducem) erat: Comes Palatinus vocatur. Is vicem Casa-
 ris praesidendo Senatui Principali defungebatur, fidem Imperatoris
 implorantibus aderat, jusq. reddebat, fiscum Augusti, praedia Salica,
 redditus Regies procurabat. Nihil citra ejus auctoritatem Duci
 aut decernere aut statuere licebat. Si Senatusconsultum Reguli
 displicebat, intercedebat ad Caesaremq. referebat. Idem
 Aventinus l. 7. fol. 661 ita scribit. Raposho secundus (Co-
 mes de Ortenberg) Matyldam sororem Ludovici Bojorum Du-
 cis uxorem duxit: atque anno Christi MCCIX occiso Ottone
 à Wittelsbach, Pratorio Bojaria suffragiis Bojorum praefectus est.
 Qui cum summus honor secundum Praesidem erat: dignitate ceteros
 antecedebat, vicariam operam & curam praediorum Caesarianorum
 fisci, procuratorem praestans Imperatori. Alia ejus verba ex fol.
 695 addere nihil attinet. Aventini autem illa usque adeo
 probavit Hundius, ut tantum non omnia Germanicè verterit
 in illa Appendice partis secundae operis, cui titulus Bayerischer
 Stammenbuch / quam inscripsit kurzer Auszug ehlicher Histo-
 rischer observationen, sub litera P. Verba ejus sunt: Palatini die
 Pfalz oder Landgraven. Ist vor Jahren in Bayern das höchst für-
 nembst Aempt gewesen / nach den Königen oder Herzogen in Bayern/
 nemlich Stadthalter der Römischen Kayser und König / oder als
 Vicari und Anwält des Römischen Reichs. Die haben das
 Obrist Landrecht besessen / auch derselben Röm. Kayser und König
 Zinsgülden und Steuern eingenommen und eingebracht. Item wer
 wieder den König oder Herzogen zu lagern hat / der thet es vor den
 Pfalz oder Landgraven. Der bracht es darnach weiter an den Kay-
 ser / Röm.

fer König oder Herzogen / &c. Refert ejusdem nonnihil Wiguleius ipsa parte prima desß Bayreschen Stammenebuchs / ubi agit de Scheirensibus, ut & parte secunda pag. 24 & 27: sed frustra fuerit addere.

Jam verò si contenderis officia Comitum Palatii & Comitum ejusmodi Palatinorum, utique magnum inter utrumque est discrimen. Nobis nunc satis observasse est, quod *Primum* hi Comites Palatini extra Palatium in provinciis ordinariè vixerint: Comites Palatii autem pars aulae fuerint & aulam sint comitati, rarissimè extra aulam degerint. Et verò Eginhartus *l. de vita Caroli Magni cap. 9* narrat quidem, bello Hispanico per insidias casum à Vasconibus Anshelmum Comitem Palatii: at expeditioni illi intersistit ipse Carolus Magnus: eòque præter hunc etiam Regiæ mensæ præpositus Eghartus tunc periit. Utrumque autem fuisse aulicum ministrum liquet etiam ex hisce verbis Adelmi monachi ad annum 778: *In hoc certamine plarique aulicorum, quos Rex copis præfecerat interfecti, sunt.* Annotavimus quidem etiam ipsimet nos pag. 76 Adalbertum quendam fuisse Comitem Palatii apud Ludovicum Pium, & tamen copias quoque duxisse contra Ludovicum Bajoariæ tum Regem Pii filium: verum etiam illi expeditioni adfuit ipsemet Pius Imperator: & duravit utrumque bellum non nisi brevi tempore. Huc pertinet quod Monachus S. Gallensis narrat de Legatis Regis Græcorum: *Quo cum venirent, videntes Comitem Palatii (qui nempe erat in comitatu Imperatoris) in medioprocerum consouantem, Imperatorem ipsum esse suspicati, terratenus sunt prostrati.* Sicut extra aulam itaque tantum non semper degerunt Comites Palatini, ita Comites Palatii perpetui fuerunt in Aulae comitatu. Et illi non nisi extra aulam, hi solum in aula potuerunt officio suo fungi. Utrumque autem munus simul rectè obire fuit utique *admodum*.

Quàm circa multum alia etiam *secundo* occupati fuerunt Palatini Provinciarum Comites, atque Comites Palatii. Fundos tamen & Comites Palatinos per provincias vicem Imperatoris in judiciis non minus atque in aula Comites Palatii, certum est. Nonnulli huc trahunt id quod in Speculo Savonico art. 52 libr. 3. scribitur: *Palanzgruvus iudex existit Imperatoris, & Burgravius Marchionis*. Sed perperam: Attitulus enim ille asserit, ipsum Imperatorem subiectum esse iudicio Comitum Palatini. Id quod accipiendum indubie est de rebus Imperatoris in provincia aliquâ possessionis, quales erant complures fiscalium quæ appellabantur. Et verò hæ solæ pertinebant ad iudicium Palatinum provinciae cuiusque: longe plures autem & aliae spectabant ad iudicium Comitum Palatii.

Hæ diversitates autem duæ etiam *Tertiam* efficiunt: quod nempe pro tempore unus tantum fuerit Comes Palatii, at Comites Palatini ratione numeri Ducatum plures. Imò ex quo Comitiva illa Palatina dignitas facta fuit hereditaria, etiam in una eademque provincia frequenter ejusdem familiae plures titulo Palatinorum Comitum audierunt.

Jus etiam dixerunt *quarto* Comites Palatii tantum in Palatio sive aula: at Comites Palatini in sua cuiusque provinciae Palatii reglis variis. Qualia quinque olim fuisse in Saxonia ait *Speculum Iuris Saxonici articulo 62*.

CVM verò multis adeò modis differentes Carolovingici imperii temporibus (de quibus solis nunc sermo est) inter se fuerint Comites Palatii & Comites Palatini, quam graviter impegerit Hyperaspista pro Comite Palatii substituens Comitem Palatinum, jam sole meridiano clarius est. In universum autem Hyperaspistæ circa hunc locum complures sunt errores. *Primus* est: quod unâ cum Diplomate Adalbertum vocaverit *Sacri Palatii Comitem*, cum tamen nemo ætate Carolina sic fuerit dictus. *Secundus*: quod crediderit, idem fuisse Comitem

mitem Palatii & Comitem Palatinum provinciæ. *Tertius*: quod venerit, Ludovico Germaniæ regnante fuisse jam institutos Comites Palatinos provinciales. *Quartus*: quod Comites Palatinos Rhetici obtulerit, qui olim nulli memorati sunt. *Quintus* denique: quod titulum Magistrorum Palatii sinxerit, prius temporibus Francorum planè ignotum. Quæ peccata cum jam sint omnibus patefacta, non est etiam cur nos huic loco amplius immoremur. Nec enim nostri instituti est, omnia quæ ad veteris ævi Comites Palatii aut Comites Palatinos attinet, hic exsequi.

CAPUT XII.

Circa eos, quorum intercessione privilegium esse datum refert Diploma, duo falsi crimina impostorem commisisse; alterum quasi Imperator Episcopos titulo Illustrium appellaverit, alterum quasi intercessorum unus fuerit Rabanus Maurus Archiepiscopus Moguntinus.

Quanta & quam multiplicia in Diplomate falsi crimina patratæ fuerint, cum circa eum, quem auctorem Diplomatis, tum circa eum quem Cœnobii Conditorem & simul privilegii impetratorem impostor venditavit, hætenus claræ est luci expositum. Nunc demonstrabimus, bina alia ejusdem notæ peccata in Diplomate esse commissæ circa eos, quorum intercessione voluit nequam ab Imperatore Ludovico privilegium esse impetratum. Illorum *alterum* est, quod ausus sit fingere, ab Imperatore Ludovico Episcopos fuisse insignitos titulo ILLUSTRUM: *alterum*, quod eorum qui intercessione sua privilegium impetraverint unum fecerit esse Rabanum Maurum Archiepiscopum Moguntinum. Prius ab ævi illius moribus planè est alienum, & longe demum post, idque potissimum seculo circiter undecimo, nonnihil in usum traductum. *Posterior*

adversatur omni certissimæ de Rabano Mauro historia, utpote quæ constanter narrent, tempore conditi diplomatis Rabanum pridem desuisse in vivis esse. Vtrumque ordine paulò apertius oculis exponemus.

L

Igitur illa quidem tempestate, sive seculo Christiano nono, Episcopos non esse ILLUSTRES dictos, non equidem dubito asseverare, fretus omnibus illius ævi monumentis. Nichil sanè est certius, quàm nullum, ex omnibus quæ superant monumentis sive Ecclesiasticis sive civilibus, posse produci bonæ fidei testimonium, quod pronunciato meo adversetur. Poterunt Diplomatis amatores exercere industriam suam; poterunt etiam alii curiosis oculis lustrare omnia. Certus sum, quotquot fuerint, oleum quod ajunt atque operam perdituros.

Quibus honoratis titulis tum temporis Reges vel Imperatores Francici usu Curiali Episcopos sint prosequuti, queant vel illa, quæ à nobis *capite tertio & quarto* sunt producta diplomata, in quibus quidem Episcoporum fit mentio, liquidò ostendere. In Ludovici Pii Imperatoris Paderbornensi Diplomate pag. 13 ita legitur: *quia Venerabilis Vir Baderadus Episcopus Ecclesie*. Ejusdem Diploma Trajectinum pag. 17 sic habet: *quia Rixfridus Venerabilis Vir veteris Trajecti Ecclesie Episcopus*. Inter Ludovici Germanici Regis Diplomata Paderbornense ita legitur pag. 27: *Qualiter Venerabilis Episcopus fidelis, noster Batheradus nomine*. Idem titulus *Venerabilis* in eodem Diplomate ter repetitur. Illius Regis Diploma Pataviense pag. 38 hæc habet: *cui præsentis tempore Venerabilis Vir Reginarius Episcopus præesse videtur*. In Diplomate Althensis monasterii pag. 41 ita habetur: *qualiter Vir Venerabilis Gorzbaldus Viriæburgensis Ecclesie Episcopus*. Item per præfari *Venera-*

Venerabilis Episcops petitionem & amorem. In ejusdem monasterii alio Diplomate pag. 42 ita legitur: *quia Vir Venerabilis Gorzbaldus Virzburgensis Episcopus.* In ejusdem Ludovici Regis Diplomate Ultrajectino Hungerus Episcopus nullo plane titulo honoratur. Capite nono hujus libri pag. 143 adduximus Diploma Celestini Papæ, ubi ita scribitur: *Eapropter dilecti in Domino filii, Venerabilis fratris nostri, Gualteri Episcopi precibus inclinari.*

Hæc sola, quamvis pauca, possunt utique docere stilum, ut vocant, curiæ; quodque non Imperatores duntaxat & Reges sed etiam ipsimet Papæ, non *Illustres* sed *Venerabiles* appellare Episcopos tum soliti sint. Edita autem sunt integra volumina Ecclesiasticorum Diplomatum ab Imperatoribus & Regibus nostris profectorum. Cujusmodi tabulis præ aliis excellunt Metropolis Salisburgensis Hundii qualem illustravit Christophorus Gevvoldus, Historia item Trajectensium Episcoporum Wilhelmi Hedæ, & Defensio Abbatiae Imperialis S. Maximini Trevirensis Nicolai Zyllesii, varique libri Auberti Miræi: in quibus observare est, illum titulum *Venerabilis* non isto duntaxat Carolino seculo, sed etiam aliquot sequentibus seculis, tantum non in perpetuo mansisse usu literarum Curiae Imperialis aut Regiæ. Et verò apud Hedam (ne alia volumina nunc sigillatim advocem in testimonium) seculo adhuc duodecimo Conradus Imperator pag. 163 editionis Buchelianæ ait: *fidelis noster Hardbertus ejusdem loci (Trajecti) Venerabilis Episcopus.* Item: *dicti Hardberti Venerabilis Episcopi fidele servitium.* In alio Diplomate pag. 166 idem ait: *fidelis noster ejusdem loci Venerabilis Episcopus.* Item: *petitione fidelis nostri Hardberti ejusdem loci Venerabilis Episcopi.* Imo & ipse Fridericus primus eundem observans morem, in diplomate conscripto anno 1166 pag. 171, hisce verbis utitur:

Contro-

Controversiam quæ inter Godefridum Venerabilem Traiectensem Episcopum & Florentium Comitem Hollandiæ de Comitatu Frisanum agitabatur. Quid, quod etiam sequentibus aliquot seculis ille titulus in Curia usu fictis manserit frequens? Et verò Fridericus secundus Imperator apud Hedam pag. 196 memorat Venerabilem Traiectensem Episcopum. Imo & Carolus IVtus apud eundem Hedam pag. 247 laudat Venerabilem Joannem Episcopum Traiectensem. Ut pag. 248 & 249 ἀπλῶς Venerabilis Traiectensis Episcopus commemoratur. Primus omnium, apud Hedam quidem, Sigismundus Imperator in diplomate scripto anno millesimo quadringentesimo decimo sexto hinc verbis pag. 275 usus est: sane Venerabilis & Illustris Fridericus de Blanckenheim Episcopus Traiectensis, princeps & Consiliarius noster, & Sacri Imperii devotus fidelis. Alibi titulum Illustris interdum fuisse & Episcopis antehac adhibitum, non nego: Carolino autem ævo ullum Episcoporum isto titulo audisse pernego.

In libro Marculphi editionis Lindenbrogianæ (Bigoniana enim multum est diversa) statim Formulæ primæ Chartæ Regalis de Episcopatu ita incipit: *Ille Rex Viro Apostolico illi Episcopo. Secunda: Domino sancto, sede Apostolica dignitatis colendo. In sexta legitur. Noveris solertia vestra, nos ad petitionem Apostolici viri Domini ill. ill. urbis Episcopi. In septima est: dominus virus sanctis ac venerabilibus Apostolicis in Christo patribus omnibus Episcopis. In octava: ex institutione sedis Apostolica seu reliquorum Episcoporum. Non hæc habet: igitur Apostolicus vir ill. ill. urbis Episcopus. Undecima: Karolus gratia Dei Rex Francorum tam presentibus quam & futuris Dominis sanctis & Apostolicis & venerabilibus in Christo patribus. Duodecima: Ad petitionem Apostolici viri ill. urbis antistitis. Trigesima octava aliter nonnihil sonat: Ille Rex vir illustrer Dominus sanctis ac venerabilibus*

libri in Christo patribus, omnibus Episcopis, vel omnibus Abbatibus, Centesima decima ita incipit: Domino sancto & Apostolica sede colendo Domino & in Christo patri ill. Episcopo ille Rex. Centesima duodecima: Domino sancto & Apostolico, domino & Patri ill. Episcopo ille Rex. Reliquas consimiles formulas adducere nihil attinet. Ipsemet Marculphus librum suum consecrans Landarico Episcopo ita loquitur: Domino sancto, merito beatissimo, & Apostolico semper honore suscipiendo, omniq; preconio laudis celebrando, Domino ac reverendissimo Papa Landarico. Et verò etiam præter Reges, aliis quoq; tum fuisse in usu titulos ejusmodi Episcopales, liquet ex formula venditionis, quæ est centesima vicesima nona: Domino sancto & Apostolico, Domino & patri ill. Episcopo.

Observandum verò hic est: adhuc atate Caroli Magni ipsismet Regibus Episcopos audiisse *Apostolicos*, & sedes Episcopales *Sedes Apostolicas*, idque recepto pridem in Gallia more. Enimvero & Clodovæus Rex in Epistola ad Synodum Aurelianensem primam scribit: *Orate pro me Domini sancti & Apostolica sede dignissimi.* Apud Gregorium Turonensem l. 9. cap. 41. & 42 duæ epistolæ hoc habent exordium: *Domini sancti & Apostolica sede dignissimis.* Eadem ratione Sidonius Apollinaris l. 1. ep. 1 cathedram Tricassinam appellavit *Apostolicam sedem*. Idem alibi passim Episcopale munus vocat *Apostolarum*. Ad quæ loca differens doctissimus quondam Arvernorum Præfes Joannes Savaro, rectè notat, dictos tum Episcopos in universum *Apostolicos*, quod in Apostolorum locum successissent. Eodem autem modo apud Hedam in Diplomate Caroli Martelli scribitur: *Vbi & Apostolicus vir Dominus & in Christo pater noster Villibrordus Archiepiscopus &c.* Item in Diplomate Pipini Regis: *Apostolicus Vir & in Christo pater Bonifacius Urbis Trajectensis Episcopus.* Superfunt ejusmodi complura ex ævo illo: sed huc adducere nullum fuerit commodum. Quantumvis autem ille titulus Episcopalis

lis tum fuerit receptissimi usus, vel ex iis tamen quæ adduximus Ludovici Pii & Ludovici Germanici diplomatibus videre est, sensim illum jam Ludovico Pio imperante fuisse antiquatum, inque ejus locum successisse minus illud epitheton *Venerabilis*. Quod quæ factum fuerit, non equidem certò asseveraverim. Quandoquidem tamen ex eo usque tempore solus Romanus Pontifex *Apostolicus* dictus est, & solus ille jactavit *Apostolatum* suum & *sedem Apostolicam*, per est verosimile, factam illam tituli Episcopalis mutationem arte & instinctu Romanæ Curix.

Perinde atque vox *Papa* & *Pontifex*, antehac Episcopis omnibus communis, denique ad solos Romanos ita transit, ut jam Gregorius septimus non verecundatus fuerit ex sua cathedra pronunciare: *unum est nomen in mundo, Papa videlicet*. Fortassis autem Romani prætextu illo hoc nomen *Apostolicus* solis sibi vindicaverunt, quod *Apostolica* cathedræ debeant audire solæ illæ quas ipsimet Apostoli immediatè instituerunt: qualis in Occidente sit una sedes Romana. Et verò isthac significatione vocabulo illo videtur usus jam olim Tertullianus l. de *prescriptionibus* quando ita loquitur. *Percurre Ecclesias APOSTOLICAS, apud quas ipsa adhuc cathedra Apostolorum suis locis præsentur, apud quas authentica litera eorum recitantur, sonantes vocem, representantes fidem. Proxima est tibi Achaja? Habes Corinthum. Si non longe es à Macedonia, habes Philippos. Si potes in Asiam tendere, habes Ephesum. Si autem Italia adiceris, habes Romam.* Singularem decreto antiquum & receptum omnium Episcoporum titulum subito aded mutavisse, per sanè est verosimile.

Quæcunque vero tandem ratione id fuerit factum, illud constat ex Marculpho, ejus ætate neutiquam Episcopos audisse seculari *Illustrum* titulo, sed alio à secularibus planè diverso. Vixisse autem Marculphum Carolo Magno adhuc Rege, certum est. Et quæ enim formula nonagesima octava Ludo-

Ludovicum Imperatorem memoret, non tamen illa videtur esse ab ipsius Marculphi manu: ut multæ aliæ accesserunt, more in hisce solito. Unde & illa nata est libri illius manuscriptorum exemplorum diversitas.

Non grave fuerit ex illius ævi scriptoribus adducere & alios titulos, quibus isthæc tempora decorarunt Episcopos, cum in manibus versentur libri. Sed hoc agere nullum fuerit pretium operæ, quandoquidem autores illi, pro suo quisque affectu & ingenio privato, aliter atque aliter sese gesserint, non ex Palatii Regii consuetudine: nobis autem nunc incumbit tantum id attendere, quem in modum Epistolæ & Diplomata Regia tunc sonaverint, aut quibus titulis Reges suos Episcopos affecerint: quandoquidem nobis res est de Diplomate quod Regia aut Imperatoria auctoritate confectum esse venditatur. In universum tamen etiam illud verissimum, à nemine scriptorum illius tempestatis, etiam privatis literis *Illustrum* appellatum esse Episcoporum quenkum, sed omnes omnino solis sacris atque Ecclesiasticis titulis non autem seculari more fuisse honoratos.

ILLUD igitur quod diximus abunde jam victum est, falsi crimen ab impostore esse commissum, dum Ludovici Imperatoris sive Regis nomine Episcopos duos titulo *Illustrum* fuit prosequutus: quale quid ab illo Ludovico nunquam est factum. Fortassis tamen quenkum duo scrupuli adhuc turbaverint. *Primus* possit esse, quod Abbates ea ætate *Illustræ* audierint, ac proinde is titulus multò magis convenire debuerit Episcopis, ut dignitate longè potioribus. *Alter*, quod Ludovicus Pius in Principum Regni classem retulerit Episcopos, atq; adeo eos etiam Seculares esse voluerit. Consequens videlicet est, etiam secularem illum titulum, quo Principes afficeremur erat, ex eo usque Episcopis non minùs atq; Principibus factum communem, perinde atque hodie in

usu est. Jam autem *Illustres* appellari tum solitos non Reges ipsos duntaxat, sed Duces quoque imò & Comites, cum aliis notum tum vel ex Solemnibus Marculphi formulis perspicere est.

Tametsi vero hi scrupuli dubium aliquod moveant, nihil tamen valent contra usum titulorum, quem illo aro obtinuisse demonstravimus. Eoque licet hi scrupuli eximi fortè non possent, maneret tamen extra controversiam id quod diximus: nempe non solere tum Episcopos appellari *Illustres*, multo minùs illo titulo ab ipsis Regibus fuisse affectos. Quapropter possent illi scrupuli nunc quidem à nobis prætermitti, Ut tamen omnibus appareat, nostrum veri studium etiam ultra quam necessitas exigit extendi, de utroque quædam hoc loco adferemus.

I.

Abbates igitur, imò & Abbatissas, isthac tempestate interdum audiisse *Illustres*, non diffitemur. Marculphi formula septima habet hæc verba: *Cognoscatur, quod Inlustris Abbas &c.* vicesima prima: *Inlustris Deo sacrata Abbatissa.* Vicesima secunda: *in pago Vraasiuensi ubi Illustris Abbatissa ill. custrix præesse videtur.* Servatus quoque Lupus Abbas in Gallia Ferrariensis epistolâ quintâ scribit: *Verùm Illustris Abbas Rhabanus.*

Cæterum fuit *primum* etiam illo aro hic titulus admodum rarus. Etenim in septimâ quidem formulâ Marculphi à Rege ipso tribuitur Abbati titulus ille, fortè tamen locus est mendosus. Et verò vocula ista *ill.* facile potuit per imperitiam mutari in *Illustris*. Cerrè exemplum talis ali.ujus Regiæ Tabulæ non temerè produceris, quæ n. tpe Abbatum quenquam isthoc titulo honoraverit. Adhoc neutiquam præmissæ omnibus Abbatibus etiam privatis scriptorum literis, hic titulus tunc est concessus. Maximè vulgare scilicet nomen tum fuit *Venerabilis*,

ut

ut Episcopis ita & Abbatibus Id quod infinitis potest exemplis ostendi. Non nisi illis Abbatibus aut Abbatisis fuit scilicet datus hic titulus, qui aut simul functi secularibus officiis, aut orti generis illustri nobilitate, aut denique summa in Regno valuerunt auctoritate. Quo tempore sanè Rhabanum titulo isthoc dignatus est Lupus, fuisse illum pariter magnà in Regio Palatio auctoritate, haud obscurum est, modò vel reliqua verba addantur. *Verum, ait Lupus, illustris Abbas Rhabanus postmodum regressus à Palatio, foret necne per id temporis isthic, propter legationem sibi commissam ad liquidum scire non potuissit, atq; ob eam rem hortatus est, ut reditum meum ad Nonas Iunis differrem, quando soleuissas S. Bonifacii se abesse minime sineret, nisi forte ipsi quoq; Imperialis iussionis, & ea quam gravissima, prajudicaret auctoritas.* Jam & propter generis excellentiam Abbatibus solere tunc temporis titulum attribui solito splendidiorē, significat epistola Joannis VIII Papæ CCCV, ubi Hugoni Abbati Caroli Magni filio naturali hic datur: *Hugoni strenuo, nobili, regali prosapia edito, atq; excellentissimo Abbati.* Sic & propter officii Palatini eminentiam, utrumque fratrem Hilduinum & Walonem, quorum primus fuit summus sacri Palatii Capellanus, uterque autem nonnisi Abbas, Agobardus Archiepiscopus Lugdunensis epistolam suam hisce verbis inscripfit: *Domini & sanctissimis, beatissimis, viris Illustribus, Hilduino Sacri Palatii Antistiti & Vale Abbati, Agobardus servulus.* Quapropter etiam arbitror, non Abbatia, sed illius in sacro Palatio summæ dignitatis causâ, in epistola Ecclesiæ Senonicæ ad Hilduinum illum, quæ extat in appendice ad Tomum secundum Conciliorum Gallia, illa perquam humilia verba esse scripta: *Propterea vestra pietatis vestigiis animo provolui, flebiliter postulamus, ut tamdiu rem suspendere dignemini, quousque cum scripto homine ad Vstram Celsitudinem properantis, ipsi vobis melius nostram pandamus miseriam.* Nec enim abjectus co-

rum Rege ipsomet sese potuisset Ecclesia isthæc gerere. In eundem modum interpretor etiam verba illa Servati Lupi epistola CX ad eundem Hilduinum: *Nobilitatis, dignitatis, & moderationis apice conspicuo Hilduino, Ecclesiasticorum magistro Lupus presentem & futuram prosperitatem. Item: Eximietatem vestram cupio valere feliciter.* Ut & illud in epistola xxxiii ad Hludogvicum, quem *Abbatum summum* appellat: *Munusculi similitudinem quam Celsitudini vestrae direxi.* Etiam illum enim in Palatio primâ fuisse dignitate, ex multis Lupi epistolis liquet. Sed & rectè notavit eruditissimus Baluzius ad Epistolam 22, fuisse illum propinquum Caroli Calvi Regis & aulae Cancellarium. Verùm hoc obiter.

Illud *secundò* attendi meretur, quod in universum Abbates non quidem merè secularis ordinis tunc habiti, ne utquam tamen Clero accensiti, atque adeò hætenus secularium classibus saltim affines existimati sint. Seculo ipso quarto, in prima monastici status ætate, id ipsum strictè fuisse observatum, quamplurimis possit Sanctorum Patrum testimoniis ostendi si opus sit. Imò canone quarto Concilii Oecumenici Chalcedonensis, cum cæpissent monachi rebus Ecclesiasticis accivilibus sese ingerere, & dare passim turbas, disertè prohibiti sunt, μήτε δὲ ἐκκλησιαστικοῖς μήτε βιωτικοῖς παρενοχλεῖν πράγμασι ἢ ἁποκοινωνεῖν: eoque & illo & octavo canone, eadem cum laicis poenâ, excommunicatione videlicet, non ut Clerici depositione, puniendos monachos, decernitur. Quinimo anathemate Monachos simul ac Laicos feriendos esse, constitutum est adhuc in Synodo Ticinensi anni dcc lxxvii Carolo Magno rerum potiente: quam constitutionem memorat etiam Aimoini continuator l. 5. cap. 35. Etiam sequente tempestate sic satis diu Monachi à Clero diversi censiti sunt, & quamvis non Laici tamen illi generi proximi sunt crediti. Quare igitur Abbatibus nonnullis potuerit haud dari secularium primo.

primoribus competens aliàs titulus, nihil vetuit. At alia est ratio Episcoporum: illi certe isthac ætate procul à Secularium hominum ordine fuerunt distincti. Hincipsemet Episcopus Drogo, quamvis filius Caroli Magni & Ludovici frater, atque Sacri Palatii Archicapellanus, in Historia vitæ Ludovici tantum audit *venerabilis*.

Accedit *Tertio*, quod illo seculo non multi Abbatum merè fuerint seculares, non assumpti in illum locum ex religioforum ordine; dictitunc proinde vulgò *Abbates canonici*, tanquam extra regulam collocati. Concessæ nimirum sunt frequenter opulentiores Abbatiæ liberalitate Regiâ multis quasi in præmium benè bello aut pace gestæ rei. Perinde atque hodie idipsum in Italia, Gallia, alibique, ut & apud nos in Germania, frequentissimi est usus. Saltim igitur hi potuerunt *Illustres* audire tunc temporis, non minùs atque Comites.

Ex quibus manifestum est; non pari ratione fuisse olim fas, *Illustres* appellare Episcopos atque nonnullos Abbatum; ac proinde primus quidem Scrupulus cur quem amplius reddat dubium, nihil esse causæ.

Venimus jam ad Alterum, qui reapse videri hand injuria possit majoris momenti. Non enim etiam me præterit illud quod Helmoldus *l. 1. Chronici Sclavorum c. 4* scribit de Ludovico Pio Caroli Magni filio Imperatore. *Qui poternis per omnia votis concordans, eadem liberalitate qua pater ejus, erga cultum domus Dei & omnem clerum usus est, amplissimas Regni divitias ad decorem & gloriam Ecclesiæ intorquens, intantum, ut Episcopos qui propter animarum regimen Principes erant cæli, ipse eosdem nihilominus Principes efficeret Regni.* Concessit autem in fata Helmoldus hic anno MCLXX Imperante Fridrico I. Ejusdem Imperatoris, ut & antehac Conradi, notarius fuit Godfridus Viterbiensis Italus. Ille verò itidem in Chronico suo, cui *Pantæo* nomen, de Ludovico Pio, more suo, hosce cecinit inconditos verliculos.

Carolus

*Carolus egregium genuit Regem Ludovicum
Quem Deus amicicum sibi conciliavit amicum.*

Lege sua clerus jure vocatur berus.

*Hic pater Ecclesiam vario praevenit honore:
Veste, domo, Cerere, cuius fuit aucta favore,*

Iure suo legitur grandis ubiq; fore.

*Hic proprias habitare domos, equitesq; fovere
Nos facit, & veste varia praeceq; sedere.*

Nisus & accipiter hac quoq; lege sedet.

Si binos hosce audimus, jam tum Ludovicus Pius Episcopos transtulit in ordinem Secularium Principum, voluitque illos frui honoribus & voluptatibus secularibus; ac proinde Ludovico filio ejus in Germania regnante, meritò Episcopi Moguntinus & Constantiensis ILLVSTRES audierint, isque titulus jure iis fuerit datus in Diplomate.

Verum enimverò, non obscurum est quidem, Friderico I imperante ita fuisse creditum, sed in monumentis antiquis non tantùm nihil tale legas, sed planè adversa. Superant scilicet hodieque severae leges Capitulares Ludovici Pii, quibus clerum omnem à seculi institutis & moribus se vocat, atque ad sanctimoniam vitae reducere graviter annuitur. Factum etiam id tum esse non sine insigni fructu, discere est ex iis quae jam tum ad Leonis III Papae Epistolas adduximus ex Vita Ludovici Pii Imperatoris. Illius enim scriptor Ludovico Pio *ὁ ὡς ποτὶς* cum de Synodo Aquisgranensi egisset, ita loquutus est. *Tunc ceperunt deponi ab Episcopis & clericis cingula basteis aureis & gemmeis cultus ornata, exquisitaeq; vestes, sed & calcaria talos onerantia relinqui. Monstro enim simile ducebatur, si Ecclesiastica familia deputatus conaretur adspicere ad secularis gloriae ornamenta.* Multis post seculis, respiciens ad sanctas illas Pii Imperatoris constitutiones, opere de Vita Pontificum, ubi agitur de Gregorio IV Papa, in

hæc

hæc verba erupit Platina. *Vitam nostris temporibus Ludovisee viveres! Indiget nunc Ecclesia tuis sanctissimis institutis, tua censura. Adeo omnem luxum & libidinem sese effundit Ecclesiastica ordo. Coccinatos & trabeatos nunc inspiceres non homines, quod leve fortassis videretur, sed equos & iumenta: præcedente dum succedunt magno adolescentium, & aucto presbyterorum agmine subsequente; non in asinis, ut Christus nostris dogmatum auctor & bene vivendi unicum in terris exemplum; sed in equis præferocibus & phalaris, ac si ex hoste devicto triumphum ducerent. De argenteis vasis & egregia eorum suppellectile denique cibariis non attinet dicere: cum stercula dapes, & Attalica ornamenta, & vasa Corinthia, si hæc inspicias, nullius preni dici possint.* Hæc Platina. Nec vestigia porro ulla superant in antiquis monumentis Ludovicianæ in Episcopos imprudenter factæ indulgentiæ. Saltem igitur Pio Imperatori injuriolæ sunt fabulæ Gotfridi Viterbiensis; quasi scilicet verè Pius ille Princeps Episcopos & Clerum ad secularem luxum traduxerit. Et verò si jam tum illa permissa sint Episcopis, multò major indubie fuisset data morum licentia Papis Romanis, quoniam hi tunc temporis jam reapse agebant, per bonam Italiæ partem, Principes ut vocant seculares. Inter crimina autem Joannis XII Papæ, teste Luitprando Ticinensi Episcopo *synonym. l. 6. cap. VII* recensitum fuit, quod *venationem publicè exercuisset, quodque ense accinctus galea & lorica fuisset inditus.*

Est autem & Helmoldi illud, de Episcopis à Pio Imperatore *Principibus Regni* constitutis, omni specie veri carens commentum. Est enim vox illa *Princeps* ambiguae significationis, & nunc denotat duntaxat primum: atque adeo hac significatione Ludovicus Pius ille Imperator novum quidquam non potuit Episcopis concedere. Jam scilicet Merovingica florebat Francorum Regum familia, inter primates Regni numerati sunt Episcopi, & admoti

Ec

conven-

conventibus saltim quibusdam Ordinum Regni, hætenusque *Principes* nominati. Hinc Legi priscae Alemannicæ hæc verba præfixa sunt: *Incipit lex Alemannorum, qua temporibus Clotarii Regis una cum principibus suis, id sunt XXIII Episcopis, & XXXIV Ducibus, & XXII Comitibus, vel cætero populo, constituta est.* In conventibus autem publicis Ordinum fuisse tum primo ante ipsos Duces loco Episcopos, imò etiam Abbates, jam dudum ostendimus in *Dissertatione de Civibus Imperii Germanici*. Quod si autem vocem *Princeps* accipias pro eo quod nobis jam est cin *Fürste* / oppidò sane fallitur & fallit Helmoldus. Quin autem hoc ille voluerit, non equidem dubito, quoniam illius ætate non alia istius dictionis recepta erat in vulgus significatio. Etenim Ludovicum Pium instituisse, ut Episcopi essent dicerenturque impostero *Principes Regni*, aut vernaculâ nostrâ linguâ *Ärchefürsten* / ne levissimo quidem indicio colligere est ex omnibus illius ævi reliquis monumentis. Imò verò exercuisse Episcoporum quenquam ante Ottonem Magnum secularem sive *Principalem* jurisdictionem, aut aliquod aliud *Principale* munus, nemo probaverit. Nos alibi demonstravimus, cepisse tale quid demum Colonia ex instituto Ottonis illius Magni, sensimq; demum serpsisse hoc exemplum ad alios Episcopos, & ne nunc quidem in Germaniâ hac nostrâ omnibus hoc concessum. Perinde atque Italiæ, Galliæ, aliorumque regnorum Episcopis penè universis id hodieque negatur.

Quod si vetera Imperii Germanici monumenta exentias, haud temerè reperiās Episcopos *Principum* titulo ante seculum undecimum insignitos. Sed apud Hedam pag. 130. in Diplomate Henrici IV Imperat. anno Dominicæ incarnationis M L X I V. VI. Non. Maji Trajectensi Episcopatu concessio legitur : *intervenit & consilio Principum nostrorum Annoni Coloniensis, Sigefridi Moguntini, Adelberti Bremensis, Everardi Trevi-*

Treverensis Archiepiscoporum, Burchardi Halberstadiensis Episcopi, Friderici, Godfridi, Gerardi Ducum aliorumq. fidelium nostrorum. Præcedente autem pag. in Diplomate ejusdem Henrici eodem annosed 2 Kal. Maji dato iidem Archiepiscopi & Episcopi audierant duntaxat nostri fideles. Idem Heda pag. 155 recitat Henrici V Imperatoris Diploma illud, quo investituris Episcopalibus renunciavit & convenit cum Calixto Papa. In quo hæc reperiuntur. Hæc omnia acta sunt consensu & consilio Principum, quorum nomina subscripta sunt: Adalbertus Archiepiscopus Moguntinus, Fridericus Archiepiscopus Coloniensis, H. Ratubonensis Episcopus, Otto Bambergensis Episcopus, Bruno Spirensis Episcopus &c. Inter Privilegia item Hamburgensis Ecclesiæ publicata ab Erpoldo Lindenbrogio pag. 167 Diploma Henrici quarti Imperatoris datum anno MLXXXV, (de cujus fide nos dubitare vetat autographum, aureo sigillo munitum, in tabulario Stadeni superstes) hæc verba habet. Habuis secum adjuutores in petendo complures: ex Principibus Sigefridum Moguntinum, Annonem Coloniensem Archiepiscopos, aliquos etiam ex Ducibus ac Marchionibus. Item: Recognoscebant ex Principibus, Episcopus Monasteriensis Erpo, Episcopus Veronensis Renolsigel &c. Non opus existimo alia adducere in testimonium. Quod autem illâ fortè ætate primum cæperat, sequentibus seculis, cum primis à seculo decimotertio usque, factum est quasi perpetuum.

Non me fugit, Diploma aliquod de Expeditione Romana Caroli sive Magni sive Crassi nomine, à Marco Velsero erutum ex MSS. à Rittershusio editum & post commentariolo à Marquardo Frehero esse illustratum: inque eo mentionem fieri *Principum tam Spiritualium quàm Secularium*. Sed esse illud *Λογολιματ*, jam pridem nos ostendimus *l. de Origine Juris cap. 17* Fertur quoque Diploma Caroli Magni de Bahlica Aquisgranensi, ubi hæc reperiuntur verba: *Consilio*

Principum Regni nostri Episcoporum Ducum Marchionum ac Comitum. Est autem etiam illud a me aliàs convicium imposturæ, imò & ante me à viris eruditissimis aliis. Ut taceam, quod hîc *Principes* etiam Comites comprehendat, ac proinde latiore significatu sumptum queat videri.

Quicquid sit hujus, ante seculum undecimum haud forte in usu fuit, strictiore acceptione Principes appellare Episcopos. Nec tamen etiam tunc statim titulus *Illustrum* illis vulgò cæpit tribui; etsi jam seculo duodecimo id interdum esse factum, per videatur verisimile. Certè nono seculo, cui Diplomatis natales adscripsit impostor, nec *Princeps* arctiore sensu nec *Illustris* appellatus est quisquam Episcoporum. Atque ita alter etiam qui moveri poterat scrupulus jam est remotus.

Etsi verò ita jam omnibus pateat illud in titulo Episcoporum falsi commissum crimen, fortè tamen haud abs re fuerit saltem hoc etiam addere, quid impostorem compulerit, adeo ineptire, cum serò admodum in Cæsareis diplomatibus titulus iste cæperit usurpari. Atque ego quidem fateor, me etiam impostoris væcordiam mirari, & causam delirii certò assignare vix posse. Sed si liceat conjectura uti, dixerim, ex inscitiâ summâ natam culpam. Verosimile nimirum mihi est, incidisse impostorem in librum aliquem formularum solemniū, cujusmodi est Marculphi: ubi frequentissimum est *ill.* aut *ille* pro Græco ὁ δὲνα aut Latino N. N. sive *nonnemo*. Qualia à nobis jam ante aliqua sunt producta ex Marculpho. *Ill. Episcopus* exempli gratia, & similia. Istud *ill.* videtur existimasse, significare *Illustris*: atque ita etiam, quo tempore nondum invaluerat Aulæ stilo de Episcopo titulus iste, præmatnrè epitheton illud Diplomati insertum esse. Accessit fortassis jam tum recepta passim consuetudo, Episcopos appellandi *Sûrsten* aut *Principes* seculares: qualibus jam olim titulus *Illustris*

stris fuit attributus. Et verò jam non semel fecimus verosimile, seculi duodecimi circiter sine Diploma esse confectum: illo autem tempore Episcopi in vulgus ipsum audierunt *Principes*, ceu ex iis quæ paulo ante attulimus liquidum est. Cæterum hanc conjecturam nostram sive admittat quis sive rejiciat, in nullo equidem ponam discrimine: postquam falsi crimen ipsum omnium oculis jam plus satis est expositum.

PROGREDIENDVM tandem nobis est ad detectionem SECUNDI CRIMINIS. Igitur callidè quidem satis veterator finxerat, impetratum fuisse privilegium intercessione Rhabani Archiepiscopi Moguntini & Salomonis Constantiensis Episcopi. Uterq; enim fuit apud Ludovicum Germanicum magnæ auctoritatis. Salomone sanè legato ad Papam Romanum fuerat Rex usus in causa Ramesloæ Hamburgensi Archiepiscopatu jungendæ, primis statim annis sui in Francia Orientali regiminis: ceu legere est in Nicolai Papæ Bulla, quæ inter Hamburgenses tabulas edita est ab Erpoldo Lindembrogio pag. 146. Imò illius consiliis frequentissime auscultavit etiam postea Rex per omnem vitam. Rhabanus quoque in tantâ fuit (nec immerito, erat enim doctrina nemini suæ ætatis secundus) nondum Archiepiscopus, imò pulsus Fuldâ ab improbis suis monachis, existimatione, ut in Regio Palatio locum, & defuncto Othgario ipsum Archiepiscopatum Moguntinum liberalitate Ludovici consecutus sit. Ad hoc Cœnobium in diocesi situm est Constantiensis Episcopi: hic verò subest Archiepiscopo Moguntino. Itaque tantis intercessoribus impetratum privilegium debuit utique haberi maximi roboris.

Elusit tamen veritatis summus patronus Deus hominis *superbia*, cumque gravissimè hac etiam parte labi passus est. Etsi enim Salomonis Constantiensis Episcopi res attemperatè satis conveniant cum Diplomate: Rhabanus

nus tamen minùs ex voto nebulonis ad negotium hoc accitus est. Etenim Salomon Bruschio aliisque testibus præfatus est Constantiensi Ecclesiæ anno 831, eamque rexit ad annum usque septuagesimum tertium illius seculi noni: adeoque potuit is Podami adfuisse Ludovico Regi anno Christi Octingentesimo sexagesimo sexto. Rabanus verò jam defunctus fuit anno Dominico seculi illius noni quinquagesimo sexto: adeoque jam effluxerat integrum ab obitu illius decennium, quando Diploma conditum esse voluit impostor, *interventu* illius etiam optimi & præstantissimi antiquitatis.

Observaverat hoc falsi crimen etiam doctissimus Heiderus, & tertio loco collocaverat inter manifesta falsi indicia. Ideoque Hyperaspista dedit operam defendendo suo Diplomati ab hoc quoque impetu, *capite sua Apologia tertio*. Duplici autem modo rueri conatus est Diplomatis causam. Uno, quod etiam aliàs fieri sit solitum, ut post mortem petentis privilegia concedantur. Altero, quod Rhabanus obierit quidem anno 856 (nec enim hoc vel in dubium fuit vocare ausus) Diploma autem esse confectum vel anno 54 vel 56, atque adedò vivente adhuc Rhabano. Cæterum ut liquidò & citra omnem molestiam unicuique possit apparere, quàm nihili sint illa etiam Hyperaspistica, age producam primò in conspectum ipsa Diplomatis verba: deinde singulatim ordine utramque Hyperaspistæ exceptionem examinabo. Verba hæc sunt. *Sed ne deinceps laudes divina & regulares disciplina ibidem deficerent, dignitatem nostram, per interventum fidelium nostrorum Illustrium Rabani scilicet sanctæ Moguntinæ Ecclesiæ Metropolitæ nec non Salomonis videlicet Constantiensis Ecclesiæ præsulis postulavit.*

1. *Primum* igitur effugium Hyperaspistæ quod attinet, attenden-

rendendum est, ita omnia Diplomatis esse conscripta, quasi tum temporis quo est conditum, in Podamo Palatio præsens adfuerit inter alios Rhabanus. Cum enim dixisset Imperator, *suis obtulisse obtutibus Cænobium sanctimoniale* Adalbertum Sacri Palatii Comitem, *per inventum*, ait, *Rhabani ita postulavit: & huic petitioni assensum præbentem sese decernere atq. jubere &c.* Tota narratio certè refert, quid tum temporis quo diploma est datum contigerit. De homine pridem mortuo ita loqui, atque hic fit de Rhabano, solet nemo. Provoco ad scribendi loquendique consuetudinem, toto terrarum orbe & ab omni ævo receptam.

Ausus tamen est Hyperaspista producere diplomata bina, quæ de pridem mortuis perinde atque in hoc Diplomate fit de Rhabano, verba faciant. Alterum esse Caroli Magni Cænobio Bajoarico Althensi concessum anno 822 ad preces Geroldi Comitæ, qui tamen bello Hunnico jam erat cæsus anno 799, testibus Reginone, Sigeberto, Hippe-danno, Brunnero Tomo secundo Annalium Boicorum l. 6. Quibus addere potuisset etiam Annales Francorum. Cæterum habetur quidem illud quod innuit Diploma apud Hun-dium *tomo secundo Metropolis Salisburgensis* primo loco inter privilegia monasterii Altach inferioris; esse autem illud malæ notæ, non obscurum est si cum curâ expendatur. Nos illud hoc loco totum producemus.

IN NOMINE PATRIS ET FILII ET SPIRITVS sancti. CAROLVS Serenissimus Augustus à Deo coronatus, Magnus, pacificus, Imperator Romanorum gubernans Imperium, qui & per misericordiam Dei Rex Francorum & Longobardorum. Quicquid enim ob amorem omnipotentis

tentis Dei ad loca sanctorum venerabilium pro mercedis anime nostrae augmento concedimus vel confirmamus, hoc nobis procul dubio ad aeternam beatitudinem pertinere confidimus. Igitur notum sit omnium fidelium nostrorum magnitudini, praesentium scilicet & futurorum, quoniam nos in Eleemosyna nostra ad deprecationem GEROLDI Comitis fidelis nostri, concedimus atque confirmamus ad Monasterium S. Mauritii, quod est situm in Ducatu Bajoariorum in loco nuncupante Altaba, ubi Orulfus rector praesse videtur, locum quendam in Avaria, ubi Dieloha fluvius Danubium ingreditur. Est autem aestimatio illius loci quasi 40 mansorum. Qui locus sub omni integritate partibus memorati Monasterii per hanc nostrae auctoritatis largitionem vel confirmationem perpetuis temporibus proficiat in augmentis. Praecipientes ergo iubemus, ut nullus quilibet fidelium nostrorum memorato Orulfo Abbati, vel successoribus ejus, aut monachis in memorato Monasterio vitam degentibus, ullam inquietudinem aut calumniam aut diminutionem de praedicto loco ullo unquam tempore facere praesumat, sed perpetuis temporibus, per hoc nostrae auctoritatis praecipitum vel largitatis donum, robustissimo jure pars ipsius monasterii teneat atque possideat. Et ut hac praecipitio nostra vel confirmatio nostris vel futuris temporibus melius conservetur, de annulo nostro subtus sigillare jussimus. Datum 6. Cal. Decembr. anno Christo propitio Imperii nostri duodecimo Regni vero in Francia 44, atque

37. in Italia, Indictione quinta. Actum Aquisgranî Palatio regio, in Dei nomine feliciter.

Haftenus Diploma illud. Verumenimverò falsò hoc effectum esse, multa liquidò ostendunt. Satis est observasse illud: *situm in Ducatu Bajoariorum*: nullus enim tunc erat Bajoariorum Ducatus, sed cum devictò Tassilone extinctus dudum fuerat. Nonetiam tunc *Orulphus* aliquis Coenobium illud rexit, verum, quod etiam Hundius notavit, Fulradus. Sed & quî Geroldus Comes potuit petere à Carolo aliquid dari Coenobio in Avaria situm, quum Avaria vivo Geroldo nondum fuerit à Carolo plene subacta? Annus porrò incarnationis Dominicæ sive Imperii XII est Regni in Francia quadragesimus quintus, in Italia quadragesimus primus. Taceo, solœcis mos Diplomatis non convenire emendatæ scriptioni Carolinorum diplomatum aliorum. Quid? quod non æquè Diploma hoc perspicue loquatur de Geroldo vivo, atque de Rhabano superstite sit in Ludoviciano. Autorem tamen etiam illius Carolini diplomatis credidisse, Geroldum Comitem istum, cujus rogatu Carolus Magnus beneficio affecit Coenobium Althahense, tum temporis adhuc fuisse in vivis, haud negari potest. Imò verò probabile est, alium hunc fuisse Geroldum Comitem ab illo, qui perit bello Hunnico. Hic enim nudè Comes in Diplomate hoc appellatur: qui interemptus autem est ab Hunnis, is Eginhardo & Annalium auctori dicitur *Præfectus Bajoaria*: Sigiberto *dux Bajoaria*, h. est Præfectus militiæ in Bajoaria: (ubi perperam legitur tamen *Gerhardus*, & mors refertur in annum 800). Hermannò *Contracto pûssimus signifer Caroli*. Tantæ autem dignitatis virum non nisi Comitis titulo insignitum à Carolo Magno, cui carissimus fuit & virtute & affinitate, frater quippe Hilde-

gardis Reginæ, quod Aventinus annotavit, non est verosimile.

Alterum Diploma, quod Tomo primo pag. 127 Metrop. Hundii inter Frisingensia privilegia reperitur, iidem nihil juvat Hyperaspistæ effugium illud primum. Et si enim Privilegii Frisingensis illius fides admitti queat; non tamen Catalogo Episcoporum Frisingensium (quo teste unico Hundii illustrator C. Gewoldus scripsit, Walthonem Episcopum, cui Privilegium concessit Ludovicus Rex anno 906, obiisse anno 905 mense Maio) possumus credere. Quam sanè incerti plerumque soleant esse Catalogi ejusmodi tantum non omnes, notum est iis qui eos verlaverunt manu diligentiore. Ipsemet Hundius de Erstembergo Frisingensi Episcopo septimo, cui decimus successit Waltho, ait: *Quo anno obierit incertum est, dicitur autem sepultus in Capella S. Petri. Paulo ante tamen dixerat: administravit Episcopatum annis 18.* Tempora itaque successionis Frisingensis cathedræ utique non sunt omninò certa. De proximo antecessore Walthonis Arnolpho ita scribit idem Hundius: *Præfuit solum annis octo, sed annus electionis non concordat cum superiore numero Anthonis Episcopi.* Imò Hundius disertè de Vttone successore Walthonis ait: *Vixit tantum uno anno in Episcopatu, ante confirmationem mortuus, alias Ostsbo: qui interfuit expeditioni magni Ludovici Romani Regis contra Ungaros, anno 907. Aventin. fol. 480.* De hujus item successore: *Dracophus electus est Episcopus anno 908.* Hisce admissis, anno demum nongentesimo sexto obiit Waltho, non quinto. Atque ita vivo adhuc atque superstitè Walthone concessit Privilegium illud suum Rex Ludovicus.

Quin itaque frivolum sit primum Hyperaspistæ effugium, nemini non jam est manifestissimum. Et verò quod ex omni ævi monumentis Socii Hyperaspistici tantum duo illa inepta exem-

exempla potuerint omni suo conatu corradere, satis pro indicio est, illud quo nos, crimen falsi commissum esse in Diplomate circa Rhabanum, usi sumus argumento ab obitu Rhabani desumpto, invicti esse roboris.

Alteri effugio ut aliquid hinc objiciamus, nulla est necessitas. Jam tum enim hujus libri pag. 118 iterumque pag. 123 demonstravimus, Ludovicum nostrum Germanorum Regem post obitum demum patris Pii cepisse libera potestate in Regno suo *imperare*: atque ita annum vicesimum sextum regni, qui aliquâ possit specie dici annus *Imperii*, esse Christi annum sexagesimum seculi noni sextum. Adversatur certe sibi metipso Hyperaspista, quodocunque ab initio regni Bajoarici numerat annos *imperii* Ludoviciani. Contendit enim acriter cap. 1. pag. 9 *Imperatoris* nomen competiisse Ludovico propter amplitudinem regni & liberam regnandi potestatem. At vivo patre Pio agnovit Ludovicus superiorem patrem *Imperatorem*, & Bojarix regni tunc angusti fuerunt limites. Ac proinde tum saltim temporis *Imperator* audire non potuit, juxta ipsiusmet Hyperaspistæ doctrinam; nec ab illius Bajoarici regni primo momento exordium *Imperii* potest computari. Certum igitur est, non in vivis sed pridem defunctum fuisse Rhabanum, quando Ludovicus Rex anno alicujus *Imperii* sui vicesimo sexto Diploma condidit. Atque adeo & Alterum Hyperaspistæ effugium cum rubore, si quis pudor superest, non potest non se in tenebras recipere.

ETIAM secundum itaque falsi crimen, circa eos commissum quos veterator effinxit impetrandi Diplomatis inspectores, cum sit in aperto propositum, hunc etiam locum omnem possumus nunc etiam nos deserere.

CAPUT XIII.

*Falsò in Diplomate asseri, quod jam tam Cœnobium fuerit
situm in insula, ibiq; initio statim constructum: illud enim
post demum, seculo Christi decimo, in insulam transla-
tum, antebac autem alibi fuisse
conditum.*

QUæ hæcenus attulimus, quantum arbitror, non doξαν-
xās sed planè δυνάμειxās multorum falsi criminum Di-
ploma convicere: atque ita demonstrarunt, Diploma il-
lud, post tot falsi crimina evicta, tanquam sœtidum corpus
oportere abjici, aut æternis tenebris sepeliri, indignum nem-
pe quod diutius in oculis hominum & solis luce versetur, aut
cujus amplius ulla haberi ratio debeat. Fortassis tamen haud
fuerit nefas, illud jam conquiniscens & deploratum pridem
cadaver, adhuc quasi per triumphum, etiam minore quodam
argumentorum acumine, nonnihil vellicare. Nos, quasi li-
ceat, hoc imposterum agemus: paucis tamen, ne videamur
nimis operosi, aut ipsum adhærentem sœtido cadaveri pub-
visculum velle excutere.

Prima autem vice nunc id duntaxat sub examen voca-
bimus, quod in Diplomate dicitur, de loco ubi jam tum con-
ditum fuerit Cœnobium.

Verba Cæsarea talia feruntur de Adalberto. *Obtulit obtuti-
bus nostris quoddam Cœnobium Sanctimonialium nomine Lin-
daugia, situm intra lacum VVitsebe, & constructum in ho-
nore sanctæ Dei genitricis Mariæ. Quemadmodum in Palatio
Podamo subsistentis Ludovici Regis oculis potuerit offerri
Cœnobium, non apparet quidem; non tamen nunc id nos
morabitur. Quod autem de loco & nomine Cœnobii hæc
habetur,*

habetur, fallum utrumque esse, saltem perquam verosimile nunc faciemus, si non, ceu priora, omni ex parte certum & inconcussum. De loco autem agemus primum; deinceps de nomine.

Quod LOCVM igitur attinet, superest antiquissima traditio, Cœnobium initio fuisse constructum extra insulam, ad Lacus Podamici partem dexteram; ubi etiam nunc reliqua sunt vernacula vocabula Nunnenhorn & Nunnenbach: ipsammet Abbatissam autem vixisse Wasserburgi: ex illis locis & Cœnobium & Abbatissæ sedem in insulam fuisse translatum, Præfatum autem Cœnobii occupasse sedem præfictam Abbatissæ Wasserburgi, donec illa vendita est cuidam Domino Kiselegkio, qui eandem rursus, anno Christi post millesimum ducentesium octogesimo, quingentis marci Ulrico & Marquardo Schellenbergiis vendiderit.

Vnus, quod equidem ego nunc sciam, Gaspar Bruschius illius vetustissimæ traditionis memoriam posteris conservavit in quodam quod appellavit Idyllio de Wasserburgo, quodque addidit inter alia suæ *Centuria prima Monasteriorum Germaniæ* editæ post Ingolstadii anno 1551. Quandoquidem liber ille in paucorum hodie est manibus, multò minus illud Idyllion legi solet, nos partem ejus quæ ad nostrum hoc negotium attinet, bonâ fide hic recitabimus. Ita igitur Bruschius quidem canit.

*Est locus, Acronii sed dextro in littore Ponti,
Dicitur ab immensa undarum ipsa mole & abyſſo
Voce Hydropyrgon Græcâ: Castrum undiq; fractum
Hugonis Comitæ de Forti Monte, Morcæ
Principis ac Domini in Tettanago, & ad inclyta Rupis
Russæ castra & in Argoviana Principis arce.*

*Costrum inquam vastatum olim, cum diuite pago
Nonnarum prope cornu, circumquaq. Lyco
Vestitum. Poteras magis aptâ dicere voce
Bacchipyrgon: ita est locus undiq. vitifer & tam
Procreat omnino generosi munera vini.*

*Temporibus priscis fuit hæc arx inclita sedes
Sacrata Domine, quæ Dux Regina Parensq.
Virginæi cætus erat, ad Lindavica nostro
Tempore (dum locus est mutatus) templa sedentis.
Nam cum virginæus chorus hic habitabat eo ipso
Sylvestri umbrosoq. loco, Nonhornia quo nunc
Villa jacet: medius vel qui est pagum inter utrumq.,
Quorum alter Nonnarum Cernu dicitur, alter
Ferur earundem Germano nomine Rivus.
At cum sacra domus tandem Monialium in ipsum
Vastum esset translata Lacum, in quo nunc quoq. pul-
Cernitur esse sita, immenso circumdata Ponto: (cbræ
Contiguusq. ornata & multis ædibus, altis
Turribus, ac muro infestis arcentibus hostes:
Tum fuit hæc arx Cænobiipræstantibus ipsis
Præfæctis domus atq. habitatio & optima sedes.
Donec eam Dominus u idam Kiselegkius emptam
A Domina Abbatisæ ad se pertraxit. Is ipse
Quingentis marcis, elapsis pluribus annis,
Vendidit Vlrico & Marquardo rursus eandem
Schellenbergenfi prognatus gente vetusta:*

Cum post mille annos quoque ducentessimus iret

Octogesimus & Christi de Virgine nati.

Hæc omnia Bruschius. Utrum autem hæc an illa quæ in Diplomate continentur sint veriora, jam dispiciendum. Quod ut quam optimè possit fieri citraque ullum præjudicium, præmittemus proximè antiquissimam Cœnobii in editis hæcænis monumentis superstitem memoriam.

IGITUR citrà controversiam Cœnobium attinent illa quæ *h. cap. XV Historie vite S. VViborada* narravit Hepidannus S. Galli Monachus. Quam historiam *Parti secunda Tomi primi Rerum Alemannicarum* inseruit primus editor Melchior Goldastus. Adferemus huc locum integrum: cùm ut citra molestiam possit testimonium illud expendi, tùm quia habet nonnulla quæ etiam aliis de causis à nobis erunt attendenda. Sed & reapse hoc demum est omnium antiquissimum de Cœnobii rebus documentum: quoniam & ipsemet Hepidannus hæc scripsit seculo undecimo, & quæ narrat contigerunt seculo Christiano præcedente. Diploma enim Cœnobiale amplius non moramur: quia totum est commentitium & longe recentius. In hunc verò modum habent sese illa Hepidanni, *At Cilia invidiose tumens contra Virginem propter ejus inobedientiam, simul verita sibi decrescere quæstum si diu ibi moraretur, denudavit Episcopo, quod vellet cum illo secerè verba miscere. Adveniens, postquam semoris cæteris multa perfide quasi fideliter de virgine locuta est, etiam hanc sententiam subinovit. Compertam habeo vestram spiritualem voluntatem erga eandem puellam, quodeam si vobis occasio datur vultis inferere alicubi choro sanctimonialium: quatenus iusto à munduali fluctuatione liberius in Dei servitio possitis durare: ad hoc etiam testium habeo vestrum iter Lintbaugam. Eò loci si vos non aliàs irabitis voluntas, consiliare ejus insertionem, tum quod conversatio ibi valde spiritalis est, tum quod prompser ei*

illis pateret ingressus: ibi enim omnia vestro nutui parebunt. Præsulantem hæc de radice dilectionis procedere autumans, laus effectus est, & præcipiens ræsem armare, misit quendam de suis servientibus B. Virginti insinuandum, ut sibi ad navim cuncti expedita foret ad navigandum secum ad prædictam insulam. Sed illa, antequam Episcopalis legatio venisset, ingressa basilicam oratoria prosternebat coram quodam altari in honorem Sancti Galli consecrato. Et sicut fuit voluntas Dei inter preces obdormivit, & vidit oraculum, nec non somnium: beatum virum sibi vas sanguinolentum porrigentem multis spurciciis plenum, dicentemque sibi, si ad locum, ad quem Episcopus reducere cupis, perveneris, hunc sordidum victum manducabis & sanguine Kerburgæ reclusæ ibi inebriaberis. Cumque evigilasset & secum miraretur de somnio, offendit eam legatus in admiratione. Qui cum deposuisset ei mandata Præsulis, non respondit ei nec ad unum verbum, sed dimisit illum abire sine assensu. Super qua admirans Episcopus, continuo autem cogitans ei aliquid revelatum esse, navigationem suam peregit, & ad urbem Deo gubernante ipsa die prosperè rediit.

II.

Hactenus antiquissimum Cœnobii rerum monumentum. Proximum huic est illud quod habet Hermannus Contractus in Chronico ad annum Domini MLI, de Henrico III Imperatore verba faciens. Ipsi diebus, defunctis uno pene in tempore Lindaugiensi & Buchaugiensi Abbatibus, luosa nobilis prudens & religiosa virgine, utriusque loco recuperando ab Imperatore præficiuntur. Est Hermannus hic Hepidanno nonnihil senior: quippe qui in fata concesserit anno post millesimum quinquagesimo quarto: atque adeo hactenus illud Hermannii possit haud immeritò haberi monumentum omnium antiquissimum rerum Cœnobialium; quoniam tamen quæ in Vita Wibaradæ memorantur, jam seculo decimo contigerunt, nec multò post Hermannum literis sunt exarata, primus locus illis meritiò maneat.

Præter hæc duo porro nihil in veteris ævi monumentis
de Cœ-

de Cœnobii rebus hodie superat, quod quidem huc pertineat citrà controversiam. Etenim trahunt huc nonnulli etiam illud, quod ad annum 948 notavit idem Hermannus Contractus hisce verbis: *Lindaugia concremata est*. Alii autem de oppido id nominis agi existimant. Quorum sententiæ accedere, sunt quæ moveant me haud exigui ponderis. Primò enim si de Cœnobio fecisset sermonem Hermannus, illum instituisse perinde atque fecit ad annum 937: ubi ita loquitur: *Monasteria S. Galli & S. Bonifacii cremantur*. Hepidannus conflagrationem illam referens iisdem penè utitur verbis: *Lindaugia concremata est Nonis Iuniis*. Paulò antè autem sic itidem scripserat: *Anno DCCCCXXVII Monasterium S. Galli concrematum est VI Kal. Maj. in IV feriâ*. Illa utique diversa loquendi ratio, de Cœnobio aut ejus combustione vel Hermannum vel Hepidannum non egisse, haud obscuro est indicio. Perinde sanè atque de Lindaugiâ, scripsit de Ratisbona etiam Hepidannus: *DCCCXCII Radesbona igne cremata est*. Idem secundò confirmatur eo, quod de hujus conflagrationis autore præclari narrant historici. Ita enim loquitur *l. s. c. 9 fol. 516*. Joan. Stumphius: *Anno dom. 948 ist die Stadt Lindaw verbrant durch Herzog Herman von Schwaben / schreibt Hermannus Contractus. Gulerus l. 9. Rheia fol. 106. a. paulo plus addit. Als man ich und DCCCCXLVIII Jahr von der Geburt Christi zehlt / hat gedachter unser Herzog Hermann Lindaw / ich weiß nu was Uhsachen / in brand gesteckt / und das Brägenner Schloss mit hülff Kaysers Otthonis mit gewalt eingenommen. Bü elinus rem eandem Rheia sua pag. 190 hisce verbis narravit. A. C. Hermannus Dux noster Rhetorum Alemannorum, collectis copiis, incertum qua ex causa, Lindavium flammis absumit, & castrum Brigantium jussu Otthonis Caesaris expugnat. Fefellit quidem memoria Stumphium, dum credidit illud de Hermannno Duce lectum sibi apud Contractum, nisi alio fuerit usus exemplo: indubie tamen & ille & Gulerus ex*

vetustis id monumentis accepit, etsi Bucelinus non nisi Gulerum videatur secutus. Si Hermannus Dux autem incendium illud instituit, non de Cœnobio sed de oppido loquuti sunt Hermannus Contractus & Hepidannus. Fuit enim Dux ille Princeps pius & religiosus, ut proinde non jussit ille Cœnobium incendi & quidem sanctimonialium virginum. Cur oppidum incenderit latet quidem causâ, verosimile tamen est eandem subsuisse quæ Brigantium fecit expugnari. Accedit *versio* quod non de Cœnobii combustione agi, usque adeo videatur liquidum, ut non duntaxat Stumphius, Gulerus, & Bucelinus (Munsterus enim fateor de Cœnobio accepit) hoc agnoverint, sed ipsiusmet etiam Susannæ Cœnobii Abbatissæ nomine Casareis Commissariis fuerit propositum (ut verba sese habent *Memorialis* quod magno Apologetico operi Urbis additum est sub lit. q.) daß umb das Jahr 948 das Städtlein Eschach (hac appellatione ipsamet Urbs Lindaugia illi venit) ein viertel Stund von dem Stifte / von Herzog Herman zu Schwaben in brand gesteckt. Illa igitur quidem Contracti & Hepidanni de concrematione Lindaugiæ, non Cœnobium sed oppidum attinent. Nec verò utrum flamma etiam Cœnobium corripuerit, ullo constat certo testimonio.

VI.

Hyperaspista porro Cœnobiticus *cap. IV. §. 4. Arg. 1. pag. 32.* non dubitavit ad res Cœnobii trahere antiquam tabulam Carolo Crasso Imperatore conscriptam, imò ita loqui, quasi pridem fecerit idem Joachimus Vadianus. Verba ipsamet ita sese habent. Ja es ist erwieslich / daß der Flecken Eschach schon zuvor dem Stifte Lindaw zugehörig gewesen / &c. Zu dessen bescheinung bringt *Vadianus* *tom. 3. Alemannicarum rerum fol. 82. (scrib. 62.)* einen uhralten Brieff ein / so darret int andern Jahr deß Keyserthumbs *Caroli Crassi*, der ein Sohn gewesen *Ludovici Germanici*, darin gemeldet wird / daß *Eschenhou*, welches eben ist *Eschach*, gehöre nach *Lindavia*, oder *Lindaw*. Also lauten die wort:

Ego N. cum manu Advocati mei Corolii accepi à quodam homine, nomine Auguento in Zurichgauus, in loco qui dicitur Eskinhoua, ad curiam Lindauua pertinentie VIII iuchos de terra, statim in jus Monasterii (S. Galli) redigendos &c. Worüber Vadianus alio schreibt: Sape verò charta antiqua pagum Turegi à pago Durgaurum separant, interim uno utrumq. nomine complexi: quem Tigaurum olim fuisse minimè vana conjectura est. Curtii Lindouua hodie celebre oppidum est, Lindavium dictum, in Lacu Brigantino. Annales nostri Lindaugiam vocant. Quam totam incendio conflagrasse legimus Anno salutis 948. Biennio videl. post Rachiſa mortem, qua nota est Lindaugiensibus. Curres Alemanni vocabant loca celebra oppidave, aut ipsi oppidis domicilia celebrium hominum. Scripta autem est hac Charta Carolo Grosso imperante, quem in Augiâ Majore, qua infra lacum Brigantinum est, sepultum esse supra diximus. Hæc cum attulisset Hyperaspista, eadem fronte ausus est addere. Wird derowegen D. H. von seinem Achille selbst dem Vadiano überwieſen/ das der Stifft Lindaw/ che die Aeschacher die Insul bezogen/ ein brähmet vornchmes Orth gewesen/ dessen der Orth Aeschach ein persinents war. Item: D. H. weise einen solchen Brleſſ auff für die Aeschachische erdichte Reichsfreiheit.

Hæc omnia habet Hyperaspista. Dubites autem meritò (si scapham scapham vocare licet) impudentiâ ne magis laborent an inscitia. Utroque certe in vitio cubant. Impudens nimirum facinus est Hyperaspistæ, quod non verecundatus sit de Vadiano affirmare: quasi ille 1 in probationem juris Cœnobialis in Eschach produxerit Chartam illam concambii Carolo Crasso imperante conscriptam: quasi 2 Vadianus voce Lindauua intellexerit Cœnobium, cum verba ejus ab ipso met Hyperaspista adducta disertè loquantur de oppido Lindavio non de monasterio. Impudens facinus est, quod Hyperaspista illa verba Vadiani sine rubore ausus fuerit in medium proferre. Impudens denique est facinus, quod ausus fue-

sit doctissimo Heidero insultare Vadiani isto testimonio, quasi hinc pateat Cœnobium valuisse magna auctoritate in Elschachenses prius quam in insulam commigraverunt, cum tamen Vadianus ne verbulo quidem ibi Cœnobii Lindaviensis meminerit. Jam verò & inscitiam arguit interpretatio vocis *Cursis* de monasterio. Est enim quidem vocabulum illud nonnihil *κλῆρον*: at pro Cœnobio nunquam solet accipi. In medio sunt præclara illius sequioris ævi vocum Glossaria, à viris literatissimis inque scriptoribus ejus ætatis verfatissimis conscripta. Quæ inter cum emineant Glossarium Petri Pithœi, Friderici Lindenbrogii quod etiam Pithœi comprehendit, Gothofredi Wendelini, & quod de *Vitis Sermone* inscripsit opus nunquam satis laudandi Joannis Gerardi Vossii, sola illa consulisse satis fuerit. Qui velint possunt addere quæ de usu vocabuli *Cursis* annotavit Joachimus Vadianus *Epistola ad Henricum Bullingerum de obscuris Alemannicorum verborum significationibus*, quam inseruit *Antiquitatum Alemannicarum Tomi secundi parti prima pag. 60* Melchior Goldastus, & ipse ille Haimensfeldius *Tomo I Parte I in caput X Casuum Eckhardi junioris pag. 125*. Habent quidem & monasteria suas *curses*, sed ipsa monasteria non solent audire *curses*. Neque in illa charta antiqua agi de *curse* monasterii, faciliè observatum est: quandoquidem monasterii nulla sit mentio. Utque concesserim Cœnobium jam tum dictum *Lintaugia*, ceu legitur in Diplomate; debuisset scribi in charta illa veteri: *ad cursim Lintaugia* pertinente: casu scilicet genitivo. Nunc autem scribitur: *ad Cursim Lintauua* pertinente, casu accusativo: quandoquidem scilicet ipsa Curtis fuerit appellata Lintouua. Sed & paulò post patebit, quo tempore scripta est illa charta, Cœnobium adhuc fuisse situm extra insulam, & Lintouua nomine non audiisse. Illam sanè chartam de Cœnobio non agere, jam tum est liquidum. Intelligi verò oppidum, &

quam.

quamobrem illud Curtis tunc fuerit appellatum, sequente Capite docebitur.

IN UNIVERSUM igitur duo duntaxat ex omni illo tempore supersunt genuinæ notæ monumenta, quæ Cœnobii res attingunt; eoque & solis illis possumus nunc uti, in primordia ejus inquirere.

Ut igitur ad rem illam aggrediamur: extra omnem est controversiam, saltim seculi Christiani undecimi anno quinquagesimo & insulam habitasse Cœnobium & suam habuisse Abbatissam. Vtrumque enim referentem Hermannum Contractum, scriptorem *σύγγραφον* & vicinum, jam audivimus.

Nihil est etiam causæ quare fidem eorum quæ Hepidannus retulit in historia B. Wiboradæ, vocemus in dubium. Non enim quidem cœvus fuit sed centum amplius annos junior, & solent ejusmodi historiæ multum trahere ex affectu aut etiam superstitione; quæ nos tamen protulimus suspensionem cur moveant non video. Igitur hoc etiam credere licet: quando Salomone tertio id nominis Constantiense Episcopo Wiborada vixit adhuc Constantiæ, & quidem paulò antequam illa puella ad S. Galli concessit, jam Cœnobium fuisse constructum in insula. Agebatur autem tunc annus Christi nonagesimus duodecimus. Salomon scilicet ille factus fuit Episcopus Constantiensis anno noni seculi nonagesimo secundo, teste Hepidanno & aliis. Illa porro quæ ex Hepidanno narravimus contigerunt, paucis diebus antequam Constantiâ relicta ad S. Galli cum Salomone Episcopo migravit Wiborada, quod diserte dicitur *cap. 16*. Quarto autem ferme post anno in Pentecoste, à Salomone Episcopo, juxta basilicam S. Magni Wiboradam esse inclusam, narratur *cap. 19*. Illam *inclusionem*, uti vocabant, factam esse anno dcccxcvi legitur in Chronicis & Hermannii Contracti & Hepidanni. Ut proinde verum sit quod diximus, anno nempe

gentesimo duodecimo illa quæ ex Hepidanno adduximus contigisse.

Saltim hætenus itaque certi sumus de Cœnobii habitatione insulari. Obiter verò liceat hujus ætatis pace annotare, nec illa Wiboradæ nec Henrici III Imperatoris ætate, in existimatione fuisse sanctæ viræ Cœnobiales virgines. Præterit me quidem, quid sit illud quod Wiboradæ in somnio fuit dictum, *de sanguine Kerbirgæ reclusæ*: satis tamen liquet, specie *sordidi vitæ* quo sit cibanda malos mores Cœnobii significatos, & propterea locum illum à beata puella esse vitatum. Non etiam Viduam peregrinam præfecisset Imperator Henricus Cœnobio, si in Virginum illo collegio fuisset idonea inventa, quæ Abbatissæ munere fungeretur. Quò respeximus jam pag. 172, contra ea quæ de religiosis peregrinationibus scripsit Munsterus agentes.

I. QUEM AD MODUM autem hæc vera esse etiam nos affirmamus, ita illa etiam quæ Bruschius cecinit de primâ Cœnobii extra insulam constructione neutiquam neganda sunt. Et quidem *primò* hanc narrationem longè esse fide digniorem illâ alterâ quæ fide Diplomatis nititur, liquet faciliè unicuique: quandoquidem ex omni veteri ævo nihil huic refragatur, Diploma autem totum est confictum, & quemadmodum circa conditorem Cœnobii & confirmatorem aliaq; commisit putida mendacia, ita profecto nec circa locum nec circa tempus Cœnobii constructi potest illi securè credi. In universum autem inter plures narrationes, illa cui nihil potest obijci, auctoritate prævalet alteri mendaciis refertæ. Ad hoc illa Bruschlano carmine cantillata narratio etiam idèò saltim verosimilis est, quandoquidem antiquior est Diplomatis relationibus. Nec enim potuit temerè effingi illa jam Diplomate prævalente. Etiam ergo suâ antiquitate meretur majorem fidem, ut ævo gestæ rei propior. Hætenus sanè præsumi illa

illa relatio bonadebet, donec falsi fuerit convicta. Id quod fieri non potest, cum nulla de Cœnobii vetustissimis rebus supersint monumenta.

Ad hoc porro astruit fidem isti narrationi illa etiamnum superstes appellatio locorum *Nonnenborn & Nonnenbach*. Optime enim quidem illa convenit huic traditioni. Sed si Diploma audias nulla illarum appellationum apparet ratio. Nec temerè excogitaveris causam illarum nuncupationum saltem verosimilem. Renuunt quidem hodie *Nonne* vocari quæ in Cœnobio degunt Virgines (jam tum sanè Munsterus l. 2. *Cosmogr. cap. 239* scripsit: wollen nicht Nonnen sondern Freyfrauen gescholten werden: hodie Chorfrauen aut Chorjungfrauen nuncupari amant) olim verò *Nonnas* vocatas, nec perinde ut nunc seculariter eas vixisse, nec Cœnobium ipsum audiisse *Seculare*, abunde notum est. Quin igitur ab sanctimonialibus virginibus nata sint illa vocabula *Nonnarum rivus & Nonnarum cornu*, vacat itidem dubitatione.

Fidem *Tertio* huic traditioni facit illud, quod annexum est de domo quam Wasserburgi habuit olim Abbatisa. Hæc enim vera esse, ne hodie quidem Cœnobiales fortè diffitebuntur. Sed & Munsterum quoque jam audivimus *pag. 148* aliquid memorantem de Præfati Cœnobialis Wasserburgica habitatione. Quin imò in districtu Wasserburgico superfuerunt bona nonnulla agrestia usque ad annum 1593, quo vendita sunt Illustri Jacobo Fuggero: Literæ Contractus habentur in magno opere Urbis *pag. 952*.

Confirmat *quarto* hanc traditionem illa, quæ jam ante quadringentos circiter annos vixit in ipsa civitate Lindavgiensi communis fama, de tempore quo in insula fuerit primò constructum Cœnobium. Constans nimirum samatum fuit, fundatum in Insula Cœnobium ducentis annis prius quam Eschachenses transferunt in Insulam. Transiit autem illum

illum factum de mum esse seculo duodecimo, capite sequente liquidò probabimus. Unde retrò numeratis annis ducentis, constructum fuerit in Insula Cœnobium seculo demum decimo. Id quod à veritate est alienum, si prima Cœnobii exordia statim in Insula sunt jacta. Jam tum enim seculo nono, & quidem Carolo Magno aut Ludovico Pio imperante, cœpisse Cœnobium, omnium consensu traditur. Omnia autem tum demum rectè respondent famæ, si primam originem quidem accepit Cœnobium nono seculo sed extra Insulam, in ipsa autem Insula seculo demum decimo sedem collocavit.

Hujus autem quæ seculo decimotertio vixit famæ præclarum monumentum superest in *Rotulo illo depositionis testium*, quem Cœnobium citra omnem exceptionem, tanquam verissimam, obtulit Casareo judicio, atque inde communicatum, inclytus Senatus Urbis adjunxit magno suo Apologetico operi sub *p. 7 pag. 587*. Est ille quidem & principio & fine mutilus; confectum tamen fuisse circa finem seculi decimotertii, rectè colligit doctissimus operis illius Apologetici scriptor Daniel Heiderus in *Adjuncto signato literâ V pag. 526*. In illo Rotulo autem *pag. 529* testium unus sexaginta sex annorum ita deposuisse scribitur: *Vlycus dictus Breuder civitatis Lindaugiensis testis juratus, non odio &c. R. De 1. 2. 3. 4. articulu dicit, sibi nunc constare: nisi quod est communis opinio hominum inopido Lindaugiensis habitantium, quod monasterium Lindaugiense ad ducentos annos fundatum fuit, antequam opidum Lindaugiense (intelligit vero Eschach) transferretur de loco dicto de Altmatt ad insulam Lind. Et hoc audivit à dicto Birtel qui habuit centum annos, qui dixit hoc idem se audivisse à patre suo, qui similiter fuit centenarius.* Hæc Rotulus. Vnde discere est, non duntaxat communem fuisse tunc famam illam ad quam provocavimus, sed etiam ab iis acceptam, quorum vita ipsum seculum decimum fortassis attigit: ac proinde sic satis tuto posse

posse illicredi. Et si enim unicus duntaxat testis hoc dixerit, non debet rejici narratio: regulariter enim unius quoque testis assertioni creditur, quando verosimilis est. Ut post alios docet Meichsnerus *tom. 2. l. 2. decis. 4. n. 134.* Cum primis verò si testis sit persona honorata: qualis utique fuit Brenderus patricia natus familia, ut etiam Birtelius, ex cujus ore sua accepit Brenderus.

Quandoquidem autem hæc ita sese habent, veram esse illam Bruschianno carmine traditam narrationem, saltem temerè negari haud potest. Acceptari certè illa meretur, donec falsi fuerit firmis rationibus convicta. Id quod nunc tamen fieri non poterit, quia hætenus quidem nulla in lucem prodierunt vetusta & bonæ notæ monumenta, quæ primordia Cœnobii nos diserte docere sint idonea. Saltem interea igitur licet affirmare, Diploma falsò asserere quod statim initio in insula constructum sit Cœnobium.

Non est verò quod quem turbet multitudo & auctoritate eorum, qui in ipsa insulâ Cœnobii jacta prima fundamenta hætenus vel tradiderunt vel opinati sunt. Omnis enim illa fama à Cœnobio est sparsa, non tamen antequam Diploma fidem ibi crepit invenire. Quotquot etiam libris editis hoc narravere vixerunt denique avorum memoriâ: vetustiores scriptores haud invenias fortassis, certè hætenus ne quidem ab Hyperaspistis in testimonium producti sunt. Jam verò Diploma illud ex mendaciis esse confutum, jam tum probavimus; itaque nec multitudo nec auctoritas illorum qui sese passi sunt à Cœnobialibus decipi veritati potest opponi. Id quod jam tum monuimus *pag. 142.* cum primis autem integro *cap. X.* Docēbimus verò hoc iterum infra.

ETIAMSI AVTEM evictò illo falsi crimine, jam satis secerimus officio nostro, fortassis tamen haud fuerit absque operæ pretio, si nonnihil etiam de tempore cum

omnium primæ tum secundæ in insula Cœnobii originis, ut & de utriusque illius originis auctoribus, adferamus.

Quod primæ igitur aut secundæ Originis tempus attingit, nullum quidem superat certum testimonium ex veteri ævo traditum scripto, fortè tamen haud inani conjectura licet aliquid asserere. Quandoquidem scilicet constans est fama quam nullis rationibus queas convellere, jam tum seculo nono Cœnobium cœpisse, saltim verosimile est hoc licere etiam impofterum opinari. Quin imò quia plerique in tempora usque Caroli Magni primordia illa rejiciunt, ne nos quidem illis refragari audemus.

Secundam in ipsa insula originem fas est adhuc majore verisimilitudine referre in seculi decimi initia. Et verò convenit hoc cum illâ veteri fama quæ annis jam circiter quadringentis in oppido Lindavio fuit communis, cujusque ad seculum usque illud decimum memoria pertingit. Cui paulò ante apparuit ex Rotulo vetusto testium. Idem conjicere nos facit illius temporis conditio. Nec enim indubie mutavit sedem pristinam Cœnobium, nisi aliqua urgente mutationem necessitate. Si historiam autem consulimus illius tempestatis, Hungarorum primò sævissima arma migrationem ex continente in insulam, tanquam in locum tutum, potuerunt etiam imperasse. Quanquam verò Hungarorum in Germaniam irruptiones jam cœperint anno 900, statim ab obitu Arnolphi, Alemanniam tamen sæva illa gens infestavit demum anno 909. Hermannus Contractus ad annum illum: *Hungari Alemanniam petunt. Bellum Francorum cum Hungaris. He-
pidannus: DCCCCIX Agareni (ita ille Hungaros vocat) Aleman-
niam intraverunt. DCCCCIX Agareni cum Alemannis & Francis
pugnaverunt, eosq; vicerunt. Reginonis continuator: Anno Do-
minice incarnationis DCCCCIX Hungari Alemanniam ingressi
sunt. Anno Domini incarnationis DCCCCIX Franci & Alemanni in
Bava-*

confinio Bawariae & Franciae cum Hungaris congressi, miserabiliter aut victi aut fugati sunt. In quo praelio Gyselbaradus Comes interit. Nolo alio testes adducere qui idem narrant. Nec verò Alemaniam nisi demum anno xxi iterum Hungari depopulati sunt. Ceterum quoniam anno xii in insula jam sedem fixisse Cœnobium docuimus, verosimile, sit illo infelice cum Hungaris anno x instituto conflictu territas bonas virgines, tunc statim aut sequente anno, relictâ continente terrâ, in insulam commigrasse. Quemadmodum sanè illas Hungarorum vastationes soliti sunt tunc temporis navibus conscensis homines istarum regionum effugere, licet etiam discere ex libro Eckardi junioris de casibus S. Galli cap. v. & alibi. De illa itaque in insulam commigratione hæc mea coniectura est.

De auctoribus porro primæ foundationis nihil habeo quod addam iis quæ jam tum docui cap. ix. Nescio scilicet quinam tres illi conditores fuerint, aut qua dignitate, nisi quod Comites audierunt. Quapropter fateor quoque iterum, me ignorare, à quonam sive Rege sive Imperatore Francico prima illa Cœnobii fundatio sit confirmata aut ornata aliquibus beneficiis. De auctoribus etiam receptionis in insulam quandoquidem nihil est traditum memoriæ, aliquid itidem certi nequeo definire. Quandoquidem autem insula indubie tunc fuit sub jurisdictione alicujus Comitum, & Regnum universum administravit Rex Conradus, saltem horum consensu id factum oportuit. Non absimile autem vero est etiam, omnem insulæ terram tunc fuisse in possessione oppidanorum Lintaviæ, quandoquidem ad eosdem jam tunc temporis pertinuit Eschach extra insulam, ut proximo capite demonstrabitur. Vel illorum certè vel Comitum vel utrorumq; pia benignitate videtur pars insulæ Cœnobio in refugium concessa, exspectatione nimirum divini præmii. Insulam totam Cœnobio datam omni caret ratione, & nullâ hætenus

vel levissima potuit veri specie probari. Ex adverso in potissima insulæ nihil juris unquam vel exercuisse Cœnobiales, liquide adeo demonstratum est in magno opere inclyti Senatus, ut hæcenus ad silentium adaucta sit pars adversa quamvis iniquissima. Quicquid autem datum fuerit Cœnobio, illud si non omne saltem bonam partem ex pia benignitate Oppidanorum Lindaviensium, fiducia nempe impetrandorum cœlestium bonorum, profectum esse, non est cur cui faciat dubium illud, quod pars fundi, cui oppidum hodiè inædificatum est, jure emphyteutico vel censuali sit Cœnobio obnoxia, quasi nimirum non sit verosimile ipsorum oppidanorum beneficio tantum jus deberi. At verò illi fundo ducentis demum post annis pars urbis quædam superstructa est. Cum concessa est area isthac Cœnobio, de futura quadam istic loci ædium aliquot civitatis structurâ ne quidem per somnium est cogitatum. Securè itaque potuit donari, quod creditum est nulli fore magno oppidi usui. Frequentissimum porro fuit illi tempestati, bona libera Cœnobiis censitico nexu ex quadam pietate obligare. Idque etiam aliàs haud rarò factum fuisse in isthac insula, jam præclare ostensum in nunquam satis laudando magno Apologetico opere. Excutiantur Partis primæ quatuor duntaxat articuli appendices cum adiunctis suis quæ appellantur. Scio neminem bonum atque intelligentem quidquam ultra desideraturum.

Verùm & de hisce fortasse plus satis.

CAPUT XIV.

Falsò in Diplomate affirmari, jam illo tempore Cœnobium esse dictum Lindaugiam. Illud enim nomen aliquot demum pòst seculis, nec nisi raro, cœpisse etiam Cœnobio attribui, cum fuisset antebac soli insulæ & oppido proprium. Occasione datâ demonstratur præterea adversus calumnias Cœnobialium; oppidum Lindaugiam longè esse Cœnobio antiquius, & quando hoc in insulam confugit tunc oppidum illud in non contemnendo fuisse statu, Eschachium quoq; libera tunc fuisse conditione nec Cœnobii imperio unquam obnoxium, in Urbem etiam Lindaugium cum ante tum pòst Eschachiorum in insulam commigrationem nullam Cœnobio juris-dictionem fuisse

DE loco quo condiderit statim initid Adelbertus Cœnobium, proximè est victum, quod Diplomatis fabricator mentitus sit: consequens est ut probemus, æquè grande falsi crimen ab eo commissum in Cœnobii nomine; quasi nempe jam tum, atque adeo à primo usque exordio, illud aud. erit Lindaugia. Quo consilio talia sinxerit vaserimus veterator, dicemus infra seorsim, ubi quasi in satuta lance fraudulenta hominis consilia exhibebuntur. Nunc autem etiam hujus commenti falsimoniam oculis omnium exponemus. Quod utiq; ex re fuerit: quandoquidem non dubitavere Cœnobitici disertè asserere, quod Urbs à Cœnobio non en ipsum suum fuerit mutuata: sive, ut verba vernacula sonant illius Memorialis quod *sub lit. 2. pag. 517* in agno operi est insertum, Das die Stadt von dem Stifft den Nahmen / ihr ganzes wesen / Ihr und auffruam bekemney.

Igitur jam tum, quo tempore voluit impostor credi Diploma esse conscriptum, Cœnobium nondum fuisse *Lindaugiam* appellatum, quatuor hic firmis rationibus probavimus.

I. *Primum* est, quod indubie, quandiu Cœnobium fuit situm extra insulam circa Nonnenhornium, non potuerit *Lindaugia* insulæ nomine appellari. Jam verò anno octingentesimo sexagesimo sexto, quo voluit impostor Diploma conscriptum esse, Cœnobium extra insulam degit, & illuc non nisi anno circiter decimo seculi sequentis commigravit id quod præcedente capite probavimus. Saltem igitur illà tempestate, seculi noni nempe anno sexagesimo sexto, jam tum *Lindaugia* nomine fuisse appellatum Cœnobium, liquidò falsum est.

II. *Alterum* est, quod isthac ætate, quâ cœpit illud monasterium, à loco quo est conditum nulli monasterio fuerit statim initidò nomen datum, sed demum pòst; aut nisi locus aliàs fuisset antehac vilis vel vastus, vel nisi à Cœnobii conditore loco ipsi datum esset nomen. Hoc ipsum poterunt facile unumquemvis docere omnium ejus, imò & antecedentis ac sequentis ævi, monasteriorum antiquissimæ quavis tabulæ, quarum magnus hodieque numerus superat. Omnes illas huc testimonium addere supervacuæ fuerit operæ. Hoc ipso in libro Ludovici Pii diploma pag. 22 ita sese habet: *Tempaldus Abbas ex monasterio quod est constructum in honore S. Mauricii Martyris in loco qui dicitur Alaba.* Eodem ferè modo loquitur diploma Ludovici Germanici pag. 56 de recens constructo à se monasterio Tigurino: *Monasterium nostrum quod situm est in vico Turego, ubi sanctus Feux & sancta Regula martyres Christi corpore quiescunt.* Quoniam autem Alraha fuit locus antehac incultus, itaq; monasterium illud deinceps à Ludovico Germanico fuit isthoc loci.

loci nomine dictum: ceu videre est pag. 34. 41. 43. 44. 47. 48. 50 & 52. Par ratio est de monasterio Laurisham pag. 63. ut & Gande pag. 20. Uterque enim locus ante conditum monasterium fuit itidem planè incultus & à nemine habitatus: etsi postea facti fuerint cultissimi. Et verò locis ab hominum consortio remotis constructa olim pluraque fuerunt monasteria, in locis autem cultis aut urbibus perquam rara. Quæ autem locis jam celebrioribus constructa sunt, eorum nullum transit in nomen locorum suorum, sed ab iis ferè quorum honori sunt consecrata appellationem acceperunt, addito frequenter, quod in his aut illis locis sita sint. Hinc etiam hoc ipso in libro legitur pag. 30: *Basilica Abbatisa S. Stephani infra muros Argentoratenses sive Strasburg.* pag. 54. *in Ratisbona civitate, inter Ecclesiam S. Stephani, ubi modo sedes est Episcopalis, & inter Ecclesiam S. Emmerani presbiteri martiris juxta muros ejusdem civitatis.* Et tamen utrumque monasterium jam tunc erat sic satis eximie vetustatis. Contrarium exemplum scio proferri non posse.

Jam verò Cœnobium Lindaviense non dedit insulæ aut loco ubi jam hæret nomen suum. Quæ enim referri solent de Adelberti in insulam istam felice appulsu & hinc nata loci appellatione, illa esse fabulosa & ipsimet adversa Diplomati, quamvis à Cœnobialibus improbè conficta, jam demonstratum à nobis est pag. 162. Quando præterea Cœnobium transit in insulam, non profecto illa insula fuit inculta, sed jam ab aliquot seculis habitata, & quidem illo ipso tempore habuit oppidum non ignobile: ceu paulò post pluribus ostendetur.

Tertio, aliquot etiam post Ludovicum Germanicum seculis non monasterium illud sed sola insula & quod in ea est situm oppidum *Lindauia* voce audierunt. Non itaque seculo nono illud nomen fuit jam tum proprium Cœnobio. Verum esse quod assero, docere liquidò possunt vel illa quæ pro-

proximo capite jam producta sunt vetera monumenta. Horum sane *primum* non monasterium sed insulam voce *Lindangia* appellat. Cum enim memorasset, Episcopum profecturum *Lindangiam*, paulò post subjicit: *expedita foret Wiborada ad navigandum secum ad pradietam insulam*. Quod si porro ipsi Cœnobio jam tum fuisset nomen *Lindangie*, debuisset scribi in secundo monumento Contra&ti *Abbatissa Lindangie*, non *Lindaugiensis*: posterius enim magis significat Cœnobium situm fuisse *Lindangia*, non autem ita nominatum. In *tertia* denotare *Lindangiam* non Cœnobium sed oppidum, jam probavimus. Viduum quoque est, in *quarto* *Curtim Lintonum* non cœnobium esse sed itidem oppidum. Attendi verò hoc monumentum cum primis meretur, quandoquidem illa charta est conscripta anno secundo Imperii Caroli Crassi Imperatoris, qui est seculi noni Christiani octogesimus secundus, atque adeo sextus decimus post commentitios natales Diplomatis. Cui enim fiat verisimile, Cœnobio competiisse jam tum *Lindangie* nomen, cum esset illud insulæ atq; oppido proprium? Quandoquidem verò jam est notum, hætenus nihil vetustum esse productum in lucem, quod præter hæc quatuor *Lindangie* nomen commemoret, saltem licebit securè nobis asseverare: nec nono, nec decimo, nec undecimo seculis (intra hoc enim temporis spacium quatuor illa monumenta scripta sunt) Cœnobium ista appellatione audisse. Id quod certissimum est indicium, falso in Diplomate scribi: jam tum, h. e. anno Christi octingentesimo sexagesimo sexto, fuisse Cœnobio nomen *Lindangia*.

IV.

Neutiquam *quarto*, etsi Diploma circa initia seculi decimi tertii confectum, atque ita in manibus Cœnobii fuerit, vel tum persuasum fuisse sive Cœnobio ipsi sive alius vicinis, nomen Cœnobii esse *Lindangia*, certissimo argumento est, penè perpetuus, etiam ex eo usque tempore, usus appellationis

tionis alius. Multæ chartæ veteres istius & sequentium seculorum idipsum liquidò docent. Sufficit autem solas illas consuluisse quæ inter alia additæ sunt magno operi inclyti Senatus. Observare enim ibi est, ipsammet Abbatissam Siginam & quæ huic successit Gutam in literis Latinè exaratis, ab anno usque 1264 usque 1307, sese appellasse, Abbatissas *Monasterii Lindaugensis* non *Lindaugiæ*: Constantiensem item Episcopum Henricum anno 1249 in chartâ quâ jura quædam Constantiensia exponit, etsi vidisset Diploma, tamen monasterium non *Lindaugjam* sed *Lindaugense* appellasse, ceu videre est pag. 660. Germanica quoque lingua scriptæ chartæ tantùm non omnes habent das Gotteshaus zu Lindaw / unser Frauen Gotteshaus zu Lindaw / unser lieben Frauen Gotteshaus zu Lindaw / unser lieben Frauen Stifft zu Lindaw. Quasdam tamen fateor aliter loqui, der Stifft Lindaw. Sed raræ illæ sunt & recentiores. De quibus tamen haud injuria dixeris, usitatâ iis regionibus ellipsi voculam zu omissam. Et verò rectè & doctè differens de particulæ illius zu usu Heiderus pag. 727 scribit: *nihil apud Helverios, antiquæ loquelæ præ reliquis Germania nationibus tenaciores, frequentius est quàm a vocabulum zu omittere. Occurrunt innumera exempla in grandi illo volumine Chronici Stumphiani. Quo loco idem doctissimus Heiderus rectè item monuit: voculam zu / us omitti, ita etiam non raro superflue, euphonia gratiâ, per syllabicam adjectionem usurpari: Als das Land zu Francken / zu Sachsen / zu Schwaben / die Stadt zu Lindaw &c. Quali modo scil. in Germaniæ inferioris regionibus superflue solet frequenter adjici vocula van & tho. Verum enim vero omissio illa vocabuli zu quoniam rarior & recentior est, manet id quod diximus, simplicem *Lindaugia* appellationem nequidem post conficiionem Diplomatis in usum perpetuum ab ipsomet Cœnobio potuisse traduci. Id quod certo est indicio, nomen illud*

ab initio usque Cœnobio non fuisse proprium: sed illud ipsum in Diplomate falsò assertum esse.

CAPITIS XIV

Pars altera.

Calumniæ quædam Cœnobiales de Vrbe Lindavio & Eschachio diluuntur.

QUANTUMVIS autem quæ attulimus in medium satis sint, falsi hac etiam in re commissi convincendo Diplomati: fortassis tamen haud abs re fuerit, docere hoc loco nonnihil clariùs saltem etiam illud, Lindavium oppidum cum vetustius longè esse Cœnobio, tum quo tempore in insulam receptum est Cœnobium, non contemnenda floruisse conditione & Lindaugiæ nomen cum insula habuisse commune. Et verò huic assertioni quædam non multùm antehac superstruximus, ejusque ampliorem deductionem sumus polliciti.

Igitur insulam illam quâ oppidum continetur, si non priùs, saltem jam tum Augusto imperante fuisse habitatam, vix patitur nos dubitare Strabo l. 7. narrans, ex insula Acronii lacus Tiberium Augusti parentis auspiciis contra Vindelicos arma movisse. Et si enim Beatus Rhenanus & Ægidius Tschudus id aliter interpretentur, attamen hanc ipsam insulam præ omnibus illi expeditioni fuisse commodissimam, vel solus situs demonstrare aptus est. Eoque etiam Stumphius vir magni judicii l. 5. cap. 9. fol. 51. Munsterus l. 3. Cosmographia cap. 239. Crusius Annalium Suevicorum parte 1. lib. 3. cap. 5. pag. 65. lib. item 11. cap. 2. pag. 290. in Paralipomenis item cap. 20. pag. 8. imo etiam veteris Geographia ipse princeps Philippus Cluverius l. 2. Germania antiqua cap. 40 eodem atque nos sensu Strabonem acceperunt. Quam sententiam

con-

confirmat etiam illa Dionis narratio, l. 54: Tiberium per lacum navigiis subvectum exterruisse barbaros. *Subvecti* enim per lacum non potuit, nisi inferiore parte conscensis navigiis, ubi optimum receptaculum, vel ut Strabonis ipsa *ut* voce, ὁμηγερος, Tiberio hæc sola insula præbere maximè fuit idonea. Non est porro verosimile, locum adeo aptum adversus Rhætorum & post Alemannorum incursiones, rursus, quandoquidem & com meatui transferendo non alia insula aptior, à Romanis fuisse desertum. Quinimo quoniam & commerciis exercendis per omnem viciniam perquam est idonea, etiam hinc pro temporisatione mansit insulæ aliqua cultura. Pro temporis inquam ratione. Perpetuis enim Alemannorum bellis vastata omni ad Acronium lacum regione, saltem aliquod debuit superesse Romano militi tutum refugium. Ammianus sanè Marcellinus Constantio Imperatore l. 27 scripsit: *Lacum illum horrore silvarum squalentium inaccessum, nisi quæ vetus illa Romana virtus & sobria iter composuit latum.*

Omnem dubitationem tollit murus ille in clitya urbe adhuc superstes, ex silice constructus qui vulgo appellatur der Heyden Mauer: à paganis scilicet, quales fuerunt Romani, confectus. Opus sanè Romanum esse, vacat omni dubitatione apud eruditos. Hinc Munsterus: Die Rechnung gibt gnugsam aus / das die Römer diese Insel umb Rapsfers Augusti Zeiten / nach dem sie die Rhætos unterworfen hatten gemacht / wieder die Vindelicos und Bojos, als ein Bollwerk und Fluchthaus eingenommen bewohnet und besetzt haben. Dann es steht noch ein mächtiger starker alter Thurn / von etwel Rißling Quadraten auffgeführt / zu foders beim Burzthor / da man den allein zu Fuß in die Stadt kommen mag / die Heyden Mauer genant / welcher anzeigt gibt / das solchs ein Römischer Obrister / ohn zweiffel Tiberius Nero, und nicht das Landvolck gehawet habe. Similiter Stumphius: Es wird auch auß Ammiani anzeigung crachtet /

daß der Römische Gebieter und Baltherr Constantius vor 1200 Jahren alda wieder die Alemannier sein Wesen und Läger gehabt habe/ und ist auch hernach alle zeit ein vernampter Paß und überfar des Bodensees gewesen. Man sieht bey dem Thor/ darvon die Bruck hinüberans Land gadt/ noch ein wunder alter Thurn/ noch heutiges Tags die Heydenmaur genennet. Martinus quoque Crusius eade re parte 1. libro 3. cap. V. pag. 65. ita scripsit: Anno Domini circiter 38, Lindavia, sive Lindois, vel Lindavium, in peninsula lacus Podamici, recessa initia habuit, ut conjicitur: fortasse, quando antè Drusi frater Tiberius, ex eo loco, praesidiū munito, contra Vindelicos bellum gessit. Extat enim ibi (quod etiam Munsterus notavit) ad dextram pedestri itinere oppidum ingredienti adhuc turris quaedam validissima, vetustissima, ac semidetruta, ex quadrato silice: vulgò Murus Gentilium (die Heydenmaur) dicta: quæ illius temporis opus esse videtur. Ejusdem Crusii in Paralipomenis hæc verba sunt: Hanc insulam olim Romani occupatam muniverunt: ut sibi contra Vindelicos propugnaculo esset, circa tempora Octaviani Augusti Caesaris. Et fortasse vetustissimus murus, qui ingredientius pedestri itinere oppidum ad dextram est, & Gentilium murus dicitur (die Heyden Maur) Romanorum opus est: quo etiam posterioribus temporibus adversus Alemannos usi sunt. Hactenus illi. Nihil verò habuisse Hyperaspistam quo vel in speciem possint illa refelli, indicat ejus callidum silentium: cum tamen eruditissimus Heiderus in operis magni partis primæ appendicis articulo 1 idem astruxisset.

Valde porrò saltem similia vero sunt, quæ Heiderus de Burgo Lindavienfis urbis adfert: etiam illud nempe olim aliquod verus Romanum castellum fuisse. Merentur, ut viri omnia, legi quæ habentur operis magni pag. 32 & 525. Quoniam autem castellis Romanis tantum non ubivis fuerint quondam adjuncta oppida, nunc parva, nunc magna: itaque jam tum etiam huic insulæ oppidum aliquod non defuit. Et
verò

verò Germanico loquendi usu hodieque incolæ oppidorum *Bürger* appellantur, eorumque magistri *Burgemeisteri*; quasi idem sit *Burgum* & oppidum. Id quod jam tum olim fuit moris apud Germanos nostros. Etenim est quidem *Burgus* Romanis sequioris ævi *castellum parvulum*, testante Vegetio l. 4. cap. 10: at alia significatio vocis fuit in Germanis. Diserte enim Orosius l. 7. cap. 22 & Isidorus l. 9. cap. 2 de vocabulo *Burgundionum* differentes, scribunt: *crebra habitacula constitata burgos vulgò vocant*. Clarius Luitprandus Ticinensis l. 3. cap. 12. de Germanis: *ipsi domorum congregationem qua non clauditur burgum vocant*.

Sed hic fortunatus loci status indubiè mutavit cum Romanorum Imperio per Rhatiam, Alemannorum armis fracto. Saltem munimenta fuerunt destructa: quæ isthac tempestate omnibus in universum Scythicis & Germanicis gentibus, tanquam libertati, cujus studio unicè ducebantur, adversa, erant maximè invisa. Quam rem alibi plenius sumus exsequuti. An etiam id quod reliquum fuit oppidi excisum similiter sit, incertum. Serius ab ipsis Alemannis habitari cœpisse, docent exempla aliarum quamvis satis florentium quondam civitatum, per Galliam Vindeliciam Noricum & Pannoniam.

Ast seculo nono jam audiisse & insulam & oppidum Germanicâ *Lindavia* appellatione, atque ita habuisse Alemannos habitatores, certum est. Imo nec contemnendâ oppidum fortunâ jam tum esse usum, testantur ex illo ævo adhuc reliqua illustra testimonia. De eorum altero contra Hyperaspistam actum est à nobis jam capite precedente, illudq; inclytæ urbi vindicatum. Quandoquidem verò ab Hyperaspista productum fuit non integrum sed mutilum: invenitur porro & aliud alteri illi respondens, hætenus à nemine in nostra causa allatum in medium, utrumque hoc loco omnium oculis & judiciis exponemus.

Debet orbis primum viro optimè de Ecclesia & Republica merito Joachimo Vadiano: utpote qui illud inseruerit incomparabilis suo in argumento operis *de Collegiis Monasteriisq. Germania veteribus libro secundo*. Quod cum habeatur in Tomo tertio Rerum *Alemannicarum* undequaue magni Melchioris Goldasti, hujus voluminis pag. 62 legitur, titulo *Exempli Precaria cum concambio conjuncta*, hisce verbis. Ego N. cum manu Advocati mei Cozolti accepi à quodam homine nomine Augberto in Zurichgouue, in loco qui dicitur Eskinhoua ad Curtim Lintouna pertinente, VIII juchos de terra, statim in jus monasterii redigendos, & dedi ei alios VIII juchos in Durgouue in loco qui dicitur Elinkouue, ea ratione ut dies vite sue eandem terram sub censu unius denarii possideat, similiter & uxor ejus post eum, & post eorum obitum in jus monasterii reuocetur. Actum in Cella, Idib. Februarii, Anno Imperii Caroli secundo, Adalberto Comite in Durgouue. Et hi sunt testes, Othere, item Othere, Buozza, Adalram, Zuozza, Mangaloh, Cozolt, Erchanolt, Richart, Eburbart, Rathere, Vadolbart, Gebhart, Hiltebolt, Adalung, Richgonuo. Ego Notker jussus descripsi. Subjungemus quæ huic & præcedenti Precariæ addidit prudentia & doctrina pereximius Vadianus. Apparet & in hac & superiore charta, non permixtasse Monachos, nisi magno suo commodo. Adco semper auida rerum fuit Monastica religio. Quæ verecundiùs tamen primis istius sæculi sese gessit, quàm postremis; quibus profecto licuit quidquid libuit, Regibus interim in uirumq. (quod dicitur) aurum insigniter dormitantibus. SÆPE verò chartæ antiquæ pagum Turci à pago Durgauorum separant; interim uno utrumque nomine complexæ: quem Tigurinum olim fuisse, minimè vana conjectura

jectura est. *Curtis Lintouua* bodie celebre oppidum est, *Lindavium* dictum, in lacu *Brigantino*. *Annales monastici Lintuagiam* vocant, cum cœnobio veteri. Quam totam incendio conflagrasse legimus Anno *Salutis DCCCCXLIII*. Biennio videlicet post *Rachila* mortem, quæ nota est *Lintaugiensibus*. *Curtis Aleman* vocabant loca celebra oppidave, aut in ipso oppidiæ domicilia celebrum hominum. Scripta autem est hæc charta *Carolo Grosso Imperante*: quem in *Augiâ* majore, quæ infra *Brigantium* lacum est, sepulcrum esse supra diximus. Primum istud documentum, subsequatur jam secundum hætenus intactum. Edidit verò illud idem quem ante laudavimus *Melchior Goldastus* *Vir Clariss.* in *Censura Chartarum & Instrumentorum veterum Alemannicorum*, parte prima *Tomus secundi Rerum Alemannicarum* inter eas *Chartas* quæ agunt de *permutationibus* n. xix sub voce *Notkerus*. *Ego Hugprecht* providens paupertati & opportunitati meæ, trado ad monasterium *S. Galli*, in *Zurichgouue*, in loco qui dicitur *Eskinghoua*, ad *Curtem Lintoua* pertinente, *VIII* juchos de terra, statim in jus monasterii redigendos: & accepi inde alios *VIII* juchos in *Durgouue*, in loco qui dicitur *Eilickouue*: ea ratione ut dies vite meæ terram sub censu unius denarii possideam, similiter & uxor mea post me, & post nostrum obitum in jus monasterii revogetur. Actum in *Cella*. Id. Febr. anno imperii *Karoli* secundi secundo, *Adalberto* Comite in *Durgouue*. Et hi sunt testes, *Othere*, *Buozo*, *Zuozo*, *Maganloh*, *Cozolt*, *Erchanolt*, *Eburbart*, *Rathere*, *Vodalhart*, *Hildibold*, *Adalung*, *Ricgouuo*. *Ego Notker* jussus d. scripsi.

Vtramque hanc chartam de eodem negotio, in eodem loco & tempore, & ab eodem homine conscriptam esse, nemini

mini non liquet. Quod in alterutro unum alterumque desit vocabulum, aut testis nomen, indubie factum est culpa scribarum sequioris ævi. Vtraque porro charta conscripta est imperante Carolo secundo Imperatore. Hic autem omnino est ille qui vulgo Carolus Crassus nuncupatur, filius Ludovici Germanici, ejus quem auctorem vult esse Diplomatis sui Cœnobium Lindaviense. Quoniam verò annus secundus Imperii Caroli Crassi est Christi *ccccxxxii*, post fabulosos natales supposititii Diplomatis decimus sextus, ad nonum utique seculum Christianum utraque hæc charta pertinet. Bonæ fidei esse primam chartam, agnovit ipsemet Hyperaspista. Non potuisset ergo & alteram admittere, si volvens Goldasticos illos Alemannicarum rerum tomos hanc non prætervidisset. Certè utraque est ejusdem plane notæ: ut probatâ unâ alteram improbare nequeas. Non dubito autem, neminem quoque alium inventum iri, qui ambiguum faciat chartarum istarum fidem. Vsque adeo omnia seculi noni moribus & inter sese consona sunt. Qui sane ediderunt, illi de Lindaviensibus controversiis nihil vel fando acceperant: & prodierunt illæ chartæ in lucem pridem ante nuperas quas Cœnobium movit turbas: depromptæ ex Monasterii S. Galli tabulariis superiore seculo direptis.

Eschenbouam porrò, cujus in utraque charta fit mentio, esse illud quod pridem & nunc etiam *Eschach* appellatur, jam tum animadvertit ipsemet Hyperaspista, & magnâ cum iactantia affirmavit libri sui *pag. 31. & 32.* Verba ejus inter alia hæc etiam sunt: *Eskinhoua welsches eben ist Aeschach.* Nec verò est quod quem moveat alia hodie usitata vocis terminatio. Tempore enim locorum appellationes solere subire mutationem, perinde atque alias vicissitudines, nemini rerum gnaro non est notissimum. Majoris momenti queat videri, quod *Eskinhoua* in pago *Zurichgou* collocetur. Illum

lum enim pagum esse Tigurinum, recte videtur coniecisse Vadianus: & tamen à Tiguro urbe remotior possit videri Eskinhowa quàm ut Tigurini pagi pars fuerit. Ad hoc infra demonstrabitur, jam tum septuaginta circiter annis post fuisse Eskinhowam in ditione Brigantina. Est autem etiam hic scrupulus levis. Pagorum enim fines sæpe satis latè patuerunt, alibi fuerunt angustiores: sed & pro arbitrio imperantium limites alii atque alii solent earumdem regionum esse. Tigurum enim ipsum accensitum fuisse pago Durgaugensi anno 860, liquet ex verbis diplomatis Ludovici Germanici adductis pag. 56. Atque ideo recte dicit Vadianus, pagos illos olim interdum distingui solere, interdum non. Ex Diplomate præterea illo Ludovici Tigurino liquet, ad *Curiam Tigurinam* pertinuisse *pagellum* (uti verba sese habent) *Promie*: ac proinde mirum esse non debet, latiùs nonnihil patuisse pagum Tigurinum ex Regia constitutione. Itaque Carolo Crasso imperante cur sub jurisdictione Comitum pagi Tigurini non fuerit Eskinhowa, & non sequente demum seculo concefferit in ditionem Brigantinam, nihil vetat credere. Præsertim quandoquidem non liquet, Brigantio fuisse suos singulares Comites jam tum illo nono seculo.

De Eskinhowa igitur res plana jam est: significari nimirum illa voce id quod post Eschach fuit dictum. *Linsouam* porro idem esse quod Lindaugiam, professus itidem est Hyperaspista, & jam tum antè monuit doctissimus Vadianus. Verba Vadiani paulò ante attulimus, & capite præcedente à maligna & impudente Hyperaspistæ narratione vindicavimus. Ibidem etiam docuimus, neutiquam *Curis* voce Cœnobium posse intelligi: ut ut illa vox quondam fuerit *ἱερός*. Etiam oppida verò audisse tum interdum *Curis*, rectè notavit Vadianus. Eà sanè significatione Ludovicus noster Germanicus in suo Diplomate quo doravit Cœnobium Ti-

guriunum; quodque supra cap. IV. pag. 55 produximus, ita locutus est *Curia nostra Turegum*; & tamen non multo post idem Turegum *vicius* appellatur, hoc est oppidum nullis cinctum munimentis. Non tamen promiscue oppida omnia *Curies* videntur tum dicta, sed illa potissimum in quibus simul fuerit palatia Regia. Quæ & *villæ* tunc audierunt. Quo nomine in Germania tum fuerunt præ aliis celebria Francofurtum & Ulma. Videtur autem nec oppido Lindaugia defuisse tunc aliquod palatium eo loco, qui hodieque *Burgue* nuncupatur. Quicquid sit, *Curia* vocabulum nulla ratione Monasterio convenit, ac proinde chartæ illæ non ad res Cœnobii, sed oppidi pertinent. Idem verò quam maximè etiam confirmant illa quæ superiore capite probavimus, nempe seculo denique decimo in insulam istam Cœnobium fuisse translatum. Nec enim, cum adhuc hæretet Cœnobium extra insulam circa Nonnenhorniam, *Lintum* appellari potuit. Quin imò cum verissima sint quæ hoc ipso capite probavimus: per aliquot nempe secula, etiam post commigrationem in insulam, Cœnobio non competiisse appellationem *Lintouva* aut *Lindaugia*, utique in hisce chartis non adum est de negotio ad Cœnobium sed ad oppidum spectante.

Cæterum hisce jam certò constitutis, cum alia sunt manifesta, tum ante omnia id, cujus gratiâ potissimum hoc loco chartas illas in testimonium attulimus. Quandoquidem nimirum *Eskenhouna* sive *Eschach*, quamvis extra insulam situm, *persinuerit* illa tempestate ad *curiam Lintoua* sive, ut nunc vulgò loquimur, Lindavium urbem, ampla utique fuerunt jam tunc inclytæ urbis illius pomœria. Certe perquam hinc fit verosimile, si non omnia saltem pleraque ipsiusmet quoque insulæ itidem isthuc *persinuisset*. Extra enim insulam fuisse locupletem, & intra insulam angustis terminis circumscriptam, non temerè potest præsumi. Nos paulò post probabi-

probabimus, Elscenhovvam sive Eschachum fuisse quasi partem oppidi Lindoviz. Haut, verò perperam sed bonâ consequentiâ ratiocinationem meam, de Lindaviz urbis jam tunc temporis eximia conditione, esse institutam, negare non poterit saltem Hyperaspista, sive quis alius ejus aut Socius aut laudator. Simili enim argumento etiam ipse Hyperaspista est usus pag. 32 libri sui: tantum in eo lapsus, quod Cœnobio attribuerit, quæ ad Urbem referenda erant. Ita enim etiam gloriari non dubitavit. Wird derowegen D. H. von seinem Achille selbst dem Vadiano überwiesen das der Stifft Lindau / che die Eschacher die Insel bezogen / ein berühmte vornehmtes Orth gewesen / dessen der Orth Eschach ein *pertinentz* war.

QUASI obiter agendo, quandoquidem illa omnium antiquissima documenta nobis nunc sunt in manibus, non possumus non ex ipsis etiam alias duas gravissimas, calumnias Cœnobialium hoc loco in apertam lucem producere. Non vererundari nempe illi sunt acerrimè etiam in foro contendere: Adalberti, sui Diplomatis scil. atque adeo Cœnobii auctoris, ætate, Eschachenses fuisse & servilis conditionis homines, & seorsim Cœnobii servos, ejusque jurisdictioni dominicæ, cum nulla sit facta manumissio, obnoxios. Utrumque autem apertissimæ calumniæ convincunt hæ chartæ. Non enim licet utique servo, bona sua aliis tradere, non migrare in alias terras, sine singulari domini sui consensu, imo nisi fuerit manumissus. Hæ chartæ autem, nulla facta mentione ullius domini, aut ullius consensu, docent Hugprechtum sive Augbertum incolam Eschenhouensem ex pago Tigurino in Durgougensem commigrasse, alteri præterea Durgaugensi octo iuchos sui agri Eschenhauensis cessione Cœnobio S. Galli consecrassè: ex adverso alterum Durgougensem idem agere non potuisse sed nonnisi adhibito Advocato Cozolto, & charta conceptâ

quasi auctoritate Adalberti Comitis Durgouensis. Etiam si porro non fuisset servus sed duntaxat colonus Cœnobialis ille Hugprechtus, itidem tamen sine expresso Cœnobii Lindaviensis consensu, non potuisset ille agros suos permutare aut alteri Cœnobio, S. Galli nempe, dedicare. Quæ quandoquidem tamen esse facta nequit negari, quantâ cum injuria & iniquitate Cœnobiales priscis Eschachensibus servitutem intendent, & sibi arrogant in eos jura dominica, vel sola satis sufficiunt demonstrando. Nec enim nunc dicam, quàm insulsis & ineptis argumentis ausi sint Cœnobiales caussidici ut alia ita etiam hæc Cœnobio vindicare: quorum tamen nulla vel in suo ficticio Diplomate sit mentio, tantum abest ut bonis documentis ostendi possit illa unquam fuisse in usum recepta.

SED redeamus ad nostrum institutum. Oppidum ergo Lindavium seculo decimo, saltem ad usque annum quadragessimum octavum, etiam majore solito fortunâ floruisse, sunt quæ faciant verosimile. Etenim irruptiones Hungarorum jam circa annum seculi illius decimum Cœnobiales ex antiquis sedibus compulerunt in insulam: longè autem magis illæ Alemanniam omnem infestaverunt sequente tempestate. Nec verò tantum anno 913 & 919, sed cum primis etiam 925 crudelissimè Hungari in Alemannia sævierunt. Vltimo illo jam memorato anno Monasterium S. Galli ab iis igne destructum & Wiborada interfecta est. Lætu digna sunt quæ de illa invasionè narravit Egkardus junior *l. de casib. S. Galli* invita Engelberti Abbatis: quia inde discere simul licet, homines tunc consensu navigiis & Wasserburgo vitam remque suam conservasse. Quis dubitet igitur, ad exemplum Cœnobialium, etiam alios complures in insulam confugisse, sedesque ibi suas in tuto collocasse? Illo porro rerum statu nusquam in continente libera fuerunt commercia, isthæc

isthac autem insula sola præbere potuit illis securam stationem. Qua ratione, ut solet, insularis conditio facta fuit solito melior. Reapse præterea invidendi aliquid habuisse tunc oppidum, non obscure arguit illud incendium quod instruit quadragesimo octavo anno Dux Burchardus, Absque sane illo fuisset, nec tantus Dux incendisset oppidum, nec illud incendium potuisset videri dignum quod ad posteritatem commemoraretur: quod tamen factum est à Contracto pariter & Hepidanno. Indubie verò ingentem tunc rerum suarum jacturam Lindavienses fecerunt. Nam fortassis etiam tunc demum flammâ Burgus perit, & si quid aliud superfuit Romani operis quod concremari potuit.

Quamvis autem illam ut & quæ intra ducentos sequentes annos fuerit oppidi fortuna nullis monumentis habeamus traditum; per tamen est verisimile, commerciorum opportunitate paulatim restitutam pristinam felicitatem in integrum.

Cæterum seculo duodecimo Eschachensium transitu in insulam procul dubio amplitudo civitatis plurimum crevit. Jam tum enim seculo Christiano nono *perlinuisse ad cursum* sive oppidum Lintouan Eschachium, planum est. In parte oppidi illius censum esse Eschachium indicant, *primò* illud quod Eschachensibus non nisi in insula olim fuerit ædes sacra S. Petri dicta, eaque communis cum insulæ habitatoribus: *secunda* quod Eschachium ipsiusmet Lindaviani etiam nominis factum fuerit particeps.

Utrumque intelligere est ex *Formulo illo depositionis testium* quem capite præcedente adduximus. Et quidem jam tum testem Vlicum Brenderum audivimus *pag. 240* Eschachium Lindaugiæ nomine appellentem. Sed merentur audiri hîc & aliæ depositiones testium, ac proinde illas quæ ad rem faciunt adteremus. Igitur *pag. 331* Conradus dictus Gunderscher civis Lindaugiensis *De i. 23 4. attestans dicit, sibi nil constare, nisi quod capella*

S. Petri fuisset fundata ante fundationem monasterii & civitatis. Dicit etiam, quod audivit ab antiquioribus, quod quoddam bellum fuisset juxta insulam Lindaug. & victi fugerunt ad eandem insulam, & adhuc inveniuntur corpora mortuorum, quando foditur in eminentia dicta insula. In qua depositione observandum etiam est illud de bello, & fuga devictorum in insulam. Videtur enim hoc accipiendum de clade quam nonnulli passi sunt tempore Hungarorum. Viricus item dictus Guderseher testis juratus, non odio &c. pag. 532. De 1. 2. 3. 4. dicit, quod est communis opinio hominum, & sic audivit ab antiquioribus suis, quod primo in insula Lindaugensi fuit capella *S. Petri*, & postea fundatum fuerit Monasterium in eadem insula, & quod postea translatum fuit oppidum Lindaug. de villa Eshbach ad insulam, una cum Ecclesia *S. Stephani*, & quod adhuc habeat unam vineam in Eshbach, in qua sita fuit dicta Ecclesia *S. Stephani*. Eadem pagina alia depositio sic sese habet. Merbockius civis Lindaug. Testis juratus non odio &c. R. De 1. 2. 3. 4. dicit sibi nil constare, nisi quod capella *S. Petri* fuisset prima fundatio in insula Lindaug. &c. Item alia Thomæ Sack. De 1. 2. 3. 4. dicit, quod capella *S. Petri* fuit primo fundata, deinde monasterium, ante tamen translationem oppidi, & quod de hoc communis est opinio hominum, & sic audivit à suis antiquioribus. Pagina 533 hoc habetur Joannis Cellerarii testimonium. De 1. 2. 3. 4. dicit sibi nil constare, nisi quod ipse audivit, quod Ecclesia *S. Petri* fuisset prima Ecclesia parochialis in insula Lindaugensi. Pagina item 544. testimonium Ludovici Salii: De 1. 2. 3. 4. dicit sibi nil constare, nisi quod Ecclesia *S. Petri* sit primitiva in oppido Lindaugensi. Aliud item Wilhelmi: De 1. 2. 3. 4. 5. & 6. articulis dicit sibi nihil constare, nisi quod Ecclesia *S. Petri* fuit prima structura in insula Lindaugensi. Otanium plenissimum & nostræ narrationis optimum testimonium est illud pag. 545 Joannis Bloser civis Lindaugensis. De 1. 2. 3. 4. 5. 6. sibi nihil constare, nisi quod Ecclesia *S.*

Petri fuerit Ecclesia parochialis insula Lindanzenfis, habens ca-
metrium, ubi sepeliebantur pueri, & quod homines de oppido
Eschach sito in loco dicto an dem alten Markt tanquam iudices
ingrediebantur Ecclesiam S. Petri, tanquam Ecclesiam ipsorum Para-
chialema. Ultimum hoc testimonium, diserte affirmat id quod
prolessi sumus: ante scilicet transitum Eschachienfium in
insulam, illos habuisse cum insularibus communem adent
parochialem. Diserte item præter Brenderum vocavit Mer-
bock Eschachium Lindauizæ appellatione: & oppidi no-
men etiam alii testes ita acceperunt. Omnibus porro huius te-
stimoniis confirmatur atque illustratur illud quod jam præ-
cedente capite & paulò ante docuimus, pridem videlicet
ante constructum in insula monasterium, præter antiqua
Romana opera gentilium, fuisse ibi ædem parochialem sa-
eram; atque adeo & insulam fuisse antehac habitatam à ci-
vibus Christianis, non autem in vacuam & incultam terram
Cœnobium pervenisse.

Illo autem Eschachenfium transitu grande incremen-
tum ipsi in insula collocato oppido accessisse, haud difficile
conjectu est. Incolarum scilicet novorum magno numero
& domuum multarum nova constructione, in universum
solet civitatibus accrescere non levis felicitas.

Non exiguo autem agrestium servorum manipulo habita-
rum antea fuisse Eschachium, ceu cavillantur calumnianturq;
Cœnobiales Caussidici & Hyperaspistæ, sed jam tum sæculo no-
no degisse ibi multitudinem aliquam civium liberorum, pla-
num haud multo prius nos fecimus. Modò etiam audivimus
aliquot testes juratos, Eschachium *oppidi* & ipso *Lindauizæ*
nomine antea transitum dignantes. Paulò post producemus
simili ratione loquentem Lyrerum quoque & Martinum
Crusum. Imò observare est, utrumque illum, ut & alios, ita
serè locutos, quasi tota civitas Eschachio fuerit comprehensa

& ex;

& extra insulam ante transitum Eschachiorum collocata. Sed illos facile coarguit erroris ipsa Lindaugia appellatio. Etenim vox illa ab insula nomine data utique est oppido: quod fieri non potuisset si oppidum universum fuisset extra insulam collocatum. Pars igitur primaria oppidi omnino semper degit in insula. Fortè tamen Eschachium, pars nempe oppidi in continente sita, sensim ita crevit, ut æquaverit aut etiam superaverit fortunæ bonis & incolarum multitudine ipsammet primariam oppidi atque insularem portionem. Ut solent sæpe suburbia urbes ipsas antecellere. Ita sanè & Eschachium, reapse non nisi suburbanus locus, videtur sensim Lindaugia appellationem quasi ob maiorem excellentiam ad se se potissimum traxisse. Adeò planum certè fecit jam pridem, more suo, eruditissimus Heiderus *Appendicis Partis prima magni operis Apologetici Articulo V.* Eschachium quondam non viculum, sed oppidum castello instructum: nequaquam autem incolas servili aut ignobili fuisse conditione, quod Cœnobiales calumniantur, ante suum in insulam confugium, ut quidquam iis addere fuerit operam perdere.

Tanto itaque numero novorum incolarum aucta insularis civitas non potuit non ingens accepisse pristinae fortunæ augmentum.

Quandoquidem verò admirationem aliquam meretur illa Eschachensium in insulam, relictis antiquissimis sedibus, commigratio; haud abs re indubie fuerit, quid præter testimonia Rotuli jam producta in medium, à praeclaris scriptoribus sit de isthoc transitu commemoratum, hic audire, & non nihil expendere. Sebastianus itaque Munsterus *l. 3. Cosmograph. c. 239* ita loquitur. Aus solchem haben sich dem Closter nach viel Wohnungen / Kramer und Wirthehäuser / und der Leibleut ob dem Lande in die Insul gezogen. Und ist mit der Zeit ein Castell oder Flack nicht weit von dannen gegen

Mitt:

Mittnachte am Gestadt gelegen / (jehund Ischacha genant) ab-
 gangen und die Bürger desselben Orts / haben sich aus Rath eines
 unter ihnen / mit Nahmen Schönsteins / von ihrem Halsherrn
 Hugo / Graffen zu Bregenz / umb 42 Mark / halb Gold und halb
 Silber (auf welchem Geld / als zwischen gemeitem Graffen und
 denen von Ambo Uneinigkeit entstand / das Schloss Bodza
 man von erst unden an See erbaue und erneuert soll worden seyn)
 abgelöst und ledig erkaufft / 20. Post Munsterum hac de re
 l. 9. parte 2. cap. 10. pag. 359 *Annalium Suevicor.* in hæc verba
 scripsit Martinus Crutius. *Bregantius Dominus, ex uxore Schlys-
 selbergensi filiam habebat. Hanc amans Rotensanus frater Malfierus,
 nocte quadam rapuit cum matre Aspermontem. Pater iratus, exer-
 citum in eum duxit. Quo cognito: pater hujus, Tübingensis Comes,
 cum sorore VVilhelmo Helffenslausio, & genere Burcardo VVeckenst.
 Ortenburgicoq; Comite VVendelino, Bregantium Castellumq; Lindo-
 vvam, magnis copiis petierunt: coegeruntq; hac & Dominum, cum
 Rotensano pacem facere, ac, si familia ejus extingueretur, Roten-
 sanos omnium hæredes facere. Quod omne literis & testibus con-
 firmatum fuit. Filius Bregantii Hugo erat: Lindovva (tunc non
 in lacu sita) habitans. Hic amore incensus, formosam cujusdam
 Embfensis filiam, gravidam fecit. Tunc Lindovvenfes de consilio
 ejusdam civis nomine Schænstainii, persuaserunt Hugoni: ut ipsi
 Lindovvam, acceptis 40 marcis partim auri partim argenti, libe-
 ram dimitteret. Se ei adiuvento fore in castello extruendo, ubi tutus
 esse à propinquis puelle posset. Sic adificatum est Castellum Bodme-
 na. Patre suo mortuo illam in matrimonium duxit: filiosq; tres pro-
 creavit. Homo simplex erat: & à Rotensano asylum accepit Ri-
 chenovia: tradito ei Bregantio cum regione. Simoni etiam VVolkem-
 bergio, ditionem Eglossam liberam vendidit: quam Suevia Dux
 Balasar (inquit Lyrer) postea ab illo, liberis carente, accepit. Hæc
 Crutius. Quandoquidem autem hic palam proficitur, ro-
 tum illud caput *Annalium* suorum ex Thoma Lyrero esse*

sumptum, ejusque fide niti, Munsteriana autem itidem videtur ex eodem hausta fonte, ipsummet quoque Lyrerum hic audiemus, qualem illum produxit Knipschildius in pereximio opere *De juribus & Privilegiis civitatum Imperialium* l. 3. c. 31. n. 15. pag. 268: nec enim hæc scribenti Chronicon ipsum Lyreri est ad manum. Verba ejus hæc esse dicuntur. Haug (des Herrn von Breganz Sohn) was in seinem Castell Lindaw/das lag dazumahl nicht im See / da hat einer von Embs eine Tochter/ hieß Eva / die was gar schön/ der nam die und macht sie schwanger/ da was ein Mann in der Stade gefessen / hieß Schönstein/ der gab denen von Lindaw den Rath / daß sie mit ihren Herrn Hugo redten/ daß er etwa viel Gelds von ihnen nemme/ und sie freysagte / so wolten sie ihm helfen/ daß er ein Vestin und Wohnung bauwete / und sein liebe Frauen darauff setzte / daß sie sicher wer / daß sein Freund ihr nicht Leyd theten/ das trieben sie so lang/ daß er mit ihnen eins war umb 2111 Mark/ halb Gold und halb Silb:r/ damit bauwete er ein Vest/ hieß Bodman. Da sein Vater starb / da nahm er sie zur Ehe/ und hat mit ihr drey Söhne/ die wolten die Herrn von Rothenfau nicht Erb lassen seyn. Er war gar einfeltig/ und der von Rothenfau überfam mit ihm umb daß Erb/ und gab ihm Melchingen seines Bruders auß deiselbigen Reichenaw Gluckshaus/ und gab dem Abt darumb 21 Mark Silbers/ und nam Breganz ein mit allen Land und zugehörig. Audiemus post tres hosce etiam Wolfgangum Lazium magnum in historia virum, quandoquidem videtur sua ex Lyrero non accepisse. Is l. 8. de migratione aliquot gentium pag. 422. edit. Vrechel. hæc verba reliquit. Hugo, Hugonis filius, sub Henrico tertio floruit. Quo tempore ciues Lindavia continuè inundatione lacus afflictis, liberantes se è potestate Comitum 42 marcis argenti, relictis adibus in insulam Lindoviensem se receperunt. Fbi monasterium fuerat Canonissarum liberarum, ab Adalberto Comite à Buchhorn naufragium evadente constructum. Cui adiculas conjungentes,

gentes, affluentibus ex locis aliis compluribus, brevi oppidum effecere, quod hodie imperiale est & Lindavusa dicuntur. Alii autumant, Lindavienſis cruſtariu fuiſſe occaſionem, quod cum compreſſiſſes nobilem à Bodmen, fugiens iramparrus, Lindavienſes acceptis pecuniâ exemiſſet anno 1166.

Haëtenus illi. Verum enimverò inter ſeſe multum illa diſſonant: ut difficile ſit arbitrari quænam vero ſint conſentanea. Eſchachienſes atque adeo Lindavienſes redemiſſe pecuniâ omne illud jus quod haëtenus fuerat Brigantini Comitris, non Lyrerius duntaxat atque illum ſecuti Munſerus & Cruſius tradiderunt, ſed etiam Lazius narravit. Neque quidquam eſt quo illud jure merito poſſit vocari in dubium.

Ad hoc ſub Brigantini Comitris fuiſſe illos quondam juridiſtione, ſaltem anno 948, paulò poſt faciemus probabile, ut & eoſdem Suevicorum jam tum Cæſarum ætate fuiſſe potitos conditione liberarum Imperii Urbium. Igitur, ſaltem illa quæ de redempta libertate narrantur, pro veris admittenda ſunt.

Eſchachienſes porrò tranſtuliffe ſedes ſuas in inſulam; multorum teſtimonio probatum jam antehac accepimus ex Rotulo. Idem diſertè referentem modò audivimus & Wolfgangum Lazium. Non æquè apertè id affirmavit quidem Lyrerus & Cruſius, etiam illi tamen id innuerunt dum referunt, Lindavium antehac extra inſulam fuiſſe collocatum. Quin & hodiè Eſchachii ſuperant veſtigia priſtinæ civitatis. Etiam igitur de illâ Eſchachienſium migratione in inſulam, non eſt quod quisquam dubitet.

Compulſos *continua inundatione* Eſchachienſes id feciſſe ab uno narratum eſt Lazio ſed ipſomet dubio. Cum Eſchachium autem loco editiore ſit ſitum ubi ab inundatione minus eſt periculi; hæc quidem non videtur fuiſſe migrationis cauſa.

Quadrageſima duobus autem marcis à Brigantino emtam

libertatem nihil est quod possit falsi arguere: eoque & Lyrero hujusque sectatoribus nec non Lazio hoc etiam potest credi.

Tempus contra sive redemptæ libertatis sive transitus in insulam, perdifficile videtur definitum. Quoniam neque Lyreus neque Munsterus aut Crusius rem hanc attingunt: Lazii autem duæ relationes plusquam centum annis differunt, ipse Lazius nihil definiuit. Verum post redemptionem transiisse demum in insulam Eschachienfes, videtur extra dubitationem esse collocandum. In id enim omnes consentiunt: & dicitur recta ratio cum illa migratione majorem solito libertatem impetratam. Quod si Lyreri Chronicon uniuersum esset conscriptum jam tum anno 1133, ut alicubi præ se ferre perhibetur (ipse enim librum illum non legi) jam ante seculum decimum illa redemptio facta videatur. Narrat enim illam scriptor tanquam rem vetustam. Sed nec de Lyreri ætate, nec utrum ille unus omne Chronicon conscripserit, & non multa post fuerint interpolata, nec de fide libri satis constat. Illo ipso loco quo Crusius ista ex Lyrero transcripsit jam in hæc verba notaverat. *A matre Cienobium Seflinga edificatum in Lyreri libro scribitur: quod Bruschius ad annum modò 1237 reponit. Ergo aut post id demum tempus Lyrer vixit, & Chronicon, in cuius extremo ipse nomen adscripsit, ab alio dudum ante (anno scilicet 1133) descriptum fuerat: cui ipse postea quadam adjecit: aut Seflinga principium quoddam dudum ante Bruschii annos fuit.* Sed & in ipsâ illâ Lyreri narratione utique Dux Sueviæ Balchasar fabulosus est. Quantumvis placeant quæ de Lyreri fide caute atque eruditè, ut semper, disferuntur magni operis Apologetici pag. 611. sub lit. a a a. Nec id porro certum est, an partâ libertate statim commigratum fuerit in insulam, an aliquamdiu post: quamvis prius videatur Lazius asseruisse.

At vero transiisse Eschachienfes demum seculo duodecimo,

cimo, si licet dicere quod sentio, mihi quidem tria faciunt verisimile. *Primum* est, quod templum S. Stephani tunc demum fuerit in insula constructum. Meminit ejus post Bruschium Crusius *Annal. parre secunda lib. XI. cap. XI. pag. 437* hisce verbis. *In civitate Lindavia Podamici lacus, anno 1120 Parochiale Templum S. Stephani, è regione Maris: a Basilica situm, adificari capium est: cum jam ex confluentibus undequaque mechanicis opificibus, & ex commigrantibus ad D. virginem sub tiliis vicinis Eschachensibus agricolis, natum esset mediocre oppidum. Brusch.* Ante transitum nempe fuerat Eschachiensibus eodem nomine templum: ceu liquet testimonio Ulrici Gunderscheri ex Rotulo deprompto. In insulam itaque receptis omnino ipsis fuit cogitandum de simili nova æde: præsertim cum numerosum civium cœtum non caperet priscum S. Petri fanum. *Alterum* est, quod hoc tempus quàm optimè conveniat cum testimonio Ulrici Benderi. Id quod jam præcedente est capite demonstratum. *Tertium*, quia etiam apud Lazium nonnulli jam tum idem narraverunt. Taceo, quod huic sententiæ nihil possit opponi majoris verisimilitudinis. Nec enim earum, quæ manibus vulgi etiam Lindavii circumferuntur, traditionum ulla est auctoritas; ac proinde etsi diversum nonnullæ earum memorent, indignæ sunt quæ hîc attendantur.

Per eadem tempora, aut paulò ante, arbitror accidisse & libertatis redemptionem. Periculum scilicet fuit, ne libertati recens parta à mox sequentibus Brigantini Comitatus successoribus, utpote qui & Palatini simul Tybingenses fuerint atq; adeo præ Brigantinis potentes, novum periculum immineret. Ei vitando non sanè potuit remedium prudentius excogitari, quam in insulam transitus: ubi nempe & loci oportunitate & unita vi facile possit quamvis magna potentia securè eludi. Confirmatur hæc mea conjectura eo, quod Lyrero teste,

Hugoni Brigantino, à quo Lindavii & Eschachienſes ſeſe ære ſuo vindicaverant, ſucceſſerit in Brigantino Comitatu Rotenſianus, qui idem fuit Palatinus Tybingenſis. In monumētis autem Suevicis primi Tybingenſium Comitum Brigantiæ Domini in ſeculi duodecimi hiftoriâ ſoleant memorari, jam Lothario imperante claris Rudolpho & filio ejus Hugone.

Ut proinde liceat affirmare, circa ſeculi duodecimi initia, inclutam Urbem Lindavium grande cepiſſe priſtinæ felicitatis incrementum, cū recepto in inſulam tutiſſimumque refugium magno civium ſuorum Eschachienſium numero. cū pretio non magno partâ libertate illâ quâ inter Germanicas urbes ſolæ quæ Imperiales nuncupantur unice gaudent.

Et verò jam intelleximus, ſeculi noni fine Eschachium accenſitum pago Tigurino. Hic autem pagus cū Comitem ſuum more Francico habuerit juri dicundo, indubiè illa tempeſtate Tigurinus ille Comes etiam Lindaugienſibus præfuit. Conrado primo regnante Hugo Mediolanenſis, ſecundūm Baronium, occiſo Lamberto Italiæ rege, ad Conradum illum Regem avunculum ſuum confugiens, Brigantino Comitatu primus omnium creditur donatus. Non hunc tamen ſed alium ſeoriſim Lindavienſem Comitem fuiſſe conſtitutum tempore Henrici I quem Aucupem vulgò nuncupamus, ex Torneamentorum quæ appellantur ſive ſolemnium equeſtrium ludorum hiftoriâ Rixneriana, manifeſtum eſt. Illa ſane fide Cruſius *Annal. parte II. l. 4. cap. 1. pag. 100* in primo ludo ſigna ipſius Cæſaris Henrici ſcribit ſecutum Joannem Comitem Lindavienſem. Præter unum tamen iſtum nemo alius eo nomine memoratur. Audivimus verò jam *pag 233* à Burchardo Sueviæ Duce & oppidum Lintavium concrematum, & Brigantinam arcem ſubſidiis Ottonis Magni expugnatam eſſe anno 948. Hinc verofiſimile ſit, illo jam tempore.

tempore Lindavium in Brigantini Comitatus fuisse ditione. Ex eo itaque Brigantini Comitatus pars fuit Lindavium, donec felici redemptione in libertatem Imperialem sese vindicavit.

Invitat hic argumentum subungere & quæ de Lindavio differuit sæpe antehac laudatus in testem Crusius *Annalium* parte III. l. II. cap. XV. pag. 106. Verba ejus omnia referemus, non tamen nisi in priora quædam pôst animadversuri. *Lindovia* (celeberrimum Podumici lacus oppidum) olim *Abbatissa Monasterij*, quod ibi est, subiecta erat. Imperium autem Rom. gubernantibus potenter Ducibus Suevia, sub eorum & Imperii tutelam venit: ac multis propter virtutem donata privilegiis, jus eundem quoq. modis, & viridem siliam in albo clypeo pro Insignibus accepit. In primis autem cum die 7. Martii anni 1264 ferè tota conflagrasset (*Munst. l. 3. c. 246.*) postea à Comite Rudolpho Habsburgensi, Rom. Rege, privilegium 1275 adversus *Abbatissa* sententiam obtinuit: ut populus (quod nostro adhuc tempore fit) in singulos annos Consulem (*ein Bürgermeister*) & Praetorem (*ein Statthannman*) ex Patriciis & plebe, suo arbitratu legere posset: qui cum Senatu libere jurisdictionem exerceret: sed in gravissimis negotiis (ut religionis, fœderis, aut belli) inconsulto populo toto, & octo Tribunis plebis, nihil ageret: ne scil. tyrannus aut seditio existeret. Sicut certè anno 1396 exiit, quando supplicium de plurimis est sumptum, & patricius in ordinem coactus, Tribunissa potestas in Senatu prevalere cepit. Ideo quorundam etiam, die Joannis Bapt. magistratum ibi munia mutari solent.

Hæc omnia Crusius. Non patitur institutum quælibet horum vel probare vel rejicere: in ea tamen quæ dixit, quod olim incluta *Urbs Abbatissa Monasterii subiecta fuerit*, non possumus non paucis nos animadvertere. Et vero ut fama vires acquirit eundo, ita hæc fabula crevit per Dresserum primò qui Crusiana hæc legerat, mox & per alios, ipsumque adeo Joannem Limnæum, Dresseri exscriptores: quibus indubie pluri-

plurimi alii supinè posthac credituri sunt, ut solemus sequi antecedentium gregem. Etenim cum diserte dixisset Crusius: *Imperium autem Romanum gubernantibus potenter Ducibus Suevia, sub eorum & Imperii tutelam venit.* Dresserus parte V Isagoges Historicae de præcipua Germania Urbibus sub rubr. *Lindavia*, id ita interpretatus est, quasi Urbi primùm Abbatissa inde Sueviæ Duces imperaverint. Atque ita post etiam alii tradiderunt. Nec verò antehac à præclarorum scriptorum quocumque id traditum fuerat. Longè enim alius est sensus verborum Stumphii dicentis: *Nach dem die Römer dieser Landen vertrieben/ und die gegen den Franckischen Königen unterthan/ und dem Schwäbischen und Alemannischen Fürstenthüm untergetheilet ward/ ist diese Insel und Qu demselbigen Herzogthüm auch untergeben.* Non enim ille dixit, immediate (uti loqui solemus) Lindavium paruisse imperio Ducum, & quidem post Abbatissas, sed partem fuisse Suevici Ducatus, idque statim ex quo Snevia in Francorum venit potestatem. Id quod ita sese habuit, etiam tunc quando Comites jus dixerunt.

Ergo Abbatissas unquam imperasse Lindavienfibus, nullum in omnibus vetustis monumentis vel levissimum superat vestigium. Estque id imperium adeo alienum à vero, ut nec ipse Diplomatis fabricator ausus fuerit aut oppidi Lindaviæ verbulo meminisse, aut innuere saltem jus aliquod cœnobiale in eam civitatem. Illud autem indicio est, circa seculi duodecimi & decim tertii confinia, quod verum est natale Diplomatis tempus, horum nihil fuisse creditum. Non me fugit, quantum Hyperaspista sudaverit pro asserendo illo Cœnobiali imperio. At verò nullum potuit adferre vel minimum signum ejus exerciti imperii ante Eschachensium in insulam commigrationem: & proinde nihil eorum quæ dixit juvant Crusianam assertionem. Omnia porrò in universum quæ adfert facillime queant confutari.

fatari, si pateretur institutum argumentum. Sed & ex iis quæ in medium produximus palam est, saltem ab anno usque octingentesimo octogesimo secundo usque ad seculum duodecimum & ære partam libertatem, semper Comitibus subfuisse civitatem. Per consequens ergo Abbatissæ tunc temporis non competit ulla in Urbem Jurisdictio.

Nemo porro affirmavit ante Dreßlerum, paruisse (immedie quidem) civitatem Sueviæ Ducibus: non meretur ergo fidem etiam Dreßlerus, sine teste scilicet locutus id quod sine teste sciri non potest. Perperam porro illum accepisse ea quæ Crusius dixit, liquidum est, jamque tum admonitum. Præverat autem Crusium & Munsterus, atque adeo hunc Crusius bonâ ex parte fuit sectatus. Itaque enim Munsterus loquitur. Welche Stadt zu den Tagen / da die Herzogen aus Schwaben das Kayserthumb gewaltiglichen geregieret haben / in des heiligen Römischen Reichs Kayserogtey aufgenommen. &c.

Omnino verò ita sese res habet, atque illi duo retulerunt: sub Imperio videlicet Suevicorum Cæsarum Lindavium in Imperatorum & Imperii tutelam pervenisse, post nempe ære excussam Comitum Jurisdictionem. Neque enim adeo stulti fuerunt Lindavienses, ut ab imbecillibus Comitibus liberati sponte subjecerint sese herilis animi Sueviæ Ducibus, multò minus (quod tamen malunt credi inepti quidam Cœnobiales) impotentibus mulierculis. Ad hoc Fridericus cum primis Barbarossa, ut publicæ Imperii salutis fuit longe studiosissimus, ita id operam diligenter dedit, uti Urbes quamplures hæcenus Principibus obnoxias Imperio assereret per universam Germaniam: cum ex adverso multi Cæsares eas aut in propriam redegerint possessionem, aut Principibus sive oppignoraverint nunquam redimendas, sive vendiderint, sive prodigè donaverint. Id quod alibi latius sumus exequuti. Non sanè dubite, à Friderico Imperatore, si non etiam ab aliis illius ævi, civitati Lindavio à Comitibus

mitibus suis liberatæ concessa multa privilegia ; & speciatim ea quæ Munsterus ac Crusius memorant. Licet infelix incendium, velut urbem omnem ita & hæc tabulas anno 1264 perdiderit.

Jam ista Suevicorum Imperatorum ætate erectam fuisse civitatem in dignitatem istam Imperii urbium, omni exceptione majus testimonium petere etiamnum est, ex Diplomate isthoc quod Rudolphi Imperatoris auctoritate anno 1275 est conscriptum. Disertis enim verbis ibi asserit Imperator: *se jura & libertates civibus Lindavienfibus, suis & Imperii fidelibus, à divæ recordationis Imperatoribus & Regibus, suis præcessoribus ipsis traditas & concessas, innovare, innovatas hujus Majestatis sua munimine confirmare.* Atqui si Ottonem quartum excipias, omnes qui antecesserant Imperatores ac Reges, ad tempus usque circiter redemptæ libertatis, fuerant Suevicæ Ducalis familiæ. Ab iis igitur concessa fuerunt Lindavio jura quædam & libertates.

Quibus verbis Imperatoriis simul refellitur insulsa Cœnobialium quorundam calumnia, quasi primus Rudolphus in censum Imperii Urbium retulerit Lindavium : quos nisi partis suæ studium excœcasset, non potuissent non longè alia hinc discere. Imo cum ipsimet produxerint in judicium literas inclyti Senatus Urbici, antiquo sigillo tilix subpostæ aquilino bicipiti corpori anno 1263 obfignatas, non potuerunt ignorare, saltem jam ante Rudolphum, ut qui anno demum 1273 Cæsar fuerit creatus, in Urbibus Imperialibus Lindavium numeratum esse. Nec enim aquilæ bicipitis signum convenit Urbi quæ non sit Imperialis.

Nos paulò pòst integras exhibebimus Rudolphinas illas tabulas. Priùs tamen aliquid dicemus explicatiùs de conditione civitatis, qua vixit sub Comitibus. Igitur observandum: ex more antiquissimo omnium Germanicorum populorum,
etiam

etiam Francicorum Regum ac proinde & Carolovingicorum
 xvi, non aliam ferè Comitum fuisse inter suos auctoritatem
 quàm circa judicia, & Rege iubente circà expeditiones publi-
 cas. Planum id alibi, de Ducibus & Comitibus ut & de Judi-
 ciis Germanicis agentes, fecimus ex antiquis monumentis va-
 riis: & potest quilibet id facillè discere vel ex solis Marculphi
 formulis, quibus Comites instituuntur. Inspiciatur dun-
 taxat formula Lindenbrogianæ editionis xxxii. Civi-
 lium igitur rerum cæterarum curatio penè omnis in libera
 fuit potestate subditorum: Comitibus in eam nihil aut pa-
 rum fuit juris. Ne judicia quidem tota fuerunt Comi-
 tum: sed omnibus minimum septem Scabini assessores da-
 ti, ex populo electi, quos penes reapse in judiciis, ut Ta-
 citus loquitur, *consilium fuit & auctoritas*. Nequaquam de-
 spoticum aliquod in suos, sive personas sive bona videas, impe-
 rium tunc fuit Comitum, imò ne Regum quidem. Habuerunt
 illi passim bona sua privata, alibi multa alibi pauca, & hætenus
 alii aliis fuere opulentiores. Bona civium onerare veftiga-
 libus aut tributis, nemini fas fuit: ne Regibus quidem, nisi ubi
 id placuisset Regni Ordinum conventui. Non alia igitur indu-
 biè fuerunt olim Comitum in Lindavienses jura: ac proinde
 hætenus etiam sub Comitibus neutiquam illi servierunt,
 sed liberaliter satis sunt habiti. Nec verò existimandum est,
 hic duriora obtinuisse, nisi claris id documentis fuerit proba-
 tum: quæ deesse, satis constat. Omnino autem sic etiam Lin-
 davii habuisse sese res Comitum, haud obscure indicat quoque
 vilitas pretii illius, quo ab omni Comitum imperio vindicata
 ac redempta est civitatis libertas. Non enim me quidem præ-
 terit, quæ olim nummorum fuerit rerumque æstimatio, lon-
 gè diversa à nostri temporis consuetudine: quoniam probo,
 quæ hac de re præter alios elegante opusculo *de caritate rerum*
ejus, remediis contra Mælestretum, mea curâ superiore anno re-
 culo, disseruit Joannes Bodinus: nulla tamen etiam sic in-

ter pretium & rem fuisset aequalitas, si despotica jura in civitatem Comiti Hugoni competiissent: bene autem sibi constant omnia si ultra eaquæ diximus non extenderit sese Comitiva potestas.

Etiam hoc igitur expedito, producemus Rudolphi Imperatoris illud quod jam memoravimus Diploma, illoque omnem hanc dissertationem quasi obſignantes, capiti huic finem imponemus.

*RUDOLPHVS DEI gratia Romanorum Rex
semper Augustus, universis Sacri Romani Imperii fide libus,
gratiam suam & omne bonum. Dignum judicat nostra serenitas, ut illorum vota gratiosius admittamus, & eorum desiderijs benignius occurramus, qui Sacri Romani Imperij Principibus diuæ recordationis Imperatoribus & Regibus fidelius adhaeserunt, nec ab ipsorum seruitijs se aliquatenus auerterunt. Cum itaque dilectos fideles Nostros & Imperij Cives Lindaugienses tales fuisse, & nunc esse, fide cognoverimus oculata, eademq; experimentis certioribus sint probata: Nos eosdem prosequentes affectu gratiæ specialis, jura & libertates iisdem à diuæ recordationis Imperatoribus & Regibus nostris prædecessoribus ipsis traditas & concessas, presentibus innovamus, innovatas hujus nostræ Majestatis decreti munimine confirmamus. Promittimus itaque dilectis Civibus pro munere gratiæ specialis, quod Nos Advocatiam Nobis & Imperio atinentem, quæ vulgariter dicitur Castſogit, nunquam alienabimus obligabimus aut commutabimus. Volentes id ipsum à nostris successoribus inconuulsum perpetuitate temporis observari. Item statuimus, quod*

quod nullus Iudex publicus, nec Dux, neq. Comes aut quislibet ex judiciaria potestate, ipsos super possessionibus iuri forensi ipsorum Civitatis subjacentibus, & in aliis causis secularibus quibuscumq., nisi coram Advocato vel suo Iudice substituto, in palatio Dominae Abbatissae & praesente Domina Abbatissa, poterit aliquatenus convenire. Præterea proscriptio Advocati Ducis Comitum vel alterius Iudicis, ratione iudicii cuiuscumq. ipsorum civium, intrare non debet vel attingere Civitatem. Ipsorum etiam Civitas tali jure & libertate uti debet: videlicet quod quicumq. extraneus servilis conditionis à prædictis Civibus recipitur in Concivem, si idem per spacium unius anni, sine inpetitione & repetitione domini sui in dictorum Civium civitate commoratur, ita si ipsum dominus scit in Oppido residentem, deinceps liber & solutus ab omni servitio sui domini penitus permanebit. Si autem ab eodem Cive recepto servitium à suo domino postuletur, ita tamen, si infra terminum illius primi anni convincitur de jure ad servitutem pertinente, quicquid Advocato de ipso nomine servitii dabitur, dominus in tertiâ parte penitus contentus esse tenetur. Insuper, si proprius alicujus domini convictus ad servitutem, in sæpeditorum Civium moritur civitate: domino tertia pars rerum mobilium cedit. Ita, si ibi carnales heredes esse videntur: si non, tunc domino medietas mobilium assignatur. Item si aliquis homo advocaticius in ipsorum civitate est residens, Advocato de sua persona, aliquot servitium facere non tenetur

II.

netur, Si autem idem homo advocaticius viam carnis ingressus fuit universae, Ecclesiae ad quam spectare videtur, quicquid in eadem Ecclesia in ipso vel in his qui sunt eiusdem conditionis habere videtur, dabitur sine dolo. Quicumque etiam aliquod praedium ad forum pertinens eorundem civitatis, ratione emptionis vel hereditatis, per spatium unius anni & unius diei in quietam tenet possessionem, ita si infra terminum praedictum secundum iuris formam non contradicitur reclamando, illo reclamante in provincia existente, de cetero id praedium pacifice possidebit. Nullus etiam miles nec monachus, praedium aliquod in Civitate praedictorum Civium hereditario iure acquirere poterit nec tenere. Et si aliquod praedium alicui Conobio vel aliis personis religiosis dabitur propter Deum, infra terminum unius anni vendere tenentur; quod si facere neglexerint, ex tunc proprietas eiusdem praedii ad heredes proximos tradentis succedet libere & quiete. Quicumque etiam puer, cum rebus propriis à suis parentibus separatus, sine carnali herede de hac luce emigrabit, eadem hereditas in patrem vel in matrem cadet evidenter. Si autem ibi parentes esse non videntur, tunc in proximum heredem, sive ille sit ex parte patris sive matris, de iure cadet hereditas antedicta. Praedicta omnia & singula, ob favorem Civitatis & Civium Lindaugensium, confirmamus & roboramus in perpetuum duratura. In cuius rei testimonium praesens scriptum Sigilli nostri munimine iussimus roborari. Datum apud Nurnberch r. Nonas Martii Indictione tertia, Anno Domini M C C L X X quinto, Regni vero nostri anno secundo.

Hactenus Diploma Rudolphi Imperatoris. Non verecundatus quidem est Hyperaspista illud calumniari, quasi sub & obreptitio impetratum, imo quasi mox denuo irritum fuerit redditum. Sed improba calumnia non meretur responsum. Aliquid scilicet Privilegio isto contineri, quod legitimis Cœnobii juribus vel tantillum detrahat, aut quod ullo verbulo disfertè ab Imperatore isthoc revocatum sit, non potuit iniquus Hyperaspista probare. Nihil reperit quod vel colorem calumniæ faceret, præter supposititium Ludovicianum Diploma. Et tamen nec ibi quidem reapse invenias aliquid huic Rudolphino adversum. Quid quod idem Hyperaspista non erubuit ex ipso illo Diplomate, pro ea qua valuit improbi ingenii solertia, Cœnobiale in Urbem, quam Imperialem esse aperte pronunciat Imperator, dominium exculpere? Usque adeo periiit frons de rebus, ceu ille olim loquebatur. Non fert institutum ineptias istas hîc perstringere. Sed & nemo non absque ullo monitore videt & Diplomatæ robur pro austruenda Urbis dignitate, & Cœnobialium calumniatorum iniquitatem.

CAPUT XV.

Ex iis quæ de postulati Adalbertini persuasiva ratione narrantur, ut & quæ de sacris precibus constituuntur, Diploma falsi suspectum meritò esse debere.

Fortunam libertatemque Lindavii inclutæ Urbis fortè prolixius persequuti sumus, quàm tulit Cœnobialium aurium oculorumque patientia. Veritatis tamen & recti interfuit coram omni bonorum æquorumque orbe liberare ab infestis calumniis ipsa etiam Urbis primordia. Redibimus nunc ad institutam Diplomatæ censuram: non quasi nondum satis palam sit illius fraudulenta fabrica (illa enim pridem patet
jam

jam omnium oculis) sed uti appareat, dolosum quamvis veritatem etiam in minutis rebus non potuisse Sinonias suas artes occultare, aliquot etiam alia falsi indicia, minoris licet ponderis, proferemus. Et nunc quidem animadvertemus duntaxat in ea quæ narrat Diploma de Adalbertini postulati persuasivo argumento, ut & de Imperatoriâ circa sacras preces constitutione: quoniam utrumque peraffine est, & omni caret verisimilitudine.

- L. Quod PRUUS attinet, in Diplomate ait Imperator Ludovicus de Adalberto: *postulavit, quatenus pro redemptione animæ nostræ nec non parentum nostrorum, eidem monasterio aliquod muneris conferremus.* Adalbertus igitur Imperatoris munificentiam in suas partes ausus fuerit pertrahere, propositâ redemptione & sua & parentum suorum animæ. Illum in finem ipsosmet Imperatores aliosq; tantum non omnia monasteriis aliisq; sacris locis dare solitos, longè quidem & certissimum & notissimum est. Qui liberalitatem tamen Imperatorum Regumq; sollicitarunt, si quidem inferioris fuerunt conditionis, solent illo persuadendi argumento ob reverentiam aliquam abstinere. Si inquam haud fuerunt nati Cæsarea aut Regia familia: utpote quibus minus licuit atq; aliis sublimi sanguine procreatis. Docent hoc ipsum quæ ex isthoc ævo superant genuina Diplomata: in quibus scilicet id genus persuasivi argumenti haud temerè fuerit reperire. Jam verò Adalbertus si Comes fuit Palatii, non ignoravit mores aulæ, & quàm submisse gerere sese debeat erga Imperatorium fastigium superplex minister aulicus. Igitur Adalbertum usum fuisse illo insolente persuasivo argumento, non sane veri aliquam habet speciem.

Utque ausus fuerit in Imperatoriâ sive Regiæ animæ redemptionem suo Coenobio aliquod donum petere, non videtur tamen

men ausum illum *in redemptionem animarum PARENTVM Imperatoris* aut Regis tale quidquam postulare. Pridem scilicet mater quidem Ludovici Germanici defuncta erat, & sanctè vixerat pia foemina. Saltim illius igitur animam *redemptione* adhuc indigere, forte ne suspicandum quidem fuit. Animæ etiam Ludovici Pii Imperatoris infelicem statum sexto vicesimo post obitum anno, ministrum aulicum primarium Regi filio ausum quasi exprobrare, dixeris nefas aut certè perquam imprudens facinus. Pro *remuneratione, mercede aut mercedis augmento* orari, excusatio nē meruisset: longe autem aliud est *redemptio animæ*.

Non me præterit tamen, id quod Annales Francici referunt, de Ludovico nostro Germanico ad annum MCCCXXIV verba facientes. Diebus, inquiunt Annales, *Quadragesimæ cum negotiis secularium rerum depositis orationi vacaret, vidit quadam nocte in somnis genitorem suum Hludouicum Imperatorem in augustis constitutum, qui cum hoc modo Latino affatus est sermone: Adhæro te per Dominum nostrum Jesum Christum, & per trium majestatem, ut me eripias ab his tormentis, in quibus detineor, ut tandem aliquando vitam possim habere æternam. Hac ergo visione perterritus epistolas per cuncta Regni sui monasteria destinavit, obnixè postulans, ut animæ in tormentis posite suæ apud Dominum precibus intervenirent. Vnde datur intelligi, quod quamvis memoratus Imperator multa laudabilia & Deo placita fecisset, plurima tamen legi Dei contraria in regno suo fieri permisit. Stenim (ut cætera omittam) hæresi Nicolaitarum firmiter & viriliter resistisset, & monita Gabrieli Archangeli, quæ Eihardus Abbas duodecim capitulis comprehensa obrulis legenda & facienda, observare curasset, forsitan talia non pateretur. Sed quia (ut scriptum est) Deus nullum peccatum dimittit impunitum, & juxta Apostolum, Non solum qui id faciunt, sed qui consensunt facientibus, digni sunt morte; merito pœnas luere visus est, qui dum potius, sibi commissorum errata vel admonitus corrigere noluit. Hacenus Annales. Eorum fidem se-*

cutus Sigebertus Gemblacensis ita loquitur. *Ludovico regi Germanorum apparuit in somnis genitor suus, olim Imperator, adiuvans eum per nomen sanctæ Trinitatis, ut eum eriperet à tormentis quibus detinebatur, ut æternam requiem habere mereretur. Ob hoc ad diversa monasteria elemosynis destinatis obnixè filium succurrebat patri. Unde datur intelligi, quod licet idem Imperator multa Deo & hominibus placita fecisset, plura tamen contraria in regno suo fieri consensit, in quibus graviora videbantur urgere duodecim capitulis comprehensa, quæ Emarchus ei legenda & observanda obtulit, at servare non studuit. Hæc etiam Sigebertus. A quo persuasus Wigulejus Hond. *Parte prima Metropol. Salaburgensis pag 190.* agens de Embricho Ratisbonensi Episcopo scribit in hæc verba. *Sub id tempus contrigit, secundum Sigebertum Gemblacen. Chronographum sub Anno 874, manes Ludovici Imperatoris errare. Unde Ludovico Regi Boiorum parens olim Ludovicus Augustus in somnis apparens, eum obtestatus est, ut se per nomen S. Trinitatis eriperet à tormentis, quibus detinebatur. Ludovicus igitur in parentem pius, ad diversa Monasteria datis Elemosynis Patri fideliter succurrebat. In his & Monasterio S. Emmerani plurima addidisse credibile est. Quâ occasione Monachi ab illo confirmationem exemptionis, Monasterio à Parente olim factæ, impetrarunt, confirmato censu septem antecorum Nicolao Pontifici Maximo persolvendo singulus annus. Hæc illi. Est porro perquam simile vero, fabricatori Diplomatis non ignoratam fuisse famam illam, & proinde eo securius Adalberti illud postulatum confinxisse.**

Primo autem observandum, reapse omnem hanc narrationem niti fide unius Annalium scriptoris. Verba enim ipsa illius Sigebertus expressit, & Sieberti Hundius. Quotquot sane supersunt ex Ludovici ævo scriptores, apud eos altum est hæc de re silentium. Nec tamen negaverim, tale aliquid jam tum in vulgus fuisse sparsum, creditumque monachis Fuldensibus præcipuè, ut rebus ipsorum perutile. Auctor

caim

enim Annalium videtur illo ipso tempore Fulda vixisse: & Ludovicus Rex, ceu testantur iidem Annales, *in hebdomada Paschali Fuldense monasterium petiit causa orationis, & inde reversus generalem conventum habuit in Triburia* Somniasse igitur tale aliquid Ludovicum Regem, non equidem præfracte negaverim.

In universum autem *Secundo* de animarum defunctorum apparitionibus recte judicat quamvis Jesuita etiam Joannes Maldonatus ad Lucæ cap. xvi. 26. versic. *Plurimq;* in-
quiens, demonem esse arbitror qui se animam esse mentitur. Et merito igitur cum S. Augustino nos dicimus: *Removeantur ista vel figmenta mendacium hominum, vel portentosa fallacium spirituum.* Sed & somniavit Ludovicus Rex: vigilanti nihil tale est visum. Urque vidisset; cum usque adeo pietate eluxerit parens ipsius ut communi consensu Pii cognomentum impetraverit, uniceque in id laboraverit, ut clerum & monachos in gyrum sanctæ vivendi regulæ reduceret, omnibus integer, imo etiam exemplo ad sui imitationem provocatis; oportuisset utiq; veritati adversans inane somnium à filio contemni. Monachus sanè Fuldenfis & qui hunc non dubitaverunt sequi foede atrociterque calumniantur, optimum Imperatorem Nicolaitarum hæresi infamantes. Quæ accusatio indubie innititur illi calumniæ ab ingratis & rebellibus cum filiis tum nonnullis Episcopis effusæ, de tolerantia fornicationum Judithæ Reginæ. Quam porro delirum est monasticum illud commentum, de Archangeli Gabrielis duodecim monitis! Qui sane vitam piissimi Imperatoris illius accurate descripsit Anonymus, hujus nihil habet. Nec potest non cuius intelligentiori vanitas fabulæ absq; ullo monitore esse liquida. Quid de illo igitur boni Ludovici Regis somnio sentiendum ex vero quidem sit, non amplius est obscurum.

Quod si tamen Regi isti tale quid fuisset persuasum de infelicitate animæ sui defuncti patris, idque Adalbertus

accepisset, potuisset, fateor, sine rubore quamvis magnus minister aulicus filium petere munus aliquod, suo etiam monasterio in redemptionem animæ paternæ conferendum. Nec imprudenter fabricator Diplomatis Adalbertum fecisset istud postulare. Imo (ut Diploma loquitur) haberi potuisset illa *pessio divinitus* Adalberto *instincta*. Sed (quod Tertio est observandum) ipsum quoque hoc somnium convincit Diploma falsi. Illud scilicet anno septuagesimo quarto demum contigit, diploma autem creditur scriptum anno jam tum sexagesimo sexto. Non potuit igitur Adalbertus jam octavo ante anno de tormentis animæ Ludovici Imperatoris esse certus, inque ejus redemptionem sollicitare Regiam munificentiam. Manet igitur, postulatum illud Adalberti, merum esse & ab omni verisimilitudine remotum fraudulentis impostoris commentum.

II.

Ad ALTERVM nunc progredimur. Quod hisce verbis in Diplomatis calce expressum legitur. *Hæc autem supersus comprehensa, pro emolumento animæ nostræ ad idem monasterium consulimus: quatenus Abbasissa ejus, consores nec non canonici Sanctissima virginitas Maria ibi famulantes stipendium necessarium habeant, & pro nobis alacrius Dei misericordiam exorare procurent.* At vero hæc sane nec moribus illius ævi, nec sueto Cancellariæ stilo conveniunt. Paulò ante nempe audivimus, autum Adalbertum Cœnobio à se condito ab Imperatore munera postulare in redemptionem animæ non ejus duntaxat sed etiam parentum. Illud postulatum divino cuidam instinctui legitur adscriptum esse: in tototamen diplomate nihil constituit Imperator pro animabus Parentum, sed duntaxat preces voluit fundi pro *SVÆ animæ emolumento*.

Adversum hæc sunt & aliena à Curia consuetudine. Quæ postulata enim probantur, illa solent præcepto confirmari: multò magis si observatio illorum pietatem, neglectus im-

pie:

pietatem arguat. Pium scilicet est, *parentum animas redimere*, si opus sit: impium contra, illas pati tormentis cruciari, si possis liberare. In hoc Diplomate autem, laudat quidem Imperator sollicitudinem pro *animabus parentum suorum redimendis* & quidem inuistata laude, quasi nempe à divino sit profecta instinctu: ipse autem denique curam illam habet insuper, sibi uni consulens. Hoc igitur neutiquam scriptum esse & probatum in Cancellaria Imperatoria palam est.

Mos præterea illius ævi perpetuus fuit, non solius Regis aut Imperatoris salutem precibus publicis Deo commendare, sed etiam Reginæ & Regiæ Prolis, si viverent, imo & Regni. Soliti quoque sunt Reges ipsi tales preces Clero suo & Coenobialibus præcipere, & in Diplomatis commendare; non autem, uti pro sese solo Divina misericordia flagraretur, constituere. Non quidem in Diplomatis semper fit mentio precum fundendarum: quod crederetur scilicet, illos qui sacris beneficiis affecti erant, suapte sponte facturos meritæ hoc gratitudinis officium suum. Quandocunque autem preces jubentur, non temere Reginæ & Regiæ prolis ut & Regni negligitur memoria.

Pro exemplo sint nonnulla eorum quæ *capite quarto* produximus Ludovici Germanici Diplomatum. Primum *pag. 28* ita sese habet: *Quicquid verò fiscus exinde sperare poterit, totum Nos pro æterna remuneratione prædictæ Ecclesiæ ad stipendia pauperum & luminaria concinnanda concedimus, quatenus melius delectet in eadem sede digentes, pro Nobis, Coniuge, proleq. nostra, Domini misericordiam exorare.* In secundo *pag. 32.* hæc habentur: *Liceat Abbati & suis q. successoribus &c. pro nostro fideliter exorare Imperio, & incoluntate Nostra & Coniugis atq. Prolis.* Inter Althahensis monasterii Diplomata *pag. 42.* quintum hæc habet: *Per præfati venerabilis Episcopi petitionem & amorem assensum præ-*

bemus, ut eos melius delectes, pro Nobis, Coniuge, proleq; nostra, & pro statu totius regni nostri, Domini misericordiam assensius exorare. In Tigurino Privilegio pag. 56 hæc legas: *Comperiat omnium fidelium sancta Dei Ecclesia nostrorumq; presentium scilicet & futurorum, industria, qualiter nos pro Serenissimi Imperatoris avi nostri Caroli, & prestantissimi Ludovici Augusti Domini & genitoris nostri, nec & nostra sempiterna remuneratione, ac pro conjugis prolisq; nostræ charissima perpetua mercede, cursum nostram Integrum &c. Item: pro nostra debitorumq; (hac voce Coniux & proles Regia significatur) nostrorum omnium mercedis augmento, diligentius ac uberius Domini misericordia exoratur.* Ultrajectinum pag. 62. sic sese habet: *Liceat memorato Prasidi suisq; successoribus &c, pro incolumitate Nostra, Coniugis, & Prolis, seu etiam totius Regni à Deo nobis collati, & ejus clementissimamiseratione per immensum conservandi, una cum clero & populo sibi subiecto Domini immensam clementiam exorare.* In reliquis Ludovici Germanici diplomatibus precum discretia non facta est mentio.

Non aliter loquuntur & Ludovici Pii Diplomata capite tertio. Hinc Paderbornense pag. 14 inquit: *Quicquid fisci exinde sperare poteris totum, nos pro æterna remuneratione, prædictæ Ecclesiæ, ad stipendia pauperum & luminaria concinnanda, concedimus, qualiter melius dilectos clericos in eadem sede degentes, pro Nobis, Coniuge & Prole nostra, domini misericordiam exorare.* Item pag. 24. Ultrajectinum: *Quatenus ipsos servos Dei qui ibidem consistant eum eorum Pontifice, & illos quos à gentili ritu ad Christi veram converterunt fidem, pro nobis, coniuge, proleq; nostra, & omni populo Christiano, jugiter misericordiam Dei exorare delectes.* Porro & pag. 21 aliud Ultrajectinum hæc habet.

Quate-

Quatenus ipsos servos Dei, qui ibidem Deo famulantur pro nobis & Coniuge prolegi nostra, atq. stabilitate totius imperii à Deo nobis concessi usq. conservandi, jugiter Domini misericordiam exorare delectet.

Alia præter istis duobus Capitibus jam adducta Diplomata in testimonium citare, nihil attinet. Passim nimirum similia ex illo ævo hodieque superant tantum non infinita numero. Ut faciliè appareat unicuique, hoc ita fuisse tunc recepti moris, imò in ipsiusmet Ludovici Germanici nostri Cancellaria fuisse accurate aliàs observatum. Quo tempore autem conditum est Diploma, præter filias fuisse Ludovico tres filios, imò hos patri defuncto fuisse superstites, Carolomannum nempe Ludovicum & Carolum Crassum, notissimum est. Constat etiam ex Francorum Annalibus Fuldensibus, Hemmam conjugem Ludovici obiisse demum anno 876. Et Conjugis igitur & Prolis Regiæ pariter debuit vi Diplomatis salus orari, non unius Ludovici. In *Monumentis* enim *Paderbornensibus* primæ editionis pag. 208. Caroli Crassi Diploma quidem ita legitur. *Quicquid verò fiscus exinde sperare poteris, prædictæ Ecclesiæ ad stipendia pauperum & luminaria concedimus, & ipse Episcopus cum omnibus rebus suis nostro fideliter pareas Imperio, & sub nostra consistas defensione; quatenus ipsum fratremq. ejusdem loci pro nobis, dominum melius jugiterq. exorare delectet.* Ita quidem, ajo, ibi legitur; nulla conjugis nulla prolis facta mentione. Verum huic Crasso conjux fuit, sed suspectade adulterio atque adeo & marito invisa ac deniq. ab ejus thoro separata: proles autem fuit nulla. Non igitur ad Ludovici Germanici nostri res hoc Crassi exemplum potest trahi.

In universum igitur non est quod dubitemus, isthac tempestate Carolovingicâ, preces publicas solere mandari in
Diplo-

Diplomatibus non pro unius Regis aut Imperatoris, sed Conjugis quoque ac Prolis Regiæ salute. Quoniam igitur in hoc Diplomate Lindaviensi idem non est observatum, consequens est, non esse illud ex isthoc ævo, nec à scribis Regiis confectum sed à rerum veterum imperito impostore longo demum post tempore suppositum esse.

Cæterum uti etiam illud quod ante diximus, in publicis precibus Cœnobiorum non unius Regis vel Imperatoris habitam esse rationem, liquidò omnibus appareat, adferemus hîc in medium ex isthoc ipso ævo duas formulas Litaniæ quæ vocatur, alteram in S. Galli, alteram in Corbejensis nostri Saxonici Cœnobii usum conscriptam. Imo integras illas hîc dabimus: quoniam meretur vel sola vetustas utriusque accuratam lectionem, etsi omnia ejus haud equidem probem, aut probari queant. Primam verò Litaniam debemus felicissimæ industriæ Goldasti, qui princeps illam publicavit inter Alemannica monumenta Tomi secundi Parte primâ pag. 136. Alteram Chronico Corbejensi vernacula scripto lingua inseruit Joannes Letznerus cap. 12, & non nihilo tamen variantem, Martinus Chemnitius parti tertiæ Examinis Concilii Tridentini, nec non hunc secutus Henricus Meibomius sub finem Notarum ad Chronicon vetus Corbejense quod Witi-chindo est additum.

Primo autem loco legatur Litania Alemannica cum etiam tempore prior sit, & pertineat ad res Ludovici Germanici, ac proinde jam tum à nobis adducta in testimonium pag. 91. In hunc vero sese illa habet modum.

FINITA oratione, post Gloria in excelsis Deo, dicit sacerdos: Christus vincit, Christus regnat, Christus imperat, tribus vicibus, similiter & clerus

Exaudi

Exaudi Christe. RP. NICOLAO summo Pontifici & universali Papa vita.

Salvator Mundi.	RP.	Tu illum adiuvā.
Scē Petre	RP.	Tu illum adiuvā
Scē Paule	RP.	Tu illum adiuvā
Scē Andrea	RP.	Tu illum adiuvā
Scē Clemens	RP.	Tu illum adiuvā
Scē Xiste	RP.	Tu illum adiuvā
Scē Cyriace	RP.	Tu illum adiuvā

Exaudi Christe RP. HLYDOVVICO à Deo coronato magno & pacifico Regi vita & victoria.

Redemptor mundi	RP.	Tu illum adiuvā
Scē Michael	RP.	Tu illum adiuvā
Scē Gabriel	RP.	Tu illum adiuvā
Scē Raphael	RP.	Tu illum adiuvā
Scē Iobannes	RP.	Tu illum adiuvā
Scē Stephane	RP.	Tu illum adiuvā
Scē Theodule	RP.	Tu illum adiuvā

Exaudi Christe RP. HEMMAE Regina nostra vita.

Scā Felicitas	RP.	Tu illam adiuvā
Scā Perpetua	RP.	Tu illam adiuvā
Scā Petronella	RP.	Tu illam adiuvā
Scā Lucia	RP.	Tu illam adiuvā
Scā Agnes	RP.	Tu illam adiuvā
Scā Cecilia	RP.	Tu illam adiuvā

<i>Exaudi Christe</i>	<i>RP. Nobilissima PROLI Regali vi-</i>
<i>S. Silvester</i>	<i>RP. Tu illam adiuvā</i> (ta.
<i>S. Laurenti</i>	<i>RP. Tu illam adiuvā</i>
<i>S. Nazari</i>	<i>RP. Tu illam adiuvā</i>
<i>S. Pancrati</i>	<i>RP. Tu illam adiuvā</i>
<i>Scā Anastasia</i>	<i>RP. Tu illam adiuvā</i>
<i>Scā Genovefa</i>	<i>RP. Tu illam adiuvā</i>
<i>Scā Columba</i>	<i>RP. Tu illam adiuvā</i>

*Exaudi Christe RP. Omnibus IUDICIBVS vel
cuncto EXERCITVI Francorum & Alamanno-
rum vita & victoria.*

<i>S. Hylari</i>	<i>RP. Tu illos adiuvā</i>
<i>S. Martine</i>	<i>RP. Tu illos adiuvā</i>
<i>S. Maurici</i>	<i>RP. Tu illos adiuvā</i>
<i>S. Dionysi</i>	<i>RP. Tu illos adiuvā</i>
<i>S. Albane</i>	<i>RP. Tu illos adiuvā</i>
<i>S. Crispine</i>	<i>RP. Tu illos adiuvā</i>
<i>S. Crispiniane</i>	<i>RP. Tu illos adiuvā</i>
<i>S. Gereon</i>	<i>RP. Tu illos adiuvā</i>

Christus vincit, Christus regnat, Christus imperat.

*Rex Regum Christus vincit, Christus regnat, Christus
imperat.*

<i>Rex noster</i>	<i>Christus vincit.</i>
<i>Spes nostra</i>	<i>Christus vincit.</i>
<i>Gloria nostra</i>	<i>Christus vincit.</i>
<i>Misericordia nostra</i>	<i>Christus vincit.</i>

Auxilium

<i>Auxilium nostrum</i>	<i>Christus vincit.</i>
<i>Fortitudo nostra</i>	<i>Christus vincit.</i>
<i>Liberatio & redemptio nostra</i>	<i>Christus vincit.</i>
<i>Victoria nostra</i>	<i>Christus vincit.</i>
<i>Arma nostra invictissima</i>	<i>Christus vincit.</i>
<i>Murus noster inexpugnabilis</i>	<i>Christus vincit.</i>
<i>Defensio & exaltatio nostra</i>	<i>Christus vincit.</i>
<i>Lux, via, & vita nostra</i>	<i>Christus vincit.</i>
<i>Ipsi soli gloria & potestas per immortalia secula seculorum.</i>	

Amen.

Ipsi soli honor laus & jubilatio per infinita secula seculorum. Amen.

Ipsi soli virtus fortitudo & victoria per omnia secula seculorum. Amen.

Christe, audi nos, ter: Kyrie eleison, ter: Feliciter, ter: Tempora bona habeas, ter: Multos annos, ter.

Post Missam dicat Pontifex.

Conseruet Dominus Ecclesiam suam sanctam. Amen.

Fidem nostram inlesam custodiat Dominus. Amen.

Remissionem peccatorum omnium & vitam eternam largiat Dominus. Amen.

Memor sit Dominus Domini nostri HLYDOVICI, & omnes fideles Dei ecclesie foveat, protegat, & benedicat. Amen.

Nos protegat atq; defendat ab omnibus malis, & perducatur nos in regnum glorie sue. Amen.

Conseruet Deus omnes fratres nostros. Amen.

Protegat, salvet & custodiat nos Dominus. Amen.

Sit nomen Domini benedictum ex hoc nunc & usque in
seculum.

Hunc diem	R.	Multos annos.
Domnum HEDOVICVM Regem	R.	Deus conservet.
Salvator mundi	R.	Tu illum adiuua.
Scē Petre	R.	Tu illum adiuua.
Scē Paule	R.	Tu illum adiuua.
Scē Andrea	R.	Tu illum adiuua.
Scē Gereon	R.	Tu illum adiuua.

Feliciter, Feliciter, Feliciter, Tempora bona habeat, Tempo-
ra bona habeat, Tempora bona habeat, Multos annos. Amen.

O R A T I O

TV summe retributor atque miserator omnium Deus
eorum regna custodi, quos tibi placitâ castitate junxisti,
gentes rebelles opprime, populos eorum in tua pace dispo-
ne, isti tue pareant iussioni, & tu eorum esto custos imperii.

Dona eis profutura consilia, quibus prædicandam sapi-
entiam contulisti: de tua non de mundi potestate sint. Re-
ges habentes diademata divina cogitent ubique mandata.
Te timeant, ut mortalia non parvescant: in tua fortitudine
quàm in sua potestate confidant. Istos peculiariter præ-
sta te querere, & te specialiter eis velle prestare. Perpen-
dite venerabiles Domini quo amore regnetis. Non audere-
mus ista publice Divinitati dicere, nisi quia & secretius
eadem nos cognoscit optare.

Scā

Scā Divinitas usque in extremos fines imperium tende Romanum: termini ejus Oceano lambiente cingantur. Sancti Principes nostri mundo sic imperent, ut eis mundus imperare non valeat. Te timeant, ut nihil metuant: ad diadema tuum veniant ex hac corona mundana. Concede illis nuptialem stolam qui fecisti in eis humilem purpuram. Dona illis regnum, ubi nec vita concluditur, nec latitia terminatur. Amen.

Haecenus S. Gallensis Alemannica: sequatur nunc & Corbejensis Saxonica Litania. Ex eodem quidem nono seculo Christiano, paulò tamen junior, Arnolpho scilicet nepote Ludovici Germanici regnante. In qua nullas preces fundi pro uxore & prole Regia non est quod mireris, quoniam tunc temporis Arnolpho legitimi thori conjux & proles nulla fuit: quales solas in publicis precibus memorare Ecclesiae perpetua fuit consuetudo. Ita autem sonat isthæc Litania.

Kirie.

Christe.

Eleison.

Kirie.

Christe.

Exaudi nos.

Christus vincit, Christus regnat, Christus imperat.

Christe exaudi nos.

STEPHANO summo Pontifici }

Salvator mundi

salus & vita,

tu illum adiuva.

S. Petre,

S. Paule,

S. Andrea,

Christe exaudi nos.

S. Clemens,

Christe exaudi nos,

S. Sixte,

ARNOLPHO Regi

Redemptor mundi

vita & victoria.

tu illum adiuua.

Sancta Dei Trinitas,

Sancta Dei genetrix,

S. Michael,

Christe exaudi nos.

S. Gabriel,

S. Raphael,

S. Iohannes,

Omnibus IUDICIBVS & cum

Elo EXERCITVI Francorum

Saluator mundi

tu illos adiuua.

vita & victoria.

S. Mauriti,

S. Sebastiane,

S. Marce,

Christe exaudi nos,

S. Ambrosi,

S. Hieronyme,

BAVONI Abbati, & Congregationi

Regnator mundi

S. Stephani, salus & vita.

tu illos adiuua.

S. Stephane,

S. Vite,

S. Dionysi,

S. Blisi,

Christe exaudi nos.

S. Georgi,

Christus regnat, Christus

vincit, Christus imperat,

Rex

Rex Regum,	}	Christus vincit.
Rex noster,		
Arma nostra invictissima,		
Spes nostra,		
Fortitudo nostra		
Murus noster inexpugnabilis		
Gloria nostra.		

Victoria nostra	}	Christe exaudi nos.
Liberatio & Redemptio nostra		
Defensio & exaltatio nostra		

Misericordia nostra,	}	Christus vincit.
Lux via vita & Veritas nostra,		

Ipsi soli imperium gloria & potestas per immortalia secula seculorum. Amen.

Ipsi soli honor laus & jubilatio per infinita secula seculorum. Amen.

Ipsi soli virtus fortitudo & victoria per omnia secula seculorum. Amen.

Christe	Exaudi nos.
---------	-------------

Kyrie	Eleison.
-------	----------

Christe	Eleison.
---------	----------

Kyrie	Eleison.
-------	----------

CAPUT XVI.

Aliorum trium falsi criminum, circa Monetam Dacem & Advocatum commissorum, Diploma convincitur.

PRæmissis duobus tria adhuc falsi crimina nunc adjungemus: minoris itidem quidem momenti si compares cum iis in quæ Censuræ initio animadvertimus, crimina tamen & Diploma falsi convincere idonea.

- I. Horum primum observare est circa MONETAM. Ita enim loquitur Diploma, quasi jam illa ætate ab Adalberto Comite & Cœnobio Moneta fuerit cusa: & tamen idem Diploma prodit id commentitium esse. Quale commentum cum ab ipsamet Cancellaria Regia non fuerit profectum, consequens est, nequissimo impostori acceptum ferendum esse.

Verba nimirum Diplomatis ita sese habent. *Decernimus atq; omnino jubemus, quatenus prænominatus sacer locus habeat, possideat, quicquid ex libera hereditate præfati fidei nostri fisci noster sperare debeat, in tributis, in Monetis, in teloneis, navigationibus &c.* Hæc utique significant, tum temporis Fiscum Regium, ut ex tributis teloneis & navigationibus, ita etiam ex Monetis, emolumentum accipere solitum, & hereditaria Adalberti bonæ ex Moneta quoque Fisco quod suum est hæcenus solvisse. Quod si sane nulla fuisset ibi Moneta, eximere illam Fisci juribus fuisset ineptum. Non entis enim nulla sunt accidentia. Erat verò recepti quondam mortis, quamvis Cæsares aut Reges Francici potestatem eundem monetæ cui fecissent, exigere tamen pro exercitio illius juris in usum Fisci canonem alibi magnum satis alibi leviorum: donec tandem Cæsares illi Regesque nostri etiam hunc Fisci

fisci proventum unà cum aliis imprudente prodigalitate paulatim perdiderunt. Facile fuerit, ex priscis Imperii monumentis hoc plurimis exemplis, per multa retro tempora, si opus sit, demonstrare. Nunc hoc agere, nihil attinet.

Jam verò in hæreditariis Adalberti locis, fortasse commercia & navigationes institui solere, aut homines degisse, nemo negaverit, atque ita ex locis illis Fiscum tributa vectigalia ac telonea accepisse. Sed illis in locis *Monetam* fuisse in Adalberti possessione, repugnat legibus & moribus, non illius duntaxat sed etiam sequentis ævi, per omnes Francici imperii fines, in Germania Gallia & Italia. Disertè tamen Diploma inter ea *quæ in libera fuerunt hæreditate* Adalberti numerat *MONETAM*. Imo *Monetas*: quasi non una fuerit in usu. Idem verò esse *liberam hæreditatem* & quod ante appellaverat *allodium*, equidem haud dubito, Hyperaspistæ pag. 7 ita interpretantj adsentiri. *Monetæ* utique juris sunt Regiæ & constitutæ olim nonnisi in locis Regiis, nequaquam autem in allodialibus hominum privatorum, qualis fuit Adalbertus. Adhuc in agro fuisse ullam *Monetariam* officinam, nusquam legas: omnia tamen Adalberti bona extra oppida fuerunt & in solis agris. Insulsum itaque est impostoris illud figmentum, de *Monetæ* in Adalberti *libera hæreditate* sive allodio constitutis.

Quid? quod Carolovingicâ tempestate, ulli Comitum fuisse concessam nummos cudendi potestatem, haud observare sit. Sub Merovingis curatio illa fuit passim Comitum locorum celebriorum, officinæ autem monetariæ itidem non nisi in populosis quibusdam fuerunt oppidis, eoque in nummis Comitum cujusque loci solet fieri mentio. At Carolovingici ævi alia longè fuit ratio, etsi Comitibus fuerit mandatum, videre ne quid contra leges monetarias delinquatur. Ipse sanè Carolus Magnus vetuit alibi *monetam*

esse quàm in suo Palatio. Qua de re præter Capitulum XII. l. 2. Sirmondus in Notis eruditissimis ad Capitula Caroli Calvi p. 71 aliud non editum producit: *Vt in nullo loco moneta percutiatur nisi ad curtem: & illi denarii Palatini mercantur & per omnia discurrant.* Hujus nepos Carolus Calvus in Edicto Pistensi à Sirmondo cum aliis Capitulis edito, capitulo XI ita constituit: *Vt in denariis nova nostra moneta ex una parte nomen nostrum habeatur in gyro, & in medio nostri nominis monogramma, ex altera verò parte nomen civitatis & in medio crux habeatur. Capitulo XII. Sequentes consuetudinem prædecessorum nostrorum, sicut in illorum Capitulis invenitur, constitutus, ut in nullo loco alio in omni regno nostro moneta fiat, nisi in Palatio nostro; & in Quantovico & Rotomago, qua moneta ad Quantovicum ex antiqua consuetudine pertinet: & in Remis: & in Senonis: & in Parisio: & in Aurelianis: & in Cervellono: & in Narbona.* In horum illustrationem produxit Sirmondus & Palatinum & Parisiensem denarium Calvi Caroli in Notis pag. 71. Non superest, quod equidem sciam, Ludovici Germanici nostri de Monetâ constitutio: itidem tamen etiam in Orientali Francorum regno tum temporis, in Palatio & solis majoribus urbibus fuisse constitutas monetarias, argumento est, quoniam qui denarii reliqui sunt non alibi cusi sunt, nec in monumentis illius ævi genuinis vel apicem reperias diversi moris. In manu mihi met ipsi sunt nummi id docere idonei.

Carolus quidem Crassum Abbatissæ Turegiensi sorori suæ argenti signandi facultatem concessisse, testatur Stumpfius l. 6. cap. 14. Verùm nos jam agimus de temporibus Ludovici Germanici: qui cum variis beneficiis ornaverit sine Monetis Tigurinum monasterium suum, duabus filiabus, una post aliam constitutis Abbatissis, quis crediderit, Monetam permisisse longè tum viliori monasterio Adalbertino hærenti circa Nonnenhorniam & Meretur Stumpfius ipse audiri

audiri hoc loco, præsertim quoniam qui post secuti sunt (quos inter est incomparabilis Hottingerus) solent unius illius testimonio niti. Verba ejus sunt. *Hie achtend etlich/ daß diser Carolus der feist in Zeiten seines Reiserthumbs der Stade Zürich habe geben die Freyheit ze münzen/ welche Freyheit man vor Zyten pflegt allein den allernamhafftesten und verrumpfesten Stedten gegeben. Solliche Freyheit zemünzen hat er auch der Appstlin geben/ doch allein den Pfenningsstempffel.* Hæc Stumphius. *Hyperaspista non dubitavit pag. 20* sugillare Stumphij fidem: à Ludovico enim Germanico jus illud cudendorum nummorum simul cum aliis esse concessum. Sed inanis est conjectura, cum in Privilegio Ludovici nihil ejus habeatur, Privilegia autem in universum stricti sint juris.

Imò verò Lindaugiensi Cœnobio à quoquam Cæsarum aut Regum Monetæ jus concessum, non profectò licet turdè credere: nec enim Diploma hoc Adalbertinum ullius est momenti, & de Moneta Adalberti allodiali planè ineptit. Fortassis tamen Cœnobiales aliquando id juris sibi sumptuerunt, sui ipsius Adalbertini Diplomatis perquam amplà & benignâ fretæ interpretatione. *Fortassis* inquam. Nec verò quæ adfert *Hyperaspista pag. 34.* libri sui, exercitium illud securè probant. Quatuor scilicet producit species nummorum. Sed neque prima neque tertia species vel levissimo indicio significat, sese Cœnobio Lindaviensi deberi. Prima scilicet referens uno latere crucem, averso agnum vexilliferum, videtur esse obulus aut denariolus Cœnobij S. Galli, vel oppidi cognominis. Diserte enim Joachimus Vadianus *l. 1. de Collegiis pag. 29.* novissimæ editionis. *Monasterii S. Galli nummi agnum vexilliferum h. e. Paschalem præferebant.* Quam monetam majores nostri postea propè pari effigie signarunt: quod abunde docent ferramenta excusoria, quæ in archivo Senatus etiam nunc cum alijs formis antiquis videntur. Sed agno postea successis

ursus, fœvum quidem & signis dignum animal, à monachis tamen, receptum & admatum, quia creditum sit, Gallo eremum ingresso ursum quandam ligna attulisse, quæ fœco illius sufficerent. In primâ sane illâ nummorum specie nihil omnino Lindaviense reperias. Tertium nummum Urbi Lindaviæ deberi indicat Tiliæ signum. Cœnobiale etiam ibi nihil comparet. Etenim Hyperaspista quidem videtur huc traxisse in averfa crucis signum: sed jam tum audivimus, signum illud in Galliis quoque addi solitum Regiis nummis in Urbibus cûsis: & sunt in meo qualicunq; cimeliarchio tales Ludovici nostri Moguntiaë confecti. De Secundo & Quarto nummo possit videri verisimilius, quod Cœnobio debeantur. Esse sanè ab Abbatissis cusos. indicat earum expressus vultus. Ast Lindavienses Abbatissas exprimi, nihil est quod indicet. Imò quoniam altera lilium altera clavem dexterâ portet, dixeris aliunde esse utramque. Utraque nimirum ejus quidem est generis quod Tigurini olim dixerunt *Ängstler* / contractè nimirum ab *Ängstlicher* / quod vultum aliquem humanum referrent: prout rectè vocem illam etiam Hortingerus interpretatus est in *Speculo Tigurino pag. 24.* Nec enim probari possunt, quæ habet *l. c.* Vadianus: quasi nomen illud à voce Latina *Augustus* proflexerit, quoniam illa appellatio etiam post Imperatoriam per Carolum Magnum impetratam dignitatem in raro fuit usu, & non nisi de solis dignitate Imperatoria reapse gaudentibus. Eoque caret etiam omni verosimilitudine Vadiani conjectura de interpretatione literarum in nummo aliquo *B. A.* pro *Bertha Augusta*: præsertim quoniam mater Caroli Magni Bertha, antequam Cæsaria dignitate fuerit ornatus Carolus Magnus, dudum mortua, nec Caroli ætate nisi in solo Palatio monetaliis fuerit officina. Quæ in averfa nummi utriusque parte conspicitur manus, ne possit liquidò probare Lindaviense opus, ipsemet Hyperaspista efficit, *Der Hand/*
ait,

ait, ist ein Zeichen der Freyung/ weils deren Verbrecher oder Violatores mit Abhandlung der Hand pflegen gestraffet zu werden. Talis enim libertas qualis Cœnobio Lindaugiensi competit, est communis non plurimis duntaxat Cœnobiis, sed etiam Principum omnium aulis & Urbium quibusdam locis. Nihil vetat igitur, quin tales nummi ab alijs Abbatissis fuerint procussi, ejusdem scilicet imò longe majoris libertatis: quantumvis amputatæ manus signum Cœnobii Lindaviensis rebus nonnullis familiare fuerit. Mirum verò, si ea quam attulit Hyperaspista fuerit causa, amputatæ manus signo nummos insigniendi. Verosimilius sane videtur, ortum illud ex poenâ amputandæ manus falsariis monetarum jam ætate Caroli Magni dicta & post repetita. Quâ de re & in Capitularibus Magni Caroli & in Edicto Pistensi Calvi alibique multa legere est. Eadem verò poena jam tum pridem obtinuerat in Imperio Constantinopolitano: quod ex Basilicis, Harmenopulo, Michaeli Attaliota facillimum probatu est. Imò obtinuit dudum post etiam in Sarracenorum republicâ. Quæ omnia alibi latius prosequimur. Cum autem etiam hæc poena fuerit communis in omni Francorum regno, nihil est causæ, cur hæc suo duntaxat Cœnobio eam potuerit Hyperaspista vindicare. Utut verò horum nummorum aliquid debeatur Lindaugiensi Cœnobio, non tamen hinc colligere est, ex singulari Regio aut Cæsario privilegio jus hoc Cœnobium esse consequutum: multò minus, meritò illud impetratum vi illius Ludoviciani Diplomatis quod unice jactitant.

Verùm satis de primo falsi crimine: progredimur ad SECVNDVM. Est autem illud commissum in eo, quod Diploma inter judices quoque DVCEM recensuerit. Ita enim loquitur: *Statuimus quoque per ejusdem auctoritatis munitionem, ut nullus publicus iudex, neque DVX, neque Comes, aut quislibet ex Iudiciaria potestate &c.* Hoc DVCLIS nomen contra morem

II.

illius ætatis & stilum Cancellariæ Imperatoris additum, ac proinde argumento est. Diplomata falsò ævum Ludovici Germanici mentiri. Duo scilicet olim extitere Ducum genera. Alij non nisi exercitui fuerunt profecti, belli tantum tempore, omni carentes jurisdictione civili in pace. Alij autem bello paceque rexerunt integras magnas regiones, multoque imperio Comitibus etiam suarum regionum præfuerunt. De illis non agitur in Diplomate: quoniam iudiciis publicis non fuerunt annumerati, aut iudicijs admoti, non illis sanè in quibus de rebus Cœnobij institui controversia poterat. Hujus igitur secundi ordinis DVX quidam in Diplomate significatur. Haud nego quidem, interdum & Comitum aliquem exercitui præfectum esse, & hæcenus audiisse Ducem, verum illa dignitas reapse non nisi militaris fuit & pace constituta exspiravit. Qua ratione Adalbertum Metensem Comitem in expeditione Lotharii Imperatoris anno MCCCLXI. à Nithardo dictum Mosellanorum Ducem, jam supra observavimus. Manifestò autem falsi crimen hac quoque in re à Diplomatis fabricatore esse commissum, duo indicant. *Primum*, quia tum temporis nullus fuit constitutus Alemannia (quæ una comprehendit sinu suo insulam) Dux; *Secundum*, quia stilus Curia illius ævi inter iudices non solet Ducem numerare. Non me fugit, quam soleant scriptores nonnulli recentiores ut in alijs ita & in percensendis Sueviæ Principum dignitatibus luxuriari. Mihi omnino audiendus videtur unus pro omnibus illi ævo propinquior Eckhardus junior l. de casibus S. Galli quo cum & alij istius tempestatis consentiunt. Is igitur pag. 15. *editio. novissima*, agens de Salomone Abbate S. Galli & rebus quæ Rege Conrado primo contigerunt, scribit: *Non dum adhuc illo tempore Suevia in Ducatum erat redacta: sed fisco regio peculiariter parebat, sicut hodie & Francia. Procurabant autem Camera, quos sic vocabantur, nuntii. Franciam ad Alpes tum*

Vernubere, Sueviam autem Pertelt & Erchonger fratres &c. pag. autem 18. scribit, de Conrado Rege qui illos Cameræ nuncios fractæ publicæ pacis & majestatis reos in custodiam dederat. Consilio debitor habito, primò colloquium publicum Magontia, postea generale edixit concilium; ubi tribus illis Lege abjuratis & proscriptis, prædictisq. eorum in fiscum reductis, majestatis reus capitis damnata sunt, cæteris omnibus qui tanto facinoræ intererant, tanquam reus pro hostibus prosequi jussus. Suevici Principum assensu, statuitur Alemannus Dux primus Burkhardus, gentis illius nobilissimus & virtutum dote probatissimus: cui & prædia damnatorum confiscata in beneficium sunt tradita. Hæc Eckardus. Fuit autem Dux primus ille constitutus anno dccc c xvi, (Contractus refert in sequentem) qui est, post annum illum, quo impollor Diploma voluit conditum, quinquagesimus. Id quod liquido docet, Diploma confectum esse, & quidem non illa Ludovici Regis tempestate, sed longo demum post tempore, quando jam Suevia Duces habuit, qui desierunt seculo demum tertio decimo. Sanè in Diplomate Ludovici nostri Tigurino pag. 56 curtis Turegum scribitur sita in Ducatu Alemannico: sed mansit isthæc appellatio quoniam olim sub Merovingis Alemannicus Ducatus floruerat, etsi jam pridem prudentia Caroli Magni omnes Ducatus totius regni Francorum fuissent variis Comitibus commissi, Ducibus exaltatoris ut monarchiæ neutiquam convenientibus.

Cancellariæ stilus qualis tum fuerit, potest accipi vel ex illis paucis Diplommatibus Ludovici Pii & Ludovici Germanici, quæ capite III & IV jam produximus, ut alia expectare haud sit necessum. Primum Ludovici Pii pag. 13 hæc habet. Præcipientes ergo jubemus, ut nullus iudex publicus vel quislibet ex iudiciaria potestate in Ecclesias, aut loca, vel agros &c. Gandavense ejusdem pag. 26 ita loquitur: Per quod præcipimus utq. jubemus,

jubemus, ut nullus iudex publicus, vel quilibet ex iudiciaria potestate in Ecclesias aut loca vel agros. &c. Ludovici Germanici Paderbornense pag. 28 : Præcipientes ergo jubemus, ut nullus iudex publicus vel quilibet ex iudiciaria potestate in Ecclesias aut loca aut agros. Ejusdem pag. 31 Argentinense : Per quod præcipimus atque jubemus, ut salvo honore suis sancti præsulis, nullus iudex publicus vel quilibet ex iudiciaria potestate loca aut agros &c. Ejusdem Althahense septimum pag. 45 ita sonat : Per quod firmiter & omnibus modis imperamus, ut nullus iudex publicus vel quilibet ex iudiciaria potestate, aut ullus ex fidelibus nostris, tam & presentibus quam & futuris, neque Comites neque Centenarii neque Exactores, in Ecclesias aut loca vel agros &c. In Tigurino etiam fuisse facta mentio Ducatus Alemannici: nihilominus tamen, Ducis memoriâ præteritâ, ita demum pag. 57 scribitur. Denique jubentes præcipimus, ut nullus iudex publicus, nec Comes, nec quisquam ex iudiciariâ potestate in locis præfatis, vel in cunctis rebus ad eadem loca respicientibus &c. Eodem modo etiam pag. 6 Ultrajectinum hæc habet: Per quod præcipimus atque jubemus, ut nullus iudex publicus, neque quilibet ex iudiciariâ potestate, aut nullus ex fidelibus nostris, in Ecclesias aut loca vel agros, &c. In Althahensi ix Diplomate memoratur quidem Bribinus Dux pag. 48: in dubie verò fuit is duntaxat dux militiæ: nec enim Bajoaria Ducem alium habere tum potuit, cum omnis ejus jurisdictio esset penes ipsummet Regem. Ludovicum & post Tassilonem nullus Dux ibi imperasset.

III. Etiam secundum igitur falsi crimen omnium oculis est expositum. Nunc qualem Cœnobii ADVOCATVM impostor ausus fuerit falsò fingere, itidem ostendemus. In nulla verò parte fuit operosior. Ita enim habet seipsum Diploma. Idem autem Advocatus bis in anno, semel in æstate, secundo in hyeme placitum habeat, sed ultra 12 equos nullum adducat,

ducatur, & tunc honestè procuretur. Quicquid placitando adquisierit, duæ inde partes erunt Abbatissæ, tertia Advocati. Nullum domus Dei servientem sine Abbatissæ vel ipsius consensu ad iudicium cogat. Nullum de familia sine iusta sociorum suorum deliberatione damnet vel coherceat. Nullum subadvocatum vel exactorem sine Abbatissæ permissione sibi constituat. Nihil privati muneris vel servitii à quolibet loco, sive curte sive acella ruri, quasi ex debito & statuto sibi jure, exigat. Mansiones seu pernoctationes undiq; in locis ejusdem Monasterii frequentare caveat. Quod si ultra statutum nostrum alicubi placitare valuerit, ipse de tertia sui parte ibidem sibi contingente provideat, quod ad sumptum habere debeat. Nisi fortè aliquā de causâ ab Abbatissâ illuc vocetur, à qua tunc decenter sibi exhibeatur quod oportet. Proinde si quisq; Advocatus hæc statuta obstinatâ audaciâ transgressus fuerit, nisi sane resipuerit, sexaginta libras auri optimi, triginta Palatio nostro, triginta supradicto monasterio persolvat, & ipsa advocatia cum cæteris commodis in perpetuum careat. Hæc vincula Advocato Cœnobiali injecta exemplo carent omnis illius ævi. Nec observare est in priscis monumentis, jam tum Advocatos usque ad eò molestos ac graves fuisse Cœnobis ut ita cautelis opus fuerit. Cum primis observatu dignum est, quod licet optimè cupierit Tigurino Cœnobio Ludovicus, utpote cui duas filias præfecerit unam post aliam, in tabulis tamen Tigurinæ altum sit de ejusmodi Advocatorum vinculis silentium. Eapropter omni caret verosimilitudine, statim circa initia conditi Cœnobii, in gratiam

Adalberti Comitis sui Ludovicum usque adeo fuisse de Advocatis compescendis sollicitum. Non sane ex omni illo Carolovingico ævo simile quidquam, quod quidem bonæ sit notæ, produxeris, etsi illorum magnus hodieque numerus supersit.

Magerus tamen, fateor, laboriosi operis *de Advocatis armata cap. V. n. 431.* produxit hujus argumenti Diplomata, & quidem tanquam ipsiusmet Caroli Magni: non nisi tamen alterum Augiæ Divitis alterum Uttenburani Cœnobij in gratiam conditum. Augiensi etiam nos hoc ipso libro *cap. X. pag. 164* usi sumus. Ingenue tamen neutiquam dissimulavimus, supposititium esse & ab impostore quodam non minis atque hoc nostrum Lindaviense confictum. Arguit verò falsimoniam manifestè *Primum* illud, quod Carolus præter morem non Rex Francorum & Longobardorum, sed duntaxat Imperator Augustus ibi audiat. *Secundò*, in fine Diplomatis non annorum vel Regnorum vel Imperij ulla fiat mentio. *Tertio*, quod manu Caroli non fuerit subscriptum: contra quam alias perpetuo solet fieri. *Quarto* quod sub finem Diplomatis nulla loci ubi sit conditum, nulla mensis aut diei quando sit conditum, facta fuerit mentio. *Taceo* nunc, quod annus Christi subscriptus videatur novo non autem recepto tunc more. Mitto alia falsi iudicia cum hæc sufficiant. Satis igitur hoc Diploma non juvat causam Lindaugiensis Cœnobij, quoniam itidem pessimæ est notæ.

Alterum Diploma Uttenburanum adhuc magis prodit imposturam inepti nebulonis, quamvis videatur ex eadem qua Lindaugiense officinâ mendaciorum profectum esse. Ne quid supersit Hyperaspistis, quo suo Lindaugiensi possint speciem aliquam veri apud imperitos, & quibus illud ad manum non est, emendicare, producam hoc ipsum, quale reperitur apud Bruchsum ubi de Uttenburano agit Monasterio.

Adduce-

Adducimus autem integrum, non per partes, quo omnium oculis commissum & ibi falsi crimen pateat.

In nomine Dei patris omnipotentis & filii & spiritus sancti. Carolus a Deo ordinatus Augustus, Magnus, pacificus, Rex Francorum, Imperator Romanorum gubernans Imperium. Quoniam principem ac defensorem Ecclesiarum nos fecit Dominus, ne ejus ingrati esse videamur munificentia: servitium ejus augmentore, Ecclesias multiplicare, super inceptis & constructis bene ac oportune, ne post hac destruantur, potestati regali convenit tuitionem impartiri: unde quicquid ad loca sanctorum damus vel concedimus, hoc nobis ad mercedis augmentum vel stabilitatem regni nostri pertinere confidimus. Quapropter notum sit omnibus principibus nostris & fidelibus, qualiter nos ad petitionem dilectissimæ conjugis nostræ Hildegardis, illustris Reginæ, Abbatem nomine Tottonem, ex Monasterio quod vocatur Utenburra cella nova, cum hominibus unâ & rebus ipsius Monasterii, sub nostro mundiburdio & defensione propter illicitas malorum hominum infestationes accepimus & retinemus. Igitur a præsentis die coram principibus nostris decernimus, & præcipiendo præcipimus, ut nulli de majoribus atque minoribus liceat, prædicto Abbati aut hominibus ipsius Monasterii tam ingenuis quam servientibus, vel in rebus quæ ad ipsam causam Dei legitime aspicere videntur, inquietare aut calumniam facere præsumat. Sed diximus, liceat eum una cum jam facto monasterio sub nostra tuitione quietum vivere ac residere, ac si aliqua causæ

adversus eum aut homines ipsius monasterii surrexerint, quas infra pagum cum fidelibus suis definire non potuerint, in presentiam nostram reserventur. Et ut omni Regno nostro & fidelibus nostris pateat, nos præfatum locum non avaritiæ vel quæstus, sed pro amore Dei & animæ salute atque defensionis causâ in nostram potestatem suscepisse, hinc à præsentē die ac deinceps fratribus ejusdem monasterii auctoritate nostra damus hanc licentiam & concedimus, ut post discessum Tottonis Abbatis potestatem habeant inter se eligendi Abbatem, quem meliorem secundum Regulam S. Benedicti, & aptiorem nostro servitio invenire potuerint: nobisq; & successoribus nostris præsententur, quatenus Regia sublimentur auctoritate & confirmentur. Investitus siquidem per nos liberum hunc ab omni exactione curiali vel munere permittimus abire. Consecrationem & sui monachorumque concedentes, ubi à relligiosis duntaxat Episcopus intra provinciam ordinari poterunt, liberrimam habere. Amplius præsentī sanè Abbati ejusque successoribus monachis & hominibus ac negotiatoribus præfati Monasterii, qui à nostra auctoritate frequentia populi ad reliquias sacras venientes inibi statuimus, hanc libertatis gratiam concedimus, ut ubicunque in Regno nostro ad negotiandum perrexerint, sive in Civitates, vel in Oppida, seu pontem navesque petant, sive venientes seu redeuntes, sine exactione telonii cum pace securi transeant & pergant. Item placuit nostræ providentiæ, in Tottonis præfati Abbatis potestate ponere, ut sapientum

pietum nisi consiliis, ex his quos inter potentes seculi nove-
rint esse equitatis & fidelitatis amatores, eligant suis com-
petentibus locis advocatos & defensores si opus habuerint :
Sin verò, nos nostrosque successores, justissimos & certissi-
mos defensores habeant. Sed nullus hominum sibi hanc po-
testatem præsumat vendicare vel quasi hereditariam, aut
aliquo jure debitam invadere, nisi quem Abbatis & Mona-
chorum consulta approbatio volunt admittere : eo tamen
tenore, ut post fidelitatem Regio jure nobis nostrisque suc-
cessoribus Abbati tria juret Sacramenta. Primum, quod
secundum posse & nosse justus & utilis Advocatus in homi-
nes & res prædicti monasterii existat. Secundum, quicquid
placitando acquisierit, id est, injuria bannorum vel satis-
factione temeritatum, tertia sibi parte retenta, duas reddat
Abbati: & nullum advocatum vel exactorem præter se nisi
Abbatis permissione constituat. Tertium, quod nihil priva-
ti muneris vel servitii à quolibet loco sive curte, seu à villi-
cis vel à Cellariis, quasi ex debito & statuto jure exigat, ac
mansiones & pernoctationes uspiam frequentare caveat.
Ad unumquemque verò locum (quem Abbas ad placitandum
ordinaverit) cum duodecim Equis & totidem Viris Advocata-
tus semel tantum in anno adveniat, nisi pro aliqua necessi-
tate ab Abbate sæpius advocetur; ac tunc pro loci qualitate
ab Abbate honestè suscipiatur & procuretur. Infra locum
Monasterii nullum placitum nisi rogatu vel voluntate Ab-
bat is unquam statuat, nullum de militari familia sine justa

fociorum suorum deliberatione damnet, vel aliqua injuria coërceat & offendant; qui militares vel alio nomine ministriales optimo jure perfruantur quo Fuldenses vel Augienses potiuntur. Amplius nullum domus Dei servientem sine consensu Abbatis ad judicium vel ad dominum cogat. Quando autem hujus commissi vel in homines, vel in res (quod vulgo *Bailmundt* dicitur) exstiterit: statim sine mora & sine præjudicio (nisi citò resipuerit) Advocatis cum omnibus commodis sine spe recuperationis carebit. Et ut hæc firmitus credantur, & diligentius conserventur, manu propria subter firmavimus, & annulo nostro insignire jussimus. Ego Ludebertus Archicappellanus recognovi & subscripsi. Data anno incarnationis Domini 769. Actum Moguntie in Penthecoste, in Dei nomine feliciter. Amen.

Hæcenus etiam Vitenburanum Privilegium. Cæcus profecto sit aut cunctorum ævi veteris rerum imperitus qui nullo monitore non deprehenderit hæc commissa falsi crimina. Omnia indicare superfluum fuerit: pauca igitur duntaxat significabimus ut reliquis impudentiora. Quam enim primo impudens est mendacium, jam anno DC LXXIX Carolus audisse Augustum & Romanorum Imperatorem! Isolum secundo est, jam isthoc anno Hildegardim fuisse Caroli conjugem. Quantum enim ex Eginhardo colligere est, contractum est matrimonium anno decimo septuagesimo, si non serius. Ita enim ille loquitur. Post mortem patris cum fratre regnum partitus, tanta patientia simulate & invidiam ejus talis, ut omnibus mirum videretur, quod ne ad iracundiam quidem ab eo provocari potuisset. Deinde cum matris horum filium Desiderii regi Longobardorum duxisset uxorem, incertum qua de causa post

anrum

*annum repudiavit, & Hildegardim de gente Suevorum, præcipuè
 nobilitatis faminam, in matrimonium accepit. Jam verò obiit
 Pipinus pater anno 68 Octobr. mense, & subsecuta statim est
 Regni inter filios divisio. Post demum contraxit Carolus
 matrimonium cum filia Desiderii: forte anno demum 70, quo
 Bertha mater in Italiam pacis causâ est profecta, quod habent
 Annales. Utque factum id sit statim anno 69, si post an-
 num demum duxit Hildegardim, liquet matrimonium
 illud initum si non seriùs saltem non ante annum septua-
 gesimum. Tertio, non potuit Carolus isthoc anno Penthe-
 costen Moguntia celebrare, ut habet Diploma. Autor e-
 nim Annalium, quos primus edidit Hermannus Comes Nu-
 enarius, quem Laurishamensem fuisse monachum videre est
 ex historia anni 774, nonnullis Adelmus audit, cum more
 solito à verno tempore annum exordiens narrat res anni
 dccxix, liquidum facit, omnem illam ætatem usque in se-
 rum autumnum fuisse Carolum occupatum bello Aquitanico
 contra Hunoldum, ac proinde ibi & in Vasconia vixisse extra
 fines tum Regni Francorum. Archicapellano usus est quare
 Carolus anno isthoc Bartholomæo non Ludeberto. Id quod
 observavit monuitque decus sacre nobilitatis Westphalicæ
 Bernhardus Mallinerothus l. de Archicancellariis & Cancellariis
 Imperii Romani Germanici pag. 11. hisce verbis: Bartholomæum
 suppeditat nobis auctor anonymus vita Caroli M. à Petro Pithæo edita,
 qui S. Eparchis Engolismensis monachus fuit, ita scribens p. 236 de di-
 plomate Caroli isto Cænobio concesso: quod præceptum Bartholomæus
 Archicapellanus ejus scripsit, & ipse Dominus Rex manu sua firmavit.
 Constat ex serie narrationis datas esse literas predictas sub initium
 Regni Carolini, ad annum 709. Non annus postremo Regni sed
 Christi Diplomaticè est subscriptus contra seculi illius noticiam.
 Non attinet immorari aliis falsi iudiciis commemo-
 randis: quandoquidem jam tum est manifestum, non minùs
 hos*

hoc Vttenburanum quam Lindaugiense Diploma suppositum esse. Et verò quandoquidem Magerus tantum duo illa adducere in medium potuit hujusde Advocatis argumenti, facile collectu est alia non reperiri. Ut proinde liceat rurò Diploma nostrum etiam hujus rei causâ explodere & falsi condemnare.

Quid, quod hoc ipsum *de Advocatis* non falsi tantum possit Diploma arguere, sed etiam confirmare id quod jam tum saepe diximus, seculo illud duodecimo aut initio tertii decimi confectum esse? Illa nimirum tempestate reperire est graves de Advocatores in injuria quærelas suas: quarum in vetustioribus monumentis nihil observaveris. Per igitur est verisimile, quo injuriam illam averterent, nonnullos à commentitiis diplomatibus remedium quæsisse: & hoc exemplum securum etiam Cœnobium Lindaviense. Sanè Vttenburanum & Lindaviense ea parte ejusdem esse indolis, collatione institutâ facile est deprehensu. Et verò observare est, isthoc tempore passim magno fuisse studio laboratum per Germaniam, non tantum de frenandis Advocatis, sed de omni illo onere à cervicibus Clericorum & Monachorum planè abjiciendis; classicum canentibus ipsismet Romanis Pontificibus; quorum sacræ monarchiæ interest, extinguere omnem seculari Cæsare dependentem auctoritatem, qualis est Advocatorum circa bona Clericorum & Cœnobiorum, quò soli suæ sedi omnia obediant. Id quod nonnullis in locis feliciter Papis successit atque aded & Clero simul monachisque: non omnibus tamen, prævalentibus alibi vel ipsis Advocatis vel etiam Cæsaribus. Spectavit huc Urbani III Papæ acre studium, de facultate eligendi Advocati Episcopis & Monachis vindicanda: quade re legere est Baronius ad annum 1186. Secuti aliquot Pontifices in idem laboraverunt magno cum applausu cleri & Cœnobialium. Recitat

Ægidius

Egidius Gelenius in *Historia vite Engelberti* Colonienſis
 piſcopi tres Bullas Honorii Papæ tertii, omnes uno co-
 emque Pontificatus quinto anno, qui fuit Chriſti 1221, ad
 colonienſes perſcriptas: quas ille ait in Archivio Epiſcopali
 integras ſuperſeſſe. Prima vehementer inſectatur inſolen-
 as id temporis Advocatorum. Altera vacantes Advocatias
 prohibet cuiquam conferre. Tertia vetat, ne quæ oppigno-
 rationes ſiant ab Advocatis. Omnis dignæ ſunt lectu. Nos hoc
 loco primam adferemus; quandoquidem & nos profeſſi ſumus,
 la circiter tempora ſolito inſolentius geſſiſſe ſeſe Advocatos:
 quæ ea propter illis injuriis avertendis excogitata fuiſſe per fas
 & nefas varia remedia, interq; alia in nonnullis Cœnobiis fal-
 ſas tabulas conditas quibus perſuaderent, jam olim frenatam
 Advocatorum vim: horumq; exemplo ſuum Lindavienſes Cœ-
 nobitas tam fabricaſſe. Verba Bullæ Papalis ita ſeſe habent.
HONORIUS Episcopus ſervus ſervorum Dei venerabi-
 libus fratribus Archiepiſcopo Colonienſi & ejus ſuffraganeis
 ſalutem & Apoſtolicam benediſtionem. Si Eccleſiarum
 Advocati ſignificatum ſui nominis attenderent ut deberent,
 ſtuderent eas ob reverentiam Advocati cœleſtis, cui ſpeciali
 titulo ſunt adſcriptæ, ſovere beneficiū & viribus deſenſare:
 ſed quod dolentes referimus, nonnulli eorum habentes velamen
 talitæ libertatem, in bonis Eccleſiaſticis in quibus advoca-
 tionis jus obtinent, non ſolum prodigaliter debacchantur, ve-
 rum etiam ea diripiunt ut prædones. Quod Eccleſiæ Coloni-
 ſis provinciæ jugiter experiri coguntur, ſicut earum nobis
 tranſmiſſa conqueſtio pateſcit. Quia igitur zelus nos
 comedit domus Dei, Fraternitati Vestræ per Apoſtolicæ
 ſcripta mandamus: quatenus ſinguli proſequentes proprium

interesse, & quasi collo uno & humero uno Ecclesiarum onera comportantes, Advocatos ipsos ut contenti justis & ab antiquo statutis stipendiis ab Ecclesiarum molestiis conquiescant, moneatis prudenter & efficaciter inducatis. Quod si forsan vestris monitis non acquieverint, ne medicinalis Petri gladius in manu vestra torpere rubigine videatur, in eos juxta quantitatem & qualitatem culparum, intendatis & remittatis appellatione postpositâ rigorem Ecclesiasticæ disciplinæ: ita quod Ecclesia ab hujusmodi oppressione respiciant & Vos exinde mereamini apud Deum & homines commendari. Datum Lateranen. Kalen. Martii Pontificatus nostri anno quinto. Hactenus Bulla. Cui quidquam addere nullum nunc quidem fuerit operæ pretium.

CAPUT XVII.

Et formas literarum, & Ziphras in scribendo adhibitas, & subjectum æræ Christi annum, indicare, Diploma longe esse seculo Nono recentius.

Tædet immorari amplius Impostoris figmentis, quibus voluit suo Diplomati faciem antiquam conciliare, aptus ad rem illam ut ad lyram assinus. Et si sanè & leoninam induerit prelixas tamen aures tegere non potuit. Hoc proinde capite paucis nos absolvemus, non minùs tamen trititidem falsi indicia in lucem provocaturi.

L

PRIMUM est in literarum formis commissum. Citra controversiam videlicet, si Diploma in Cancellariâ Ludovici Germanici Regis fuerit conscriptum, adhibiti sunt literarum characteres, illo tempore Cancellariæ familiares. Jam verò qui;

quinam fuerint tunc in usu, abunde docent tot superstites illius ævi Regiæ Tabulæ. Præ omnibus idoneum est id ostendere illud Tigurinum Diploma, quod quinto die ante Lindaviensem nostrum confectum in autographo possidetur hodieque Tiguri, & potest in apographo vidimato ut vocant, nobis, si opus, cuivis monstrari. Autographum suum Cœnobiales hæcenus studiosè occultant. Solam subscriptionem ære curavit Hyperaspista exprimi, ad formam authenticam: quemadmodum reliqua sese habeant sedulo fecit ignorari. Ne vel illi quod ære est expressum securè credamus, nulla hæcenus facta cum ipso autographo collatione, jubet Cœnobii in Diplomate toto consingendo veteratoria audacia. Et profecto illius officinæ etiam turissima quæque prudens meritò timeat. Non sane licet cum ejusmodi hominibus in tenebris micare. Producant igitur Cœnobiales Diplomatis sui authenticum exemplar. Exponant illud oculis eorum qui veterum characterum, veterum membranarum, veteris atramenti scriptoris sunt gnari, iisque examinandum exhibeant. Notarii alicujus talium imperiti, & ære conducti, testimonio non licet fidere. Ipse Hyperaspista multum suspecta omnia fecit: quandoquidem ære expressa subscriptio ut & Signum Regium non convenit omni ex parte cum ea quæ habetur in Transumpto Fridrico III Imperante conscripto. Inquam sententiam cum & Heiderus quædam objecisset, Hyperaspista pag. 102 nihil revertere potuit præter superbum contemptum. Cum primis in Signo Casareo ingens est diversitas. Hyperaspistica porro editio Diplomatis ipsiusmet differt ab altera etiam illa quæ in grandi opere exhibetur pag. 724. Vbi sane illa duodecim, hæc habet 12 equos. Heiderus legit *AEcclesia* & perstringit. Hyperaspista non contradixit at dedit *AEcclesia*.

Quomodo autem cunque habeat sese ipsum authenticum

Diplomatis exemplum, volumus nos (quandoquidem securos nos esse iussit de ultima sua editione Hyperaspista, appellans eam *treulich copirten und vidimsten Text*) contenti nunc esse eo, quem jam tum expressimus fide Hyperaspistæ. Ac proinde ut ad rem aggrediamur, non dubitamus profiteri, neutiquam Diploma nono Christi seculo sed longo demum post tempore scriptum esse, freti indicio unius diphtongi *Æ* aliquoties adhibiti. Enimvero legas ibi *Æcclesia, Æcclesiæ, Æstate*. Minor ejusdem diphtongi forma *æ* adeo frequenter in Diplomate occurrit, ut pigeat numerare. Illa scilicet diphtongi figura neutiquam ævo Ludovici Germanici fuit in usu, sed multo post demum caput. Testantur id liquidò illius tempestatis quæ superant & Tabulæ & libri scripti quamplures. Etenim persæpe quidem à scribis & librariis omissa est diphtongi nota, & simplex vocalis *E* illius loco adhibita, quodocunque tamen diphtongi habita in scribendo fuit ratio, solet illa exprimi per divisas literas *æ*, nunquam autem per *æ* aut *Æ*, literis in unum quasi confatis.

Observaverat illud ex parte jam tum doctissimus Heiderus, & pro decimo falsi indicio annotarat: addito ex Menochio, *falsam Latinitatem suspicionem falsi rescripto affricare*. Hyperaspista capite *X* objectionem hanc conatus rejicere perquam inepte sese gessit; certè significat, vim argumenti à sese non perceptam. Summa Responsi est. Vitia Orthographica ad Latinitatem non pertinere: nec *Latinitatem* falsam censendam esse quando illa non omnino rectè sese habet, alioquin omnia vetera diplomata rejicienda esse: in Rudolphino etiam Urbis privilegio nonnulla minùs probata inveniri. At verò Orthographia utique prima Grammaticæ pars numeratur, quidni itaque illius vitia ad Latinitatem pertineant? Non porro sive Menochius sive Heiderus hoc volue-

voluerunt, Latinitatem quamlibet inemendatam falsi suspitionem parere idoneam; sed loquuntur de ea Latinitate quæ pro cuiuslibet temporis usu est recepta. Ab ea nimirum si enormiter fuerit deflexum, argumento id esse potest latentis falsi. Eoque nihil ad rem faciunt quæ de vitis Diplomatum Rudolphini cum aliorum receptis usu ab Hyperaspista adferuntur. Hoc verò firmum manet, & Orthographicam & reliquam Latinitatem quæ à more temporis aut Cancellariæ plane diffidet, significare commissam falsitatem.

Jam verò plane est, ceur diximus, alienum, à Ludovici ævo, & Regiarum quæ tum fuerunt Cancellariarum consuetudine, diphthongum pingere connexis literis *Æ* aut *æ*. Quod etsi quis dubitet, provoco ad illius tempestatis scripta, sive diplomata fuerint sive volumina & libri. In certissimam fidem adducam testem omni exceptione majorem, ejusmodi scilicet rei longè peritissimum & philologicæ omnis antiquitatis principem Claudium Salmasium. Sunt enim hujus in Epistola ad Claudium Saravium amplissimum Senatorem virum itidem in hac literaturâ magnum hæc verba. *Addo nonnullis quibus dignosci possit antiquitas exemplarium manuscriptorum. Si quibus in libris MSS. diphthongus reperiaturs Æ duabus literis non in unam coalitis sed separatis, expressa ad hunc modum Æ Æ aut æ, scias codices illos verissimos esse inprimis & fidelissimi confectos. Si aliter effecta occurrat, aut per unam literam ex duabus constans, aut per unicam æ, cui nota supposita sit hoc modo æ; qui primo modo scripti sunt paulo majorem veritatem redolent, qui secundo ad infimum seculum relegari debent.* Hæc Salmasius. Si in authentico igitur Diplomate pingitur diphthongus *Æ* aut *æ*, consequens profecto est, ultra quadringentos circiter annos ætatem ejus non excurrere, mentiri que adeo seculum nonum.

Produnt recentem illam Diplomatis ætatē **SECUNDO** etiam binæ **ZIHRÆ 12**, numerum duodenarium significantes.

Falsi jam tum sumus non reperiri illas zifras in exemplari Diplomatis, quod grandi opere inclytæ Urbis exhibetur pag. 723: quandoquidem tamen Hyperaspistica editio zifras illas exhibet, etsi de earum novitate jam nonnulla doctissimus Heiderus monuisset *objectiōne quinta* eaque Hyperaspista repetiisset pag. 95: nobis non licet dubitare, zifras illas in ipso Diplomate contineri. Sed illos characteres numerales in nullis antiquis Diplommatibus reperiri, certo est certius. In ipso Diplomate Lindaviensi nostro anni regiminis Ludovici Imperatoris ut & Christi characteribus Romanis more antiquo signantur. Idem fit in omnibus priscis Diplommatibus quæ quidem in manus meas hætenus inciderunt. Et vero zifrarum usus aliquot seculis est recentior ævo Ludovici Germanici. Nolo hac in parte tam mihi credi quàm Josepho Scaligero, rei literariæ omnis ante Salmasium itidem principi incomparabili. Cujus hæc sunt verba in *Commentatione de nummo Constantini Imperatoris* quam Marquardus Freherus suæ præmilit editæ anno 1604, post Opusculis Scaligeri inseruit Casaubonus. *XXVMMVS*, ait Scaliger *ingens argenteus clarissimi viri Marquardi Freheri, quam recens sit argumenta sunt characteres arithmetici 234. 235. qui ante trecentos aut paulo plures annos ab Arabibus ad nos transierunt, ac primo quidem dissimiles his nostris hodiernis, postea memoriâ proavorum hac forma interpolati quæ hodie nobis in usue est. Itaq; nummus hic casus aut constatus est non illo saculo, quo ÿ à Christianis recepti sunt, sed illo, quo interpolari: hoc est memoriâ proavorum. Præterea an unquam à Græcis usurpatis sint, merito ut dubitem facimus libri multi Astro-nomici, Legistici, & Computorum Ecclesiasticorum paulo ante aut post everisionem Imperii Constantinopolitani conscripti, quorum omnium numeri non his peregrinis characteribus concepti sunt, sed litteris Græcis. Deniq; illos characteres primi omnium Christianorum Hispani à Mauris, ab Hispanis reliqui Latini Christiani, ab illis Græci*

Græci acceperant, si modo acceperunt. Et quidem concedamus accepisse, ij tamen apud Græcos nunquam vulgò noti fuerunt, ut non opus fuerit eos in hoc nummò cadere ut à paucis tantum intelligerentur. Nobis igitur constat, recentissimam quidem nummi constitutionem esse.

Multo recentiore zifrarum in Europa usum facit Petrus Opmerius chronographus, quando ad annū 1470 ita loquitur: Cum Leonardus Pisanus Indiam atq; Aethiopiam perlustrasset, ex illa Cifras, quæ retrogrado gradu & numerando excreverunt atq; etiam multiplicando, præter morem posterorum Iaphet, ex hac Cossicæ reportavit. Ut autem hæc à Scaligero ita pariter & à vero diversa sunt. Nec juvat meditata nobilissimi Mallincrothii inter Scaligerum & hunc concordia, in libro de *Natura & Vsa literar.* cap. 25 p. 127. Verum, ait ille, conciliationem subministrat Scaliger ubi addit: Proavorum memoriâ hæc (ide est hodierna) forma fuisse cifras interpolatas: respexit enim ad dictum Leonardum. Superfunt autem etiam nunc passim ejusmodi antiquiores zifra, à posterioribus quibus hodiè utimur in plerisq; discrepantes. Non juvat inquam hæc conciliatio. Quæ enim nunc usu recepta est zifrarum figura jam quadringentos annos cœpit, atq; non debetur Leonardo Pisano. Sed & ineptum est quod vult Opmerius, à zifris esse illam quæ Arithmetici utuntur, multiplicandi dividundique numeros retrogrado gradu rationem. Non enim hæc à zifris est, sed fuit ex ipsa natura commodioris multiplicationis & divisionis numerorum, quacunque etiam figura numeros signaveris.

Ceterum quicquid sit, zifra aliquot seculis Ludoviciano ævo posteriores sunt, ac proinde & Diploma cui insertæ sunt zifra aliquot post seculis denique est conscriptum. Quod si zifra illa non essent insertæ contextui Diplomatis, non adeo urgerem hoc argumentum: scio enim etiam per antiquis Diplomatis optimaq; notæ, à recentiore nunc ludibunda nunc &

feriamanuzifras esse appictas. Insertæ autem illæ contextui nunquam olim fuerunt.

III. Non æque noviter cœpit mos ANNO DOMINICO sub-
scripto notare Diplomata, recentior tamen & ille est ævo Lu-
dovici Germanici. Ac proinde, quandoquidem Diplomati
Lindaviensi Annus ille Christianus est subscriptus, TERTIVM
hinc petere licet documentum falsi in Diplomate isthoc con-
scribendo commissum. Jam tum eruditissimus Heiderus
hoc argumenti genere Diplomatis fidem multis oppugnavit
& quidem quinto loco: eoque Hyperaspista *capite V pag. 96*
conatus est iis nonnulla sua regerere. Verissimum autem
est: Ludovicum Germanicum non solere Diplomata sua si-
gnare numero Dominicæ æræ. Idque adeo jam pridem & ab
aliis est animadversum, ut non dubitaverit Mallinckrothus,
harum rerum peritia nemini secundus, hæc in verba *l. de Ar-
chicancellariis & Cancellariis Imperii pag. 24.* scribere, agens de
Diplomate quod ille judicavit non Senioris sive Germanici
nostri sed ejus filii esse Ludovici junioris qui decessit anno 882.
*Accedis & alia, ait, conjectura cur seniori Ludovico Diploma adscribi
non debeat: eò quod annos nati Christi subscriptos habeat, quod in
illis Regis literis, quarum data non nisi annis Regni ubiq. insig-
nuntur, insolens est, ac nullibi, quod hætenus compererim, reperitur.
Quatinus stilum Cancellariæ paternæ secutus fuit: nam & ab Impera-
toris Ludovici Pii Diplomatis Aera Christiana regulariter & com-
muniter abest.* Hanc Mallencrothi observationem vel illa sola
quæ à nobis sunt adducta *cap. IV* docere plusquam satis suffi-
ciunt. Nec enim ibi Æræ Christi videas factam ullam men-
tionem. Versantur imò jam tum in manibus ejusdem Lu-
dovici nostri Diplomata tria adhuc alia: in quibus itidem so-
li Regni anni memorantur Christi nullus.

Par est ratio (ut recte dixit Mallincrothus) Diploma-
rum Ludovici Pii patris. Nec enim est, quod quem moveat
Diploma

Diploma ejus adductum *pag. 16.* de fundatione Archiepiscopatus Hamburgensis. Dedimus enim ibi illud quale editum est ab Erpoldo Lindenbrogio; easdem verò tabulas haud paulò passim meliores referens Philippus Cæsar in suo quem appellavit *Triapostolatu Septentrionali*, verba hæc: *Anno Domini Jesu Christi DCCCXXXIV*; non habet. Quo apparet assummentum fuisse exemplaris Lindenbrogiani, ut multa alia.

Quid? quod non temerè protuleris Caroli etiam Magni Diploma aliquod, saltem confectum ex quo Imperatoriæ fuit dignitatis, cum subscriptis annis Dominicis? Quæ vidi & legi id generis omnia consonant. Ante ejus dignitatis exordium, atque adeo ante annum 800, num semper antehac idipsum fuerit in usu, non equidem certò dixerim, quia Adamus Bremensis in *Historia Ecclesiastica cap. X* adfert Diploma Carolinum de fundatione Episcopatus Bremensis datum anno Regni Caroli XXI cum præmisso *anno Dominica incarnationis DCCLXXXVIII*. Non enim illius Tabulæ fidem omnem ausim in dubium vocare. Hoc tamen certò possum asseverare: neque illam, neq; quâ Verdenssem Episcopatum instituit Carolus ille Magnus, Tabulam authenticam in archivis superare, ac proinde fortassis ab alia manu id esse additum. *Fortassis* dico. Non enim vel Adamus authenticum vidit, sed ex copiali, ut appellant, libro suum illud desumpsit: ceu non diffitetur *cap. IX*: itaque additum ibi forte fuit manu alienâ. Toti Diplomati eam unam ob causam fidem derogare cum nonnullis, nolim equidem. Fortassis enim quo tempore Carolus nondum fuit consecutus Imperatorium honorem aliud obtinuit in Cancellaria; post autem mutavit, juxta morem Romanorum qui Constantinopoli sedebant Cæsarum; quippe qui Æram Dominicam, quamvis Dionysii Exigui calculo jam Justiniani tempestate probatam, non fuerunt soliti subscribere suis Chrylobullis. Ea tamen vis est eorum quæ *cap. 37. libri*

de *Vveichbildis Saxonicis* attulit Gryphiander vir talia doctus, ut omninò sic asserendum, aut illud ab Adamo adductum Carolinum Diploma supposititium esse, aut verò annos illos Dominicos ab imperita manu longè pòst (& verò floruit Adamus seculo undecimo effluente) accessisse. Non enim Gryphiander vel ab Heidero fuit scriptor suà duntaxat auctoritate infallibilis habitus, quod calumniantur Hyperaspistæ, sed ejus argumenta sunt æstimata: quæ pro suo supercilio videntur ne legisse quidem superbi illi vindices Cœnobiales.

Vt cunque autem res sese habeat de Caroli Magni Diplomatis ante Imperatorium consecutum *à l'empereur* conditis, id certissimum est, quod Mallinckrotum asserentem audivimus; nec Ludovicum Pium nec nostrum Germanicum annos Christianæ æræ suis Diplomatis subscripsisse.

Quid, quod præclaris auctoribus doceatur, imperante demum Carolo Crasso institutum esse, annis Christianæ æræ Diplomata subsignare? Diserte sane id testatus est Bavarus Avenrinus l. 4. *Annalium Bojor. fol. 461* & Gallus Nicolaus Vignierius in *Chronico Burgundie* ad annum 885. Stumphius l. 7. cap. 6. fol. 197 ita loquitur de primâ origine ejus rei. *Es ist bey den alten Keysern/Königen/ Fürsten und Herrn nit bräuchig gewesen/ die Instrument mit der Jahrzahl Christi/ also hernach bey R. Othonis Targen und fürter/ sondern allein nach den Jahren des Regiments eines jeden Königs zebezeugen und zebeschließen/ also: Acta sunt hæc &c. anno N. Regis N. Indict. &c.* Ita ille: falsi arguens diploma quoddam argumento illo quod æram Christi haberet subscriptum, etsi antiquius voluerit haberi. Joannes Gulerus initia ejus instituti Caroli Crassi mandatis adscribit l. 7. *Rhaia fol. 98.* hisce verbis Caroli istius res narrans. Er ließ durch öffentliche Brieffe und Mandaten befehlen/ das man vorthin die Jahr von der Geburt Christi an zählen und rechnen solte: da man sonst bißhero nach den Jahren der Kaysern und Königen Regierungen die

die Zeit gerechnet: unangesehen daß umb das Jahr des H. Erren
DXXXII Dionysius Exiguus, ein Römischer Abbt/ (also oben in
 unserm II Buch auch meldung geschehen) den gebrauch der Jahre
 zahl Christi albereit eingeführt hatte: Da er die Historien und ders
 selbigen Ordnung nicht auff die Zeit der Stadt Rom erbauung/
 ober der Bürgermeister zu Rom/ noch von anfang der Regierung
 der Römischen Kaysern/ sondern auff die Menschwerdung Jesu
 Christi zu richten und daselbst nacher die Jahrzahl zunehmen ge
 lehrt hat: Damit er die Gedechtnis des Kayseris und Wärrichs
Diocletiani, von welches angehebter Regierung an man schon das
 mahls in die zweyhundert acht und vierzig Jahr die Zeitordnung
 geführt hat/ gang und gar aufstößen könnte. *Hæc illi. Veterum*
tamen & coævorum id qui narraverit nemo mihi nunc ad
manum est. Jam tum verò ante *Crassi* tempora, ipsoque
 adeo *Ludovici nostri* ævo, alibi *Instrumentis publicis à No-*
tariis additos annos Dominicæ incarnationis alibi non, li
 quidd ostendunt chartæ antiquæ & *Fuldenses à Pistorio editæ*
 quæ habent annos illos adscriptos, & *Alemannicæ S. Gal-*
lenses cum quas *Vadianus* tum quas *Goldastus* collegit ijs
 plerumque carentes. Priorum verò similes etiam alibi repe
 riri est. Fortè igitur *Crassus* jussit ubivis observari, quod
 paucis in locis jam tum observabatur. Ex eo sanè *Diploma-*
tibus etiam Regiis solito frequentius æra Christiana fuit ad
 scripta: quanquam nihilominus & sæpius neglectum esse, do
 ceant superstities tabulæ integræ. Quod ne miremur, facit
 exemplum ipsorummet Romanorum Pontificum: qui licet
 debuissent eam re antevertere Reges Cæsaresque, eosque ad
 sui sacram imitationem invitare, etiam ipsi tamen in Bullis
 suis annos Dominicos serò denique cœperunt numerare.

Verum hæc propriè ad rem nostram haud faciunt, quan
 doquidem liquidum est, saltim Germanici nostri *Ludovici*
Diplomatibus olim æram Christianam non fuisse appositam;

atque adeo Cœnobiale hoc ex Cancellariâ illius Regis profectum non esse sed aliâ tempestate conditum, vel unica illa annotatio Christianæ incarnationis possit evincere.

Vsq; hæc adeò sanè clarent, ut ipsimet Hyperaspistæ vim argumenti haud ausi sint dissimulare. Eoque pag. 97 effugium conantur petere à prætextu, quasi annus Dominicæ incarnationis longè post demum ab aliquo fuerit adscriptus: non enim characteres esse eosdem cum aliis, nec ita concinnos. Verum enimverò antehac agnoverant utique Cœnobiales hanc æram adscriptam non minus genuinam atque totum diploma. Hinc sanè in Curia Cæsaris Friderici III & aliis semper, fidem illi æræ subscriptæ indubitatam attribuerunt. Hinc & alii Cœnobialem hanc traditionem sunt secuti. Saltem igitur novum *ζυγνυα* est Hyperaspisticum hoc effugium. Neutiquam porro ex literarum ductu colligere est, quod alia manus accesserit. Varia enim characterum genera reperiuntur in illâ ære expressa tabula. Si quælibet diversitas igitur characterum arguit manum aliam recentiorem, dixeris omnia diversis temporibus esse scripta: quod ineptum fuerit. Quid autem notius & frequentius, quàm uno eodemq; momento, invitante negotio, alios atq; alios characteres efformari? Certè nec hæcenus probaverunt Hyperaspistæ, recentiore scripturâ æræ Dominicæ annos adjectos, nec probare poterunt impossibilem. Eoque manet id quod diximus, etiam æram illam Dominicam Diplomatis falsitatem liquidò ostendere.

CAPUT XIX.

*Diploma perpetuis notis confossum denuò producitur,
orco imposterum tradendum.*

Nullum fuerit pretium operæ, si pergamus singula falsi documenta cum aliqua curâ protrahere in lucem. Ad hoc

hoc haud equidem dubito, Lectorem industrium quemvis meliùs velle tempus otiumque impendere, quam excutendis quasi cum pulvisculo omnibus Diplomatis falsi criminibus. Pridem quoque, ne quid diffitear, etiam me tædet huic camarinæ immorari. Quandoquidem tamen interest, planè confodere supposititium illum fædæ imposturæ factum, omnemque adeo illi spem caput aliquando rursus inter imperitos erigendi eripere, integrum illud Diploma semel adhuc producemus sed perpetuis confossum notis. Quo tandem aliquando redeat in orcum, unde decipiendis mortalibus, ante quatuor circiter secula, aulum fuit in lucem improbo fucò illitum prorepere.

Igitur prodita jam impostura, indubiè initidò statim mecum detestabitur bonus quisque impietatem nequissimi bipedum, quia non dubitaverit illis verbis scelus aggredi: *In nomine Domini Dei Salvatoris nostri Iesu Christi.*

Ludovicus Imperator Augustus) Nullum Ludovicum Imperatorem condidisse hoc Diploma: nec Ludovicum Germanicum cui impostor & Hyperaspista Diploma tribuerunt, aut fuisse reapse aut audisse Imperatorem, demonstravimus capite quinto sexto & septimo.

Collegium omnium fidelium) Phrasis hæc plane insolens est veteri ævo. Mos tum fuit scribere, *Noveris industria*. Docent hoc ejus temporis diplomata.

Adalbertus) Conditorum Cœnobii neminem dictum Adalbertum, liquidò probavimus capite nono. Qui porro anno Ludovici vicesimo sexto egit Comitem Palatii, non Adalbertum sed Ansfridum esse dictum, docuimus capite octavo. Omnem denique narrationem de Adalberto Cœnobii conditore natam esse ex fabulis Diplomatis & contra Historiæ fidem, prolixè ostendimus capite decimo.

Vasallus noster) Non ero gravis Diplomati *vasalli* vocabulo: quoniam fateor ita dictos tunc temporis etiam insignis loci homines, si beneficio feudali minus lauto fuerant affecti. Mirum vero, non petiisse hominem gratia Regia polentem, etiam possessiones feudales consecratas in sacros usus conferri. Quod tamen illi tempestati fuit per familiare! ceu liquet ex plurimis tabulis Regiis, ut & ex illa quam attulimus cap. 11 x p. 125. Sed vafro impostori non venit hoc in mentem.

Sacri Palatii Comes) Neminem isthac Francorum Regum ætate dictum esse *Sacri Palatii Comitem*: & appellatio nem illam Justiniani quidem ævo fuisse familiarem, serò autem demum aliquem in usum rediisse, probavimus capite undecimo.

Fidelium nostrorum Principibus) Ævo illi mos fuit scribere: *Fidelibus nostris Principibus*.

Obtulit obtutibus nostris quoddam Cœnobium) Simile quid in aliis Tabulis haud temerè legas de ipso Cœnobio aliquo, sed de chartis priscis productis.

Nomine Lindaugia) Hoc nomine seculo nono non potuisse appellari Cœnobium, nec proprie illi convenire, latè probavimus capite decimo quarto.

Situm intra lacum VVitsebe) Lacum Podamicum sive Acronium audiisse olim *VVitsebe*, nullo exemplo temerè ostenderis. Extra insulam porro illius lacus & ad oram ejus, seculo Christi nono Cœnobium fuisse situm, ostendimus itidem capite tertio decimo.

Regulares discipline) Vox *Regularis* indubiè hic accipienda est de Disciplina illà Regulari, quam observare tenebantur sanctimoniales virgines. Et verò superat etiam num illa Regula quam Ludovicus Pius Imperator condidit: etsi non multa

multò post pravi mores etiam illius sexus Regulam pene omnem excusserint.

Illustum) Hac appellatione Episcopos olim non fuisse cognominatos; demonstravimus capite duodecimo.

Rabanum) Ad Rabani intercessionem Ludovicum sive Imperatorem sive Regem non potuisse Cœnobio dare bonam quandam anno DCCCLXVI, eodẽ duodecimo capite probavimus.

Moguntina Ecclesia) Cancellariæ cum Imperatorum tum Regum Francorum moribus repugnat *Ecclesia* vocem diphthongo ordiri. Cum enim vocabulum illud fuerit frequentissimi & sacri usus, hac in re non solent impingere scriptores. Figuram porrò illam diphthongi Æ, esse recentem & novissimorum temporum, demonstravimus capite decimo septimo.

Constantiensis Ecclesia) Iterum impingitur in eundem lapidem, ut etiam alibi sapius diphthongo æ: quod semel munisse satis est.

Pro redemptione animæ nostræ nec non parentum nostrorum) Tali prætextu petiisse Palatii Comitem beneficia Cœnobio conferri, falsi reddidimus suspectum capite decimo quinto.

In omni Regulari jure) Eadem significatione quâ paulò ante *Disciplina Regularis*, accipi meritiò debere hoc loco *Regulare Ius*, quis non prudens & rectè loquendi gnarus dixerit? Hyperaspistatamen contendit, *Regulare* hîc idem esse atque legitimum. Nolo cum illo litigare super hac re. Quod si verò ille sensus est verbi, manifestum etiam hinc est, scriptorem Diplomatis fuisse hominem rectè loquendi planè imperitum atque non versatum in Cancellaria Regiâ. Fortassis tamen non tam ipse scriptor quam interpretes peccant. Et verò de *omni jure d'après* hæc verba accepit jam ante quadringentos annos Constantiensis quidam Episcopus. Sed non attento vocabulo *Regulari*. Sive illud cum *legum* non fuerit, sive insuper habitum.

Afferi.

Afferemus hoc loco ipsa Episcopi verba : præsertim quoniam iis vetustissima Diplomatis memoria continetur. *Universis Christi fidelibus hanc paginam inspecturis H. Dei gratiâ Constantiensis: Episcopus salutem in omnium Salvatore.* Cum satis constet providis & benignis, quid sanctorum Patrum privilegia & Imperialia scripta pro expediendis necessariis negotiis in ipsis contentis non sit tutum, propter malum statum temporis, undiq; deportare: quia nobis ex inspectione privilegiorum sanctæ memoriæ Ludovici quondam Imperatoris piissimi constitit evidenter, quod ipse ad petitionem Alberti quondam Sacri Palatii Comitis, Lindaugiensis monasterii fundatoris & intercessionem piæ recordationis quondam Salomonis antecessoris nostri, omnem libertatem & iustitiam, quæ Constantiensis Ecclesia in omni jure habere dignoscitur, eidem Monasterio contulit & concessit: Nos hoc solum, quod sæpius in quæstionem deducitur, ad instantiam Abbatissæ dicti monasterii & conventus duximus exprimendum, videlicet, quod in jure capitali, mortuariis hereditatibus suorum hominum percipiendis & hominibus collocandis, dictæ Ecclesiæ debet in omnibus concordare. Hanc Schedulam, ipsis in testimonium hujusmodi conditionum æqualium conferentes, Sigilli nostri munimine roboratam. Datum Constantiæ Anno Domini MCC XL secundò, VII Kalendas Septembris, indictione quinta decima.

Divinitus illi instinctæ) Non temerè reperiās tale quid in Diplomatis Francorum Regum. Est itaque figmentum impostoris longè recentius. Nihil etiam ædferas, quo potuerit videri inductus Ludovicus divinum istud credere.

Dei iudicationem) *Divini iudicii* ne minimum quidem observaveris signum. Finxit itaque etiam hoc impostor, & quidem contra morem priscaevi.

Ita praeceptum iussimus) Duo perierat Adalbertus, quantum ex antecedentibus liquet: primò *aliquid muneris*, secundo *eandem libertatem & iustitiam quam Constantiensis habet Ecclesia in omni regulari jure*. Jam verò perpetuus est Cancellariae mos si petitis deferatur, illa iterum recensere & singulatim indicare in quantum sint concessa. Hoc ipsum quia in hoc Diplomate non est observatum indicio est, non in Cancellaria Regia conditum sed ab impostore aliquo esse confectum.

Quatenus prænominatus sacer locus habeat) Hoc videtur esse illud *munus*; quod voluit impostor datum esse Cœnobio.

In monetis) *Munera* nulla esse potuit in *hereditaria possessione* Adalberti. Itaque ineptè & impudenter proventum fisci monetalem impostor reliquis adjecit. Falsi crimen isthaec in re esse commissum, probavimus capite decimo sexto loco statim primo.

Statuimus quoque) Fortè voluit impostor Constantiensis Ecclesiae libertates hisce verbis significare. At verò hic nulla fit mentio ejus quod Constantiensis Episcopus attigit in suo responso. Itaq; reapse modum excessisse Episcopum, manifestum est. Fortassis imò defuit tum in Diplomate vox *regulari*.

Neg Dux) *Ducem* non potuisse seculo nono memorari inter eos quos penes fuit ordinaria jurisdictio: ac proinde etiam eâ in re crimen falsi commissum esse, demonstravimus capite decimo sexto loco secundo.

Coram nullo Comite regant) Vox *regans* quid sibi velit, non facile intelligas. Nec enim in ullo Diplomate ævi Francici ejusmodi phrasis occurrir. Quod indicat, Diploma hoc non in Cancellaria Regni Francici esse confectum. An *n Regans* Germanismus

manifestus est, infeliciter natus ex vocabulo nostrate Regni? Quasi scilicet prohibitum sit, *mutare* quidquam coram Commite. Dignum est explosione Diploma vel unum hunc ob barbarismum.

Idem autem Advocatus) Quæ hic sequuntur leges Advocatis præscriptæ planè sunt alienæ à moribus Regni Francorum, quale etiam illud fuit seculo nono. Eoque cap. xvi loco tertio hinc accipimus certum indicium commissi falsi criminis.

12) Zifras intra quingentos demum annos capisse in usum recipi: ac proinde zifram hanc numeri duodenarii, esse signum imposturæ, & quidem aliquot post Ludovicum seculis demum institutæ, probavimus loco secundo capitis decimi septimi.

Sin autem, firmissimam licentiam) Hanc libertatem non fuisse concessam Cœnobio jam tum seculo nono, colligere est ex eo, quod Hermannus Contractus scriptor *1072-1080* & annotavit de Henricoid nominis Tertio Imperatore ad annum MLI. *Ipsis diebus, defunctis uno pene in tempore Lindaugiense & Buchaugiense Abbatibus, Juota, nobilis prudens & religiosa vidua, utrique loco recuperando ab Imperatore præferritur.* Hoc profectò Imperatoris factum indicat, tum temporis jus constituendi Abbatissam Regi aut Imperatori non Cœnobio competuisse. Fuit enim Henricus Tertius religiosus & recti justique tenax Princeps: ac proinde suspicari nefas fuerit, violata ab illo Cœnobii prisca privilegia. Jam verò etsi Cœnobium tunc temporis corruptis adeo fuisset moribus, ut illius conventus nulla fuerit digna quæ Abbatissa eligeretur: licuit tamen conventui, si Diploma audimus, impetrato Regio consensu alibi sibi Dominam quærere. Juota autè neutiquam à Conventu electa, sed solo Cæsaris arbitrio est constituta.

Neq;

Neq; est cur meritò suspicetur quis, notatum à Contracto hoc Cæsaris factum tanquam juri Cæsario non consentaneum. Annotatum enim potius est, quoniam duo perquam rara tum contingere: primum quod duobus diversis Cœnobiis una data fuerit Abbatissas; Alterum quod vidua non virgo fuerit constituta Cœnobiorum illorum reatrix. Quibus & Tertium fortè accessit; quia nempe in duobus inclytis Sanctimonialium collegiis nulla fuerat inventa idonea regimini. Multo minùs fas est arbitrari, jam tum seculo nono, Ludovico Germanico Rege, commune fuisse Conventuum jus, eligendi Abbatissas. Paucis enim id tum quidem concessum fuit, perinde ut & paucis Monachorum Cœnobiis, imò & Episcopatibus: jure eligendi solis Regibus passim manente. Id quod probatum non difficile, si non intempestivum esset agere. In universum igitur præsumendum hæcenus est, Lindavienfibus Sanctimonialibus itidem jus tunc nullum fuisse Abbatissam eligendi, donec aliud fuerit demonstratum. Interea licet hanc diplomatistis partem annumerare impostoris novitiis commentis.

Præfatum venerabile ministerium, vel aliquas pertinentias ejus, beneficiæ causa cuiquam homini concedere tentaverit, nisi resipuerit & his nostris institutis adquieverit, nomen & memoriale ejus de libro vite subtractum maneat in æternum maledictum) Seculo Christiano nono, cui fabricator voluit adscribi hoc Diploma, frequens & Regii juris fuit creditum, integra Cœnobia pro Regum prudente arbitrio in beneficium Episcopis, Abbatibus alienis, interdum & Laicis benè de republica meritis, concedere. Id quod complura exempla docent. Et verò etiam sequentibus seculis Cæsares Regesque fecerunt idem quàm sapissimè. Multò frequentius bona nonnulla Cœnobialia in beneficium militibus data sunt

à Regibus. Ipsimet porrò Cœnobiales talium beneficiorum collatione sibi *ministeriales* quos vocabant, nunquam pene non quasi conduxerunt. Idque sine omni conscientie scrupulo passim factum est. A Cœnobio ipso Lindavien- si feuda ejusmodi sic satis multa sunt instituta. Cui fiat igitur verisimile, aternæ damnationis poenâ propositâ omnem infeudationem ab ipsomet Imperatore aut Rege Ludovico vetitam esse? Quis credat peccato leviori, si quodea in re fuerit commissum, consiliis Rhabano Archiepiscopo, doctissimo omnium illius tempestatis viro, & Salomone Episcopo Constantiensi viro itidem magno, longè gravissimam poenam dictam? Cui probabitur, id factum consensu Principum aliorumque Regni fidelium, qui solebant jam tum temporis Cœnobialia bona in beneficium consequi?

Pro emolumento animæ nostræ) Solius suæ animæ habuisse rationem Ludovicum, non autem simul etiam *parentum*, cum tamen Adalbertus id petiisset, ac petitio fuisset laudata quasi ab *instinctu divino* promanans, & illius seculi moribus & pietati repugnat. Impostoris itaque antecedentium immemoris imprudentiæ hoc debetur indubiè. Monuimus hoc jam tum capite decimo quinto *pag. 285.*

Pro nobis) Fundi illâ tempestate solitas preces solemnes in Cœnobiis, non pro solis Regibus, sed si quæ superesset etiam pro Uxore & Prole Regia, salute item totius Regni, liqui- dum fecimus capite decimo quinto. Quia in Diplomate igitur pro solo Rege jubetur Cœnobium orare, argumento id est, fabricatum Diploma non in Cancellaria Imperatoria, nec florente Francorum Regum republica, nec ab aliquo ve- teris ævi morum exactè perito.

Signum

Signum

POIS
EIL

Hludovici Serenissimi Imperatoris)
Signum illud esse Ludovici Pii Imperatoris, non autem filii Ludovici Germanici, Imperatorem tamen Pium non condidisse hoc Diploma demonstravimus *capite V*: & hoc argumento criminis falsi fabricatorem Diplomatis convicimus.



XPE Protege Hludovicum Imperatorem)
Imaginem hanc esse Ludovici Pii, non autem Ludovici Germanici, quem impostor voluit esse Diplomatis auctorem, itidem probavimus jam tum *capite V*. Producemus autem infra veram Ludovici Germanici effigiem. Ut vel ex hoc uno possit certò colligi, Diploma esse *επιβόλιον*: falso scilicet non signo duntaxat manus sed etiam vultu conditoris ornatum.

Hirminritus (sive Hirminmarus) Notarius ad vicem Hugonis recognovi) Hirminmarum notarium Imperante Ludovico Pio vicariâ operâ functum esse Archicapellano- rum, & anno vicesimo sexto imperii Pii Druogonem fuisse Archicapellatum, viderique verisimile, hanc subscriptionem desumptam ex aliquo Diplomate Pii Imperatoris, cui mânum addiderit ad vicem Druogonis Hirminmarus, monuimus *capite quinto pag. 74 & 75*. Capite porro octavo demonstravimus, anno vicesimo sexto regiminis Ludovici Germanici, in Sacro Palatio non Hugonem aliquem sed Wigarium fuisse Archicapellatum, item Hirminmarum aliquem aut Hirminritum vices Archicapellani non obuisse. Perquam elegante nuperrima alterâ editione *Monumentorum Paderbornen-*

sium incomparabilis eorum auctor Episcopus ac Princeps
pag. 132 exhibuit Pii Imperatoris hanc Diplomatis alicujus
 subscriptionem: *Signum Hludovici Serenissimi Impera-*
toris, Hirminmarus Notarius ad vicem Theogonis recognovi. Data
Kal. Januar. Anno Christo propitio XX Imperii domni Hludovici
piissimi Augusti. Indictione XI Actum VVormatia civitate in Dei
nomine feliciter Amen. Non illud diploma scriptum qui-
 dem est vicesimo sexto sed vicesimo Imperii anno: *Hirmin-*
marus tamen *Notarii & Theogonis* (seu fortè *Druogonis*) nomi-
 na, ut & reliqua hic apparentia, quandoquidem usque adeo
 conveniunt cum Diplomate Cœnobii Lindaviensis, non ob-
 scure profectò etiam hinc patet, veram esse conjecturam
 nostram, veteratorium illius Diplomatis confitorem eam
 subscriptionem ex aliquo Pii diplomate per scelus mutua-
 tum esse.

Anno Incarnationis Dom. DCCCLXVI) Neque Pii
 neque Germanici Ludovici ætate solere adscribi æræ Chri-
 stianæ annos, nec alienâ manu hosce annos additos: ac pro-
 inde argui isthac subscriptione falsi crimen: liquidò proba-
 vimus capite septimo decimo loco tertio.

Data XI Kal. Majas anno Christo propitio XXV Im-
perii Domini Hludovici piissimi Augusti Indictione II Actum
Bodamo Palatio) Omnia hæc attemperata satis esse rebus
 Ludovici Pii Imperatoris (qui tamen Diplomatis conditor
 non est) probavimus *capite V pag. 36*, & seorsim de Indictione
 secunda monuimus *capite octavo pag. 132*. Anno autem vi-
 cesimo sexto Ludovici Germanici, cui Hyperaspistæ Cœno-
 biales & quidem ex mente ipsiusmet impostoris, attribuunt
 hoc diploma, nihil horum ut nec alia quam multa hujus Di-
 plomatis quadrare, prolixè docuimus integro capite illo
pag. 132. Confirmabitur idem paulò post in Appendice al-

verà adhuc clarius, producto diplomate Germanici nostri Ludovici, dato Francofurti anno xxvi Regis illius, xvi Kal. Maii, Indictione vi.

HISCE notis confossum Diploma jam dimittimus, atq; ad orcum unde infeliciter prodit remeare iubemus. Et verò confidimus, neminem quenkum sanum aut bonum imposterum (hisce quidem nostris lectis atque expensis) ausurum ad illud usque adeo nequam scriptum provocare; contra verò omnes omnino pios & intelligentes, improbitatem nebulonis, in confingendis falsis tabulis, iisque utendis ad incluta urbis detrimentum & sacri Cœnobii iniquam *πλεονεξίαν* adhibitam, unà nobiscum execratos.

CAPUT XIX.

Quæ generatim pro Diplomatis fide possint videri facere, re proponuntur & diluuntur.

Quæ falsi indicia allata à nobis sunt, illorum singula firmis adeo sunt rationibus munita, ut certus sim nihil eorum posse confutari. Merito igitur jam tum damnavimus Diploma & in orcum iussimus redire. Non desunt tamen quæ in universum haberi forte queant nonnihil idonea colorem aliquem Diplomati addere, saltem apud imperitos & tenero quodam zelo imbutos. Haud patiemur tamen vel hoc modo veritati imposterum molestiam creari. Itaque producemus primum illa etiam speciosa & deinde diluemus.

Primum igitur iniquum videatur, suspicari de hominibus regularem quam vocant sanctimoniam professis, quasi illi confinxerint Diploma, idque in usum reapse secularem; quo nempe amplioribus bonis instructi mollem vitam & dominatum in alios possint exercere, quale quid appetere vetat prisca & sancta vivendi regula. Multo

II.

Multò magis *Secundò* nefas videtur, tam gravi suspitione onerare sexum loemininum, ineptum adejusmodi fictiones: præsertim si singularem vitæ sanctimoniam ille fuerit professus. De Lindaviensibus igitur dominabus neutiquam id genus fraudis esse præsumendum. Hoc argumentum visum est etiam Hyperaspistis, quantivis esse pretii coque urgetur *pag. 2. n. 6.*

III.

Quantumvis *Tertiò* Diplomahoc non conveniat omni ex parte cum aliis Ludovicianis diplomatibus, durum tamen imò iniquum videtur, propter aliquam discrepantiam toti Diplomati falsi crimen incendere, imò illud falsi damnare. Non solere alios prudentes æquosque censores ita sese gerere, sed notare si quæ inveniantur diversitates, & referre eas inter rara exempla, salvâ de reliquo Diplomatum ipsorum discrepantiam existimatione, causatus Hyperaspista provocavit, *pag. 5. ad exemplum Aventini, Hundii, Goldasti & aliorum.*

IV.

Ostingentorum *Quarè* annorum spacio nemo de integritate Diplomatis dubitavit. Primum autem Heiderum omnibus aliis, quos inter fuerunt utique viri præclari & docti, perspicaciorem fuisse, non est verisimile. Præsertim quia fuit ille in omnes Coenobii res iniquus; atque adeo merito suspicandum sit illum hac in censura itidem indulgisse affectibus.

V.

Neutiquam *Quinò* esse verosimile id quod nos sapius affirmavimus, circa confinia demum seculi duodecimi & decim tertii præter propter natum Diploma, doceat Constantiensis Episcopi rescriptum anno 1242 exaratum, id quod præcedente capite attulimus. Utique enim ille Episcopus Diploma illud agnovit genuinum: quod fieri haud potuisset, si à recente adeo manu fuisset confectum.

VI.

Quæ Regum Principumque nomine edita sunt Diplomata, illa *Sextò* vel ob solam Conditorum auctoritatem fidentem

sem merentur. Nec verò rejicere illa licet citra aliquod crimen in laesamajestatis. Perinde atque monetarij reprobare vultu Caesaris expellam, nequaquam fas est. Idem autem valet etiam circa hoc Diploma Ludovicianum.

Diploma hoc *sepius* confirmatum est ab aliquot Imperatoribus: atque adeo, etsi etiam fortassis aliqui laboraret parte confirmatione Casarea vim accepisset. Ut taceam, in Aula Casarea indubie ante confirmationem praecessisse rigidum Diplomatis examen: cujus jure major esse auctoritas debeat quàm unius Heideri & nunc mei.

Denique conciliare Diplomati integram vim potest longi temporis praescriptio. Fuit enim jam aliquot seculis in possessione fidei & integritatis. Omni itaque dubitationi praedem est praescriptum. Summaque fuerit injuria, nunc demum velle eripere, quod tempus longissimum Cœnobio ejusque Diplomati vindicavit.

QUANTUMVIS autem hæc satis speciosa possint cui Heideri, reapse tamen nihil horum est idoneum causam majorem Diplomatis vel leviter adjuvare. Quod primum sane movet, vellem equidem ita hætenus Monachi hos cunctosque Clericos instituisse res suas, ut de imposturis & signentis eorum haud liceat suspicari. Verum & sacra & profana scripta quamplurima fraudulenter ab his esse, sciam proximè aliquot seculis antecedentibus, supposita. omnibus est notissimum. Et verò si licet id quod res est profecto, hætenus sic satis diu nulli generi hominum perinde famulantes illæ falsi artes fuerunt. Reperimur enim quidem Tabulæ supposititiæ etiam de profani civilibus negotiis, sed illas quoque non aliis esse auctoribus fabricatas, argumento illud est certissimo, quod ea fuerit olim temporum ruditas, ut soli monachi & clerici literarum aliquam peritiam habuerint, eoq; reliqui ad communicanda vel scribenda talia

1.

fuerint inepti. Quade re ne quis dubitet, in promptu sunt sententia ipsorummet Romanorum Pontificum, Imperatorum nostrorum, imo in universum virorum quorumvis doctrinarum, in dignotione falsarum & verarum omnis generis chartarum exercitatorum. Non attingam nunc quæ de suppositis Ecclesiasticis scriptis fusæ ab illis sunt querelas. Non enim hujus loci est eas adducere; nec grandi volumine eas comprehendam. Tantum quæ de falsis Diplomatis illi sunt conquesti, attendi peto. Pro exemplo judicii Papalis satis est observare id quod legitur Innocentii III nomine l. 2. Decretal. cap. xvi. *Inter dilectos*. Loco querelarum Cæsarearum adducemus nunc illa quæ habentur in *Reformatione der Geistlichen* cap. xv. Sigismundi Imperatoris, inserta operi der *Klosterzungen* & Goldastio edito. Verba ita sese habent. *Nun sind die Klopsterlichen Schreiber auch nicht also gang und also recht / als sie schreiben. Das empfindet man wol an den Instrumenten die von den Klopstern gen Hoff geschicket werden / da sie die Kirchen incorporiren. Do schreiben sie in den Instrumenten ihre Klag und ihre Verbreßen / das etwel Lügen seind / vnd man glaubt den Instrumenten, vnd damit so haben die Klopster einen firtgang gehabt / und ist Gott und die Welt betrogen worden manniß Jahr ic. Jam pridem verò ante in seculum illud quorundam Monachorum animæ adversum esse, indicat rescriptum Frederici I Imperatoris ad Abbatem quendam, quod idem Goldastius *Tomo secundo Recessuum & Constitutionum Imperialium* fol. 57 recitavit. *Nuper in Regno nostro quidam circumvagus inventus est Monachus, qui falsas sigilli nostri formas adulterans, non absq. honoris nostri injuriâ, & ruz honestatis infamia discurrerat. Vigetur de Sigillo ipse ultimus flagitiosa ssementia non procedant, ipsum tibi sub annulis nostris sanctis transformamus, & falsarium monachum &c. carceris nostri compeditum in vincula ducimus. Eruditorum querelæ hujus dicte in Monachos ejusmodi nequam adeo multæ sunt,**

ut charta deficeret illas omnes adferrentem. Unius proinde Joannis de Launoy Theologi Parisiensis Sorbonici, scriptis quam multis celeberrimi viri, verba quædam nunc adferemus. Is enim libro cui titulus *Discussio cap. 10. p. 127* quasdam Pipini nomine è Sandionysiano Benedictinorum monachorum celebri armario productas literas, sibi oppositas confutans, non dubitavit in hæc erumpere. *Tabularum unde prodierunt ssuriarum chartarum & privilegiorum officina quondam fuit, ut constat legentibus Antiquitates S. Dionysii quas Jacobus Du-Bletius in lucem emisit.* Non adeo pridem Gabriel Naudæus, Vir multiplici lectione planè incomparabilis & verè *μυφοχόρδης*, eaque de causa non olim Galliæ duntaxat sed Italiae etiam ipsiusque adeo Romæ imo universi orbis eruditum in admiratione, de Benedictinis Monachis antus fuit libro publico profiteri, *eorum proprium esse quarto modo, ut falsis, adulteratis ac interpolatis documentis in pluriq. suis negotiis utantur ac nitantur.* Vellem equidem, non soli aut toti Ordini crimen, quævis multorum eius sodalium, (id quod denique *quarto modo proprium* audit Logici) imputatum: reapse enim & in aliis Ordinibus sive Societatibus malæ animæ, & in Benedictinis boni complures reperiuntur: quandoquidem tamen lecto per quam digna sunt Viginti ab eruditissimo Naudæo tradita libro, Gallicè *Raisons peremptoires* nuncupato: illustria falsi exempla, quo omne præjudicium de Monachali candore ac fide è medio tollatur, nosque liberetur hæcenus omni malignâ suspitione circa Lindavientes Cœnobitas falsi & figmentorum accusatos, dabimus scorsim Naudæanæ illam dissertationem è Gallico Latine versam.

Fuit porro jam tum ab Amplissimo Heidero in falsi argumentis, & Innocentii III Papæ & Friderici I pariter ac Sigismundi illa quorum meminimus allata *magni operis p. 367 & 370:*

nihil autem Hyperaspista vel contra Innocentii vel advesum Friderici verba, etsi indubie ægis illa oculis viderit, ausus fuit insultare. Sola Sigismundina pag. 120 arrosit. Prætexens, anno 1440, quo Reformationem illam scripserat institutam Heiderus, Sigismundum jam fuisse defunctum: fuisse eundem mitissimi animi ac proinde illa Sacro Ordini inhonesta ab ipso haud profecta: denique nec auctorem der *Reichsungen* esse ab Heidero indicatum. Cæterum autorem illius operis Goldastum esse jam diximus, & mireris merito id ignoratum Sociis Hyperaspisticis. Fate-mur etiam, lapsum memoriâ optimum Heiderum, & pri-dem ante fuisse Reformationem illam conscriptam: exhibi-tam nempe Constantiensi Concilio anno decimo sexto se-culi illius quarti decimi: diversam longe ab ea quæ anno 41 Friderico Imperante Imperii Ordinum conventui proposita est. Laudamus præterea & nos mitem ac pium Sigismundi animum: simul verò novimus, vitia Cleri ipsi summè fuisse invisa, eorumq; emendationem illum anhelasse. Tritthemius *Tomo 11 Chronici Hirsaugiensis* (ut verba ejus ex MSS. in *Rationali* citat Goldastus) cum acriter perstrinxisset illam quâ de agimus *Reformationem*, addit: *Sigismundi intentio fuit, Summo Pontifici, Cardinalibus, Episcopis, Abbatibus, Monachis & Clericis, legem ad necessaria hujus vite possidendâ restrictam con-situere, & unicuiq; pro conditione sui status certam pecuniarum sum-mam in annuos sumptus assignare: quicquid autem superesset Ec-clesia reddituum fisco importaretur communi, & in usus conservaretur bellicos contra Turcas Christi adversarios pugnandi.* Dudum porrò monuit Goldastus, Germanicam Reformatiori illius libelli versionem deberi Friderico von Landefron / qui Sigis-mundo Imperatori fuit à consiliis.

Quin igitur illa Sigismundica genuina habeantur, non sanè Hyperaspistica objectiones queunt impedire. Ac proinde

inde, quandoquidem illa aliquandiu fuit monachorum
quodamulorum & Cleri quidvis in suos usus fingendi libido;
nostris quæ attulimus multiplicis falsi in Diplomate commis-
si documentis, frustra opponitur ex Regulæ præscriptis in-
stitutenda quidem, non autem instituta, vitæ sanctimoniam.

Agnoscamus porrò nos quoque illud quod *Secundum* argu-
mentum causatur: sexum foeminarum Diplomati ejusmodi
confingendo ineptum fuisse: neque illud scelus ipsis imputare
sacris Virginibus vel in mentem venit nobis. Hinc vero mini-
mè sequitur, Diploma non esse confictum. Habuerunt scilicet
semper Sanctimonialiales illæ suos Canonicos & ministros alte-
rius sexus, quorum fraudulentia faciliè potuit effici quod su-
pra ipsarummet Sanctimonialium est vires. Consensum quon-
dam esse in dolosam illam fabricam ab ipsis Sanctimonialibus,
nisi fallor licet suspicari. *Quondam* ajo; omnes enim à qua-
dringentis amplius annis sceleris ejus fuisse conscias, neuti-
quam dixerim. Quo tempore autem primùm confictum est
Diploma, defuisse consensum, saltim illarum quæ tunc tempo-
ris Coenobii res administraverunt, vix persuaderi intelligens
aliquis sibi patietur. Quidni autem sensim atque ana illa sci-
entia fuerit extincta, & tandem bonâ fide creditum verum,
quod commentitium esse ante non ignorabatur? Fortas-
sis quoque ea fuit versutiâ impostor, ut imperitæ fraudum
Abbatissæ persuaserit, non novum à se fabricatum Diplo-
ma, sed vetus restitutum. Non refragabor eam quam hoc ma-
lenti existimare. Quid? quod jam illò tempore quo con-
fictum est diploma, Regulam vitæ Sanctimonialis excus-
serat Coenobium, factum seculare: quod nomen hodie-
que affectat palam. Nihil igitur facit pro Virginum inte-
gra fide Regularis vitæ prætextus.

Cæterum siue consciis siue deceptis virginibus, in Cœ-
nobio Lindaviensi solere interdum sceleratè nonnulla fin-

gi, prodit utique vel unicum illud quod hujus quoque seculi anno vicesimo & post contigit, in ipsa sacra & de Cœnobiali publicatis tabulis & inscriptionibus commentitiis. Persecuti sumus jam tum rem hanc latius *cap. 9. pag. 133. 34. 35. & 37.* Ut parcatur pudori & famæ Virginum, nolo nunc illa odiosa repetere. Ratum interim esto: neque sexum fœmininum, neque sanctius aliquod Virginum vitæ institutum, Diploma falsi convictum ab illâ inhonesti famâ posse liberare.

III.

Quamlibet *Tertio* ab aliis Diplomatis discrepantiam non esse falsi argumentum, fatemur & nos. At verò si ipsa quæ vocantur substantialia ab iis planè dissonent; ut &, si neque loco neque tempori illa convenient, tunc longè alia est ratio. Impossibile sane est, talia Diplomata recte sese habere: idque ideo, quandoquidem duo contradictoria simul vera esse nequeunt. Hanc proinde ab ipsa recta ratione præscriptam veri in talibus constituendi regulam, omnes intelligentes hæcenus observaverunt. Fecerunt idem Aventinus Hündius & Goldastus, hisce argumentis falsi damnautes hæc pauca quæ circumferuntur tabulas. Leviores discrepantias non soli illi sed omnes solent contemnere. Quorum exemplum itaque etiam ipsemet laudo atque imitor. At verò in Diplomate Cœnobiali quævis etiam maximè substantialia, non ab aliis duntaxat Diplomatis sed a cunctis veteris ævi monumentis plurimum dissident. Idque nos liquidò demonstravimus. Etiam ergo Tertium hoc non relevat Diplomatis factam condemnationem.

IV.

In *Quarto* argumento ineptè jactatur oëtingentorum annorum auctoritas & existimatio: cum Diploma circa seculi duodecimi & sequentis confinia denique esse suppositum, vicerimus compluribus documentis. Primum Heiderum observasse commissum scelus, vacat admiratione; quoniam multis de causis licuit illi esse aliis omnibus perspicaciori, Etenim

Eccidim *palmo* Diploma in paucorum antehac venerat manus. Non enim observare est ad seculum usque decimum quintum lectum illud esse, quam semel Constantiæ seculi decimi tertii anno quadragesimo secundo (etsi merito dubites an omni ex parte tum responderit illi exemplari quod hodie habetur authenticum) semel in aula Friderici III Imperatoris. Qui seculo decimo sexto & nostro attigerunt re: Coenobii, Bruselius, Munsterus, Stumphius, Crusius, Gulerus, Bucelinus, aliiq; merentur sanè laudem doctrinæ & diligentiae: sed nemini illorum vel apographum diplomatis esse visum, ostendimus parte secundâ capitis decimi. Vnus eorum vidit ipsum authenticum fortassis Hyperaspista. Posterioribus igitur saltem oculatiorem fuisse Heiderum non est mirum, ut qui apographum Diplomatis habuerit in manibus frequentissime, atque adeo vitia diplomatis potuerit observare quod alii non potuerunt. Nemo *secundò* eâ curâ Diploma examinare potuit quâ id factum est ab Heidero; quia nemini hoc agere usque adeo fuit in officio ut huic viro; nemo etiam fortassis illa examinandi adminicula potuit afferre, utpote cum rari soleant iurum & consuetudinum veterum peritiam sibi comparare, quod Heideri fuit studium maximum. Quam soleant porrò oscitantes multa passim translatib; iis quibus talia cordi non sunt, aut quorum non interest curam in illa conferre, aut ab iis qui in illis versari non sunt, notissimum in ipsum est vulgus, Constantiensem Episcopum ea qua par est industria examen diplomatis instituire, veritate roditas seculi, ne quid dicam aliud. Mores quoq; aulae Friderici III, optimi sanè Imperatori, neminem temerè fugiunt.

Igitur prius Heiderum observalle Diplomatis vanitatem neutiquam est cur negetur. Sed illum iniquum fuisse Coenobio, fœda est calumnia: cui confutando plusquam satis est Opus grande in defensionem Urbis ab illo confectum.

Si

Si quædam ejus argumenta non iusti forte fuerint roboris, errasse in nonnullis virum insignem docet hoc quidem; malignum tamen aut iniqui animi error ille non præbet indicium. Humana enim est communis conditio, interdum errare: sed bonis error invitis obrepit non per malitiam. Hyperaspista quam inepte sese passim gesserit in vindicando Diplomate, demonstratum à nobis est sapius. Plurumq; tamen invium etiam illum aberrasse à vero, non de industria, arbitror. Quin igitur nec de Heidero, viro optimo & doctissimo, adversarii sequus suspicentur.

V.

Quod *Argumento Quinto* adfertur de Responso Constantiensi, quasi ex eo, quoniam illud est scriptum anno MCCXXXV, liceat colligere veritatem Diplomatis alium majorem quam est illa à nobis significata, nihil est. Enimvero speciem antiquitatis dare rebus recentibus veteratorix artis multi sunt modi. Notum est, quid nostra ætate de Antiquitatibus Volaterranis à Curtio Inghiramo, quid de Hetruscis à Bernardino Baldo sit actum. Vna illarum artium, constans appositione encausto sive atramento, proditur in ipsomet Innocentii III. rescripto ante à nobis laudato. Quam vafre jam olim Gabaonitæ imposuerunt Josuæ & toti populo Israelitico! Qui ad omnia accurate attendunt suntque gnari malorum imposturæ artium, illis non solet quidem imponi facile ab illis veteratoribus. Episcopum autem Constantiensem ejusque homines rudi seculo debitâ qualibet curâ examinasse, nemini temere probabitur.

VI.

Sextum Argumentum nullius est ponderis. Ponit enim, certum illud esse, in quo consultando Heiderus primùm & mox ego multùm laboravimus. Heiderus scilicet liquidum fecit, vero Imperatori Ludovico secundo non deberi Diploma, & ad confessionem adegit Hyperaspistam. Ostendi ego non uno capite, nec Ludovicum Germanicum, quem voluit
substi-

substituere Hyperaspista, hoc Diploma confidisse. Certissimum quoque sum, & Cœnobio meo confutari non posse. Cum Diploma itaque mentiatur autorem Imperatorem aliquem, non sane illi debetur reverentia, quam veris Diplomatiis sive Imperatoriis sive Regiis exhibendam fatemur, & devoto animo exhibemus. Læditur Majestas falsis ejus nomine & tabulis & monetis confectis. In ejusmodi Hæssiones leges acerrimè animadvertunt: inquirere in veritatem tabularum & monetarum, nusquam est veritum. Nec quiquam habitus est hæcenus peccasse, si vel monetam vel chartam falsi convictam, et si Cæsareo aut Regio vultu insignem, non pari cum bonis & probis cultu acceperit.

Ad *Septimum* Argumentum non est opus uti addamus quidquam, quæ consultiſſimus Juris omnis Heiderus jam tum respondit ad Argumentum suum Tertium, quod idem est cum nostro Septimo. Vi enim veritatis adactus est Hyperaspista omnia isthæc confiteri, in eo uno quærens effugium, quod Diploma Lindavienſe esse integræ probitatis à seſe sit demonstratum. Oſtenſum vero à nobis ex adverſo est, Diploma illud omni ex parte commentitium esse ſœctum nequiſſimi impoſtoris, idque cum Heidericis argumentis plariſque vindicatis ab Hyperaſpiſtæ criminatione, tum noſtris notis falſi clariſſimis documentis in medium productis. Ut proinde jam amplius de vitio Diplomatis nequeat dubitari. Quæ porro Heiderus docuit de Confirmationis Invalido robore, ſi ipſum illud quod confirmatur nequam ſit: illa tanti ab ipſomet Hyperaſpiſta ſunt facta, ut non dubitaverit illis ipſis impugnare auctoritatem eorum Privilegiorum quæ Rudolphus primus & Sigismundus laudatiſſimi Imperatores inclutæ Urbis concederunt. Si hic locus pateretur extra indutæ Diplomatis cenſuram vagari, ad Hyperaſpiſtæ modum, facile poſſet à nobis, quàm inepra ſit illa retorſio, de-

monstrari. Verum ut hæcenus ita etiam nunc continebimus nos intra limites propositos. Alterius fortè temporis altera illa cura esse potest. Quandoquidem autem jam certum denuò est redditum, Diploma ipsum esse malæ notæ, probabimus duntaxat Heiderianis adductis, proprio nostro labori parcentes, nihil morbo per se Diplomati Confirmationes, quæ vel à Friderico III vel à secutis Augustis Imperatoribus sunt factæ, remedii sive auxilii conferre esse aptas. *Notissimè juris est* (ait Heiderus pag. 870) *quod confirmans nihil novi det, sed vetus confirmet, & ita quidem confirmet ut in antiquo statu relinquat. c. 1. de confirmat. uil. vel in uil. c. cum dilecta §. nuper autem eod. tit. & c. quia interventionis. de privilegiis.* Cum primis verò Confirmatio Principis in præjudicium tertii, siue adeo, in quibus agitur de præjudicio alterius, non extenditur. *c. si Apostolica 22. ubi gloss. in verb. confirmamus de præbend. in 6. Joan. à Borck conf. 25. n. 311. §. idem etiam probat. in tom. V. varior consilior. German.* Et multò magis, si Privilegium Confirmationis sit obreptitium, puta quia sit confirmatorium alicujus falsi instrumenti aut simulati contractus, & horum non sit facta mentio Principi confirmanti; talis confirmatio nullius momenti est, etiamsi adjectæ sint clausule: *Quatenus actus valet, confirmamus, si minus de novo concedimus.* Item: suppletes de plenitudine potestatis omnes defectus tam juris quam facti, *Gail. (post Panormit.) lib. 2. Observ. 1. num. 17. circa fin.* Etenim, ubi non valet concessio, ibi nec valet confirmatio; etiamsi clausula ex certâ scientiâ, vel ex plenitudine potestatis, apponatur. *Panorm. c. inter dilectos. 6. num. 8. de fide instr.* Cum primis ubi causæ cognitio ommissa est, *Zasl. lib. 2. conf. 16. num. 30.* Deinde, etiam erronea Imp. nar-

ratio (& sic etiam confirmatio) nemini nocere debet, cum habeatur pro non scriptâ. *Menovch. conf. 91. num. 38. cons. 147. num. 27. cum duob. seqq.* Et error eo ipso detegitur, ut supra dictum, ex quo constat, rem aliter se habere, l. de arate 12. §. ult. De interrog. & l. si post divisionem. 4. C. de jur. & fact. 120. ubi Iason copiose col. 1. *Cravett. conf. 157. num. 8.* Denique etiam diserta Principis Confirmatio & ex certâ scientiâ facta, nihil operatur in his quæ sunt facti; sed tantum in his quæ juris sunt, quippe quorum Princeps præsumitur habere notitiam. *Meischner. tom. 3. decis. 14. num. 64.* Hactenus Heiderus omnigeni Juris non minùs atque Germaniæ Antiquitatum peritissimus.

Quandoquidem verò Confirmatio adeo parum valet constituere in rebus iis quæ aliàs sunt humani arbitrii, quanto minus poterit Confirmatio id quod falsum est verum facere! Nostri autem nunc institui est, non tam disputare, utrum quæ fictum Diploma invalidè sciscit, Confirmatione Imperatoria possit ratum fieri; ex nova scilicet liberalitate Cæsareâ novo possidendi jure enato: quàm utrum possit Cæsarea Confirmatio fictum Diploma facere non fictum. Et verò in Jurisconsultorum scholâ de priore non omnes idem sentiunt, etsi præponderent illa fortè quæ differuit Heiderus posterius tamen (quo de nos hîc agimus quàm maxime) omnes in universum fatentur esse impossibile. Utitur igitur Confirmatio aliquot Cæsarum pro fit improbis Cænobii possessionibus illis quas fortassis hactenus obtentu Diplomatis est consecutum, non tamen ipsam Diplomatis auctoritatem vel tantillâ poterit adjuvare.

Quod præterea in Argumento dictum est, de præsumendo fideli Diplomatis examine Confirmationes Cæsareas ante,

gresso, non est quod nos multum nunc moretur. Neminem enim præterit quanta negotiorum multitudo habeat aulam occupatam, & caveri non posse quin multa subinde sub & obreptitæ impetrentur. Agnoscunt sanè ultrò & publice consentitur hoc ipsum omnia Palatia: ac proinde sapius quamplura eadem auctoritate rejiciunt quàm ante constituerant. Jam tum olim Friderico I imposuisse Aquisgranenses & Sigismundo Frisios, commentitiis iisq; perquam ineptis Caroli Magni nomine exhibitis privilegiis, pridem viri doctissimi complures docuerunt.

Id cum primis meretur in Diplomatis hac causa etiam atque etiam attendi: quod primò omnium à Friderico III Imperatore Confirmatio aliqua Diplomatis facta sit. Cum objecisset hoc ipsum Amplissimus Heiderus, & olsecisset objectionis vim Hyperaspista, non erubuit ille *pag. 121* affirmare, factum esse idem jam tum ante à Sigismundo Carolo IV & Rudolpho primo Cæsaribus. Usque adeo autem impudens hæc est assertio, ut ne jora quidem productum sit hæcenus omnium illarum Diplomatum hujus Confirmationum. Quod indubie magno strepitu egissent Hyperaspistæ si quæ earum reperiretur. Non negamus, generalem aliquam impetrasse Confirmationem suorum privilegiorum à Carolo & Sigismundo. Sed illæ nihil ad hanc rem facit. Imo indicant illæ, tunc temporis Cœnobiales non fuisse ausas Diplomahoc suum in aulis producere, voluisse autem Cæsaribus imponere, quasi nempe habeant multa veterum Cæsarum privilegia. Nunc enim non diffitetur Cœnobium, sibi hoc unicum esse. Atq; ita jaçantia sua Cæsares illos decepit. Veritum præterea est Cœnobium eâ tempestate rigidius aliquod malè farti sui Diplomatis examen: callideque igitur ab hominum semovit conspectu suum iniquitatis mysterium. Saltim porrò Rudolphinam nullam dari Confirmationem, haud obscure fateri coacti sunt Hyper-

Hyperaspista, dum provocarunt duntaxat ad revocatoriam illam tabulam qua Cæsar iste irrita reddidit Urbibus inique & in præjudicium Clerici concessa privilegia. Illa autem Tabula tantum in communè aliquid sciscit; nullum seorsim Clerici Ordinis jus aliquod attingens, multò minus Cœnobiale hoc nequam Diploma.

Quamvis autem vera ab illis Imperatoribus instituta fuisset Diplomatis Confirmatio, nihil tamen aliud illa doceret, quàm à temporibus usque Rudolphi Diploma aulis Cæsarum aliquot se probasse. Sed eo ipso augeretur suspicio, circa illam demum tempestatem natum esse adulterinum istum factum. Utique enim à Ludovico Germanico usque tantum non perpetuè fuissent factæ confirmationes, si Diploma ejus esset antiquitatis. Enimvero concidente cum Friderico secundo Imperatore pristina Cæsarum auctoritate, & à diuturno atque infausto interregno usque, longè rariùs solito fuerunt petitiæ Confirmationes: at vero seculo nono, decimo, undecimo, duodecimo, nullum privilegium creditum est valere nisi accedente novà ejus Confirmatione, secùs ac postea persuasum plerisque fuit. Eoque in tabulariis passim supersunt ex illis seculis frequentissimæ Confirmationes. Si Diplomatis utique Cœnobialis nullæ factæ sint Confirmationes per tam multa secula, contra receptum & omnibus notum Imperii morem, indicio illud fuerit certissimo, Diploma illud omnibus illis seculis esse recentius. Merito sapè ab Amplissimo Heidero defectus ille Confirmationum Notis falsi est non o loco annumeratus: etsi non urgeas illud quod idem adduxit de Expectativis. Hyperaspista pag. 111. n. 2. vim objectionis vix tangit, multò minùs frangit eam. Ignorari, scribit, utrum Confirmationes fuerint impetratæ nec ne, quoniam incendiis monasterium destructum

fuerit. Nec necessarias fuisse Confirmationes, quia nemo fuerit qui Cœnobii privilegium hoc inpuerit, prius quam id ausi fuerunt Lindaugienses. At vero jam tum dictum, priscis illis ante infelix interregnum seculis fuisse creditum, nullum privilegium valere defuncto concedente, eoque opus semper esse iterata Confirmatione. Neq; potuerunt Cœnobiales commune hoc jus Cæsareum passim receptum ignorare. Ac proinde si hujus Diplomatis omni illo longo temporis intervallo nec petita à Cœnobio, nec data à Cæsaribus fuit Confirmatio, aut non extitit illud aut nullius fuit momenti existimatum. Quod si reapse validum fuerit Diploma citra Confirmationem, nec, si quid Lindavia Urbs forte sibi voluit, Diplomati hoc potuit nocere: falsòque adeò hoc quidem obtenditur petita demum à Friderico III Confirmationi: præsertim quia tunc temporis Inclytæ Urbi plane fuit ignotum. Quin potius causa tam serò petita Confirmationis videtur esse, quod olim quidem Diploma illud nondum fuerit natum, Friderico autem tertio Cæsare demum, specioso illo Diplomate quasi munitum, Cœnobium coeperit res novas moliri. Quæ de incendiis Hyperaspista causatur, bonis testimoniis carent. Oppidum sanè non Cœnobium fuisse anno 948 crematum, probavimus pag. 233. & seq. pag. adduximus idem asserentes Cœnobiales ipsos. Ideoque Munsteri asserenti, das Kloster ist offte verbrunnen worden im Jahr 948/ derhalben es in abfal kommen/ & hujus unius hoc dicto subnixo Hyperaspistæ, hæcenus non debet aut potest credi. Quod nomina Abbatissarum perierint, non tam incendio videtur adscribendum quàm negligenti rerum sacrarum curationi. Cui porro fiat probabile, omnia flammis periisse præter unum illud Diploma. Sed non est cur huic loco amplius immoremur. ac proinde non etiam est quidquam

quam regeramus ad Hyperaspistæ ineptias pag. 121. n. 2. in medium adductas. Indicasse eas perinde est ac refutasse.

II.

Primum Argumentum fallit duntaxat speciosis verbis possessionis & prescriptionis: reapse autem itidem nullius est roboris. Observandum enim est, prescriptionis immemoralis vim quidem magnam esse, sed non nisi circa veras & propriè non autem *usucapionis* dictas possessiones: verè autem & propriè possideri demum illa posse quæcunque subjacent humano dominio aut arbitrio. In quæ sanè hominibus dominium vel arbitrium non competit, illa nec verè possideri nec usucapi ab hominibus possunt. Jam autem veritas aut falsitas enunciationum non obnoxia est dominio aut arbitrio humano; nec ergo poterit quisquam suo arbitrio quod falsum est verum quod verum est falsum reddere. Nullus circa veritatem & falsitatem usucapioni, nullus proinde etiam prescriptioni est locus. Per aliquot mille annos licet habitum fuerit verum id quod falsum, est nihilominus & in æternum manebit falsum. Jampridem hoc ipsum ostendi Vito Erbermanno Jesuitæ, more quorundam Sociorum ineptè jactanti Prescriptionem immemoriam suorum dogmatum. Nulla igitur effecti impotest vera possessio humana creditæ alicujus existimationis Diplomatis Cœnobialis. In veritatem aut falsitatem ejus nullum competit hominibus dominium vel arbitrium. Nec veritas nec falsitas ejus potest usucapi. Ac proinde, etsi aliquot centenis millibus annorum habitum fuisset Diploma illud verum, reapse tamèn adhuc est falsum & erit perpetuò. Ineptè jactatam existimationis illius antiquitatem, nunc non moramur: non sanè illa est magna.

Alia autem est ratio ipsarum rerum de quibus agit Diploma. Illæ enim in dominio sunt hominum: adeoque circa illorum

illarum possessionem locus est præscriptioni immemoriali. Et vero Præscriptionis vim ab ipso esse Naturali, non autem à solo dependere Civili jure; valere quoque in iis etiam quorum primus possidendi titulus iniquus fuit: demonstravi *cap. XIX Operis de Finibus Imperii Germanici n. V.* Quæ autem sit ratio possessionum Cœnobii, non est hujus instituti inquirere, quippe qui non nisi in Censura Diplomatis sumus occupati.

Quandoquidem verò nec Præscriptio Diplomati conciliare apta est vim aliquam contra ea falsi erimina quæ in eo commissa esse prolixè hæcenus demonstravimus, non etiam est cur amplius huic negotio immoremur. Maneat itaque Diploma falsi damnatum, & in orbem revertatur.

F I N I S.



APPENDIX
CONTINENS PRIORIS
OPERIS ALIQVOT SUP-
PLEMENTA.

Yy

1.

Diploma sequens exhibetur in Supplementum duntaxat Capitis quarti, quo producta sunt varia Ludovici Germanici Diplomata. Ex iis autem primo loco Capitis VI demonstravimus, Ludovicum Germanicum in nullo Diplomate usum esse titulo Imperatorio. Id quod hoc Diplomate confirmatur. Esse illud quoad plerasque saltem partes integrum, nihil est causæ quare negemus. Epilogus tamen omnino est corruptus. Nec enim convenit cum quoquam reliquorum Ludovici illius Diplomatum. Etiam nulla autem facta cum iis collatione manifestum est, mendosum esse saltem illud: *Ludovici Serenissimi Regis*, nullo Regni anno adscripto. Constat porro ex Bulla Nicolai primi Papæ inter Lipdenbrogii Hamburgensia Privilegia superstiti, Papæ illius auctoritate compositum esse negotium de Ramfola: & indubiè respiciunt huc illa Diplomatis *de Romana Sedis auctoritate*. Jam verò Nicolaus ille sedit ab anno 858 usq; 868: & Bulla ejus scripta anno Pontificatus quinto, qui est Christi post octingentesimum sexagesimus tertius. Supra modum itaq; aberratum est in annis Incarnationis. Imo illorum nulla debuisset fieri mentio. Sed nos damus illud Diploma quale in *Historia Ludovici Pii cap. 32. fol. 72.* dedit Letznerus, & G. Fabricius *l. 2. Saxon.* nisi quod Trevirensi nomen suum Hetti reddiderimus. Possunt vero de negotio illa legi nonnulla etiam apud Adamum Bremensem *l. 2. c. 23.* & Albertum Stadensem ad annum 41 & 58. Cæterum à nobis in eum duntaxat finem Diploma est allatum, ut corroboretur illud quod asseruimus, Ludovicum Pii filium Regem non autem Imperatorem audiisse.

IN NOMINE SANCTAE ET INDIVIDUAE
 Trinitatis, Ludovicus divina favente gratia REX. No-
 tum esse volumus omnibus Sanctae Dei Ecclesiae fidelibus
 nostrisque, praesentibus & futuris, qualiter beatae memoriae
 praecellentissimus Rex avus noster Carolus, tempore praede-
 cessorum nostrorum, divino afflatus Spiritu gentem Saxo-
 num sacro cultui subdidit, jugumque Christi, quod suave ac
 leve est, usque ad terminos Danorum sive Slavorum cor-
 da ferocia ferro perdomans, docuit; ultimamque regni ipsius
 partem trans Albeam, inter mortifera paganorum pericula
 constitutam, videlicet ne ad ritum relaberetur Gentilicium,
 vel quia lucrandis adhuc gentibus aptissima videbatur, pro-
 prio Episcopali vigore fundare decreverat. Sed quia effe-
 ctum mors prohibuerat, succedente ejus filio Ludovico Im-
 peratore Augusto, pium studium sacri genitoris sui effica-
 citer implevit. Cujus etiam auctoritate in Nordalbingo-
 rum populo sedes constituta est Archiepiscopalis in Castello
 Hammaburg nuncupato. In eadem sede Archiepiscopus, ac-
 cepto à sede Apostolica pallio, primus est nominatus Ans-
 garius. Cui delegatà curà seminandi verbi Dei & animas lu-
 crandi Deo, delegavit etiam Genitor noster eidem Archi-
 episcopo quandam Cellam Turholt vocatam, quatenus eidem
 loco periculus undique circumdato fieret supplementum.
 Cumque ego, quem divina clementia in sedem regni ejus
 adserverat, in multis regni disponendis negotiis insisterem,
 hoc quoque praedictum patris mei studium velut REGNI in
 finibus

finibus peractum minus cautè attendi. Vnde contigit, ut peccatis populi exigentibus, Deique permittente occulto iudicio, ipsa Metropolis Hammaburg penitus devastaretur. Cumque prædictus Archiepiscopus in multis esset pressuris & calamitatibus, & fratres Congregationis ejus una cum Sanctis pignoribus per varia loca circumeundo, huc illucq; vagarentur, & nusquam sedem haberent quietam: matrona quædam nomine Ikia divino amore tacta, ex sua hereditate possessionunculam tradidit, in sylva Ramesola nominata, in pago Bardingoa, in Episcopatu VValdagari Verdensis Ecclesie Episcopi, ubi & Cellam construxit, & Reliquias Sanctorum una cum Fratribus qui supererant collocavit. Quamobrem adiit Celsitudinem nostram, miseriarum suarum ordinem lacrymabiliter exponens: unicum namq; refugium, Monasterium videlicet Turholt nuncupatum, quod illi Genitor noster ad supplementum & victum sibi suisq; Clericis dederat, ex parte fratris nostri Caroli Regis ablatum non sine magno dolore conquestus est. Vnde & nos paterna simul & REGALI pietate commoti, querere cepimus quomodo ei solacium subsistendi faceremus, quo Legationis sui mandatum perficere posset. Et quia in eadem provincia Cellam nullam huic Legationi habebamus congruam, suggerere studuimus prædicto VValdagario Verdensis Ecclesie Episcopo, ut ejus permissione ei liceret in supradicto loco Ramesloa monasterium ex suis impensis construere. Vbi & Fratres, qui tante cladis superfuerant, nostro ceterumque Dei fidelium auxilio

sustentarentur; & ipse locum respirandi, & si unquam facultas suppeteret, propter vicinitatem ejusdem loci, Hammaburgensem Ecclesiam restaurandi haberet, sub suo successorumque ejus regimine mansurum. Cui quidem rei ipse admodum contrarius extitit. Postmodum verò Vormatiæ habito generali Conventu, in nostra nostrique fratris Lotharii Regis presentia, presentibus Archiepiscopis Ebone Remensi, Hetti Trevirensi, & Olgario Moguntinensi, cum pluribus aliis utriusque Regni Prasulibus, hæc eadem res nostro jussu diligentissimè ventilata est. Quæ cum ab omnibus licita & concedenda probaretur, ut prædictus Pontifex VValdagarius hoc ipsum sua autoritate concederet & confirmaret, cuncti rogavimus. Qui primo quidem fortiter reniti cepit; non esse justum multipliciter asserens, ut honorem sue Sedis in aliquo minueret. Postremò tamen & nobis ipsis & cunctis Episcopis ibi aggregatis, pro hoc ipso eum rogantibus, & omnino causæ necessitatibus id licitum fore dicentibus, evictus concessit & conscripsit.

Quapropter consulto fidelium nostrorum, tam nostra quam sanctæ Romanæ Sedis autoritate, per hoc nostræ REGLÆ dignitatis præceptum, præcipimus firmiter atque jubemus, ut prædicta Cellula Ramesloa nuncupata sub potestate ac regimine Ansgarii Hammaburgensis Ecclesiæ Archiepiscopi ejusque successorum absque omni contradictione, perpetualiter maneat.

Homines

Homines quoque qui eidem Cellule servire videntur, ob amorem Dei & S. Sixti Confessoris ejus, ad nostram nostraque Sobolis perpetuam mercedem, ab omni expeditione vel militia, seu qualibet occupatione, absolvimus. Ut idem Venerabilis Archiepiscopus ad hanc dignam Deo peragendam in provisis temporibus Legationem, nullum in hoc patiatur impedimentum. Res quoque Sedis ac præscripti Monasterii, sub plenissima defensione & munitatis tuitione, volumus ut consistant ac teneantur: ita ut nullus Iudex publicus aut alia quælibet potestate publica prædita persona, de eorum rebus, freda, tributa, mansionaticos, vel paratas, aut theloneum vel fidejassores tollere, aut homines ipsorum, tam litos quam & ingenuos, super terram eorum commorantes, distringere, nec ulla publicas functiones aut redibitiones vel illicitas occasiones requirere vel exigere præsumat. Sed liceat Venerabili Archiepiscopo suisque successoribus ac omni Clero, sub eodem regimine constituto, quietè in Dei servitio degere, ac Nobis Prolique nostræ atque statui totius Regni nostri divinam misericordiam exorare. Et ut hæc auctoritas sui vigoris perpetuam habeat firmitatem, manu nostra propria subter eam firmavimus & annuli nostri impressione assignari jussimus.

Data 6 Idus Iunii, Anno Dominicæ incarnationis DCCC XII. Indict. VI. Ludovici Serenissimi Regis, in Francofurdt Palatio Regio, In Dei nomine feliciter Amen.

Quarto Capite *pag. 55* edidimus ex Magero Diploma Ludovici Germanici illud, quod anno viceſimo Regni Orientalis Franciæ dedit Tigurino Cœnobio: *pag. 59* ædidiſimus ex Bartholomæo Schobinbergero ſubſcriptum illi Diplomatici Monogrammum quod olim appellaverunt. Ex eo naſtiſumus illius Diplomatici non integrum duntaxat ex ipſo Autographo deſcriptum, ſed etiam ab Illuſtris Tigurinz rei-publicæ miniſtro vidimatum, ut loquuntur, & Sigillo Urbis publico munitum Apographum. Cum nunquam tanti momenti Diploma integrè ſit publicatum, & in ipſo ejus contextu Mageriana editio interdum ſit lapſa: adhuc nunc demum vultu, Ludovici Germanici & ſubſcriptio Diplomatici plena poſſit exhiberi: operæ fore pretium arbitror, ſi quale naſtus ſum Diploma illud nunc in lucem proferam. Et verò apparebit nunc, facta collatione ad oculum, id quod diximus, Sigillum Diplomatici Cœnobialis Lindaviani non reſerre eſſigiem Ludovici Germanici ſed Patris Pii: non Monogrammum porro eſſe illius ſed hujus Pii; & denique non Imperatorem ſed *Regem* ſeſe nuncupaſſe Ludovicum Germanicum, etiamſi filix ſux Hildegardæ & ſuo Monafterio iſthoc Diplomatico voluerit conſulere.

Characteres literarum Diplomatici hujus plurimum ſunt ab iſis diverſi qui nobis in uſu, eoque typis exprimi non poterunt. Quoniam verò diphtongus *Æ* more antiquo duabus literis diſtinctis non autem in unam *Æ* coalitis ſemper ſcripta eſt, etiam nos illud heic obſervabimus.

*IN NOMINE SANCTE ET INDIVIDUE
Trinitatis. HLVDOVICVS*, divina favente clementia
Rex. Si de rebus terrenis quas divina ſumus largitate conſecuti ad loca ſanctorum ob divinum amorem regium morem
decen-

decenter implentis aliquid conferimus, hoc nobis esse profuturum ad aeternae remunerationis praemia capessenda liquido credimus. Quapropter comperiat omnium fidelium sanctae dei ecclesiae nostrorumque praesentium scilicet & futurorum industria qualiter nos pro serenissimi Imperatoris avi nostri Karoli & praestantissimi Hludowici Augusti domini ac genitoris nostri nec non & nostra sempiterna remuneratione ac pro conjugis proluque nostrae charissimae perpetua mercede curtim nostram turegum in ducatu alamannico in pago durgaugense cum omnibus adjacentiis vel efficientiis ejus seu in diversis functionibus. Id est, pagellum moniae, cum ecclesiis domibus ceterisque aedificiis desuper positus mancipiis utriusque sexus & aetatis terris cultis & incultis, sylvis, pratis, pascuis, aquis, aquarumve decursibus, adjacentiis, perviis, exitibus & regressibus, quae sitis & inquirendis, cum universis censibus & diversis redditibus. Insuper etiam forestem nostrum albis nomine, & quicquid in eisdem locis nostri juris atque possessionis jure proprietatis est, & ad nostrum opus instanti tempore pertinere videtur, totum & integrum ad monasterium nostrum tradimus quod situm est in eodem vico turegum, ubi sanctus felix & regula martyres Christi corpore quiescunt, quod nobis videlicet eorationis tenore complacuit agendum, ut deinceps in posterum ibidem omni tempore sanctimonialium seminarum sub regulari norma degentium vita conservatioque monasterialis monastico cultu instituta celebretur,

bretur, & libentius propter hujus loci supplementum à nobis jam praedictis martyribus dediti dei famulatus illic exhibeatur, ac pro nostra debitorumque nostrorum omnium mercedis augmento diligentius ac uberius domini misericordia exoretur. Volumus etiam ut fidelium nostrorum noverit benevolentia, quod paterna pietate commoniti supradictum monasterium cum omni integritate una cum nostra traditione in locis praefatis dilectissimae filiae nostrae hildegardae in proprietatem concessimus, ut quantum domino permittente valeat, familiam in eodem monasterio dominomilitante suaeque dominatui subjectam disciplinis regularibus & observantiae monasterialis institutione corrigat & nutriet, locaque ipsa sibi met concessa quantum vires suppedient profectibus & emendationibus augmentando provehat ac emendet. Denique jubentes praecipimus ut nullus iudex publicus nec comes nec quislibet ex judiciaria potestate in locis praefatis vel in cunctis rebus ad eadem loca respicientibus seu homines tam liberos quam & servos qui illic commanere videntur distringere aut infestare nec fideiussores tollendos aut ullas redhibitiones vel fredas aut bannos exigendo, aut aliqujus injuriae vim ullo unquam tempore inferre praesumat, sed sub nostra defensione & munitatis tuitione cum advocatis ibi constitutis res illae securae per diuturna tempora permancant. Et ut haec auctoritas donationis atque confirmationis nostrae firmior habeatur, & per futura tempora à cunctis fidelibus sanctae dei ecclesiae nostrisque praesentibus